

PAVLII OVII

NOVOCOMENSIS

EPISCOPI NVCERINI

Elogia

Virorum bellica virtute  
illustrum,

Septem libris iam olim ab Authore  
comprehensa,

Et nunc ex eiusdem MVSÆO ad viuam  
expressis Imaginibus  
exornata.




PETRI

PERNAE TYPOGRAPHI

BASIL.

OPERA AC STUDIO

CIO IO XCVI.





PAVILLON

NOVOCOMENSIS

EPISCOPI INOCHIANI

Elogia

Virtutum bellica virtute

illustrantur

Septem libris iam olim ab Aethio  
comprehens

Et nunc etiam ab Aethio  
comprehens

PATA

PERNAE TYTOGRAPHI

PATA

OTTER AT STUDIO

CIO 19 XCVI



XVI. F. 13934



# PAVLIO VII

NOVOCOMENSIS

EPISCOPI NV CERINI

IN

ELOGIA VIRORVM BELLICA

VIRTUTE ILLVSTRIVM,

## Præfatio

AD COSMVM MEDICVM

*Florent. Ducem.*



ET ERES Philosophi, qui ex Zenonis Stoici disciplina & porticu prodierunt, magnanime COSME, tanquam contenti nuda illa horridaque virtute, ideoque ea sententia felices; vel ob id agrestiores cæteris durioresque habiti sunt, quod de contemnenda gloria assidue disputarent, & libros accurate conscriberent; tamen si eam non insulsa dis-

simulatione, dum libris nomen suum apponunt, obliquo veluti viæ compendio consequi niterentur. Huius ego seueræ atque adeo pertinacis sectæ ingenia, vti parum explicata, tristicique duritie aliena à communi hominum societate, minimè probauerim. Quid enim aliud est, quam hac exitiali persuasione, homines ad egregia corporis & animi agenda facinora, promerendamque laudem natos, proprio innatæ virtutis honestique laboris fructu spoliare? Quando hac stultissima (vti reor) censoria lege, id vnum præclare contenditur, vt gloriam ex benefactis optimè speratam, & extra præsentis vitæ inuidiam post fata cumulate obuenientem, funditus euertamus. Non mirum itaque si his multo sapientiores fuisse arbitramur eos, qui beatam vitam gloriosis ac illustribus factis ad perennem nominis laudem, non in arida sterilique virtutis imagine, sed in nobilium operum æmulatione posuerunt. Verum in toto humanarum actionum cursu facile euenit, vt quum omnes eandem gloriam appetere videantur, non vno tamen atque eodem itinere ad eam consequendam contendant. Eò enim quisque vel temere fertur, quò naturæ genius facile ducit, aut impotenter trahit; nisi præcellenti educatione, & multis exactæ disciplinæ præceptis, quæ sita confirmati que mores, variis animi morbis & perturbationibus medeantur. Id autem liquido perspicui deprehendique potest ex his bellicosissimis, vt ita dicam, Heroibus, qui ad veram effigiem insigni pictura expressi in



P R A E F A T I O..

Musæo nostro spectantur. Horum enim vitas per elogia ipsis supposita tabulis, Laconica breuitate conscriptas, tibi vni, Italicae dignitatis existimationem vera virtute tuenti, studiose dicauimus, vt tot diuersorum ingeniorum, humanaeque varietatis exempla, magno tuo seculi quoque nostri commodo inter sese conferantur. Scio enim quam graui constantique iudicio, dum literis bonisque artibus impense faues, & pietatem in primis atque iustitiam colis, ad verum non simulatae, sed illustri famae decus anheles; & quo incorrupti animi decreto scelera odisse vindicareque soleas. Ad famosos autem quosdam, admirandis rebus gestis, sed condigno detestabilis vitae exitu damnatos, idcirco descendimus, vt praeclara virtus, adumbratae laudis collatione certius atque viuidius exprimatur. Erit enim hoc vtriusque famae monumentum his omnibus singulari documento, qui tecum rectissimo itinere ad perennem laudem aspirant; si vituperanda repudiare, sectarique laudanda, nobili salubrique; æmulatione, in hac vita maxime decorum atque honestissimum esse putauerint. Vale.

Romæ.

P A V L I





FRANCISCO MEDICI

MAGNO HETRURIAE

DVCI

HEROICARVM NON MINVS  
VIRTVTVM

QVAM DIGNIT. FORTVNÆQ.  
PATERNÆ

HÆREDI ET SVCCESSORI  
OPT. EXOPTATISSIMOQ.

IOVIANVM HOCCE

MVSÆVM

COSMO PRINCIPI VERE

MAGNO

A SVMMO ÆTAT. NOSTRÆ

HISTORICO

IAM OLIM DEDICATVM

CONSECRATVMQ.

NVNC VERO VIVIS ILLVSTR.

VV. IMAGINIB.

MAGNO STUDIO, PARI ARTE

NEC MINORE

SVMPTV

INSTRVCTVM, AVCTVM, ET

EXORNATVM,

P. PERNA CIVIS ET TYPOGR.

BASIL.

DEVOTO ANIMO

DD.




PAVLI IOVII  
EFFIGIES.





*Cedite facundi, Musarum gloria, vates,  
Oratorq, tuo flumine constiteris,  
Qui gesta Heroum maiori dixerit astu,  
Non Iovio vixit sub gemino axe prior.*  
T. M.





PAVLI IOVII NOVOCOMENSIS  
EPISCOPI NVCKERINI  
HISTORIARVM SCRIPTORIS  
CELEBERRIMI HIC DEPOSITA  
SVNT OSSA, DONEC EXIMIA EIVS  
VIRTUTE DIGNVM ERIGATVR  
SEPVLCHRVM.

VIXIT ANN. LXXVIII. MENS. VII.  
D. XXII. OB. III. ID. DECEMBER.  
M. D. LII.



HIC SITVS EST IOVIVS  
ROMANÆ GLORIA LINGVÆ,  
PAR CVI NON SCRIPTO NON  
PATAVINVS ERAT.



PAULI IOVIVS NOVOCOMENSIS  
ETISCOPI NADERINI  
HISTORIAE M. SCRIPTORIS  
CELEBRITATE HIC DEPOSITA  
SUNT OSSA DNEC EXIMETUR  
HONORATI FASITELLII.

*Magnanimi Heroes saluete, haud parua supremi  
Cura Iouis; docti maxima cura Ioui.  
Vos tulit in caeli sublimis Iuppiter arcem,  
Dignatus mensa concilioq; Deum;  
Vos Iovius totum late volitare per orbem,  
Romanaq; iubet vivere in historia.  
Munera magna Iouis: verum, si dicere fas est,  
Non sunt aeterni dona minora Ioui.*

HIC SITVS EST IOVIVS  
ROMANAE GLORIAE LINGVAE  
PARCVI NON SCRIBITO NON  
PATAVIVS ERAT.



## Romulus.



**R**AE STANTISSIMO hercle (si præfari licet) incomparabilique merito, & lætis quidem auspiciis ROMULI Quirini Romani Regis effigies, ante omnes spectanda proponitur. Nulla enim cuiusquam mortalis vel stupendæ originis euentu miraculoque, & sancta priscæ ætatis antiquitate nobilior, vel immortalium operum vera æstimatione præstantior, vel demum tanti oris atque habitus dignitate augustior in Vrbe extat: vt ex marmorea statua, quæ iuxta Laurentianam Damasi ædem, in fronte Gallorum ciuium domus posita est, collato veteri numismate, ab eruditis præclareprehenditur. Itaque fas esse putamus æternæ Urbis conditorem venerari, Deo (vti ferebant) Marre genitum, ac deo authorem disciplinæ militaris, qua Romana res in immensum creuit, vt fatalis nec desituri vnquam Imperij fundamenta iacerentur. Hinc enim vel inuita reluctantique sapius fortuna, tanquam ab augusta, almaque Vrbe, certissimo domicilio, liberaque gentium omnium patria, à subactis quondam inuictis armis terrarum orbe, cum Cæsarei Imperij legitima iura insigniaque, tum veræ religionis sacra petuntur. Verè enim Romanum est dare leges: atque item Regna ad non dubium sempiternumque sacrosanctæ dignitatis specimen, testata virtute merentibus elargiri. Sed Romulus institutis equitum decuriis, lectoque ex Patribus Senatu, & distincta per Tribus ciuitate, quum vrbanas recenseret copias, oborta repente sereno cælo turbida tempestate, vti Deo satum decebat, in cælum remeans, inter mortales esse desinit. Nihil enim ei post deuictos hostes, actosque triumphos, & templa Ioui Feretrio, Statoriq;



votis nuncupatis in Capitolio ritè dedicata, maius vel admirabilius peragendum supererat, quàm ut se ciuibus nequaquam mortalem fuisse ostenderet: Quum regnasset annos xxxvij.

IANI VITALIS Pan-  
hormitani.

*Fortissimorum Principem Quiridium,  
Vrbisq; gloriosa, & orbis arbitra  
Quae strauit omnes nationes barbaras  
Quas Phœbus vndeque lustrat, aspice,  
Genus Deorum, conditorem Romulum.  
Tantum vnus omnes vicit ille Principes  
Virtute mentis, corporisq; robore,  
Quantum triumphis, praelijsq; fortibus.  
Ne querebustum bellicosi Numinis  
Romane, sedes namque viuo contigit  
Cælum, micat stellis vbi felicibus  
Receptus inter cælites lectissimos,  
Vnde decebat Principem Quiridium.*

AUGVSTI COCCEIANI Brixensis.

*Heroes, anime illustres, atq; in chytæ Martis  
Insanientis pignora,  
Aeternis properat Iouius, quæ tradere chartis,  
Vt clara viuant posteris:  
Aequo ferte animo si primos carpsit honores,  
Sedesq; primas Romulus:  
Qui genus ætherio ducens è sanguine, terris  
Semen deorum sparserit:  
Terrarum latè dominam construxerit Vrbem  
Superbi ad vndas Tybridis:  
Regnatorem orbis Populum formauerit armis,  
Almaq; pacis artibus:  
Cumq; omnes hominū meritis superasset honores,  
Migrarit in cælum Deus.*

Numa Pompilius.





**R**OMULO ad Capræ paludem desiderato consecratoque, Numa Pompilius successit. Hunc religiosæ grauitatis atque iustitiæ fama inclytum, dissidentes inter se Romani Patres, è Curibus Sabinis acciuerant, apud quos terricæ atque incorruptæ probitatis disciplina vigeat. Tum enim orbatis Rege Duceque, cuius imperio per tot annos assueuissent, absurdum erat nondum intellectæ libertatis nomen: nec ex toto Senatu reperiatur, qui alteri tanquam æquali, potius quàm sibi, superba obrectatione Regium decus concederet. Itaque pu-  
dendo consilio, sed ab euentu demum felici, pro ciue vix externus, auditusque tantum, Rex est effectus. Is ingenti prudentia pacatis vndique finitimis, quos inuicta Romuli virtus contude-  
rat, populi ad arma nati ferociam inuecta religione mitigauit, condito scilicet ad Argilletum & mox clauso Iani templo, vt militares animi non sine numine ad colendæ pacis studia flecteren-  
tur. Hæc verò institui monitu atque oraculo credi volebat Deæ Aegeriæ, quæ ab eo nocturnis maximè congressibus in nemorosa & perenni fonte irrigua, valle colebatur. Inde enim sacer-  
dota Diis, & singulos Ioui, Marti, & Quirino Flamines instituit. Deæ Vestæ sacrosanctas Virgi-  
nes legit: annoque ex lunaris cursus ratione in duodecim menses digesto, quinam fasti, aut ne-  
fasti dies forent, populo edixit. Quibus accumulatis sacrorum ceremoniis, efferi & rudis popu-  
li mentes, vsque adeò imbutæ captæque sunt, vt facile iustitiam, fidem, temperantiam colere  
discerent, nec iam validius qui peccarent, Magistratuum pœna, quàm Deorum metu terreren-  
tur. At Numa quum quadraginta tribus annis imperasset, exactæ ætatis senex fato cedens, Vr-  
bem belli gloria superbam, quod deerat sanctissimis temperatam legibus, atque optima pace  
florentem reliquit. Eius effigiem marmoream diademate insignem, quam in Vrbe non vno in  
loco videmus, nummi ærei cum literis, atque eadem imagine, verissimam esse ostendunt.

ANTONII FRANCISCI RAINERII Mediolanensis.

*Viderat armato Tybris sub Rege, Quirites*

*Iura dare edomitis Martia finitimis:*

*Viderat & superis Populum pia thura ferentem,*

*Sacraq, sub sancto surgere Pompilio:*

*Cum letus, resono hæc effudit flumine, Nostra &*

*Quàm bene Roma colit, quàm bene bella gerit.*

## Artoxerxes.

**A**EC mitrati Regis effigies superbo oris ductu, proluxaque barba, & naso in aduncum prominente, Magni Artoxerxis fuisse coniiicitur. Hanc ex antiquis-  
simo numismate argenteo Rodolphus Pius Carpenfis Cardinalis omnis pris-  
cæ elegantiae studiosus, eruditioribus Romanæ Academiæ interpretandam  
ostendit. Omnes itaque non ambiguis coniecturis in id consentiunt. Nam  
Persarum Reges Magorum sacris initiari, ceremoniarumq; principes esse con-  
stat: ideoque eos vti thiara excelsa, exornataque gemmis & pluuiali chlamis-  
de, cultu non absimili ab eo, quo Romani Pontifices in sacris solennibus exornantur. Hunc  
autem à Persis Hebræos accepisse crediderint, à quibus demum ad nos manârunt. Sed literæ Græ-  
cæ, quæ in auersa monetæ parte leguntur, nihil plus exprimunt, quàm Regi Regum Arsaci Be-  
nesico. Teste enim Plutarcho Artoxerxi, qui Cyri minoris frater fuit, & Mnemon, id est, Me-  
mor vocatus est, ad differentiam superioris Artoxerxis, qui Longimanus appellabatur, Arsaci  
cognomen fuit. Arridet etiam ad coniecturam Plutarchi problema, ex quo Persarum Reges  
naso adunco, tanquam è stirpe maioris Cyri fuisse colligitur. Nec obstat quòd neque Artoxer-  
xis, neque Persarum inscriptæ literæ quicquam referant, quoniam id præclare demonstrat ima-  
go Sagittarij in solio sedentis, quæ visitur in auersa parte numismatis: nam idem Plutarchus Per-  
sarum Reges pecuniam auream ac argenteam cum nota Sagittarij signare solitos tradit, adiecto  
Agésilai Regis lepidissimo scommate. Is enim in Asia terra marique rebus contra Persas feliciter  
gestis, quum summæ victoriæ immineret, à Lacedæmoniorum Magistratu reuocatus, amico in-  
terroganti, cur è limine speratæ ingentis victoriæ tam citò rediisset. Ita respondit: An tu miraris,  
qui militiæ peritus es, me recentissimorum triginta milium Sagittariorum imperum sustinere  
nequiuisse? At ille, qui nihil auxiliorum è Perside in Ioniam descendisse audierat, quum omni-  
no in tempestiui reditus causam improbaret, serò falsi dicerij acumen agnouit. Notabat enim  
hac infamia Agésilas, patricos ciues, quòd obrectatione laudis suæ à Tissapherne Persa trigin-  
ta milibus aureis sagittariis corrupti, ipsum ab Asia reuocassent. Sed ne ineptus sim, Artoxer-  
xem describendum minimè suscipiam, quum is qualis quantusque fuerit, à Plutarcho scriptore  
luculentissimo memoriæ tradatur. Id vnum tamè, quod in Principe summæ virtutis locum im-  
plet, & si quæ sint internatæ vitiorum labe egregiè contegit, & obscurat, præstantissimæ scili-  
cet liberalitatis specimen, insigni præconio extulerim. In eo enim tanta in donando gratissi-  
mi animi magnitudo enituit, vt in referenda gratia pro agresti sæpe munusculo, tenuissimique  
officij genere, non ingentia modò auri pondera, sed vrbes & prouincias rependere.





## IANI VITALIS.

Quem spectas chlamide ornatum Medag, tiara  
Regem Artoxerxem, Pharetrata Persidis inter  
Præclaros belli proceres, pacisque Magistros,  
Quos Iovis posuit liquidi propè murmura Lari,  
Hic ubi Musarum exivit de nomine villam,  
Aeternum fame monumentum, auiq, perennis:  
Hic ille est, in quem natura exempla bonorum  
Congessit, Regumque malorum immania facta.  
Huius magna fuit laus exegisse tyrannos  
Et claros meritis Reges, & munera parva

Muneribus pensasse ingentibus, & simul vrbes  
Sponte dedisse sua passim, nec clarius unquam  
Duxisse, insigni quàm de viriute mereri.  
Sol tamè hic proprias habuit quandoq, tenebras,  
Dum nimis indulget vetito inconsultus amoris,  
Abrogat & leges natura, ardensq, duarum  
lungitur amplexu natarum: atq, his super addit  
Infandam nati cadem: sed splendida in illo  
E tenebris vitiorum emerfit ad æthera virtus.

## Alexander Magnus.



LEXANDRVM Macedoniæ Regem, qui subacto Oriente Magni cognomen adeptus, imperium Indico Oceano & Riphæis niuib. terminavit, hoc honore spectatæ frontis, & rosei vultus decore præditum fuisse constat, ex ipsa fide numismatum & statuarum, Græcorumq; præsertim testimonio, qui formam eius religiosissimè descripserunt. Tradunt enim (quod mirum videri possit) eum nonnunquam ex serena atq; pulcherrima facie, in trucem atque terrificam mutari solitum, & tum maxime, quum in præliis iracundia incensus, Martium vigorem igneis atque minacibus oculis cuibraret. Is à prima





prima statim adolescentia, vti lectissimis moribus & literis ex Aristotelis Præceptoris discipli-  
 na grauitur imbutum decebat, vsque adeo generosi & laudis amore deslagrantis ingenij aciem  
 intendit, vt æmulatione decoris, paterna gloria vehementer augetur: Quasi ille stratis vindi-  
 que hostibus, & tot vrbibus manu captis, nihil iam sibi maiora armis ausuro planè relinqueret,  
 quo innata necdum spectata virtus enitescere posset. Sed Fortuna, vt plerunque accidit, ingen-  
 tium animorū præclara adiutrix, inuictas interempti patris copias excipienti, multò ampliora  
 quam tum cuperet regni & gloriæ spatia despondebat. Itaq; maximarum virtutum concursu in-  
 elytus ex Europa transgressus in Asiam fatali suæ gloriæ destinata, post innumerabiles præ-  
 lorum victorias cunctis gentibus iugū imposuit, tanta felicitate, vt ad Scytharum Indorumq;  
 dissuades, aras victoriæ testes consecraret. Verum qui supra mortales nominis famam exten-  
 disse censetur, Dijs proximus existimari potuit, si se ipsum, qui cuncta deuicerat, demum vicis-  
 ser, nec pro certo numine haberi adorarique vanissimè concupisset. Mirificā enim excelsi animi  
 indolem assentantes Persæ nimia adulatione corruerant, quod eis Alexander regibus seruire  
 assuetis, mortali specie formosior & augustior appareret. Ipse quoque reputatione fortunæ suæ,  
 quæ nusquam aduersa cœptis atque ausibus intemperanter aspirasset, ita gloriam ab admirandis  
 operibus sponte nascentem inflato animo sentire cœperat: vt iam planè se Philippo inuictissi-  
 mo rege genitum puderet, cum graui Olympiadis contumelia, postquam confesso matris adul-  
 terio, se Hammone Ioue editum mentiretur. Ideoque exuta penitus humanitate, amicorū præ-  
 cipuos vanitatem superbientis animi derestantes, temulenta crudelitate trucidaret. At Græci  
 auctores, quod infinitæ gloriæ auido iuueni totus orbis ad iustum triumphum minimè suf-  
 ficeret: ita cum congestis laudibus supra mortales attollunt, vt cæteræ gentes illum se ipso ad-  
 mirabiliorem extitisse arbitrentur, quod nondum alteram fortunam expertus, dum bella ex



bellis sereret, in medio vitæ cursu ceciderit: non immitti hercle fato, auerente eum à Romanis armis, quæ facto virtutis & disciplinæ periculo, si in Italiam transisset, spoliare eum anteparsa belli gloria, aut certè multum de fulgore tanti nominis detrahere potuissent.

ANTONII FRANCISCI RAINERII.

<i>Quid tua te Macedo inuit latè aucta per orbem</i>	<i>Et tumidi fastus, Diuûm queis poscis honores,</i>
<i>Gloria, Hyperboreo quâ riget aura gelu?</i>	<i>Cogis &amp; ingenuos flectere colla viros.</i>
<i>Qua, pharetrata surgunt iuga Persidis, &amp; quâ</i>	<i>Hæc procerû impulerunt fida olim pectora, Regi</i>
<i>Epibit Eoas decolor Indus aquas?</i>	<i>Miscere è sena toxica Thessalia.</i>
<i>Victorem cum te Populorum vicerit ira:</i>	<i>Fortunam reuerere: noua ô qui sceptra capeſſis</i>
<i>Noxiâ, undanti pocula sumpta mero,</i>	<i>Nam Dea, regna agili datq; adimitq; manu.</i>

## Pyrrhus Epirotarum Rex.



**I**NTER admiranda Romanæ antiquitatis monumenta, Pyrrhi Epirotarum Regis marmorea statua primam obtinet claritatem. Hæc humana statura procerior, & tota quidem incolumis galeata thoracataq; stantis, & sacissæ innitentiæ gestu, in Angeli Maximi honestissimi ciuis domo conspicitur: non sine admiratione ingentis eius viri vim, ore atq; oculis cum laude artificis spectantium ingeniis repræsentans. Nemo enim ei maximorum Ducum, aut robustæ atq; habili corporis forma exercitationeq; aut indomito vigore militaris animi, aut eximiæ laudis, quæ armis peteretur, cupiditate comparari potest. Quum inter pu-

gnacissimos



gnatissimos Imperatores propè vnicus, inter magnanimos verò Reges ad gloriam anhelantes omnium confessione præcelleret. Sed qui oblatum in acie hostem inuicta dextra sternere, castrametandiq; & instruendæ aciei disciplina cæteros duces anteire, ac inter omnes bello inclytos veri decoris famam extendere didicerat, vel per ampla iam partæ, affectatæq; gloriæ spatia terminare nesciit, vtpotè qui bella ex bellis ducendo, prouocandoq; sæpe Fortunam, alias atq; alias ex victoriis, nusquam confecto bello victorias festaretur: quòd volucris quodam igne ardentis animi concitatus, ad Alexandri Magni decus aspiraret. Itaq; dum ab Epiro in Italiam, atq; inde in Siciliam, & rursus è Sicilia in Græciam verteretur, vaga arma circumferenti Fortuna illudit: vsq; adèd indigno tanti Herois exitu, vt cuius imperium & robur Romana arma vix sustinuerint, Argiæ mulieris manu deiecta in caput regula perfrerit.

GABRIELIS FAERNI Cremonensis.

*Epirus mihi parua quidem, sed Martia tellus,  
Et patria, & Regnum, & generose bellica menti  
Materies fuit. Acacides mihi sanguinis author.  
Et mea cognatum virtus expressit Achillem.  
Ipse ego prescripto docui munimine valli  
Metari castra, & tutos ad bella receptus.  
Romula me pubes certamine fusa cruento  
Italica experta est sub mænibus Heracleæ.  
Quo terrore truces animos atque aspera corda*

*Fregissem Aeneadū, & statuissem fœdera victis,  
Nipacem infamem, cæci sententia discors  
Dissuasisset, & ad lituos atque arma vocasset.  
Sic egore infecta Italo de litore cessi,  
Quo me fors grauis, atque immitia fata traherant,  
Ad clarum nece nostra Argos, vbi seua ciente  
Prelia, ab excelsis vlix me regula tectis  
(Indignum) dextra deiecta afflixit anili.*

Annibal.







**N**ULLIVS vnquam verè inclyti Imperatoris virtus quàm Pœni Annibalis clarior atque testatior fuit, quum admiratione ingentis animi, qui Romano nomini dirus hostis extiterat, honoris nomine statuam meruerit: scilicet vt media in Vrbe ad funestum & execrabile monumentum, truculenti hostis imago spectaretur: graui quidem ac apprimè nobili decreto. Nam si Romani senatus iudicium æstimare velimus, inexpiabili profectò inuidia Carthaginenses ardebunt, qui summæ gloriæ Imperatorem ciuemque suum ab aduerso pugnae exitu solum vertere coegerint, vt in hostium urbem gloriosa quadam adoptione transfret. Quid enim ad diurnam laudem populo Romano honestius vel luculentius esse potuit, quàm tanti hostis nomen, postquam ille toto terrarum orbe & exul, & profugus, epoto demum veneno, miserè necem sibi consciuisset, erecto perenni simulacro, æternæ memoriæ consecrasset. Tantam enim vim esse præstantissimæ virtutis intelligi volebant, vt extrema inuidiam vel in hoste celebranda censeretur. Nec vllò herclè certiore testimonio indomita Romana virtus niti potuit: nisi eum vbique vindicatis iniuriis, à se planè deuictum ostenderet, qui paulò antè bellicosissimarum gentium legiones ex Africa, Hispania, Galliaque, ad Italiam vastitatem trahens, tot partis ad Trebiam, Trasymenum, & Cannas victoriis, summum paucis, sed inuictæ Vrbi terrorem admouerat. Eius ex marmorea statua integrum caput penes Fabritium Peregrinum Parmensem vidimus, id cacuminato villosoque pileo protectum erat, non absimili ab eo, qui visitur in argenteo numismate Iubæ Regis, quem purpurei coloris fuisse constat ex Hircianis Commentariis, quum Rex ille barbarus superbo fastu, vt solus duorum exercituum imperator videretur, Scipionem Magni Pompeij socerum interdicto vsu purpuræ, ad album vestitum redegisset. Hac autem villosi & purpurei integumentum capitata forma, Sulthanis nuper in Aegypto Syriaque regnantibus, Prætorianorum equitum caputa ad certum pro galea munimentum, & ad terrificam speciem ornabantur. Alteram quoque Annibalis imaginem ex vetustissimo ære Isabella Gonzaga Herculis Cardinalis mater, nobilium antiquitatum sumptuosa cumulatix, paulò antè Urbis cladem nobis ostendit. Et se debet in elephanto cubitalis magnitudinis, turbinato pileo, & orbitate oculi insignis. Cui, vt ab exemplo scitè picto deprehenditur, plurimum arridet id marmoreum dimidiatæ statuæ caput, quod pro Annibale cum superioris Africani imagine apud Messanam à Decurionibus religiose custoditur.

## F A E R N I.

*Ferus ille, domina terror Urbis & paupor,  
Clarissimorum pestis & strages Ducum,  
Procella Italici vastitasque nominis  
Delineatus hac tabella est Annibal,  
Quem & ipsa quondam (ò testimoniū graue)*

*Statuarum honore Romula Vrbs impertijt.  
Quantum ille meritis est apud Pœnos suos?  
Qui in hostium vrbe, ipso inquam in hostili foro,  
Virtutis ergò, marmore effectus stetit.*

## Scipio Maior.



**S**CIPIO Maior, qui à deuicto Annibale, atque subacta Carthagine Africani cognomen tulit, hoc excelso ore, & promissa cæsarie, coronaque insuper ciuica, conspicuus incessisse traditur, quum Proconsul in Hispania debellatis Pœnorum Ducibus, ac Hispanis admiratione virtutis atque iustitiæ in eius fidem se dedentibus, patris patruique cædem vindicasset. Prælio siquidem ad Ticinense dedentibus, patris patruique cædem vindicasset. Prælio siquidem ad Ticinum non ciuis modò, sed quod incomparabile fuit, & Consul, & patris seruati decus meruerat: quod non multò post noua atque inuictata laude cumularer. Patricios enim in lugubri terrore Cannensis cladis despondentes animos, & rursus de patria deferenda cogitantes, vibrato super eorum capita gladio, ita à foedo consilio seuerè deterruit, vt eo die ipse vnus Urbem præsentis animi magnitudine seruasse censeretur. Hac summæ virtutis indole florentem vsque adeò Populus suspexit, vt arcano quodam religionis ostentio, ex Draconis fabula inter incunabula conspecto, eum diuinæ stirpis esse putaret, quod in Capitolio, cellaque Iouis cum numine colloqui, atque inde oracula excipere crederetur. Nusquam enim hac via vadenti ad gloriam, & triumphos cumulanti, Dij immortales defuerunt, postquam vir omnibus integræ probitatis numeris vel apud barbaras gentes admirandus, non sine diuino numine cœlestique auspicio cuncta belli & pacis munia obiret. Verum in eo maximè mirum fuit, inter tot eximia naturæ & fortunæ dona, quæ modum excefferant, quod illud atrox & summæ virtuti semper infestum inuidiæ monstrum, non modò non perculerit, sed sua infusperabili gloria nitentem supra cæteros mortales, in immensum extulerit. Quid enim ei vel speciosius, vel gloriosius ad nominis æternitatem Dij immortales tribuere potuerunt, quàm vt im-





manis inuidiæ domitor, de victore gentium omnium Romano populo triumpharet? Quum citatus ad dicendam causam peculatus, despectis elusisq; Petiliis, ab eorum infami atq; improbo tribunali recedens, vniuersum populum in Capitolium secum abduxerit, quod priusquam profano iudicio vacarent, Ioui Opt. Max. gratiæ ingentes gratis piisq; animis agendas censerentur, postquam eum esse diæ fastum solemnemq; memoria repereret, quo ipso Annibalem dirum Romani populi hostem, in Africa & prælio, & bello deuicisset. Contriuit huiusmodi animos, ab hac generosa voce obortus pudor, & populum repente circumflexit, quando hic ab iniqui iudicii spectaculo, ad iustissimi triumphi pompam traheretur: illi vero fracto erectoq; insitæ malignitatis atq; sæuitiæ successu, deserti ab omnibus & irrisi, neq; vocē impotenti Magistratus imperio dignam edere, neq; oculos contusæ ferociæ indices attollere possent. Verum Scipio optimi ciuis more, vt legibus parere videretur, ad Linternum spontē cessit, satietate gloriæ vrbis atq; rerum contemptu adductus, quod fortasse pro cōstanti credi par esset, nisi indignatus Magistratuum acerbiter amarulento ore Linterni sepulcro suo inscribi iussisset. **INGRATA PATRIA, NE OSSA QUIDEM MEA HABEBIS.** Quo titulo id oppidum abolito Linterni vetere nomine, Patriam appellari hodie videmus. Sed exultant per loca sola Campani litoris, & rerum ab se gestarum meritis laudes tranquillo animo ad felicitatem repetenti, inexpectatum supremæ gloriæ decus obuenit, quod omni alio vel de Syphace atq; Annibale triumphatis, grauius atq; nobilius, prædones humani generis hostes contulerunt. Quum enim improuiso appulsis biremibus ad eius villam frequentes accessissent, & Scipionis familia repentino metu excita ad vim repellendam tuendumq; aditum arma corripere: se non venisse hostes proiectis armis professi, id vnū postularunt, vt sibi liceret Scipionem eorum intueri, quem apud omnes gentes virtute & gloria celeberrimum, venerari adorareque



percuperent. Prodiit ergo interritus Scipio, & procumbentibus ad pedes humaniter satisfecit, sic ut reputatione insperati casus, non sine ciuium suorum inuidia erubesceret, postquam extorris & penè exul se ipso triumphatore maior ac admirabilior immanibus Piratis, quam seruatis ab se ciuibz extitisset. Mortuus est eodem anno, quo clarissimi Græcorum & Pœnorum Duces Philopomenes & ipse Annibal miserabilem vitæ exitum tulerunt.

## FAERNI.

*Pœnorum clades, domitor Carthaginiæ altæ  
Asdrubalis magni victor, & Annibalis,  
Depictum cuius veteri de marmore vultum  
In claris Iouiis fixit imaginibus:  
Quàm te magnanime Heroum: tuâq; ista verèda  
Ora sacrâq; libens conspicio effigiem,*

*Eminet in parua maiestas quanta tabella  
Quantum conspicui floret honos capitis.  
Apparet leto grauitas coniuncta decori,  
Et datur excelsi cernere sensum animi:  
Conspiciare diu, & vim spernere temporis aude  
Diuini species imperiosa viri.*

## Athila.



**H**ÆC facies inhumano luridoque pallore, ac efferi oris monstroso ductu, & torua oculorum nictatione terribilis, immanem Hunnorum Regis ATHILAE sæuitiem spirat, sicuti ex ære artificis manu, & scriptorum stylo expressam videmus. Hic siquidem ille est, funesti seculi dira clades, vrbiumque & terrarum portentosus enastator, qui superbo atque terrifico nomine, Dei flagellum appellari voluit: scilicet ut totius truculentiae suæ inuidiam, humanique generis odium, ab se in iratum Dei numen auerteret,



auerteret: quasi non alio listore opus foret, quam ipso Athila, qui acerbius lege agere, & virgas, secures, ignes, validius exercere posset, ut damnatae tempestatis mortales extrema supplicia meriti gravissimè plecteretur. Is Manduci filius, Bleda germano fratre, qui ad Budam Pannoniae regnum sibi condiderat impiè trucidato, innumerabilem Hunnorum variarumque gentium colluviem secum trahens per Noricum & Vindeliciam, Remorumque fines, in Galliam irrupit. Sed in Caralaunicis campis edito longè omnium cruentissimo praelio, ita Aetij virtute repulsus est, ut in Pannoniam magna accepta clade redierit. Vnde demum post aliquot annos reparatis copiis, per Carnicas alpes in Italiam sese vastabundus effunderet. Sed haesit in limine aliquandiu, obsessa per duos annos Aquileia, atque eadem fame capta deletaque. Caeterum ab eius nobilissimae urbis excidio, nihil mitigata rabie deflexit in Euganeos & Venetos, Altino, Concordia, Opitergio, Tarvisio, Patauioque euastatis aut euerfis: quum undique tot oppidorum atque urbium incolae, metu mortis, in proximas Hadriatici maris paludes confugere cogerentur. Verum ab hac inusitata & planè miserabili incolarum calamitate, laeto quodam maximeque felici auspicio, admiranda urbis Venetae primordia exorta sunt, insigni quidem magni numinis prouidentia, quum munitissimo inter paludes situ stuppens eius urbis fundamenta iacerentur. Quae una ferè omnium per mille annos inuisa, caeteris non obscurè seruientibus, in Italia incorruptae libertatis decus tuetur. Anhelabat Athila semper saeuus & furens ad Alarici praedonis famam, qui ante quadraginta annos Romam orbis dominam summiq; imperij caput immaniter deformarat, eoq; iam cum tota mole barbararum gentium cruoris & praedae audius ferebatur, immani; vero potius foret, nisi Martianus Caesar viribus & belli fortuna inferior, à Deo maximo certam opem implorasset, diuino instinctu per quietem admonitus, ut positis armis Leonem Romanum Pontificem venienti belluae obiceret. Suscepit itaque id munus alacriter Leo, nihil reformidato periculo quod verae pietatis gloriam afferret. Is non dubia sanctitatis opinione, & senecta venerabilis, cum simplici antistitem & patriciorum ordine in tiara, sacerdotalique amictu, & praetata argentea cruce, ad tyranni pedes proiectus, ita atrocem eius animum aliàs semper iratum & implacabilem, piis precibus mitigauit & flexit, ut occulto perterrente numine attonitus & emollitus manus daret: Nec multò post qui cuncta obuia prostrauerat, nec vsquam sisti potuerat, modico contentus tributo in Pannoniam reuerteretur. Quid enim maius & gloriosius armis peti potuit, quam Romanos, qui à deuictis toto orbe populis tributum exegissent, tanquam domitos alienae virtutis admiratione tributarios effecisse? Mirabantur Hunni proceres Romanae praedae auidi, quod Athila virtutis & fortunae suae penitus oblitus ex bellicosissimo Imperatore, homuncionis sacrificuli oratione fracto vigore animi, repente alius & prorsus imbellis & timidus extitisset. Verum is ad ea respondens, tantae commutationis causam in duos augustiore specie Heroes referebat, qui à dextra laevaue supplicantis Leonis, vibratis gladiis sibi necem, nisi piis precibus annueret, minitari videbantur. Eos proculdubio diuorum Petri & Pauli spectra fuisse Christiani existimant. Athila verò vel supra omnes barbaros ingenio maximè fero & agresti, ut suos itidem conuicio quodam pacem Romanis datam improbantem eluderet, lepido scommate vsus fertur, quum diceret; An non impotenter miramini quod ferarum Regi quem cuncta animantia horrent, repente cesserim? faceret ad Pontificis nomen alludens. Per hunc modum Romanis tributo imposito in amicitiam receptis, quum in Pannoniam esset reuersus, Hildidem excellenti forma vxorem duxit, sed maturè Dij prohibuerunt, ne ex eo ferali connubio proles aliqua tanquam humanae generis portentum ederetur: nuptiali enim nocte remulento atque altè stertenti, tantae vis sanguinis per nares erupit, ut qui tot caedibus passim editis, prouincias immanissimè cruentarat, ad extremum subito expirans, coniugalem thorum largissimo sanguinis sui flumine inundarit. Memoriae autem pròditum est, Martianum Caesarem per somnium ea nocte, qua Athila fato celsit, fractum eius tyranni arcum, comminutasque sagittas, Theodosio indicante conspexisse: quasi Diis curae esset, ut hostile quicquam ab ea terribili fera timere desineret.

ANTONII VULPII Nouocomensis.

Quid tot conspiciens, viator, altum  
Erecta ad tumulum trophaea, totque  
Victorum exuvias Ducum, urbiumque  
Tot cadavera, totq; de subactis  
Triumphos populus, stupes anhelus?  
Rex ille Athila, Numinum flagellum,  
Tunosi reliqua: hic iacet: viator

Cerne ut nunc etiam cinis superbus  
Spirat imperium, minas, furorem:  
Hunc casus nisi narium soluta  
Vena, dum thalamis nouaq; nuptae  
Indulget nimis, abstulisset: orbis  
Euersus, titulos, decusq; monstro  
Fatali cumularet, & trophaea.



ADAMI FUMANI Veronensis.

*Fax orbis ille, incendium, pallor, pauor,  
Europa monstrum, quē nouum genuit parens,  
Matris ferus quod carnifex foret sua,  
Qui barbaro superbo ipse spiritu  
Dei Flagellum nomen indidit sibi*

*Terris furens satellites irati Iouis,  
Per quem fuere secla facta ferrea,  
Quum quaque mores vsque fundit barbaros.  
Quo se ore viuens ferre sūesset Athila  
Tabella Iouij hæc indicat planissime.*

Totila.



**T**OTILAS hoc roseo illustrique vultu, & statura corporis eximia, multoque  
militaris animi vigore, Visigothicae regiae stirpis specimen referens, Tarulij  
Rex est appellatus: paulò post quàm Rex Vitiges Belisarij virtute fractis opi-  
bus sese atque Rhauennam victori dedit, vt ad Iustinianum triumphali spe-  
taculo duceretur. Indignabantur enim reliqui Gothorum proceres, qui in Ve-  
netiae, Cisalpinæque Galliae oppidis remanserant, quòd inuicta antea Gorho-  
rum virtus, Græcis homunculis impericia Vitigis, aut certè nimis celeri despe-  
ratione succubisset. Propterea hominem regia dignum corona animo atque oculis requi-  
rebant, qui afflictum, humique prostratum Gothicum decus erigeret. Nam paulò antè  
Theudebaldum Vitigi suffectum, quòd Vraiam virum sua virtute & Vitigis propinquitate  
clarissimum



clarissimum, indignè occidisset, Bella Rogus inter epulas obtruncarat: successoremque huius Atharicum Gothi proceres, quod cum Iustiniano foedè pacisci, quàm armis contendere mallet: incertum an veneno, intra paucos menses sustulerant. Itaque Totilas ex Theudebaldi sorore genitus, insignique ob id procerum fretus studio, vsq; adeò animum sustulit, vt bonæ spei plenus & gerendi belli maximè cupidus ad veteris imperij, Theodoriciq; regis amplitudinem aspiraret: sæpeque ad Gothos concionaretur magnificè suadendo, vt nihil animo se demitterent, & sibi secunda omnia, postquam Belisarius Italia decessisset, obuentura sperarent. Nec opinionem fauentis populi vsquam fefellit, vtpote qui in omni obeundo munere mirificæ virtutis vim ad bellum afferret: & eo quidem rerum successu, vt maximorum regum famam rerum gestarum felicitate æquasse, nec immanissimi tyranni nomen à nostris impositum, merito tulisse censeatur: nisi in postremo vitæ actu, vt in Tragedijs videmus, illudens Fortuna corruisset. Primum eius operum victoria fuit de Bessa & Vitalio Bellisarij ducibus ad Veronam parata: læto quidem auspicio, quòd profligatis copijs cuncta ad vnum militaria signa in eius potestatem venissent. Inde victor & ferox Italiam percurrens, passimque præsidia confirmans, Spoletem cepit, Beneuentum mœnibus nudauit, Neapolim longa obsidione perdomuit. In ea autem victoria, tanta vsus est clementia, lenitate, iustitia, vt Cononem præsidij præfectum, liberali inuitatum stipendio, & id munus reuuentem, quòd sacramenti religione obstrictus, sine scelere fidem mutare non posset, incolumem datis comitibus Romam dimiserit. Romanos item milites & ciues Neapolitanos inedia propè enectos, & passim ab immoderato auideq; sumpto cibo collabentes, distributis ad vitæ & valitudinis rationes alimentis, refouit atque seruauit. Et quum vndique maleficia militum puniret, armigerum suum, nobili ortum loco & apprimè strenuum, de villata ingenuæ virgini conuictum securi percussit, tanta seueritate, vt damnati bona quæ erant amplissima, nupturæ virgini in dotem adijceret. Brutijs demum, Lucanis, & Calabris admoto vndiq; terrore in fidem redire coactis, satis sibi bellicæ laudis, satisq; imperij sibi partum existimare potuit, nisi Roma vrbium omnium domina ad summum gloriæ cumulum potiri cupiuisset. Nec impotentis barbari immani voto, Dij iam pridem Romanis infestis omnino defuerunt: semel enim vt in fatis erat, atque iterum vrbs Roma Isauris, Cilicibus, custodiæ locum prodentibus, capta, direpta, euastataque est. Verum auso potius Totilas nequaquam barbaro ingenio ex tanta victoria nouæ laudis occasionem intellexit: generosoq; consilio violentiæ atque superbiæ suæ modum imponens, omnes qui in templa confugissent, incolumes & liberos fore pronunciauit: vsq; adeo remissa animi feritate, vt Pelagio sacrorum Principi, & pro salute publica excidium deprecanti, religioso quodam pudore placatus obediret, & in mœnia tantum grassaretur, vt certis in locis ingentium portarum instar ad aperta, & potentia suæ vim, & moderationis lenitatem æterno monumento testarentur, Romanorumq; familiæ in Campaniæ oppida relegatæ, patrij soli calamitatem diu lugerent. Cæterum miseris, vt plerunque in ipsa clade accidit, pie riteq; ad placanda numina conuersis, non omnino serus ultor Narfes aduenit, vt commutata belli fortuna, qui à summo duce Bellisario superari nequiuerat, præualidus & ingens vir Totilas, à tripalme sene eunuchovinceretur. Cum hoc enim Totilas postquam vndecim regnasset annos, in Vmbria iuxta Calles oppidum viæ Flaminiaë impositum, ad aquam (vt dicunt) Alaniam, collaris signis confligit. Eo quidem euentu, vt quum diu inter vtraque aciem phalerato equo, & auratis armis conspicuus, iaculo sæpe in auras euibrato, itidemq; excepto, equitandi artem ostentasset, conferta demum pugna profugeret, vulneratq; à persequentibus, intenta fuga ad vicum Capras cum tribus equitibus elaberetur. Ibi dum vulnus obligaret, nec sanguis sisteretur, expirauit: Vna hac fortasse fatali sorte nequaquam infelix, quod tanti modò nominis rex, & inter strenuos milites longè fortissimus, nec vnquam antea victus, Eunuchi triumphum effugerit: quum sine vllo funeris honore nullisque inferijs, clam inter veprera conderetur: vt inde post aliquot dies indicante muliercula erutus, & plane agnitus, vel ab ipso victore Fortunæ ludibria graui animo reputante, miserationis & verecundia mixtas gaudio lachrymas exprimeret.

ANTONII FRANC. RAINERII Mediol.

Hæc Totila effigies, quo iuncta leguntur in vno  
Et decor, & robur, & pudor, & pietas.  
Miscetur decori robur: pudor emicat armis  
Quam forti apparet pectore, tam pius est.  
Vrbem terrarū dominam capit: attamen Vrbis  
Seruat captiue templa, Deosq; colit.  
Semiuiu aſt illum valido domat agmine Narfes  
Inſectum bellis omnibus ante virum

Flebilior fors nulla fuit, nam contigit illi  
(Hen) prope fœminea procubuisse manu.

ADAMI FVMANI.

Immanis ille pestis Vrbis, barbarus  
Quæ barbararum gentium terror, sui  
Ad ortum ab occidente fines imperi  
Olim feroci Marte dilatauerat,  
Qui nostra vastitate cuncta percussit  
Vicos, agrosq; ciuitates, oppida,  
Ritu procellæ, turbinisq; acerrimi



Deo atque hominibus abominatus Totila  
Hac in tabella pictus hospes an vides

Ut saeuus, importunus, impotens, adhuc  
Stragem minatur ore, cadem, sanguinem?

## Narfetes.



ARSETIS veram imaginem, quam argenteis & æreis nummulis minimè elegantè expressam videmus, Græci scriptores, Procopius, Agathius & Suidas, ad perenne monumentum nobis ita repræsentant, ut eam non lætis modò oculis, verum maximè pio gratoq; animo admirari & venerari fas sit. Quid enim ex omni annalium memoria admirabilius fuit, quàm Gothorum gentem, in domito immanium corporum, ingentiumq; animorum robore terribilem, ipsumq; inuictum antea regem Totilam, ab homulo gracili, pusillo, & quod maxime miserum & pudendum hostes putarunt, defectæ virilitatis eunuchò, omnibus fere prælijs, ac vniuerso demum bello superari? Sicilia, totaq; Italia depelli, & ad internitionem nominis passim deleri? Fuit hoc profectò incomparabile & verè summo amplissimæ laudis decus, quum longè speciosissimum de restituta Vrbe liberataq; Italia trophæum Narseti erèdum conspiceretur: si certis sese finibus immensæ virtutis gloria terminaret. Accessit enim ad ipsius trophæi cacumen, ut id noua specie nouisq; exuvijs exornaret, victoria de Francis ad Volturnum parata. Irruperant in Italiam è Gallia Germani fratres Bulthinus & Leuthares, Francorum principes, non contenti opulenta ea regione, quam ipsi è Germania aduenæ eiectis indigenis occupassent, ut post debellatos à Narsete Gothos, Italiæ imperium arriperent. Diuisa itaque copijs Bulthinus à Tyrrheno, Leuthares ab Hadriatico litore, totam Italiæ emensi longitudinem cuncta obuia prostrauerant: iamq; Bulthinus diues prædæ è Brutijs atque Lucanis rediens, quartam cladem afflicta adhuc Vrbi, & nondum planè munitæ proculdubio altaturus erat, nisi Narfes irruenti belluæ ad Casilinum occurrisset. Erant Franci inuidum, & formidabile hominum genus, hamatis atque morriferis instructum telis: sano imperatori æquo in campo & iusta acie refutandum: nec oppugnandum quidem in castris, quum se lunata curuum serie depressis solo ad axem rotis vndique muniuisset. Verum Narfes vel parua manu tot barbarorum robora per moras & astus mirè ludificatus, ita perfregit, ut inuicta aciei forma circumuentos, cadente Bulthino ad vnum omnes trucidaret, & Volturini cruento alueo ingentia cadauera in Tyrrhenum voluerentur. Parem quoque profectionis & vitæ exitum, sed diuersa conditione Leuthares tulit. Nam è Salentinis per Apuliam, Picenum atque Flaminiam, quum in Veneriam esset reuersus, quod templa omnia passim sacris donarijs spoliasset, virore magno Deo in horribilem incidit morbum, ex quo vesana rabie percitus, suos artus dentibus laceratos, manantemq; cruorem bibens deuorabat: & Franci ad vnum omnes sæuiente pestilentia delerentur. Tantis rebus gestis Narfes quum per Italiam præcellenti pietate templa conderet, & passim illatas à Gothis iniurias magnificè refarciret: summaque legum æquitate populis ius diceret, id vnum omnino contendebat, ut fessa tot malis Italia, secunda atque opulenta pace frueretur. Sed his artibus collecta gratia, auctis opibus, & insigni gloria florentem, quem immensæ Gothorum vires & formidanda Francorum arma non fregerant, oborta inuidia humanæ felicitatis commune malum, inexpectatò ita perculit, ut incredibili dolore incensus, a nimum omnibus antea iustitiæ, religionis, & patientiæ virtutibus exaggeratum, ad vindictæ libidinem indignanter verteret. Sophia nanque Augusta muliebri liuore à delatoribus concitata, quum Narseti successorem destinaret, ad eum contumeliose scripserat: ut iam tandem diuitijs expletus in Italia regnare desineret: quando ei colus in Gynæceo Byzantijs, quàm Romæ sceptrum aptius conueniret. Quæ verba vsque ad eò profundè in pectus descenderunt, ut patriæ responderet, se nere quidem, ordiri, texereq; solitum, maturè daturum operam, ut patriæ iam filis eam scitè telam ordiretur & texeret, quam nec ipsa nec vxorius imperator retexere possent. Accersendum enim in Italiam è Pannonia Alboinum Longobardorum regem, cui nemo ex inuidis resistere posset, existimauit: ut intima Romani imperij viscera, nouæ & bellicosissimæ gentis irruptione quaterentur. Verum omnibus magnitudine periculi terrefactis, Ioanne Romano pontifice iustam iracundiam pijs precibus demulcente, Narfes pristinae suæ pietatis & probitatis memor, perturbatam mentem ad clementiæ decus vsque ad eò tempustatem reflexit, ut Alboinum iam intentum ad iter, subsistere, oppeririq; alia nondum maturæ occasionis mandata iuberet. Paruerunt Longobardi, nec oblatum inuadendæ Italiæ consilium prius ad profectionem explicarunt, quàm Narfes post aliquot annos cunctis quæ ab imperatore deferri possent honoribus functus, iam senex excessit è vita. Eius siquidem inclyta virtutis in postremo vitæ actu, quod summæ felicitatis fuit, immane illud inuidiæ monstrum, magnitudinem admirabilium operum, & illustri fulgore suo penitus obruerat. Imbelles enim liquidiq; aulæ procures non obscuro ingruentis belli metu subacti, qui ad Narsetis præfecturam anhelare



ausi fuerant, eum quem priuatim oderant, ut plerunque fit, publicè miris laudibus extollebant: ita ut mihi Narses supra omnes mortales maximè admirabilis fuisse censeatur, postquam è Perside conditione seruus & eunuchus inter delicias muliebres nutritus in Regia, pretiosiorique demum gazæ fidelis custos præpositus, è tanta ereptæ virilitatis calamitate, vnicus prope cum virtute, tum fortuna imperator extiterit. Nemo enim eo peracuti atque habilis ingenij vim solertius ad consilium flexit, nemo grauissimarum rerum negotia certius explicauit, nemo denique vtriusque fortunæ impetum constantius atque feliciter sustinuit & auertit. Verùm quod admirationis humanæ modum excedere videtur, nullo literarum fretus præsidio, quod solertia ad parandam dicendi artem nunquam operam dedisset: eloquentia militari tantum valuit, ut quum opus foret, repente summus orator, animos quò veller facile impelleret. Cunctas siquidem humanarum rerum actiones ad religionem reuocabat, ex qua non dubia præsentis diuinatione rerum bellicarum, & longa infracti animi patientia & cuncta denique iustitiæ temperamenta profluerent. Nec in tenui corpusculo supra ingentis animi vigorem expediri magnis ducibus, equitandi & iaculandi peritiâ deerat, qua vires in hoste ad impetum validiores mirè contemneret & eluderet. Nobilissimum eius opus Romæ visitur marmoreus pons, quem Torilas disiecerat, Anieni Salaria via impositus, in quo tale Epigramma incorruptis adhuc literis legimus, dignum utique ut non in ponte tantum, sed toto orbe ad Narsesis gloriam celebretur.

*Quàm bene curuati directæ est semita pontis  
Atq; interruptum continuatur iter,  
Calcamus rapidas subiecti fluminis undas  
Et libet iratæ cernere marmur aquæ,*

*Ite igitur faciles per gaudia vestra Quirites  
Et Narsin resonans plausus ubique canat.  
Qui potuit rigidas Gothorum subdere mentes,  
Hic docuit durum flumina ferre iugum.*

## ANTONII FRANCISCI RAINERII.

*Non nõ hac tabula semiuirũ hæc fingere paruula  
Fas est, marmoribus quæ decuit scalpier, arduo  
Aut ossa, aut Rhodope, aut ærio Caucasio in in  
Spectes animũ belligeri, factaq; fortia. (go,  
Hic Narses, regio quem peperit Persidis inclita  
Byzantiq; aluit, quæ domus olim aurea Caesaris  
Eductum muliebri imperio & mollibus in locis,*

*Acuto fuerant secta cui pondera forcipe.  
Hic ille est valido consilio qui quatit agmina  
Gothorũ, et madidũ sanguine regẽ Torila Italo,  
Francorũq; acres, barbariẽq; Ausonia expulit.  
Salue, o mactæ animo semiuir & clarior omnib.  
Veris Marte viris. Nũc utinã magne resurgeres.*

## Carolus Magnus.



ALVE Heros bellica virtute, illustri iustitia, & Christiana pietate supra omnes Augustos maximè inclite. Salue imperator inuicte non MAGNI modò, quod consensu nostri orbis cum incomparabili gloria tibi obuenit, sed TER MAX. cognomento dignissime. Tu enim gentes immanitate barbaras, & in vestigio mori potius quàm vinci solitas, quoniam inanis superstitionibus seruirent, ira iustis armis & diuina tua virtute domuisti, ut non opibus & libertate spoliata, vincas manus ad seruitium victori darent, sed conseruatae incolumes à clementia pietateque tui nominis insigne beneficium acciperent: quum ad veræ religionis cultum, te hortatore, magistroque ducerentur. His nempe longè optimis belli & pacis artibus, non indomitos modò Saxones & pernicaces Cantabros perperuis victoriis deuictos, verùm quod ad perenniorem laudem nobilius fuit, Longobardos arroganter & impiè sacrosancto pontifici infestos, Deo ultore funditis excisos videmus. Salue itaque Christiani imperij propagator Augustissime, potestatiæ dignitatis assertor & vindex, aureæque ætatis conditor. Te siquidem auspice Italia in primis, quæ iam pridem à Gothis & Vandalis deformata prostrataque ferrei seculi iniurias pertulerat, sese usque adeo felici rerum omnium prouentu erexit, ut pristinae amplitudinis ornamenta reciperet, & religio ad firmiorem dignitatem ritè instaurata, clariore iam nominis sui autoritate potiretur, & singulae prope vices tuæ eximia liberalitatis atque magnificentiae monumenta mirarentur. Verùm Etrulci nullo vnquam æuo tuas laudes silebunt, quòd Florentiam omnium urbium longè pulcherrimam ad non dubium, si admirabile ædificiorum decus spectetur, totius Italiae ornamentum, in cineres à Gothis conuersam restitueris. Itaque magnanime Carole, nihil nobis ex tui decoris memoria maius aut luculentius relinquitur, quàm ut hanc generosæ frontis & probi vereque augusti oris speciem contemplando sanctissime veneremur. Neq; enim dubitare fas est, quin inter priscae ætatis Heroes mirifica pietate in cœlo beatas sedes meritos, æterna felicitate perfruare. Vel ob id te ipso in terris maior & venerabilior, quòd plerique Romani imperij successores ne-





quaquam æmulatione gloriæ tuæ ducti, & impiè & turpiter ad certum dedecus ac ignominiam neglectæ religionis imperarint. Æream Caroli effigiem nobis dono dedit Alphonſina, Magni Laurentij Medicis nurus.

#### IOANNIS BELLAI Cardinalis Parisiensis.

Carole dum monſtras aditus quibus Itala poſſet  
Externum virtus ferre ſubacta iugum,  
Leene tamen ferre illa iugum ſub principe leni,  
(Quale fuiſſe tibi vidimus ingenium)  
Extincti penè vnus opes Latiasq; tuasq;  
Nec laus in lucro vt debuit eſſe, fuit:  
Regnandi neq; enim eſt, vt regni exēpla ſecutus

Æmulus heu cæpti qui fuit ille tui,  
Æmulus ille quidem, cæptiq; & nominis heres  
Sed tibi tam, victo quàm nocuus Latio,  
Nam Latio eſt vſus ſic in tua viscera victo,  
Vt ſit in authorem pana retorta ſuum:  
Si meſcis, preceres cæſos animasq; nepotum  
Errantes toto conſule in Elyſio.

#### HONORATI FASITELII.

Audiſti ne olim magni, poſt Herculis arma  
Extremam paribus Calpen qui terruit auſis  
Inuictū virtute animi, dextraq; Rolandum?  
Audiſtin' robuſta ſenis tot pignora Amonis,  
Ac teneram roſeo cum primis ore puellam

Caſide ſub dura ſolitam ſe credere campo,  
Congressamq; viris victricem excedere pugnat  
Atq; alios, aliosq; omnes fortiffima bello  
Pectora, bis ſenos ex ordine Palatinos?  
Quos magnis longum ſpectatos Galliarebus  
Inueni



*Euexit caelo, & fulgentibus intulit astris,  
Insignes scilicet spolijs Heroas opimis  
Insignes raptis immani ex hoste trophais?  
Hoc duce, quem multo trabeatum cernis in auro,  
Nunc etiā aspectu ipso, & maiestate verendum,  
Hoc meruere olli, & tantum exhaustere laborum.*

*CAROLUS hic ille est, quē nec secula ulla, nec atas*

*Non canet eximio Magnum cognomine regem:  
Cuius ab auspicijs tum primum Gallica signa  
Batis, & infractus victricia sensit Iberus.  
Intremuere Asiae reges, iacuitq; subacta  
Punica terribili tellus concussa duello.  
Cetera ab angustis spatijs exclusa tabelle  
Te magni diuina Io vi monumenta docebunt.*

PARTHENII PARAVICINI Nouocomensis.

*Hæc verò longè ante alias quæ fulget imago,  
Quam circum densa mediam cingere corona  
Egregij reges, tibi maxime regum  
Sacratur, priscum reparas qui Martis honorem.  
Nam vix Pipini imperio sceptrisq; potitus  
Francorum iusta arma moues, atq; hoste subacto,  
Ducis Aquitana celebrem de gente triumphum.  
Nec mora quāquā ingēs immani à Saxone bellū  
Ingrueret, patrios fines transgressus & Alpes  
Vix dum victrices aliquas angustaq; signa  
Expandis, cecidere hostes rex captus, ab illo  
Italia amissos primum sperauit honores,  
Et caput erexere arces, collesq; Latini,  
Religio, Petriq; ratis iam fessa procellis  
Per te exoptatos subiit tutissima portus,*

*Te ne adeò Ausonij pietas laudumq; cupido  
In lituos, aræ, Romanaq; sacra traherant?  
Quī Longobardum strages, & Berica dicam  
Agmina? perfractos Mauortia pectora Iberos,  
Et totum auspicijs domitum felicibus orbem,  
Post obitos, quem tot exantlatosq; labores,  
Iuppiter emeritum cæli super arce locauit  
Heroes inter claros, sanctumq; senatum.  
Ausonia infelix, ecquem nunc æmula virtus  
Excierit, quis iam pro religione tuenda  
Sollicitus, sacrisq; Deū pia cepit arma?  
Vos ò qui socias odiis ciuilibus vrbes  
Vertitis, infandisq; decus speratis ab ausis,  
Si fama vos tangit amor, laudumq; cupido,  
Hoc agite, hinc iustis querenda est gloria bellis.*

Gotifredus Bolionius.



**S** A C R O bello, quod ante quadringentos annos indicente Urbano pontifice, ab illustribus Europæ Regulis pro gloria Christiani nominis, incredibili pietate susceptum, inusitata gestum virtute, ac admirabili felicitate confectum est, GOTHIFREDVS Bolionius supremum decus tulit. Is tum in Belgico Oceani litore vrbi Bononiæ dominabatur, præque se ferebat antiquissimam Lotharingæ stirpis nobilitatem, quum pontifex ad Claromontem Aruernorum oppidum in Asiaticam expeditionem ad recuperandas Hierosolymas nomen dantibus, dextro humero rubra cruce religiose obsignato, cælestibus vitæ præmia promittebat. Omnium itaque princeps Gotifredus Christi se militem professus, eam crucem, & belli tesseram de manu sacrosancti pontificis accepit: Ea verò apud vniuersos erat, D E I V O L E N T I S. Inerat ei præcipuum naturæ donum proceri corporis & grauissimi oris eximia dignitas, quam excellens bellica virtus, & sancta promissi fides, incorruptique mores adornabant. Nauarat Cæsari in Italia bellum gerenti fortem fidelemque operam: vnde trium linguarum peritiam & singularis industriæ famam bello & pace retulerat. Incredibile dictu est, quo militum concursu, quo ardore procerum, quo diuitiarum, penatium, vxorum, & vitæ denique contemptu rubræ cruces peterentur. Diuino enim quodam furore concitatis animis, deuotisque corporibus generosissimi quique non caducum, sed immortale decus quærebant, quum pia fortiaque pectora occupante religione, periculorum omnium metum, spes vna perennis inter cœlites gloriæ discuteret: propter quam suscepto voto, cunctis domesticæ pacis delitiis, cunctisque opulenti ocij voluptatibus facillè renunciarent. Id verè pium, vereque decorum præsentium animorum decretum, non Gallos modò, sed Germanos, Anglos, Scotos, & Danos, & denique Hungaros æmulatione pietatis & gloriæ in id bellum traxit. Non defuere Itali principes externæ pietatis æmuli, qui expedita arma consociarent, mariaque traiciennes cupidissimè sequerentur. In his fuere è Transpadanis Gulielmus Longaspatha, & Ortho Vicecomes, & ex Apulia Boemundus atque Tancredus illustres Reguli, qui supra triginta milia armatorum peditum & equitum sub signis habuerunt. Ière diuersis itineribus, diuersisque classibus, quod tantæ alendæ multitudini, neque expositæ passim, aut reconditæ fruges, neque contracta vndique nauigia ad traiciendum sufficerent. Petrus Eremita, huius belli præcipuus adhortator, ab Hungaris ex itinere multis affectus detrimentis, cum primo agmine Byzantos anteibat, è Bario Dyrrhacium traiecit, & per Macedoniam in Thraciam iter habuit. A Brun-





duso autem atque Hidrunte Boemundus cum Italicis copiis Ionium emensus Corinthum ap-  
 pulit, atque inde per Ætoliā & Phocidem atque Thessaliā, Byzantium est profectus: Ale-  
 xio Græcorum Imperatore usque adeo ad tantæ multitudinis conspectum metu consternato,  
 ut postquam iusta petentibus, & iniuncta tenentibus arma, nihil negare poterat, dubio astutoq;  
 ingenio certa pactione cuncta concederet: scilicet ut graui ea periculosaque Thraciæ tot for-  
 tissimarum gentium multitudine exoneratus, belli ipse spectator, omni prorsus timore atque  
 incommodo leuaretur. Traiecerunt è Byzantiò Chalcedonem trecenta milia descriptorum de-  
 ditum, & centum milia galeatorum equitum: quæ multitudine vadentium ad insolitum de-  
 cus, nusquam irritò conatu tota penè Asia quateretur. Nam sicuti ab Europa terribiles tot na-  
 tionum copię totque inuidi duces suscepto semel voto, aut honesta morte, aut insigni victo-  
 riæ satisfacere, perrumpereque omnino in Syriam ad Christi sepulchrum decreuerant: ita bellica  
 ræ ad arma toto Oriente Mahometanæ gentes, Asiæ possessionem ante trecentos annos bellica  
 virtute partam pertinacissimè tuebantur. Sed ea nostrorum vis religiosique & indomiti cona-  
 tus felicitas fuit, ut quum centies variis cruentisque successibus esse dimicatum, nec ingentia  
 flumina, nec inaccessibleæ Tauri, Amanique rupes, nec oblatæ passim immensæ Barbarorum acies,  
 nec sitis, nec diræ famis, incidentesque viris & iumentis morbi properantia agmina retardas-  
 rint. Scriptores nempe eius ætatis, & in primis Tyrius antistes, qui earum rerum historiam in-  
 corruptè condidit, varietate incredibilium casuum & magnitudine præliorum obruuntur. Hæc  
 enim humanæ memoriæ captum exuperant, & omnem annalium fidem antecédunt. Nec mi-  
 rum, quum totius ferè commoti terrarum orbis bellicosissimæ gentes, non de fortunis modò at  
 imperiis: sed quod maximè animos excitat & incendit, dereligionē sacrorumque authoritatē  
 inter



inter se manus cōtulerint. Ad Nicæam primò Solymanus Turcarum Satrapes, & clarissimus imperator ingenti praelio victus, & latè profligatus est. Ad Antiochiam deinde in Syria Corbanam Parthorum Medorumque & Assyriorum innumerabiles ducentem copias, nostri heroes accipiti praelio dimicantes, ad Orontem prostrauerunt. Ægyptius verò Rex Caliphas memorabili acie victus Christianæ virtuti succubuit: Hierosolymæque demum diu oppugnata, acerrimæque defensæ, magna cum cæde Barbarorum captæ sunt: quum ante omnes Gothifredus ad mora turri lignea, ex eaque in hostilem murum demisso ponte, ipse cristata galea conspicuus, & pedestri protectus scuto, trucidare depulsisque Barbaris primus in urbem peruasisset. Eo celeberrimo facinore edito, tot Procerum consensu Hierosolymarum Rex est appellatus. Sed vir sanctitate pariter atque virtute singularis, decorum fortasse aliis, sibi verò superbum regis nomen, pio inuisitoque aduersus fastum animo repudiauit: quòd nefas esse diceret, ea in urbe auream coronam ferre, in qua Christus spineam tulisset. Quo habitu delatum diadema renuentis, eius effigies iubente Leone pontifice, ex verò numismatè excepta, in cœnaculo Vaticani picta est. At Gothifredus suscepio imperio nihil antiquius duxit, quàm sacrosanctæ vrbis delubra ritè expiare: quassata arietibus mœnia instaurare, ac ingenti cura Ioppem expugnare, vt Christianis classibus in proximo litore portus pararetur. Nam Veneti Liguresque, tam pia quàm decora contentione nouas semper copias, nouosque commeatūs & bellica instrumenta nostris præclare vincentibus conuectabant: vigente & crescente ad victoriæ famam studio piorum fortiumque hominum, qui ad inuisendum Christi sepulchrum, urbemque antiqua religionis claritate famosissimam, cerratim transfretabant. Victores nanque proceres sacre militiæ, voto ad Christi sepulchrum ritè soluto, perfusi incredibili læticia, tanquam victoriæ compotes, ad vxores & propinquos in Europam redibant, hortabanturque obuios, vt in supplementa gloriosæ militiæ defunctorum, arma atque animos expedirent, & reliquum integræ adhuc laudis decus, delectis ad internicionem impiis mererentur. Cæterum Gothifredus Ioppe Ascaloneque expugnatis, fuscisque non vna acie passim hostibus, mediterraneisque aliquot oppidis in fidem receptis: quū integrum regnasset annum, pestilenti morbo surreptus excessit è vita: tanto Christianorum, Syrorumque omnium luctu ac desiderio, vt qui viuens multos dignitate æquales, commendatione pietatis atque virtutis anteisset: post mortem quoque in terris felix haberetur, quòd relicta posteris gloria hereditatè, Balduinus frater, qui ad Edessam Mesopotamiæ urbem Terrarcha regnabat, fraternæ amplitudinis atque fortunæ æmulus, consensu Procerum regnum sit consecutus.

## ANTONII FRANCISCI RAINERII:

*Gothifrede piis Solymos dum subiicis armis,  
Et rennis capiti regia ferta tuo:  
Nil unquam humano diuinius exiit ore  
Regali quàm quod exiit ore tibi.*

*Laurea non hominem gestare, nec aurea regem  
Fas, ubi rex Diuum spinea ferta tulit.  
Macte heros tam voce hac quàm victricib. armis;  
Quæ Babylon, omnisq. horruit Assyria.*

## Saladinus Sulthanus.



ALADINVM Sarraconis Medi, qui nefario scelere summaque perfidia interfecto Califfa Memphitico Sulthano, cuius mercenarius dux fuerat, Ægypti regnum occupauit, filium fuisse authores tradunt: tantaque animi magnitudine & virtute præditum, vt inuisito spiritu, altitudineque solertis ingenij, & vix eximia corporis, peritia & fortuna belli, maximorum imperatorum gloriam æquasse censeretur. Is ab ineunte ætate cunctis belli artibus instructus, vt erat præcipuus pecuniæ contemptor, viros fortes liberalitate vndique sibi asciscere, magno sumptu explorare hostium facta dictaque, induciarum belliue gerendi occasiones præsentire, iustitiam fidemque religiose colere, victoriis modum imponere, fortuita incidentium casuum præsentis semper ingenio ad consilium rationemque flectere, probè didicerat. Vt non mirum videri possit, si Ioannes Boccacius in fabulis mirus, vel in Barbaro virtutis æstimator, eum explorandis Christianorum opibus atque consiliis, mercatoris habitu Italiam & Galliam peragrasse tradiderit. Tum enim Ænobarbus imperator, & secundum eum Philippus Galliæ & Ricardus Angliæ reges: Veneti que item, Ligures, & Pisani ingentes copias & classes parabant, vt accisis Syriæ rebus opem ferrent. Verum tanti apparatus vel incredibilis conatus, æmulatione, inuidia, infamiq. dissidio nostrorum fractus, eum tulit exitum, vt Saladinus expugnatis Hierosolymis post octogesimum & septimum annum, ex quo eas Gothifredus magnū cum insigni gloria ceperat, & Guidone demum Lusignano Hierosolymitano rege ad Tibetiadem acie superato captoque, in Syria & Iudæa Christianorum opes euernerit. Vtus est autem ea victoria magno ferociæ humanitatisque temperamento, quum Hierosolymis Christianos incolas sua in sede relinqueret, campanique tantum æris sonitum è sacris turribus tolleret, colen-





dumque Christi sepulchrum, Gothifredi etiam tumulo admiratione virtutis inniolaro, piis hominibus concederetur. Sed ea inuictæ virtutis vrentem fortuna occasu neque, dissensionis & discordiæ nostræ cuncta ad Ioppen, Gazam, Ascalonem, Toledaïdem, Beryum, & Tripolim assiduis cladibus proterentem, fatalis hora non planè senem eripuit, quum sedecim regnasset annos, scilicet ut debellandis Christianorum reliquiis Saphandino filio nouæ parandæ laudis materia præberetur. Moriens uti humanæ conditionis atque miseriæ memor condito testamento, omnem funeris pompam abdicauit, iussitque tantum in lancea præferriatri coloris obsolecam tunicam, præcinente ad populum sacrificulo huius sententiæ carmen, quod à Boetio memoriae proditum est:

*Vixi diuitiis, regno, tumidusq; trophæis, Sed pannum heu nigrum nil nisi morte tuli.*  
Huic Saladino aut certe (quod potius crediderim) Saphandino filio de Ludouico Francorum rege capto, cessit victoria: quum ad Damiatā urbem Pelusiaco Nili ostio in Christiana castra effuso, miserabilem cladem accepisset. Ferunt Ludouicum, ut se redimeret, in pactionis fidem Christianam hostiā victori impio tradidisse: non minore accipientis quàm tradentis gloria, quando barbarus pro sua superstitione inane externæ fidei pignus acciperet; in eam spem, ut ad perpetuum dedecus, si rex inclytus in exoluenda pecunia impiè fidem falleret, in expiabilis inuidia maximè pio regi conflaretur. Viuens Saladinus ex linteo more gentis conuoluto, cornutū capitis integumentū gestare erat solitus, ut totidem regna virtute parata nobili argumento spectantibus exprimeret: quod hostea diadematis genus à successorib. Sulthanis usurpatū fuisse videmus. In hac autem habitus speciem Saladini formā nobis comunicauit Donatus Lectius, patricij ordinis Veneret, diu in Cypro, Syriaq; gestis magistratibus, historiæ & omnis antiquitatis studio clarus.

MARVLLI



## MARVLLI TARCHANIOTAE Constantinop.

Livore dum Phario prima Saladinus in alga  
Barbara deuicto castra oriente locat,  
Venit adulatrix regum comes unica turba  
E quibus ut lingua promptior vnus erat.  
Nunc domitū Aegyptū iactat, nunc littora rubra

Fractaq; pugnaci Gallica sceptr a manu,  
Ostentatq; virum duris tot milia in armis  
Et iubet hinc vires asimet ipse suas,  
Scilicet hinc ille, atq; adeo ex hac inquit arena  
Quae te semiustum littore Magne tenet.

## IANI VITALIS Panhormitani.

Accepit pignus victor Saladinus Iesu,  
Redderet ut regnis te Ludouice tuis

Tu pignus redimis multo pretiosius auro,  
Vtra fides maior, illa vel ista fuit?

## Fridericus primus Imp.



**N**ULLI Caesarum ex his qui Romani imperij dignitatem illustri rerum gestarum  
fama protulerit, nomen suum minus ad naturæ genium respondit quam FRI-  
DERICO primo, qui a colore Anobarbi cognomen adeptus est. Vetere siquidem  
Germanorum lingua Fridericus pacis diutem exprimit: contrario scilicet euen-  
tu, quum ingenio ferox, armorum & belli cupidus, nihil magis oderit quam pacis nomen. Nam  
ab ineunte ætate in contubernio Conradi Caesaris patru, in Asia militarat. Vbi verò in defun-



Et locum Imperator est appellatus, eo animi decreto arma induit, ut ea non prius se exuturum  
 iuraret, quam Romani imperij diademate ornaretur: cuius voti Conradus minimè compos fa-  
 ctus, graui cum dolore animi excessisset è vita. Id verò vnum Fridericus præalto ingenio supra  
 coronæ decus spectabat, ut quum ea potitus foret, cuncta iura imperatoriae maiestatis ad anti-  
 quam dominatus auctoritatem reuocaret: quòd superiorum Imperatorum beneficiarum ciuita-  
 res per ampla immunitatum priuilegia consecutæ, obsoletis iam tributis aut intermissis, ingratis  
 & contumaces ad parendum viderentur. Excitabant autem mirum in modum ad extendendam  
 famam virum integra ætate florentem Sueuæ gentis illustre & verè Martium nomen, antiqua  
 maiorum decora, & recens vel infelicitis patris Cæsaris exemplum, sub quo variis vtriusq; fortu-  
 næ documentis probè obseruatam & exercitam militarium operum disciplinam hausisset. Itaq;  
 Fridericus coacto exercitu in Italiam descendit, expugnataq; in limine, & deleta Derthona, ac  
 Spoleto demum in Vmbria ex itinere funditus exciso, Romam profectus tantum terrorem Ha-  
 driano pontifici intulit, ut ad mare se proriperet. Formidandis enim stipatus copijs aduenta-  
 bar, minaci ingenio aliquam lenitatis speciem ferens, ita ut se pacato agmine pontificem vene-  
 raturum polliceretur. Clauserant Romani portas, Ælioque ponte erumpentes, cum Germanis  
 ad Neroniana prata tendentibus, tumultuario cruentoque prælio dimicarunt. Verum aduentu  
 pontificis placatus Cæsar, in Vaticano more maiorum Romani imperij insignia accepit. Nec  
 multò post in Cisalpinam Galliam regressus, Mediolanensibus bellum indixit, quòd finitimis  
 superba sæuæque arma intulissent, ut latè imperarent, Laude Pompeia crudeliter euastata, Co-  
 mo graui obsidione subacto crematoque, & Papiæ omnibus belli detrimentis affecta, magnam  
 sibi iniquæ atq; intolerandæ potentia inuidiam confluerauit. Cæterum eo euentu inchoatū bel-  
 lum, sæpeque renouatum Ænobarbus confecit, ut multis victor præliis, semel victus ad Cal-  
 canum vicum iuxta lacum Eupilim, laboriosa difficilique obsidione perdomitos, acerbissima  
 lege imposta subegerit, Mediolanenses ad vnum omnes patrium solum verterent, ultraque  
 centum stadiorum spatium ad vicina oppida migrantes, relegatique, corruentis superbae pa-  
 triæ excidium ex propinquo spectarent: tanta quidem victoris immanitate, ut vrbs totius Ita-  
 liæ amplissima ac opulentissima, inexorabili diri Cæsaris edicto, vix seruatis ab iniuria tem-  
 plis, solo æquaretur: turræque mœnia cum ædificiis priuatis omnibus & publicis, Circo, A-  
 rena, Theatroque conciderent. Acerbissimo quidem luctu tanti populi penatibus excedere  
 coacti: sed ingenti nec iniquo finitimorum solatio, qui suas iniurias conspecta hostium fundi-  
 mitate vindicassent. Id verò maxime crudele & contumeliosum fuit, quum vrbs euerfa fundi-  
 tus aratris proscinderetur in agri speciem, ut non frugis, sed ad ludibrium, salis semen acciperet.  
 Pari propè clade etiam hostiliter incumbens Cæsar Cremonenses, Cremonenses, Soncinates  
 afflixerat: quibus excitandis incendiis, exortum schisma suas faces admonisse videbatur. Ha-  
 driano namq; defuncto, quum Alexander Senensis esset suffectus, nec Cæsari impotenter inusi-  
 tata indignaque iusto pontifice postulanti quicquam concederet: vsque adeo in eum iracundus  
 & sæuus Cæsar concitatus est, ut vrbe Roma depelleret, & Victorem pseudopontificem crearet:  
 conuentus Antistitum indiceret haberetque, ut Alexandro tanquam adulterino, sacrosancti iu-  
 ris potestas abrogaretur. Ea dissensione diuina humanaque Fridericus impiè perturbauit: tan-  
 taque vi tueri suam causam adnixus est, ut moriente Victore, nihil imminuta pertinacia Pascha-  
 lem sufficeret, & in huius defuncti tertius nomine Calistus, demumque Innocentius quarto lo-  
 co subrogarentur: quum interim Alexander tantis iactatus fluctibus exul & inops, sed integra  
 semper auctoritate, ab Italia in Galliam, atque inde in Siciliam, & è Sicilia Venetias dilaceratæ,  
 set: imploratis passim auxiliis à piis regibus, ut Reipublicæ Christianæ immaniter dilaceratæ,  
 pereuntique maturè opem ferrent. Ea autem constantis & infracti pontificis felicitas fuit, ut  
 Cæsariani pseudopontifices ab se legitimo iure execrati atque damnati, quanquam robusto in-  
 tegre ætatis habitu valerent, Deo magno vindicante noxam, ægri senis fatum anteierint. Fa-  
 uebant Alexandro duo régēs Ludouicus Gallia suo Pij cognomento dignus, & Gulielmus Si-  
 cilia, ea Christianæ Reipublicæ sœda labe commorus. Idem quoque pietatis studium inerat Ve-  
 netis, quibus multo maxima Italia pars accesserat, isq; demum detestandæ dissensionis finis fuit,  
 ut Otho Cæsaris filius in Hadriatico aduersa nauali pugna à Venetis captus, occasione præberet  
 parandæ pacis. Friderico namq; multis defatigato bellis, filij desiderium, & vltoris Dei meritis in-  
 cesserat. Itaq; pacificatore Ziano Venetorum principe, imperatorem ad pedes suppliciter proie-  
 ctum, pontifex pro foribus Marciani templi ritè expiauit, in gratiamq; recepit: ea condicione, ut  
 sacro bello se deuoueret: quod rum Saladinus Ægypti Sulthanus Hierosolymitano regi graue  
 bellum moliretur. Tradunt scriptores, pontificem antea calamitatis suæ memorem, oscu-  
 lanti pedem, contracta fronte, hoc Dauidicum carmen protulisse: Super aspidem & basiliscum  
 ambulabis, & conculcabis leonem & draconem: ut domitæ superbi animi ferocia nequaquam  
 humaniter illuderet: Ad quod Cæsar tam piè quam grauitè renidenti vultu responderit, Non  
 tibi, sed Petro: tanquam hominè facile continere, personæ verò dignitatè probè venerari vide-  
 retur. Cæterum Cæsar Venetiis summis affectus honoribus, quum in Germaniâ redisset, pio gene-  
 roloque



rosoque animo, lectissimum ex veteranis copijs exercitum coëgit, & quum Henricus filius consensu procerum Cæsar esset appellatus, & per Pannoniam & Triballos Byzantium contendit. Inde verò recreatis copijs, Emanuele Græcorum imperatore propinquo suo liberaliter commeatum præbente, præter Mæandrum amnem profectus, cum Turcis acerrimè bellum gessit. Supremum verò eius operum fuit Philomela vrbs manu capta. Nam paulò post ad Iconium Lycaoniæ urbem, quum Ferrei amnis perspicuis vndis per æstum inuitatus lauandi gratia alueum intrasset, cæco absorptus gurgite interiit: insigni quidem illudentium Parcarum iniuria, quum vir fortissimus, & supra reges omnes bello inclytus, quem mille acies strenuè dimicantem non absumpserant, natantem ignobilis torrentis vortex abstulerit, pergravi utique nostrorum luctu, iacturaque, & singulari Barbarorum commodo atque læticia. Delatum in Syriam cadaver Guido rex apud Tyrum exquisito apparatu funeris, & marmoreo sepulchro honestauit. Effigiem Ænobarbi Cæsaris Mediolanenses in euersam patriam remigrantes, marmoreo in arcu supra Romanam portam sculpservnt dracone stantis cruribus inuoluto, ut viri dirique hominis simulacrum perpetuò spectaretur. Ad eundem quoque oris & barbæ habitum altera ipsius effigies plurimum aridet, quæ in aurea bulla scitè expressa, appensaque membranis privilegiorum Pisanae ciuitatis conspicitur: ea fide collata, ut tertiam quoque eius statnam ad Volturri pontem proximo Lotrechij bello base deiectam viderimus: quum sumptuosissimi operis turritus pons, à Friderico iuniore, huius Ænobarbi nepote, Sueuæ gentis regum imaginibus ornaretur.

## ANTONII VVLPII.

*Excise Italia cupiens pensare ruinas  
Velsaltem in pulchra quarete morte decus,  
Ænobarbe, Asia fines irrumpis, & hosti  
Eripis auctas religionis opes.  
Invidit ceptis Fortuna inimica secundis,*

*Nam dum te in nitido proluis amne, cadis.  
Maeste animis ingens Asia dignissime campis  
In quibus illustres tot cecidere viri:  
Hinc vatū calamos & marmora & æra fatigas,  
Hinc meritis claris annumerare viris.*

## GEORGII IODOCI Bergani.

*Seuus eram, mea me bellax audacia cælo  
Sustulit astrigero,  
Norica Pannoniis coniunxi saxa colentes  
Fœdere pacifico,  
Insubres domui, & Danum parere coëgi  
Legibus Imperij,  
Europæ imposui frenos, Asiæq; superbas,  
Africa me timuit.  
Ipse tamen cuius vires animosq; feroces  
Sensit uterque Polus:*

*Captiui tenero natū deuinctus amore  
(Ceperat hunc Venetus)  
Non assueta iugo submissi colla supremi  
Pontificis pedibus.  
Et tandem Armenia mercantē flumine membra  
Me tulit vnda rapax.  
Indulgens nunc mater erat, nunc saeva nouerca  
Sors mihi non stabilis.  
Dic tu igitur felix, miser an, tibi iudicer hospes  
Qui mea gesta legis.*

## PARTHENII PARAVICINI Nouocomensis.

*Te quoq; bellorum decus, & noua gloria Martis,  
Armatos inter Proceres, & Numina belli  
Seruant venturis Musæa palatia seclis,  
Et Iouis fama quæ docta volumina mandat.  
Nam, licet egregias vrbes, & maxima regna  
Ceperis, & validum toties subieceris hostem,  
Atq; etiā procul, ing; orbem tua signa remotū  
Protuleris: tamen hæc olim inuidiosa vetustas  
Presserat, & recum rapidis immerserat vndis,*

*Vt vix vlla tui superesset nominis umbra:  
Ni clara Iouius donasset munere lucis.  
Sic visum est Superis iustos pensare labores:  
Tu patriæ illius clades, ac diruta bello  
Mœnia, & euerfas reparasti funditus arces:  
Ille tibi meritūq; memor, gratusq; laborum  
Extinctū decus, et lapsum inslaurauit honorē.  
Digna quæ atq; aquāda tuis hæc præmia factis.*

## Farinata Vbertus.



ARINATA ex antiquissima Vbertorum familia, inter Florentinos optimates equestri dignitate, eximiaque virtute generosi animi Florentiæ illustris, ab insigni erga patriam pietate, æterno Dantis poëtæ præconio celebratur. Is per omnem ætatem sese ciuilibus bellis exercuit, quum Florentiam, sicuti & cæteras ferè omnes Italiæ ciuitates, idem pestilens factionum morbus inuasisset. Ab aduentu enim Ænobarbi Cæsar, supra tot acceptas bellorū clades, inducta erant Gibellinorū & Cuel-





phorum funesta nomina, quæ horribili & diuturno quodam terræmotu, humana diuinâq; omnia concusserunt. Diductæ siquidem in partes insana & crudeli dissensione ciuitates, Guelphi pro Pontificibus, Gibellini pro Cæsaribus, de potentia, dignitate, vitæque dimicabant: sed longè omnium pertinacissimè Florentini. Gibellinarum autem partium Vberti ante alios nobilitate, opibus, virisque præstabant. Inter Vbertos autem vnus maximè excellebat Farinata, militarium quæ artium peritus, grauitate consilij, & robore virium Guelphis metuendus. Pugnabatur in vrbe singulis in regionibus, tanta vtrinque per mutuas cædes rabie, vt multæ magnificentissimæ turritæq; Procerum domus, alternante vices Fortuna, miserabili seuitia delebantur. In ea contentione Florentiæ in primis & singulis Italiæ urbibus, Gibellino cessit Guelphus. Nam ea tempestate Fridericus secundus imperator Ænobarbi nepos Guelpharum partium princeps, impotentibus armis proterebat. Itaq; Vberti egregiè vincentes, aduersarum partium principes Adimarios, Bondelmontes, & Paëtios ciuitate expulerunt. Sed Friderico demum in Apulia mortuo, vigenteque rursus autoritate Pontificis, Guelphi aucti viribus, post deuictos fugatosq; hostes, Florentiam redièrunt, dignitati pristinæ restituti. Exulauit aliquandiu apud Senas Farinata, nihil sua spe deiectus, quin moliendo satagendoq; hostibus quidem exitium, sibi verò maturum in patriam reditum pararet: longè intentiore infra diuini animi cura, quàm cæteri exules, quòd audisset suas, totiusq; Vbertæ gentis magnificas ædes, non deformatas modò repentinæ ciuili iracundia, sed publico decreto à fundamentis excisas, translatis marmoribus ad publicum opus, quo vrbs trans Arnem ad meridiem nouis mœnibus munitur. In area porro admiramur in ruinis, ædificatum est è subrafo marmore præcellenti structura, id quod adhuc admiramur insigne Palatium Octouialis & summi Magistratus sedes. Infesti erant Senensibus Florentini Guelphi,



Guelphi, quod apud Senenses Caesariani nominis studiosos, Gibellinis omnibus tutissimus esset receptus. Quamobrem Guelphi eorum agrum omnem, expugnatu aliquot Castellis, effuse impuneque populabantur, quod exiguae omninoque valido hosti impares Senensium essent copiae. Tum vero Farinata peracri vir ingenio, ut qui consiliis eorum admisceretur, graui eloquentia Decurionibus persuasit, ut à Manfredo Rege propulstandis hostibus & vindicandis iniuriis, Germanorum equitum auxilia postularent. Manfredus ex concubina genitus, ut Conrado fratrem legitimo adhuc impuberi Apuliae regnum praeriperet, (ut auctores tradunt) ægrotantem patrem Fridericum, puluino in os coniecto immaniter suffocarat: dabatque enixe operam vel per scelus, ut sese aduersus propinquos praemuniret. In legatione Senensium atque exulum eminebat Farinata, secundis ac aduersis rebus in Italia clarus. Postulatis autem ita annuebat Manfredus, ut se non plus quam centum galeatorum equitum alam, sed eam inuictae virtutis daturum polliceretur. Tum vero Senenses, quod ea manus exigua, & nihil omnino profutura videretur, id auxilium tanquam inane & sumptuosum repudiare cogitabant: indignari scilicet quod Rex nouus nequaquam paterni spiritus æmulus, partes suas adeo negligenter tuendas existimaret: nisi Farinata imperiti Regis incuriam stomachatus, astute & grauius nihil omnino opis quod Rex offerret, spernendum censuisset: modò regium vexillum cum suo insigni furuae aquilae argenteo in campo alas extendentis, quod esset amicitiae pignus ad terrendos Guelphos ab alae signifero gestandum daret. Hac, inquit Farinata, viri Senenses parua manu si sapimus, Manfredus vel nolens in partes trahetur, si, uti bene ominari licet, à numerofo insolentiq; hoste, pauci atque praecipites Germani concidantur. Tunc enim negligentiae suae agnosceret culpam, & pro sua dignitate causam tueri, iusti q; roboris auxilia mittere cogetur. Dedit non alacriter modò, sed cum fastu vexillum Manfredus: Germani autem ubi cum Legatis Senas peruenerunt, Florentinos ad Petronellam habentes castra non semel adorti sunt: sed intra paucos dies, uti diuinabat Farinata, visu euenit, ut quum Florentini ad Camoleam usque portam excurrerent, Senensium iuuentutem ad erumpendum irritaret, canente tuba Germani ad arma excitati, effusi q; porta, hostes conuersos in fugam usque ad castra persequerentur, in ea q; vehementi impetu multis caesis perumperent. Erant bene pransi, mero q; & victoria calentes Germani, ob id q; adeo intemperater terga vertentibus instabant, ut cruento grauiq; tumultu edito in media castra ad Carroccium usque penetrarent: funesto quidem audaciae exitu, quum à circumfusus undique copiis reiecti primo, mox ad vnum omnes trucidati sint. Vexillum autem Florentiam cum magno plausu relatum populus victoria ferox, tanto ludibrio habuit, ut inuersa hasta per urbem euerrendis regionibus traheretur. Farinata itaque voti compos solerter egit, ut Decuriones Manfredo perscriberent, qua virtute Germani vel inconsulte erumpentes in hostium castra peruaserint: quo terrore atque periculo & cade Guelphorum mediis in castris dimicarent: & quanto denique immoderate fortitudinis conatu ut Aquilam defenderent, circumfusa multitudine hostium, non inulti occubuerint. Illud vero Gibellinis omnibus supra lectissimae alae iacturam, miserrimum fuisse, quod Aquilae vexillum à Guelphis foedissimo ludibrio habitum, suspensum q; celebri in loco ad inuersi trophaei imaginem Florentiae spectetur. Quod proculdubio si maiore Germanorum numero res gesta esset, ex pulcherrima victoria Florentino in foro eiectionis Guelphis fuerit erigendum. Sensit acceptum vulnus contumelia atque dedecore cumulatam Manfredus, accensusque dolore & vindictae cupidine, Iordanem propinquum suum bellica virtute illustrem, cum octingentis cataphractis equitibus in Etruriam misit: quorum aduentu cognito, Guelphi Senensi agro protinus excesserunt, eam q; vnam renouando bello occasionem expectabant, ut Senenses stipendiorum graui sumptuum exhausti Germanos dimitterent, quibus cum propter eximiam virtutis opinionem manus minime conferendas putarent. Angebatur proinde animo Farinata, prouidebat q; Germanos exhausti iam bimestri stipendio Neapolim breui redituros, quum ad suas regressus artes, nouo astu viam inuenit, qua Florentini ad renouandum bellum elicerentur. Simulata enim perfidia suasit cucullato Sacerdoti, ut rem longè gratissimam, ipsi q; magno futuram lucro Florentinis optiam alieno esse nomine deferret: se diuturno exilij taedio, amore q; desiderio patriae adductum, fissimè regerent: propterea paratum esse cum exulum manu eam portam, quae Arerium duceret, occupare, Florentinisque proderet, si coacto exercitu, instaurato bello in conspectum urbis deuenirent. Nec mora, Octouiri re ingenti silentio suppressa, ut cucullatus Farinatae nomine deponunt. Tanta autem animorum ferocia cupiditate q; arma parata sunt, ut nonnulli viri graues periti q; militiae, & in his Tegaius & Aldobrandus, tanquam nimio plus Germanorum impetum meruentes, ab audaculis vanissimis q; popularium è consilio, strepitu & vocibus exploderentur, quum differendum bellum in id tempus censerent, quo Germani ab hoste inopia percuniae grauius oppresso, exclusi stipendiis dimissi forent, quod eorum vim Italicus equitatus non nisi magno cum discrimine laturus esse videretur. Arrisit fortuna Farinatae dolis, ut Guelphorum insolentiam eluderet. Nam quum Florentini ad montem apertum, quinto à Senis la-



pide supra flumen Arbiā castra posuissent, prodicionis euentum expectantes, in eos vel numero superiores, eductis copiis Iordanes impetum fecit, confertaque longè omnium eius ætatis cruentissima pugna, usque adeo crudeliter lateque fusos hostes cecidit, ut Arbia innumerabilium cadauerum tinctas cruore vndas traheret. Steterant enim ea in acie à Florentinis triginta milia peditum, & quinque equitum milia. Sed eius pugnae mala fors vehementer incidit Lucensium, Pratenſium, Orbitorum, & Bononiensium auxiliis: quā Germanis, qui cæsæ ad Petronellam alæ parentare cupiebant, vel in deditos & captos sæuientibus, occurrissent. Pugnatum est prope ad internecionem Guelphi nominis, pridie Nonas Septembris, anno à partu Virginis sexagesimo supra mille & ducentos. Nulla omnino Florentiæ domus cladis & luctus expers fuit: corruisseque ciuitas videbatur, quum miserabili eiulatu planctuque omnis sexus, ætatis, atque ordinis cuncta complerentur. Optimates itaque & plebei Guelphæ factionis, desperatis rebus ante victoris aduentum vrbe profugerunt: Iordanes verò intra paucos dies Farinatam cæterisque Gibellinos in patriam reduxit. Constituta autem Republica, Guidoneque Nouello Iordani suffecto, quod is reuocatus à Rege Neapolim redibat, Florentini Lucensibus bellum inuenerunt, quod apud eos Guelphorum reliquiæ Tegiaio Aldobrando authore & duce arma resumerent. Cæterum Nouellus expugnatis aliquot castellis, cum Lucensium exulumque exercitu prosperè conflixit. Eo in prælio Bondelmontes, cognomento Cicer, Guelphorum Princeps, crudeli casu interfectus est. Hunc ereptum è media cæde Farinata in equi clunes sustulerat, ut humaniter conseruaret, parcebantque ei vel efferi hostes dignitate Farinatae permoti: sed Petrus Farinatæ germanus frater, cui Asinus cognomen fuit, vir atrox & sanguinarius captiuo non pepercit, ut qui eum clauæ ferreæ ictu in tergo fratris occiderit: detestante id scædum scelus Farinata, plurimum indignante, quod sibi clementiæ laus immanitate fratris eriperetur. Nec Guelphi vel duabus attriti cladibus, animis se dimiserunt: Commouebant enim se in Æmilia, & missis legationibus ad Conradum puerum in Germaniam, & in Galliam ad Carolum Andegauensem, vndique Gibellinis & Manfredum bellum concitabant. Quibus cognitis rebus, Gibellini ad Emporium oppidum Pisanæ viæ impositum, ut de summa sustinendi inferendique belli consultarent, consilium indixerunt. Conuenere Aretinorum, Senensium, Pisanorum, & Pistoriensium legationes, itemque Vbaldini & Alberti in Apennino præpotentes, & sanctæ Floræ Reguli Senensibus contributi. Præerat concilio Guido Nouellus Mutilianæ Comes, è Guidonum Comitum gente: disputabatur variis sententiis de ratione confirmandæ potentiae, quod magnæ rerum difficultates deliberantibus occurrerent: cum propter rumores Gallici apparatus, & Germanos in Manfredum concitatos, tum propter Turrianos Principes in Cisalpina Gallia aliquot iam partis victoriis Gibellinos acerrimè persequentes, Romanumque Pontificem ex professo Guelphos mirificè sublenantem. Verum supra hæc consultantium mentes grauiore metu perturbabant minores populi Florentini classes, qui ab infiro studio Guelphum colerent nomen, & Gibellinum vel subastæ armis, pertinacissimè odissent. Iamque in id consilium dictu ignobile, conceptuque summè sæuum ac turpe sententiæ inclinabant, ut diruenda Florentiæ mœnia, vrbemque nudatam munimento in vicos diducendam censerent. Non tulit diræ sententiæ nomen vnus Farinata, profiliensque in medium generosa pietate peracrique facundia contradixit: execratus degeneres crudelesque eorum animos, qui nobilissimæ vrbis scædo interitu lætaturi viderentur. Habeant, inquit, eam potius incolumen Guelphi, atque in ea dominantur, si ira fuerit in factis ut victores euadant, quàm ut scælesti consilij hoc immane decretum ferri patiar. Si veræ virtutis præmium incolumis patria, uti decet, ex æquo omnium parens, cui nemo, nisi degener & impius, manus intulerit: quando ipse vnus ante alios vel exul, dum spiritus hos reget artus, acerrimè sim defensurus. Erat Farinata corpore atque animo ingens, elato supercilio, eloquentia adeo graui vehementique, ut pudorem fœderatis iniiceret: Florentinis verò ciuibz, qui aderant, præ gaudio lachrymas excuteret. Atque ita ciuitas aduersus inuidiam & rabiem execrabilis decreti, ab vno, ut decuit, optimo ciue seruata est. Sed Farinata ingruentibus demum Gallis, & Manfredo ad Beneuentum acie victo cæsoque, & Guelphis ex ea victoria Florentiæ restitutis: ab ingrata patria, quam seruârat, id præmium tulit, ut extorris Africani Scipionis exemplo in exilio moreretur: sua quidem virtute non modò non infelix, verum æstimata laude maximè gloriosus. Contrà Asinus frater ad Beneuentum cum Iordane captus, iussuque victoris Caroli ad Nicopolis Prouinciæ in carcerem ductus, diu miser, necatusque demum meritis sæuitiæ suæ poenâ luit. Farinatae effigies in porticu Pandulphinae Villæ ad primum lapidem extra Fridianam portam, hoc cultu atque armatura, inter Florentinos antiquos proceres Florentiæ eleganter depicta spectatur,

## H O N O R A T I F A S I T E L I I.

*Seruata per te patria quod tum maxime,  
Sic quum misera casura fuerat maxime:  
Nunc optimo in iure præter ceteros*

*O' belli, & idem pacis artibus inclyte  
Vberte, patria viuus in superstitie,  
Vivesque, dum viuunt sacri annales Ioui.*

A N T O N I



ANTONII FRANCISCI RAINERII.

Tu præstans vberis animo, tibi Dedala fandi  
Vis fuit, heroisq; Ithaci sub pectore sensus.  
Nā seu dextra hostē quateres, seu fulmine lingua,  
Sine astus Marti misceres, fulminando  
Præcorumq; artes & robora Romanorum  
Aequiparas, vario dum nutat Etruria motu,  
Et patria insans dum fluctibus icta labascit.  
At pietas laudumq; cupido, & viuuda virtus

Reddidit aternū, celsq; euexit Olympo:  
Cum seruas lacerandam urbem, qua nil ab' Eois  
Pulchrius Hesperias oriens Sol cernit ad undas.  
Iure igitur Latia Iouius noua gloria lingue  
Dat laudes, poterit quas nulla abolere vetustas:  
Debet & ingenti Florentia Farinata  
Qui miseram vultu patriam tutatus aperto est.

## Actiolinus Tyrannus.



**A**CTIOLINVS Patauinorum Tyrannus, portentum humani generis, hac obducta feralique fronte, hoc atroci pallore, hisque vipereis oculis, suam indomitæ naturæ toruitatem spirans, in Prætorio Patauij pictus spectatur: unde nobis exempli tabula hæc in Musæum relata est. Fuit is Saxonici sanguinis à proauo Alberico auoque & patre Actiolinis, Italicæ stirpi ad horribilem sæculi pestem insertus, ea tempestate, qua Otho tertius Cæsar in Italiam venit: eo susceptæ coronæ exitu, vt suburbanas Romanorum delicias barbaro more ferro & flammis excinderet. Nauabat operam incendiario Cæsari superior Actiolinus,



magisterio Equitum insignis: tuleratque ab eo militiae donum in Euganeis oppidum nomine Romanum, ut inde nouus incola, hoc horrendum immaneque monstrum progigneret: quod maxime funestam regioni cladem esset allaturum. Nihil enim hic diri nominis pronepos à progenie virulento sanguine infecta degenerauit, utpotè quem nulla humanioris vitae consuetudo, nullus auiti maternique lactis affectus, nullaque benignioris eius coeli clementia ab ingentia rabie furentem mitigare potuerint. Quanquam ab adolescentia honestè ac liberaliter educatus, bonæ maturæque frugis spem præberet, virque deinde factus secunda virtutis fama militiae versaretur. Adhæserat Friderico secundo Romani Pontificis opes oppugnanti, & Guelphorum nomen in Italia proterenti. Sed Imperator à Parmensibus graui dignitatis incommodo scèdè fugatus, & castris exutus, ægrè Cremonam è manibus hostium se receperat: quum fortè in segni & longa obsidione munitis exiens castris intempestiuam ex Falconum aucupio ad Buxetum oppidum voluptatem quæsiuisset. Fuit Actiolinus ingenio peracuto, constanti, versutoque apprimè validus, corpori autem quanquam mediocri, singulisque membris habilis inerat vigor, adeo firma explicataque neruorum compage, ut eques pariter & pedes armorum exercitatione, cunctos æquales anteiret, nec vnquam inedia, vigiliis, algore, aut aestu frangeretur. Id verò in eo homine peculiare maximeque mirum fuit, momento temporis diuersos commutati animi habitus quum vsus posceret, gestu, voce, oculis ementiri, alieni porrò animi latebras sagacissimè perscrutari, incredibilique simulationis artificio, vel penitissimos astutorum hominum sensus explorare. Vir enim suspiciosus, vaser, inuidus, saeuus & semper ad imperium anhélans, modò hanc, modò illam personam induere histionum more didicerat. Hos tradiderant mores auus & pater, utpotè qui antea graues inimicitias cum finitimis & potentibus Patavinorum optimatum familiis susceptas, per cædes, castellorumque incendia, aliquot annis exercuissent, simultate orta ex nuptiis adulterioque Cæciliæ Baoniæ, quam auus Actiolinus cognomento Balbus impudenti astu præreptam secundo Actiolino filio, cui Monacho cognomen fuit, in matrimonium dederat, quum Gerardo Camposampetrio Patavinæ iuuentutis Principi desponderetur. Trahebat enim secum dotali iure opulentam hæreditatem, qua Balbi animus auaritia repente captus, turpiter adduci potuit, ut Gerardum contra ius arctæ propinquitatis inexprabili iniuria offendere minimè vereretur. Erat enim Gerardus ex sorore Balbi genitus, & de Cæciliæ sponsalibus (vtri decebat) auunculum consuluerat. Itaque iuuenis inhumaniter perfidioseque deceptus, abiusto dolore ad vindictam præceps, ita contumeliam vindicauit, ut sordo facinore concepto patratoque, Cæciliam post celebratas cum Monacho nuptias, fortè ad Aponenses aquas euntem interceperit, mediæque in via intentato ad iugulum pugione si reluctaretur, vi illata constuprarit, non ad libidinem, sed superbo vitoreque animo, ad perennem Actiolinorum ignominiam. Eius abominabilis facti indignitas Actiolinos repente armavit in Patavinos, quod tanti flagitij iniuriam impunito Gerardo neglexissent, dediditque initium diuturnis inusitatisque cladibus: quibus præter nobilissimas rotius Venetiæ vrbes, supra centum oppida castellaque diu vexata, & late vastata à stirpe propè interierant. Cæterum Cæcilia quanquam incorrupta animo, vti tamen polluta corpore repudij penam tulit, eaque propinquis remissa. Monachus nouas nuptias fecit cum Aldeida Etruscæ nobilitatis ex Mangania domo in Alpibus illustri. Hoc ventre infausto, hocque diro semine editus est tertius eiusdem nominis Actiolinus, de quo loquimur: ab aliquo (ut credi par est) prodigioso malignorum syderum concursu, animi sæuitia tyrannus Phalari, Dionysii, atque Neronibus referendus. Balbo auctore morte erepto, & patre Monacho ad quietiorem vitam secedente: Actiolinus ex ea cruenta simultate armis vehemèter exercitus, integrum bellum priore acrius atque crudelius renouauit, tantaque vi quum in omnibus oppidis atque vrbibus factiones excitaret atque aleret, ut Patauio, Vicentia, Verona, Taruissio, ex ciuili discordia potiretur. Erant ei copiae equitum & peditum perpetuis inueteratæ bellis, & quod magno vsui fuit, fide, studioque partium sibi additæ: quibus accesserant Saracenorum alæ formidabiles, Germanorumque cohortes, & turmae eximie virtutis, quas Fridericus Imperator ei attribuerat, tanquam Gibellinæ factionis Principi, atque impigrè tuenti Cæsaris nomen. Has ut aleret vniuersas ciuitatum fortunas in fiscum redigere: opulentos ciues damnare atque proscribere: sana donatiua spoliare: sacros templorum redditus intercipere: & neminem denique qui pecunia, auctoritate, clientelisque valeret incolumen pati erat solitus. Ingenio siquidem audaci, auaro, impenseque impio, & nunquam cædibus saturato, dum odium lætale omnibus late extendere, ita euastarat florentissimas vrbes, ut quum aduersarum partium sibi suspectos sustulisset, Gibellinos demum amicorumque præcipuos, ac intimos familiares immanissimè grassaretur. Aedificarat singulis in vrbibus atque oppidis carceres tenebris horribiles, in quos inuisorum agmina contruderet, ut inedia miserabilique illuue, retro odore & lurido squalore enecti, in compedibus & robore crudeliter interirent: putrescentiumque cadauerum immenso fetore cæteris pallentibus exoptata mors contagione & metu accerferetur. Nam ea truculentia erant custodes, ut nisi ex mensium intervallo carceres stercore præalto, & multa putidorum cadauerum sanie



fanie redundantes repurgarent, & cumalata inter semianimes enectorum corpora, vncis extraherentur. Nusquā vel spatiofissimi carceres accumulatos etiā in strues captiuos capiebant, non tortorum atq; carnificum numerosae manus edendis cruciatibus, expediendisq; laqueis atq; seculibus sufficebant. Viui homines in frustra laniorum cultris secabantur. Cateruatim alij longa serie deligati ad palos, circumuentiq; flamma torrebatur. Quod verò inaudita crudelitatis fuit, capitale erat tortori atq; carnifici maturasse supplicia, vt vita per articulos, momentaq; temporis ad longos cruciatus extenderetur. In eos autem vel insones, quos neci destinasset, tanquam minoris criminis delatos, ita ex summa saeuitia fictae clementiae laudem querebat, vt monoculos, vnipedes, & vnimanos dimitteret: postremo lugentibus suorum funera, vt lugere desinerent, oculos eruebat: ex pauore circumspectantibus fugam, vt viae labore liberaret, amputabat pedes: alienae porro calamitati libera voce indolentibus, ne diu vociferarentur, linguam praecidebat. Delatores quoq; ipsos negligentiae incuriaeq; damnatos, quā damnandorum nomina deficeret, ductos in praeterea turrē vt certius specularentur, atroci ludibrio, sed merita poena, in fossam praecipites dabat. Imensem autem humanitatis arbitrabatur, damnatorum atq; exulum vxoribus & liberis ea conditione vitam condonasse, vt foeminis deciderentur mammae, mares verò ad non dubium inimicę sobolis interitum castrarentur. Per hunc modum nusquā remissa atrocis animi saeuitia, sed indies rediuiua feritate debacchantem, supra triginta millia omnis generis sexus, ætatisq; hominum, terribilissimo supplicio sustulisse, eorum temporū scriptores tradunt. Iamq; immanis bellua insatiabili ingluuie vorax, immani; sanguinis sitibunda, Mantuę, Brixie, Mediolano, & cunctis Italiae vrbibus inhiabat, deuorassetq; proculdubio, nisi Romani Pontificis Legatus, Aetiusq; Aetius indomitam feri monstri rabiem vlticibus armis infregissent. Innocentius enim Pontifex Aetiolinum antea Friderico Cæsari impię operam natantem, ob idque sacris interdictum, tanquam Dei diuorumque numina contemnentem, furiis infernalibus deuouerat. Itaque numerofo coacto exercitu, & positis ad Patauium castris, vrbem munitissimam Ansedisio Praefecto frustra propugnante fortiter atq; feliciter expugnant, captiuosq; innumerabiles effractis tor carceribus propinquae neci ereptos, libertati patrięq; restituunt, incomparabili Patauinorum lætitia, acerbissimoq; dolore tyranni, qui tum aberat, capiundae Brixiae intentus: adeo pertinaciter hærens, vt Patauio tantis obfesso copiis, vehementissimeque oppugnato, nihil omnino timendum, nec ferendam opem decerneret: ne irritò incepto abscessisse videretur. Verum eo nuncio percussus percitusq; ira, motis castris incredibili celeritate Patauium aduolat, exultantem victorię, imparatumque hostem oppressurus. Sed Aetius peritus belli, & naturę hostium gnarus, irruenti prouocantiq; ad praelium tyranno, obstructas portas, munitaque defensoribus moenia obiciens, salubri patientia, furentis impetum fregit, & elusit. Deiectus itaq; speliciendi ad pugnam hostis, gemens & fremens retrò vertit iter ad Vicentiam atq; Veronam, quibus in locis Patauinos omnes custodia eductos, reliquum saeuitiae suę venenum effundens, variis tormentis excruciat & interficit. Nec multò post initis foederibus cum Vberto Pallauicino, Cremonensium & Placentinorum dominatu potiente, iterum Brixie castra admouet: nec in eo terrore implorantibus opem, Brixianis Legatus deest. Verum Fortuna optime causę ita inuidit, vt Legatus ad Marcariam vicum circumuentus insidiis, & tumultuaria pugna profligatus à tyranno caperetur, & Brixiani ab ea clade metu consternati portas aperirent, Guelphiq; Pontificio nomini fauientes, aut supplicio, aut exilio mularentur. Aetiolinus tanto successu elatus Vbertum victorię socium (vti in satis erat) dominatu consortem nō diu tulit, eumq; superbus & insolens contra ius iurę pactionis Brixia excedere coegit. Is contumelia incensus cum Bosio à Douaria veterē inimico, quod opibus potēs in vrbe Cremona principatus esset æmulus, ad Aetiolini perniciem vires sensusq; coniungit. Discesserat enim ab amicitia tyrani Bosius paribus iniuriis iniquissime lacessitus. Nec mora, sincera fide coniuncti, Aetium Aetinum à Ferraria euocant Brixellum, & cum eo in Aetiolinum coniurant: Martinumq; Turrianum Mediolani regnantem admouent, vt diligenter ab Aetiolino caueat, atque arma parat: se enim nulli occasionē defuturos, vt communem hostem cunctis insidias molientem, coniunctis copiis circumstant, & opprimant. Aetiolinus per eos dies conspirantibus secum Insubru Patriiis, quos Turrianus inducto popularium dominatu, in exilium egerat, in id consiliū totus incumbēbat, vt Mediolanum improviso adortus inuaderet: reductisq; patriiis, & pulso Turriano Pontificij nominis studio, debilitatas iam pridem iacentesq; Cæsarianas partes erigeret. Oppugnabat tum Vrceos oppidum, & coniurati hostes de Vrceanorum salute solliciti, coniunctis copiis à Soncino ad eum ferebantur. Turrianus quoq; Carrōcio cum legionibus vrbe educto, Abduam pontē constrauerat, vt mutua transeundi amnis facultate proposita, ad socios transire, aut eos (sicuti vltus ferret) ad se recipere commodē posset. Quo hostium consilio cognito, tyrannus inuitatus ab exulibus, & vadum in amne montantibus, notum fataleq; sibi consiliū arripit traiciendi amnis, vt improviso Turriani pontem inuadat, & occupet. Adiuuat vim repentinū impetus Fortuna, Turrianiq; praesidium prima irruptione deiicitur, quod Insuabres nihil hostile in sua ripa timendum putassent: utpote qui vlterioris ripae propugnaculum ponti impositum, maiore cura & vigilantia tuerentur. Repentino



iraque terrore perturbati, à fronte primò & mox à tergo tumultuosissimè profligantur, victorìq; pontem relinquit. Is subitario aggere nouoq; præsidio vtrunque pontis caput firmat, effususq; per agrum, ferro ac flammis cuncta peruastrat: frustra q; tentata Modoëtia, ac incensis suburbanis tectis, ad Sextum vsque vicum excurrit: præmissis Saracenis, qui ab inusitato cultu genereq; armorum & barbaro clamore terribiles, Mediolani portis terrorem admoherent: eo quidem astu, vt Martinum longius ab vrbe abstraheret, ipse autem diuerso itineris flexu Mediolanum aduolans, Cæsarianis introitus prodendæ portæ ex suo aduentu occasionem aperiret. Sed Martinus nequaquam temerè progressus, suspectansq; insidias, & vim pugnacissimi furentisq; hostis deuotans, militum suorum audaciam atq; audacitatem conferendæ pugnae grauissima obstaculatione cohibebat: munitisq; castris intentus hosti pariter atq; vrbi cuncta circum explorando, cunctabatur. Nec oblata occasione ad rem bene gerendam defuit Actius, Vbertus & Bosius Mantuanorum auxiliis confirmati: extemplo enim conuolantes ad pontem, eum magna vi, & pari celeritatis successu, quo amissus fuerat, trucidato Actiolini præsidio recuperant. De ea re fortiter atq; feliciter patrata per nuncios, Martinum docent, hortanturq; vt prælio tantisper abstineat, ne explorata de intercluso hoste victoria militum temeritate corrumpatur, quando tyrannus sine vulnere debellandus, offerri certo exitio videatur. At Actiolinus ad primum amissi pontis nuncium, ventis se Fortunæ vultum agnoscens, nequaquam animum despondet, aduolatq; ingenti cursu ad pontem, vt eadem vi celeritateq; bis captum recuperet. Sed peritissimi rei bellicæ hostium duces lunatam munitionem, vsi singulari studio laboreq; militum ad pontis caput erexerant, tam vehementi cruentoq; certamine edito, quum tyrannus acerrimè dimicans perumpere conaretur, ei verutum scorpione adactum in imo crure pedem transfigit. Saraceni Germaniq; in primis & reliquæ copiae, multis acceptis vulneribus repelluntur. Nec tamen sese deserit tyrannus, nec dolore vulneris, nec supremi discriminis metu superatur: indeq; conuersis signis, ad vadum, quo transierat, instante iam tergis Turriano se proripit. Multi suorum profluentis vorticibus abrepti perierunt: ipse alto generosoq; vectus equo, ita in ripam euasit, madefacto vulnere septuagennarius senex exorto intolerabili rigore quateretur, & quod indomiti spiritus virum peruenire poterat, hostium antecursores ad se opprimendum prouolantes conspiceret. Per hunc modum à tergo premente Turriano, & à fronte noui hostis occursum pulsus & latè profligatus, cum paucis se fugæ mandat Brixiana via. Sed euadentem Vbertus & Actius cum expedita equitum manu consequuntur & capiunt. Is Vberto non multum antea amico, atque eiusdem factionis, quam Actio veteri & implacabili hosti se dedere maluit. Eo modo exutus armis, ignobiliq; equo impositus ad Bosij tabernaculum perducitur, à quo humaniter reputatione tantæ calamitatis suscepius est. Sed quum ferox animus obligandi vulneris fascias, & cuncta vitæ alimenta obstinata feritate repudiaret, nec vllas vt bene sperare veller preces admitteret, dentibus infrendens, contumaciq; ore defixis solo oculis spectabatur. Tantus autem erat militum concursus, vt magno ludibrio singulis penè incessentibus, latro impius, & tortor, & carnifex crebrò appellatus, indito circumfusæ ad tabernaculum turbæ, clamore & fremitu ad supplicium deposceretur. Itaque Duces vrgentis iam coronæ violentiam veriti, eum spectaculo repentè subtrahunt, in eodem nocte lecticæ inclusum sub custodia Soncinum deuehi iubent. Nec multò post in eodem portu naci obdurantis animi decreto execrabilem animam exhalans, meritos cruciatus, quos feruida ira exulum struebat, indignabundus effugit. Verum Albericus Tarvisinorum tyrannus nequaquam virtute bellica, sed naturæ immanitate Actiolino fratri comparandus, pro se fratremque cum mulatas scelerum pœnas persoluisse visus est, quum Tarvisio pulsus, & in Zenonis arce obsessus, & captus, vxores filiasq; in oculis viuas comburi, filios membratim dissecari, sese demum diu tortum, attractumque pedibus equorum iugis, per salebras & vepreta, ad necem raptari, laniataque membra feris atque volucris destinari, omnium miserrimus spectaret.

ANTONII FRANCISCI RAINERII.

*Sylla, Nero, Caius, Marius, Mezentius: his tu | Azoline, ipso & senior es Phalari.*

## Martinus Turrianus.



VRRIANAE familiae nomen Belgicæ stirpis fuisse annales tradunt, quod Tarcius Regulus opibus potens in Saxina valle, quæ est supra Larium lacum, daris in argentifodinis clara, geminos externos fratres sibi generos asciverit: daris in matrimonium geminis filiabus, quibus totius patrimonij hæreditas nomine dotis obueniret. Erant Belgæ iuvenes bellica indole honestisque moribus & gentis profapia clari. Cæsarum enim sequentes castra, pro insigni gentilitio, Turrem in scutis depictam gestabant, ex cuius fenestris hastæ geminæ singulis aureis liliis ferreæ, cuspidis modo præfixæ, ad vexilli speciem protenduntur. Ab eo scutorum argumento Turriani sunt appellati. Hoc sanguine progenitum ferunt Marti-



num superiorem, quem ab inusitata corporis atq; animi magnitudine, Gigantem appellabant. Huius eximia virtus Sacro bello sæpius spectata, cum habuit vitæ exitum, vt ad Antiochiam à Barbaris captus, omnibusque exercitatus tormentis beatorum martyrum exemplo, cælestis vitæ felicitatem sit consecutus, relicto Iacobo filio, qui numerosa prole præstantissimorum iuuenum felix, Paganum & hunc de quo scribimus MARTINUM gloriosi aui referentem nomen genuit. Paganum paulò antea virum excellenti virtute prudentiaque Mediolanenses ciuitate donauerant, honoreq; præturæ auctum, publicis consiliis præfecerant: quòd multa cum laude liberalitatis & pietatis ipsorum copias à Friderico secundo Cæsare cruenta acie profligatas ad se recepisset, singulariq; benignitate, omni humana ope adiutas fouisset. Is autem ita gessit Magistratum, vt nemo temperantiâ, æquitate, atq; industriâ potior videretur. Hoc tenore consilij moriens Paganus, Martino fratri ad summam potentiam iter munivit. Erat Martinus ingenio perspicaci erectoq; ad laudem, & imperij maximè cupido, & (quæ erant ad id opportunæ artes) multa ciuili prudentia & astuta lenitate temperato. Volebat enim existimari popularis, dum suscepto mediæ ciuium classis & infimæ plebis patrocinio, nobilitatis superbiam, specie liberalitatis atq; superbix contunderet. Paulum siquidem Sorecinam Optimatum principem, eiusq; sectæ aliquot ciues opulentos, quòd immodici prægrauessq; essent populo, vrbe eiecerat, bonisq; multarar: & quòd maximè potentium fregerat spiritus, Leoni Perego Mediolani Archiepiscopo, quòd is è Patritijs ad eum honorem esset euectus, alterum è Septaria familia commendatione plebis opposuerat: persequereturq; iam apertè nobilissimos quosq;, & præsertim Gbellinos: verum id dissimulante: nam eorum magnus erat concursus ad Othonem Vicecomitem, qui Pontificia authoritate creatus Archiepiscopus, aduersus duos pseudo-Archipræsules sacri Imperij sui sedem & patriam armis repetebat, ea infracti animi perseverentia, vt sæpe acie victus, tanquam optimæ consisus causæ, bellum singulari alacritate renouaret. Cæterum Martinus eum occupata ad Verbanum Arona, copias promouentem, commissa pugna profligauit: magno quidem detrimento Patritijs exulibus illato. Hic est ille Otho, qui ex sacerdotij contentione quinquies à Turrianis repulsus, post viginti annos victis acie, captisq; eius familiæ Principibus ad Decimum vicum, in Vicecomitum domo Mediolanensis imperij fundamenta iecit. Exinde Martinus prostrata, aut redacta in ordinem Insubrum nobilitate, ita Principis munia usurpabat, vt prætoria potestas ad non obscurum tyranni nomen transiret. Idcirco vitandam sibi inuidiam ratus, egregiè simulando patritiorum ordines æquioris & tranquillioris status spectantabat. Ne verò insensus optimatibus videri posset, vetustissimæ stirpis familias per conubia Turriano sanguini inseruit: Ex Castellionea scilicet gente, Biragaq;, & Pusterlea delectis vxoribus. Callebat enim artes confirmandi Principatus, & captandæ popularis auræ: Nam ad has oportune quæsitæ affinitates acceperant faciles aditus, miraq; patientia in audiendis dissoluentisque improbæ & semper ineptæ plebis querelis: & Turriana domus cuiq; expositis penarijs copiis liberaliter adaperata. Quod verò tuendæ popularitatis intererat, publicè etiam epulum dare, & spectacula decurrentium equitum, honestaq; exercendæ iuuentuti certamina propositis præmiis, & magnifico apparatu edere erat solitus. Quibus etiam ludis per solemnes festos dies, vt populi mentes ad religionem reuocaret, Christianæ historiæ actiones intermiscibat, diuorumq; Martyrum exempla personis Comico & Tragico more decentissimè repræsentatis. Quo simulationis artificio collecta sensim gratia, confirmataq; authoritate, non obsecrè ad principatum euectus est: tanto omnium ordinum studio, vt Populi defensor, Pater patriæ, Prætorisq; potestatis Dictator perpetuus vocaretur. Sub id tempus nobilitas fere omnis, in primisq; proceres Gibellinæ factionis extorres & profugi ad Astiolinum confugerant, Cæsarinarum partium Principem, impotentemq; execrabilis sauitiæ tyrannum, vt eius opere ducti in patriam aduersarios Mediolano pellerent. Itaq; Martinus exploratis hostium consiliis, sociis ad capiendâ arma excitatis, & populo multis concionibus ad tuendam libertatem conuocato, Carrociū & legiones, equitatumq; omnem sub signis eduxit. Astiolinus autem qui superato Abdua igne ferroq; obuia vastabundus, incenso Tritio, Vicomercatoq; direpto, ad Sextum oppidum excursions fecerat, vbi Carrociū educi, secus ac putarat, nec longè abesse bar. In vnum enim coierant Astius Arestinus à Ferraria, Vbertus Pallauicinus à Placentia, Botam occuparant. Itaq; premète Martino, duplici terrore ancipitiq; periculo circumuēctus, supremum temeritatis suæ consilium sumpsit tranandi amnis, vt in aduersam ripam, quòd vadum ibi reperiretur, cū equitatu se proriperet. Sed dum transit, verutum scorpione adactum pedi incidit, grauatusq; eo vulnere septuagenarius senex, vltro citroq; Abduam trucidatis eius copiis, viuus in hostium potestatem venit. Nec multò post truculenta obstinatione repudiatis remediis atq; alimentis ferino cū gemitu accersita morte, meritos ad pœnam suæ immanitatis cruciatus effugit. Ab hac victoria Martinus clarus magnusq; habitus, cuncta ad arbitriū Mediolani moderari, & Principem agere cœpit: ita vt magnificentiq; operum ad alendam plebem plurimū studeret;



ædificatis amplissimis ædibus in regione Nouæ portæ, & ad publicam commoditatem excepta Ticini amnis parte, quæ iuxta Abiatum oppidum nauigia ad Ticinensem portam perducit. Id emissarium sumptu cum antiquis operibus comparandum, ingentium lincium est capax: incredibilemque importandorum ex agris fructuum facultatem, cum voluptate hibernæ ac æstiuæ nauigationis, ad perennem Martini gloriam hodie præbet. Sed Turrianas ædes laxitate, viridariis, & præcellenti structura pulcherrimas, Otho victor, iusto (vt ille putabat) dolore compulsum, solo æquauit: tanta exacerbati animi rabie, vt in ruinis diuo Ioanni decollato Templum conderet, dicaretque ad ignominiam damnati soli, sepulturæ ac inferiis noxiorum hominum, qui tetro affecti supplicio, è furcis ad id infame sepulchretum perpetuò deferrentur. Inexpiabile siquidem odium sibi concitauerant, dum superbe rerum potirentur Napus atq; Franciscus fratres, quod acie ad Angleriam victores, captis viginti duobus Patritiis, & in his Theobaldo Magni Matthæi patre, Othonis fratre genito, capita attracta crinibus, ad plaustrum temonem rustica secure crudelissimè detruncassent. Regnavit Mediolani Martinus annos quatuor post partam de Astiolino victoriam, sua virtute, ac immenso populi fauore gloriosus. Obiit non plannè senex, elatusque ciuium humeris ad Claræuallis Cœnobium, sepulchro maiorum spectatur, est. In quo eius effigies sub abside marmorei fornicis depicta, hodie etiam incolumis spectatur, in purpura & pileo armelinis pellibus suffulto, vt tum erant summi Magistratus insignia. Sed Martinum illustri prudentia insignem, non multò post longè clarissimum fecere Philippus & Napus successores, quum ille fraternæ potentie hæres, immodico Principi tyrannoque, quam Prætori propior esse maluerit: hic verò bello acer, paceque intolerandus & atrox, sese & familie fortunas omnes Decumana acie victus euerterit.

## ADAMI FVMANI.

Ruebat Eccelinus acer Italus  
Fretus tremenda militum ferocia  
Tremendus ipse diritate barbara  
Vrbem superbam, maximam, perlucidum  
Sydus, togata vt perdomaret Gallie  
Tyrannus Eccelinus ille pessimus,  
Illud Deo atq; hominibus infestum caput,  
Quotquot fuerunt, quotq; sunt, quotq; vnquã erunt  
Longè tyrannus omnium teterrimus:  
Ab corde cuius exularat funditus  
Fas, ius, pium, rectum, pudorq;, æquũ & bonum,  
Qui tenera membra paruulorum ab ubere  
Matrum reuulsa, diffecare per scelus  
Mucrone duro, fuerat ipse durior.  
Quin (proh nefas) & mulierum pregnantium  
Exenterare amabat (ò dirum nefas)  
Exenterare amabat aluos impius  
Horrente scalpro: te nihil mater verens  
Lucina, iustis quæ vocata partibus  
Nitentium audis pia lacrymosas preces.  
Quæ sæpe sæpiusq; repetita, illius  
Nunquam feroces spiritus, nunquam ferè  
Durissimum mollire pectus quauerunt.  
Et hoc Patavi nouit alma ciuitas  
Vicinaq;, illi fertilis Vicentia  
Tuq; vrbs frequens, vetusta, magna, nobilis,  
Verona mater urbium pulcherrima  
Nouisti, & ante tu beata Brixia,  
Tum facta ab illo vrbs omnium miserrima.  
Ruebat Eccelinus acer Italus  
Qualis sonantis vis corusca fulminis,  
Cum Turrianus ecce vir fortissimus  
Martinus, indignatus vt spumans aper  
Lucanus, aut Sabellus, aut Libijs Leo  
Getula pubes quem veruta perpulit

Exire notis saltuum recessibus  
Clamosa pubes, & Numidicorum canum  
Animosa vis latratibus senis ferit,  
Cum colla & armos vestientibus iubis,  
Cauda flagello identidem graues sibi  
Villosa terga verberans iras ciet,  
Secumq; caco murmure dubitat ferus,  
Quæ prima mordens obterat venabula:  
Sic ille, acerba vt seruitutis imminens  
A ciuibus propelleret iugum suis,  
Formidoloso & ipse cinctus agmine,  
Virtute fretus exilit mirabili  
Sani incitatus obuiam acerrimo,  
Primaq; pugna vulnerat, viuum capit,  
Asportat, inque claustra cæci carceris  
Contrudit, vbi post dirus is, diris modis  
Squalloreq;, ac pedore tetro, pessimis  
Suis sceleribus debitas pœnas luit.  
Quo peruagante tam beato nuncio  
Latè per agros Italum, perq; oppida,  
Passim puellæ virgines ductus choris  
Late caneant voce tinnula simul,  
Martine Turriane, Martine inclite,  
Tu liberator urbium, tu Patriæ  
Seruator extitisti, & omnes omnium  
Laudes tulisti: nempe nostra tu omnibus  
Nobis dedisti habenda, cum nefarios  
Latronis ausus contudisti, & omnibus  
Mentem addidisti ciuibus trepidis tuis:  
Tibi & mariti coniuges, & coniuges  
Debent maritos, atq; viriq; liberos,  
Debent parentes liberi tibi quosq;  
Tibi nos pudicitiam, tibi decus, tibi  
Nostram incolumitatem, tibi iam deniq;  
Nos nostraq;, en debemus hæc tibi omnia.



## Sarra Columna.



**H** O C toruo subagrestiq; vultu SARRA Columna præclarū maximè generosi infra-  
ctiq; animi specimen prætulisse videri posset, quū Bonifacium Pontificē probè vl-  
tus, peracris iniurię contumeliā, vel nefario aulū vindicauit: nisi meritò secundoq;  
euentu patrati tanti facinoris integra laus, sprete ac immaniter violatę religionis  
infamia premeretur. Quid enim æquo iure vel atrocius admitti, vel scelestius cogi-  
tari potuit, q̃ sacrorum principē diuinitatis opinione vniuersis gentibus religiosissimè veneran-  
dum insidiosis oppugnare armis, sacrilega manu capere, & dira crudelitate ad mortem redigere?  
Nulla siquidē dicta factūve in Pontifice, quantumlibet factioso, impotēte, auaroque, diuini iuris  
authoritatē, & vim sacrosanctę potestatis elidunt, & eleuāt. Nam vbi semel consecratus, & nouo  
desumpto nomine lustratus est, Pastoralemq; lituum præfert, ac in eius deraiso atq; sacro capite  
gemmatus apex resulget, tanquam exuta humanitate, augustus & planè diuinus efficitur. Inua-  
serat Pontificatum Bonifacius, peruersa ambitione præceps, Cælestino miris vsque adeo artibus  
infatuato, deceptoque, vt virille ingenij captu simplicissimus, humanarumq; imperitus rerum,  
& religioni impente deditus, Pontificatu se abdicaret, priuatę (vt aiebat) tanquam sanctioris  
vitę desiderio, postquam tanti principatus ferendo oneri se imparem fateretur: & resumpta cu-  
culla ad syluas & specus Gargani montis, ad contemplationem diuinorum operum contende-  
ret. Itaque voto suo positus Bonifacius in paucissimos dies, prænsando largiendoque in va-  
euam sedem irrepsit, renunciatusque Neapoli Pontifex, Romam se contulit. Quum verò dia-  
dema triplicis thiarę suscepisset, ante omnia atroci concilio operam dedit, vt Cælestinus sa-  
cro secessu eductus, in carcere Fumonię arcis necaretur. Integer enim vitę, ac omnis sceleris



impollutus, quod è tanto fastigio religionis amore, in eremum se demississet, admirantibus cunctis pij animi decretum, tantam conceptæ diuinitatis opinionem fuerat consecutus, ut à vicinis primò, & à remotioribus demum populis inuiseretur, & plerique ab eo vel occursum & colloquia deuotante, delictorum expiationes, & rerum futurarum oracula deposcerent, & iam pro sancto glifcente diuinitatis fama coleretur, Vestinique nonnulli primores reducendum in suam sedem censerent, quam impudenti ambitu versutus impostor, pro optimo atque innocen- tissimo damnatis artibus inuasisset. Emanarat enim in vulgus qua malignitate astutæ simula- tionis, quo nefario ambitu, cum Carolo Rege & Senatoribus esset transactum, ut Cælestinus deceptus & proditus Pontificatu deiiceretur. Per hunc modum Bonifacius acri cura & vehe- menti metu liberatus, usque adeò superbè sustulit animum, ut quum genere illustris, & erecto præstantique ingenio pollens, & diuini iuris intelligentia clarus haberetur: in administranda Republica imperioso & factioso Principi, quàm æquo, & temperato Pontifici proprior eua- deret. Metui siquidem quàm amari, ac adorari potius quàm coli & suspici malebat. His mori- bus Pontificatum gerens, grauem primò simultatem, & mox asperissimum bellum cum Colum- nensibus Romanæ nobilitatis Principibus contraxit, quod eius familiæ duo Cardinales Petrus atque Iacobus, Ioanne summo ciue geniti, sæpe in senatu libero Romanoque ore loquentes, ab eo grauissimis in rebus sententia dissentirent, ut priuari nominis sui decus, & totius familiæ clientelas tuerentur, aduersus eum Pontificem, qui Christianæ æquitatis oblitus, & Guelphi generis memor, quod ita firmando imperio expedire videretur, Gibellinorum acerbissimus hostis exstitisset. Itaque Bonifacius dicto non audientes, secedentesque in paterna oppida ad Præneste, hostes iudicat: in eos anathematis tela contorquet: purpurei galeri honore spoliati: cæterosque eius familiæ procures aqua & igni interdicat, & quod ea religionis arma tanquam ab iniurioso factiosoque Pontifice profecta, contemnerentur, conflato valido exercitu eos iu- sto bello persequitur. Cardinales maturè fuga se eripiunt, è duobus verò patris Stephanus Pe- trarchæ carminibus celebratus, in Galliam ad Philippum Regem confugit: alter hic de quo lo- quimur SARRA in Ardeatinis syluis erepta spe fugæ se occultat. Oppida autem septem, Præ- nesteque in primis, & sub Algido Columna expugnantur, inexorabilique Pontificis rabie flam- mis absumuntur. Nec eadem iracundia Vrbis Columnensium domibus pepercit, quæ sunt sub Quirinali & in via Lata: sic ut eorum etiam turres in foro Romano perfossæ deformataeque sint. Errabat in nemore Sarra vestigia hominum deuotans, agrestibusque pomis vescabatur, quum magno casu à prædonibus Massiliensium qui biremes aquandi caula, ad Antriaticum mari- pulerant, interceptus est: catenatusque in transtro ad remum adigitur, & post durissimos martiri- mi cursus errores Massiliam est deuectus. Is inopinato oppressus infortunio, tanta infra acti ani- mi patientia, indignam ærumnosamque seruitutem aliquandiu pertulit, ut nomen suum non proderet, & se pascentium bubalorum gregi à Priuernate ciue præpositum mentiretur: Archipi- rata scilicet avaritiam veritus, à quo ingenti precio Pontifici diuendi & ad supplicium tradi fa- cilè posset. Sub id quoque tempus Bonifacius Philippum Galliarum Regem profano iure inducto, pontificiam existimationem in adiudicandis sacerdotiis insolenter offendentem, & impium & Regno indignum iudicarat: concitabatque in eum Alberrum Cæsarem & Germanos & Belgas: ad id rerum discrimen magnoperè tumultuantibus Galliarum populis. Vtebatur tum Philippus Stephani Columnæ consilio, viri prudentia autoritateque; præstantissimi iamque: eò simulas pro- cesserat, ut Pontifex grauissimorum criminum infamia notatus, ad dicendam causam vocandus in concilium, exauthorandusque; Christiana seueritate censeretur. Sed retundendæ superbæ ex- peditionem viam monstrantibus fatiis, Sarra vel exul adinuenit. Is enim quum è portu Massilien- si Stephanum fratrem de sua calamitate docuisset, extemplò redemptus ad Regiam contenderat, initisque cum fratre consiliis, & cum Rege communicatis, accuratè persuaserat, ut ad paranda arma in Italiam mitteretur. Musastus verò Francesius nobilis Eques Florentinus, multis fidelis industriæ & bellicæ virtutis experimentis Regi carus in Etruriam præcederet, molienti que arma Sarra pecuniam, qua abundè instructus aduenerat, opportunè suppeditaret. Conuenère igitur noctu in oppido Stagia, quod erat dirionis Musasti in Senensium finibus Romanæ viæ imposi- tum, de promptaque pecunia conductus est Nogaretus Gallus vir impiger cum ala Gallorum equi- tum, ex his qui stipendia sub Carolo Valesio Philippi Regis fratre in Italia meruerant. Hac ex- pedita manu veteranis suis & clientibus adiuncta, nocturnis ausisque: vsus itineribus: Sarra ad op- primendum Bonifacium Anagninam contendit. Aestiuabat libenter patrio in solo quotannis Bonifacius, & quod ei ad voluptatem iocundissimum erat, in ipsa etiam paterna domo, metu vacuus, tenuique: septus custodia, & tum rumores fatali fastu contemnens, qui nequaquam ex vano de exulibus afferebantur. Nec desuere neminem timent, domestici hostes, qui ex com- posito perfidiosè portam aperirent. Diluculo itaque Sarra urbem irrumpit: Galli equites sui Ro- gis nomen ingeminant: Columni atrocem clamorem tollunt: Cardinales cum imbelli rotine aula comitatu repentino terrore perculsi, vndique in fugam se proripiunt: terribilis tumultus ro- ta vrbe excitatur: Pontificem hostilis turba domi obsidet, & pro Benedicto Maledictum, pro



L I B E R I.

35

Bonifacio Malefacium appellat: & quod Cælestinum occiderit, truculentis vocibus ad supplicium deposcit. At ille, quanquam supremo metu doloreque perculsus, seipsum tamen præsentî animo non deserit, constantique vultu Pontificatus insignia deposcit, aurataque in sella irrupentes expectat, adeoque se cum sacro cultu, tum maiestate oris venerabilem præbet, ut mirandus Sarra, vel iusta ira turgidus, internecinoque incensus odio, à contactu manus abstineret. Sed Nogaretus Gallicam effundens bilem, insultanti similis, ira acerbè in eum est inuectus, ut se eum in catenis ad Lugdunense Concilium perduciturum minaretur, ut ibi arrogantia penas daret, qui Christianissimum Regem summa iniuria lacerasset. Cæterum direpta domo eum non multò post arctè custoditum Sarra Romam perduxit, ubi intra paucos dies ex dolore animi actus in furorem, inusitataque inflammatus rabie excessit è vita. Illarus autem est sepulchro marmoreo ab se condito, iuxta portam argenteam Basilicæ Petri. Ingens enim ei vivo omnis honoris & gloriæ cupido, & sumptuosa quidem fuerat ornatissimi sepulchri cura: in quo mitrata eius effigies supra aram sculpta marmore & tessellato opere picta spectatur. Benedictus autem eius nominis vndecimus in defuncti locum suffectus est, qui Sarram & Nogaretum tanquam detestandi facinoris nota conspersos exilio multavit. Sed Sarra vel iterum exul nominis fama clarus, & pulcherrimi facti conscientia felix fuit, quum multum, antequàm plañe senex apud Præneste fato concederet, Petrum & Iacobum Cardinales Senatorio ordini restitutos, & Cælestinum gravissimo atque æterno Bonifacii probro inter diuos relatum viderit. Formam Sarrae in vetere tabula pictam exceptamque per manus à maioribus, & religiosè custoditam Martius Columna nobis ostendit, ut ex ea æmulante Pictore, exemplum exactæ similitudinis duceretur.

PARTHENII PARAVICINI.

PARTHENII  
 Hos ne animos pulsi Reges sœuq; securis  
 Gloria & imbuti natorum sanguine fascēs,  
 Aeternūque decus, Brutique vltoris honores  
 Hunc acquirere tuo tam cecum in corde furorem?  
 Vi dirum vsque adeo in facinus crudeliq; oris  
 Irrues præceps? proh te non perculit horror  
 Astonitum? non maiestas veneranda vel ipsa

*Cælicolis, illa & triplici redimita corona  
Insula, tam fœdis tremefactum absterruit ausis?  
Si qua tamē scelere immani atq; è crimine tanto  
Surgere fama potest, illud te foris leuabit  
Inuidia, quod non Regni vesana cupido,  
Sed patriæ pietas, ad factum hoc impulit atrox,  
Pro re Romana, pro libertate tuorum.*

Vguccio Fagiolanus.

ORTUNA per se inconstans & sæpe ludibunda, in attollendo premendō  
que VGUCCIONE Fagiolano mirabiles ludos fecit. Is Massa Trebaria To-  
gata Gallia oriundus, in eo Apennini tractu, qui ad Aretinas Alpes exten-  
ditur, quum nobiles agrestesque familiæ ob factiones inter se contenderent,  
apud Gibellinos per totam ferè ætatem arma tractauit, insigni quidem cum  
laude, quòd per cædes, incendia, vastationesque pagorum, vbique violentus,  
& maximè pugna exortuisset. Nam robusto ingentique corpore firmis-  
sime idè & prægrandibus vtens armis, sicuti ingenio vigilanti acutoque maxi-  
ma ante alios aspera audacter aggredi, & pugnam impigrè ciere erat solitus: vs-  
que omni discrimine & ferox, & pertinax, vt quadam in pugna ad Cæronium pa-  
trius, & ab hostibus propè circumuentus, quum sese fortiter reciperet, vul-  
nere, & collisa vehementer galea, in oblongo pedestri scuto quatuor tragulas,  
ita ex minoribus balistis infixas ad suos retulerit. Exinde multis facinoribus  
queque terribilem Tarlati Aretij Principes oppugnati, à Florentinis liberali sti-  
pendiis, cuius ductu secundis aliquot præliis hostes ita repressi sunt, vt agro ex-  
cesserunt. Sub id verò tempus, quo Henricus Cæsar frustra obsessa Florentia ad Bon-  
oniensemcessit, Pisani Cæsare ciuitatis Patrono defensoreque orbat, quòd Lucenses  
dissent, neminem Vguccione gerendo bello potiorerati, eum qui copiis  
vniuersis impetrarunt. Eius aduentu Pisani, quòd veteranum militem, & Germa-  
nicum, ita sunt confirmati, vt latè summotis hostibus, non modò amissa paulò  
perirent, sed expugnatis etiam aliquot castellis, ad portas vsque Lucensium deli-  
berarent. Itaque exultans victoria Pisanus, nec studio suo modum imponens, ne pa-  
ssim ferenda gratia videatur, Vguccionem ex Duce Dominum creat, honesto qui-  
bus virimmodicus ex moderato dominatu suam tyrannidem inuexisset. Cuncta  
fortunisque omnium pro libidine sibi vtendum ratus, ante omnia Boncon-tem





summæ nobilitatis Patritium, nec immemorem pristinæ libertatis, ideoq; nefariis decretis aduersari ausum interficit, alios spiritu opibusq; valentes detrudit in carcerem, multoq; plures exutos bonis proscribit. Hoc terrore ciuitati illato, auctisq; viribus Lucenses intestino laborantes morbo repentinus aggreditur. Gerardum Lupidium Picentem militiæ peritum, qui Lucensibus copiis præerat, tumultuario prælio profligat, factiosorumq; prodicione adiutus in urbem irrumpit, cæde, luctu, terrore, cuncta complentur, nec sacrosanctis templorum thesauris Germanus miles parcat, pulsusq; Guelphis, Gibellini qui diu exulârant, patria potiuntur. In his eminebat Castruccio animi magnitudine armorumq; peritia, antiquis Ducibus æquatus. Tanta re patrata Vguccio Lucæ Princeps effectus, Guelphis omnibus Florentinisq; viris fertim terrore esse cœpit, quod eo duce Gibellini ab Henrici morte deiectione spe, debilitatiq; viribus animos rursus attollere viderentur. Itaq; Florentini sociorum Robertiq; Regis auxilia in vnum cogunt. Vguccionem occupandi Pistorii auidum & Montecatini oppidum magno apparatu oppugnantē, collatis castris adoriuntur. Ille belli peritus loci & temporis occasionem excipit, editoq; memorabili prælio, victor hostium castris potitur. Eius diei cædem usq; adeo laram scriptores tradunt, vt Nebulam fluuium cadaveribus stratū longè cruento alueo decurrisse affirmant. Ea insigni victoria Vguccio non multum lætatus est: nam in ea Franciscum ex filiis natu maiorem, summæ spei iuuenem amisit, & Luchinus Vicecomes, qui Magni Matthæi patris auxiliis præerat, Castruccioq;, grauius sauciati sunt. Dux verò hostium Petrus, cognomento Tempesta, Roberti Regis frater in flumine periit, & Carolus cui Robertus erat patruus, inter cadavera repertus est. Hæc est illa infausta Guelphis pugna, propter quam Florentiæ, Bononiæ, Senis, Perusiæ, atque Neapoli ex luctu amissorum ciuium populus vestem mutauit. Hæc victoria subnixus Vguccio, vt Nerio filio Lucæ principatum confirmaret, suspicacis tyranni more, Ca-



re, Castruccium gratia auctoritateque pollentem, tanquam Nerij æmulum tollere constituit. Ita compositis insidiis eum Nerius ad cœnam vocat, & nil tale veritum comprehendit, reumque mox homicidij factum capitis pœna condemnat. Nec tamen ad tanti viri supplicium decendere auder, indignantis & frementis populi tumultum timens. Ob id accitus Vguccio, maturandæ necis audus, cum militari præsidio Lucam aduolat. Tum verò Pisani tyranno discendente arma corripunt, Vguccionis familiam trucidant, domumque diripiunt, ac eo imperu vrbis portas occupant. Iam Lucam peruenerat tyrannus, & à filio maturè instructis mensis pransurus discubuerat, quum Pisis excitari ad arma populum nunciatur. At ille nihilo secius tanquam primo nuncio parum credens, nihil se commouet, & vti erat cibi capacissimus, & maxime vorax, per singulas tempestiui eius conuiuij dapes vsque ad bellaria conuesci pergit, eo quidem atrocis animi decreto, vt remotis demum mensis Castruccium securi percuti iuberet, atque inde Pisas ad seditiosos opprimendos properanti agmine reuerteretur. Sed quum à secundis mox tertiisque nunciis increbescente fama, Pisis res perditas esse, ciuitatemque miro consensu rebellasse nunciaretur: Lucenses ad tanti exempli nomen, pari studio recuperandæ libertatis, liberandique Castrucci ad arma concitantur. Carcerem refringunt: vinctum adhuc compedibus Castruccium educunt, & quod eius fato debebatur, Principem ciuitatis salutant. Tum verò Vguccio, quanquam aliàs egregiè fortis duplici malo circumuentus animum despondet, & cum Prætorianorum Satellitum manu, incertus an Pisas contenderet, desperatis rebus vrbe profugit, nec vsquam ex ea fugæ deformitate prius constitit, quàm à Spineta Malespina Gibellino ad Fossas nouas, quæ Papirianæ olim fuerunt, supra Macram amnem receptus est. Ibi labore fessus, & dolore propè exanimatus paululum se recreauit, atq; inde quum atrociora à persequentibus sibi timeret, ad Canem Scaligerum Veronam est profectus. Ea enim tempestate Scaligeri domus exulum omnium insigniumque virorum liberalis erat receptrix. Fuit apud Canem summo in honore Vguccio, spectabaturque procerus & ventricosus senex tyrannico vultu ferociam retinens, tanquam admirabile intolentis Fortunæ documentum, quum paulò ante rerum bello gestarum fama illustris, semihoræ momento geminati principatus fastigio præceps datus, & miserabilis, & ridendus euasisset. Ad eam enim calamitatem Fortuna immittis id quoque adiecerat, vt contemptus, mordacibus disteriis incesceretur. Vt tum accidit, quum in conuiuium Canis de edacibus illato sermone loqueretur, & Vguccio se iuuenem quaternos altitiles capos, & totidem perdices, affos item hœdi clunes, & elixum vitulæ infarctum pectus, præter saltamenta, recta in cœna exedere solitum narraret, Petrus Nauus, è conuiuium vir salsus: Non est, inquit, Vguccio cur hæc à te iuvene comesta multum admiremur, postquam senex, nec plane dentibus instructus, duas vrbes integras vno prandio absumpseris. Erat enim fama, Vguccionem, si ab inchoato prandio temperasset, satis in tempore ad sedanda nascentis tumultus initia Pisas regredi, & vtramque urbem sibi incolumem seruare potuisse. Sub id verò tempus, quo Canis comparato exercitu Parauium obsidebat, quum Vguccio dux verus eo bello mirificam operam nauaret, ad paludes Medoaci amnis correptus morbo, Veronamq; delatus, excessit è vita, non omnino miser, quòd vel Vicario nomine militari imperio honestatus, splendidissimam funeris & sepulchri pompam retulerit. Effigies eius equestris adstante ei Castruccio & falconem ad aucupium læua gestante, Pisis in sepulchro, cui Campolancto nomen est, pretiosis ex vero picta coloribus conspicitur.

## ANGELI PEROTII Camertis.

*Quem latè humeris, quem lato pectore spectas,  
Quem Martem dicas ore referre truci:  
Ille olim emergens obscuro ac paupere recto  
Militia primum munera dura tulit:  
Fortibus inde ausis Fortunaq; auspice, summum*

*Littoris Etrusci est vectus ad imperium.  
Illum eadem geminas vrbes ditone tenentem  
Præcipitem subito Sors inopina dedit.  
Scilicet haud quenquam dubiæ fas fidere Sorti,  
Quando ea, Regna vno datq; adimitq; dic.*

## Castruccius Castracanis.

**R**os t̄ conuulsas, secordia Græcorum Cæsarum, Romani Imperij opes, quum Gothorum impotentes impetus nemo tulisset; egregiæque artes & literę cum Vrbe rerum domina concidissent, disciplinam militarem interiisse constar, qua vna coaluerat imperium, & sese ad omnes gentes perperuis victoriis extenderat. Nam per mille ferme annos, quibus Italia externis gentibus seruiuit, multitudine potius, inconditisque viribus, quàm ingenio & ratione certabatur, quando omnia diuersis Barbarorum irruptionibus terribili motu quatebantur. Sed ita Populi Romani fortuna demum tulit, vt bellicæ artis decus non diu modò neglectum, sed planè sepultum, à nouo homine tanquam ab inferis excitaretur. Is fuit Castruc-





cus Castracanis ex Antelminella nobili familia Lucensis ciuis, qui ex meritoris instigatore miles, ex milite dux insignis factus, pertinaci virtute ad principatum contendit, nusquam eius vestigia vadentis ad præclarum decus fallente Fortuna. Adolescens cum Gerio patre & matre Puccia, ob Gibellinæ factionis nomen patria pulsus, & breui apud Anconam parentibus orbatus, in Galliam vltiorem eo animi decreto transiit, vt alieno sub cælo Fortunæ vim experiretur. Quum aliquandiu Lugduni apud negotiatorem Lucensem subsedisset, equo, veste, viatico, honestè adiutus in Britanniam ad Aldericum gentilem propinquum iuuenem, Londini ex mercatura diuitijs affluentem, traiecit. Is iuuenem decore formæ, morum elegancia, & corporis dignitate præstantem, non modò benignè complexus est, sed eum nò multò post Odoardo Regi, parvæ pilæ lusu oblectari solito insinuauit. Erat enim Castruccius in eo ludo vsque adeò habilis & mirus, vt nemo iam ei ex regia aula conferretur, ac ideo Regi iocundissimus euaderet. Sed id totum quod à beneuolentissimo Rege promereri posse sperabat, inopinatæ sortis casus eripuit. Quum enim in ludo ex altercatione, à superbo quodam Regulo alapam sustulisset, contineri non potuit, quin vel spectante Rege contumeliam districto pugione, percussoreque traiecit vindicaret. Eo felici euentu, vt statim seminudus scapham insiliret, & per Tamesim amnem imminentium manus effugiens, in Belgicam oram adueheretur. Ardebat tum crudele bellum inter Gallos & Flandros, quibus Britanni se consociarant: apud Philippum autem Galliarum Regem secunda fama militabat Albertus Scorus nobilis Placentinus, qui ab Italia quingentorum Equitum ornatissimam alam, & peditum veteranorum legionem adduxerat. Sub hoc Scoto Castruccius ordines duxit, tantaque vigilantia, consilio, & vi corporis nomen optimi ducis promeruit, vt eo bello consentientis famæ nomine esset clarissimus & à Gallis scriptoribus postea celebraretur. Verum confectis bellis, à Philippo optimis ex cultus muneribus rediit in Italiam,



taliam, armis & equis optimè instructus, destinata sibi fato repetendæ patriæ occasionem quærens. Euaserat tum Pisis Princeps Vguccio Fagiolanus, & cum Lucensibus bello contendebat. Huic igitur parante aditum Fortuna adhæsit, ab eoq; post debellatos Lucenses, & fractas ciuitatis opes, patriæ restituitur: ea tamen sorte, vt qui virtute inter ciues Princeps erat, ad summum dignitatis gradum tacite atq; ægrè prorsus aspiraret. Nam Vguccio Nerium filium prætoris potestatis simulatione dictatorem Lucæ præfecerat: vtpotè qui post cladem ad Montecatium Guelphis illatam, & ferox & validus Pistorium & Volaterras, Pisis, Lucæq; finitimas vrbes, occupandas animo agitarer: vt principatus in Etruria viribus potens contra Florentinos conderetur. Hoc innixus consilio Castruccium confirmata autoritate & populari gratia Lucæ præpotentem, ideoq; formidatum, tollere constituit. Verum Fortuna (vt in Vgucione diximus) alternis suo more lusibus iocabunda, ita Castruccium è summo turpissimæ necis periculo eripuit, vt miserum ex damnato & sæua securi propè percusso, ad vrbs dominatum admirabili sorte prouheret, & diri obiter infortunij grauis ictus ad Vgucionem verteretur. Suscepto in patria dominatu atque inde vrbe Pistorio in potestatem redacta, statim se Gibellinæ factionis Principem professus, ideoque in omnem rerum occasionem aduersus Guelphos expedita arma conuertens, ita Fortunam innatæ crescentique virtuti suæ bonis & malis artibus conciliauit, vt nemo eo domi consultior Princeps, nemo Dux in castris exactæ disciplinæ præceptis instructior in Italia censeretur. Inierat fœdus cum Guido Tarlaro, Galeacio Vicecomite, Scaligero Veronense, Passarinoque Mantuano, qui Cæsarem partes in Italia ruebantur. Contra autem Florentini cum Romano Pontifice Robertoque Rege consociatis viribus, grauissima bellum in Insulubris, in Liguria, in Bononiensi, & Togata Gallia gerebant. Sed cruentæ diuturnæque contentionis is exitus fuit, vt Guelphi ad Altopassum memorabili pugna vincerentur, victoresque inde Castruccius atque Aëtius Vicecomes, ad Florentiæ statim portas vlque, in festâ populatione percurrerent. Fuit ea clades si cæsarum numerum spectes. Montecatinesi alioquantum minor, sed fortissimarum gentium externorumq; ducum captiuitate nobilior. Inuasi enim spectaculi celeberrimum ab ea victoria triumphum Castruccius duxit, tanto reuerentium omnium ordine apparatuque, vt priscorum temporum, & Romanæ superbiæ felicitatem æmulatus, è tota Italia splendidissimi quique ad tantæ famæ spectaculum liberaliter inuitati Lucam confluerent. Inuectus est urbem quadriiugo curru in Trabea laureatus, antecederant agrestes gregarijque milites nudo capite nudisque pedibus incertam libertatis spem præferentes: sequebatur Carrociū hostilis prætorij inligne, bubalis prætextatis tractum, in quo antennis præalto in malo suspensa vexillum populi Florentini inuersum expandens, superstante campani æris tintinabulo maximè sonoro: sed cui ad ignominiam victores, vt mutum esset, ferream linguam detraxerant. Exinde verò Guelpharum partium vexilla Draco scilicet aquilæ vniuersis constrictus, liliumque ingens puniceum, aureaque item lilia cianeo in campo & rubentia Roberti Regis rastrella inuersis hastis solum verrentia trahebantur. Succedebant ductores ordinum hostilium, præfatiq; Equitum; sed hi sine calcaribus, illi sine gladijs discincti. His coniunctum erat nobile militarium equorum agmen, armigeris pueris cristatas cassides, versicoloresque lacinias captorum aut occisorum hostium gestantibus. Sed ante alios tres grauissimi viri Florentinorum Legati & secundum eos traducti duces supraque cæteros maximè conspicui Gulielmus Narfeius Gallorum, Vrlimbaca Sueuus Germanorum, atque ipse demum cum adolescente filio Raimondus Cardonius imperator captiuam Hispanorum procèrum turmam calamitatis consortem trahens, ita pompam tristi aspectu, & suis insignibus nobilitabant, vt multis ex eo præcipitis Fortunæ ludo lachrymæ manarent. Dum eo modo Castruccius virtutis & gloriæ suæ meritum fructum ferret, Florentini socijque eorum Pontifex & Robertus, nihil vel à tanta clade demissis animis vel attritis opibus, bellum priore vehementius repararunt, vltimum Roberti Regis filium recipere minimè recularint. Huius aduentus quod amplissimum equitarum in Etruriam adduxerat, ita afflictas spes Florentiæ erexit, Gibellinosque conterruit, vt Castruccio & Galeacio Insulubrum Principe præcipuis authoribus, Ludouicus Bauarus Cæsar designatus in Italiam accerseretur: qui insigni autoritate potentiaque partium opes confirmaret. Sed vir rapaci feroque ingenio nullo pudore inita consilia præuertens, vbi per amplis exultis muneribus Mediolani ferreo diademate coronatus est; ex defensore patronoque crudelis oppuginator, & truculentus hostis euasit; quum Galeacium fratresque eius tantæ dignitatis Principes, & nihil tale meritos, in carcerem detruderet. Inde verò expilata ciuitate, quam lissimam reliquisse videbat, Lucam profectus Pisanos obsedit, quod portas ingressuro clauis fuit, vt Castruccio copias, pecuniam, commeatus ad id bellum conferente, & diuersis castris citra Auferim amnem positis, Pisani multis exuti oppidis Cæsari portas aperirent, & prægrandi pecunia mulctarentur. Ab hoc insigni studio apprimèque forti & fideli opera Castruccius à Cæsare Lucensium & Lunensium Dux est appellatus; prætulitque demum decora



insignia & ornamenta nouæ dignitatis, atque inde Pisanos recenti factionum æstu iactatōs,  
 nec idem in Republica sentientes variis occultæ largitionis artificiis aggressus, ita eorum de-  
 curiones circumegit, vt fauente Cæsare, nec abnuente populo ciuitatis, Princeps salutaretur.  
 Ludouico autem Romam contendenti, ad id solenne officium suscipiendi diadematis inui-  
 tatus, cum delecto equitatu & Sagittariorum cohortibus comes fuit. Eo autem in urbem no-  
 nis Ianuarii recepto, insignique demum studio Sarre Columnæ, Iacobiq̃ Sabelli ad Vati-  
 cani Templum coronato, creatus est Pseudopontifex Petrus Corbarius, vt Diadema Romani  
 Imperij saluis auspiciis traditum atque susceptum videri posset. Id enim vnum Cæsar contem-  
 debat, vt Iohannis legitimi Pontificis autoritas, tanquam omni iure existimationeq̃ Spo-  
 liati, in vrbe aboleretur, imperatoq̃ & exacto vndique auro aduersus Robertum Regem Guel-  
 phorum tuentem partes, graue bellum pararet. His comparandis rebus intentum, Gibellini  
 proceres Sabellus & Sarra, ipseque ante alios Castrucci, vehementer orabant, vt Vicecomi-  
 tes Regulos importunè principatu fortunisque deiectos custodia educere vellent, neque diutius  
 Guelphos eorum calamitate lætari pateretur. Verum Cæsar dum in explicando consilio, vti res  
 rum imperitis plerunque accidit, & durus, & pertinax, neque id concedit, neque omnino ne-  
 gat; vt inanis constantiæ nomen paret, amicorum omnium animos grauitè offendit. Interea  
 Castrucium tot accumulatis honoribus, clarum & cuncta propè apud Cæsarem præstanti in-  
 genio administrantem, atrox ab Etruria nuncius magnoperè perturbauit. Is mari delatus, affe-  
 rebat Pistorium Guelphorum prodicione in Florentinorum potestate deuenisse; deletum fuisse  
 se præsidium, sed adolescentes filios magno ausu euasisse incolumes, quum à præsidio acerrime  
 repugnanti, vsque ad lucem nocturno prælio certaretur. Itaque subitatus Cæsari, qui maiore  
 re Guelphorum, quàm Gibellinorum emolumento in Italiam venisset, commeatu vix impe-  
 trato, Pisas per Aureliam viam magnis itineribus contendit, tanta celeritate, vt Vmbone flu-  
 uio, fortè à pluuia prætumido, transitum morante, dum male fidum alueum propè retineret,  
 penè mergeretur, & cum paucissimis equitibus inexpectatus portas intraret. Ea celeritate Pisa-  
 nos, quod essent ambigua voluntate repente oppressos, & præsentis Principis vim & subse-  
 quentis præsidij roborata timentes in fide continuit, confirmatoque dominatu, ac imperata est  
 cuncta, quantas potuit copias, accitis vndique auxiliis, coëgit, & ad obsidendum Pistorium est  
 profectus. Florentini Simonem Tosam militaris industriæ ciuem, præsidio vrbique præfeca-  
 rant, nouas munitiones veteribus adiecerant, singulariq̃ diligentia ædificatis ligneis propu-  
 gnaculis, murum omni telorum genere compleuerant. At Castrucius priusquam succidi fru-  
 menta possent, inclusos obsidere constituit, quod non magnam commeatus copiam vix per  
 duos menses suffecturam intus paratam esse didicerat. Itaque inusitata eo seculo belli ratione,  
 duplici vallo dupliciq̃ fossa urbem circumuallare pergit, vt omnem vel erumpendi, vel im-  
 portandi commeatus hosti spem præcideret. Erexerat in vtraque munitione ligneas turres ma-  
 ioribus balistis & catapultis instructas; suburbani agri arbores succiderat, vt aduentantibus Flo-  
 rentinis ad opem ferendam, inaccessa pediti atque equiti munimenta obicerentur. Venerat  
 Mediolano Galeacius Vicecomes, à Cæsare post Castrucci discessum certa conditione carcerè  
 emissus. Is ingentium præliorum victor, peritissimi Ducis nomen assecutus amicitissimo Prince-  
 pi, & præclaro suæ libertatis auctori eo bello operam præstabat, quum interiores munitiones  
 defendendas suscepisset, Castrucius in exterioribus versabatur. Nam fama erat Florentinos ad  
 soluendam obsidionem aduentare, ingenti coacto exercitu ex Pontificiis copiis, quæ à Boni-  
 tia submittebant Legato in Etruriam descenderant, cæterisque fœderatis ciuitatibus, quæ publica  
 Guelphorum causæ nunquam antea defuissent. Præerat omnibus Philippus Sanguinetus  
 Gallus, cuius opera Pistorium noctu captum fuerat. Censebantur autem sub eius signis ad tria  
 millia galeatorum equitum, & ad triginta millia peditum. Sed Philippo in conspectum se dante,  
 nec tamen subire aggeres auso, Castrucius nihil se commouit, & per Galeacium erumpentes  
 hostes multis illatis vulneribus, retrò in urbem compulit. Itaque Philippus tantos aggeres, tan-  
 tiq̃ artificij, & nouæ disciplinæ munitiones admiratus, frustra ad pugnam Castrucium ma-  
 gnis tubarum clangoribus compellans, alio quàm statuerat suscepto consilio, castra inde mouit  
 in Pisanum & Lucensem agrum populabundus ire pergēs; vt hostis rerum suarum calamitate &  
 villarū incendiis permotus, incepto abscedere, sua tueri, & viribus inferior prælio decertare co-  
 geretur. Sed ille tot detrimenta, quanquam suis luctuosa contemnens, in obsidione constantissi-  
 mē permansit. Nec multo post Simon Tosa desperatis auxiliis, vti erat ad extremam commeatus  
 inopiam redactus, ea conditione post tres menses deditionē fecit; vt cū præsidio incolumis emit-  
 teretur; magna quidem cū ignominia tanti exercitus, & singulari Castrucci gloria, qui eo bello  
 priscorū Romanorum magnitudinē, & bellicæ rationis ingenia diligenter æmulatus, tantarum  
 virium imperū eluisset. Sed quū supremo inusitata virtutis opere edito, ac ob id incredibili af-  
 fectus læticia, ad triumphū Lucā reuerteretur, pestilens eū inuasit morbus, & paucissimis diebus  
 eripuit, pari fato præeunte Galeacio, qui eadem autumnalis cœli inclementia correptus, ad Pi-  
 sciam oppidum à vita migrarat. Italorum enim omnium duo maximi Duces, ætate, forma, &  
 magnitudine



magnitudine animi pares, ita corpora atque animos in iisdem castris longo & pertinaci labore defatigant, ut in magnis Augusti mensis feruoribus, cuncta ad accerendam valetudinem incommoda perpeffi, victoriae decus ante salutem posuisse censeretur. Moriens Henricum filium testamento imperij reliquit heredem, quod nequaquam paternis artibus postea tutatus est. Pater enim admirabili naturae munere ferreum corpus, inuictum animum, expeditamque praesentis ingenij vim, & certum infinitae prudentiae robur, ad condendum principatum attulerat. Quorum virtutum imbecillus adolescens verrente se Fortuna aemulus esse non potuit. Pater quoque (quod difficillimum fuit) vitia insolentis auaritiae & efferae crudelitatis, aut congenita tyrannis, aut necessitate inducta, usqueadmodum liberalitate, magnificentia operum, eloquentia, & multa religionis simulatione temperabat, ut optimo Principi quam impotenti domino propior atque similior haberetur. Castrucci effigies (ut in Vguccione diximus) Pisis elegantissime picta conspicitur. cui similem ex candido marmore nobis ostendit Nicolaus Tegrinus Lucensis Patritius, a quo Castrucci vita Latina atque integerrime scripta, ac impressa extat; ut hinc quotiam Castrucci tanquam patriae suae hostis, extra rerum fidem impudenti libidine vitam describeret; reliquae quoque historiae dignitatem improbe defecauit.

## GABRIELIS FAERNI CREMONENSIS.

*Quia obsoletam bellica artis gloriam  
Castrucius Lucensium Dux, Italis  
Restituit, & profactione Caesarum*

*Etruriam quatefecit armorum sonus  
Nunc hic quiescit paruus è tanto Duce  
Puluis, cinisq., & nudula umbra mortui.*

## Canis Scaliger.



INTER Scaligeros Veronae dominos, qui fuere oriundi è Vindelicia, CANIS superior bellica virtute clarissimus constanti merito Grandis cognomen tulit; non à proceri quidem corporis statura, quae vix in eo erat mediocris, sed à magnitudine inulsi liberalisque animi, & perpetuo illustris vitae splendore, quo vel opulentissimos eius aetatis Principes antecessit. Canis autem nomine non latratu insignis animal, sed Tartarorum lingua Imperator exprimitur. Ea siquidem tempestate Sacro bello spectatae virtutis proceres Barbarorum captorum, aut ab se occisorum nomina ad testimonium honestissimae laudis desumebant; quippe qui Gothifredum Bolionum, aut maximos postea Europae Reges aemulatione gloriae in Syriam transfretantes secuti sunt, nullum omnino opimius & speciosius trophaeum referri domum posse arbitrabantur, quam ut impiorum hostium nomina, ad perenne decus familiis suis infererent; sicuti in Vicecomitum & Turrianorum domo usurpatum videmus, quum sepius Sulchani, Mustae, Cassoni, Amurathis, & in foeminis quoque Antiochiae nomina repetantur. Canis acceptum ab Alberto patre dominatum, tanta animi moderatione, iustitia, humanitate, tantoque exactae disciplinae ordine, cum domi, tum militiae exercuit; ut gratia, auctoritate, clientelis & apparatu armorum pollens, suo profus nomine & maiore imperio dignus haberetur; ut pote qui admirabili iudicio clementiam & seueritatem procul ab inuidia atque odio commiscere, sine furo pietatem colere, comitatem sine dedecore, sine fastu dignitatem rueri consueferet. Eum enim recti constantisque animi habitum ad expeditam commutationem vti oportet, ita paratam & habilem praeferebat, ut domi remisso ad lenitatem ingenio semper placatus, in castris autem elato, feroci, acerbo in puniendis praesertim militum delictis, inexorabilis & ferè saeuus euaderet. Quibus institutis & moribus, neque domi coniurationes intestinaeque mala, neque in castris seditiones militum, aut aduersos homini suo rumores sensit. Saepissime praedio victor, semel tantum aduersae pugnae euentum expertus est; quum graui & diuturna obfatione Pataunos premere, & in segnem eius stationem Illyrij & Norici equites, qui Pataunia auxilio venerant, subita eruptione facta, oppressis & fugatis custodibus in castra penetrassent. In ea rerum perturbatione Canis acerrime resistens atque dimicans, vulneratus & equo deturbatus, maximum vitae adiut discriminem; sic ut eum praetorianae turmae magna vi depulsis hostibus vix seruarent. Tanto accepto incommodo custodiae cohortem, quae irruente hoste trepidè locum deseruerat, exuta armis ignominiaque notatam praefecto capitali poena damnato, integram dimisit. Nec multo post renouato bello Patauini magnis affecti detrimentis, pertinacitateque machinis oppugnati, ad clementiae famam victori se dederunt. Tanta vrbe in potestatem redacta, & Vicentinis ditioni suae adiectis, ad opulentiorem & maius imperium aspirans, in spem venit occupandae Brixiae, quod ea vrbs cruentis factionibus laboraret; potiundique inde Mediolanensis imperij, quum Ludouicus Bavarus Caesar, rum sorte Galeacium Vicecomitem nihil tale veritum custodiae tradidisset. Erat enim Caesar augi cupidissimus, ideoque paratus ad

*augi cupidissimus*





omne venalis ingenij facinus obeundum. Hunc Canis, officij atque honoris causa Mediolani ferrei diadematis insignia suscipientem, cum nobilissima ala equitum fuerat comitatus, consiliariosque eius opulētis muneribus & præsenti pecunia sibi conciliarat. Sed vtrobiq; conatus successu caruit, Cæsare scilicet in Etruriam profecto, & Brixianis prospero ad Benacum navali & terrestri prælio, libertatem suam egregiè tuentibus. Mutato itaque consilio Canis ad expugnandum Taruisium se conuertit, cupiditate proferendi imperij Actiolinum æmulatus; nisi diuersissima progressus via pro immanitate atque perfidia, pieratem & fidem; pro saeuitia lenitatem; ac in omni re cum publica, tum priuata, honestissimi decoris nomen pro turpissima & execrabili fama tot scelerum ostendisset. At Taruisini asperrimo fatigati bello quum auxilia desperarent, affectæ eneruataque libertati, quam difficillimè tueri poterant, potentem armis & consilio clementique laude illustrem dominum præulerunt. Sed Canis victor accessione opportunaë vrbs diu lætari non potuit; concepto enim supremo morbo, quod armatus & æstuans ex frigidissimo fonte auidius bibisset, Iulio mense non planè senex excessit è vita, celebranteque funus toto exercitu è Taruisio Veronam delatus est, quem postmodum Mastinus fratris filius ac imperij hæres, marmoreo sepulchro quod visitur honestauit. Regiam Canis cunctis hospitibus qui ingenio valerent, hisque præsertim qui domo pulsi ab infesta Fortuna iactarentur, liberale atque illustre domicilium fuisse scriptores tradunt: & ante alios Gazadius è Regiolepidi, qui vii erat eius familiaris, ad eò distinctè totius hospitalis disciplinæ rationes, diuersorumque coenaculorum & cubilium sumptus institutaque ornamenta descripsit, vt peculiarem dispensarum cultum, & variorum ministrorum officia, titulosque singulis ianuis præscriptos, & argumenta vtriusque Fortunæ, aulæis & picturis expressa persequeretur. Diuersæ siquidem ædium partes conditione dispari oblatos hospites sic accipiebāt, vt magnanimos & victores triumphis; exu-

les bo-



les bonæ spei; profugos securæ confidentiæ; Poëtas musarum vmbraculis; præcellentes arti-  
fices Mercurio; sacrosatos verò Concionatores terrestri Paradiso assignaret. Hæc autem tanta di-  
ligentia, iocunditate, nitoreque administrabantur, vt cuncta aptissimè ad genium hospitem  
responderent. Nam præter Musicos concentus, festiui etiam sanniones, & plani, & non insulsi  
mōriones, alterna varietate cœnacula circuibant. Ipse quoque interdum quos committere vo-  
lebat, graui iocundoque delectu mensæ suæ adhibere erat solitus, in quibus sæpius erat Danthes  
exul, eruditi quidem, sed nimis aculeati sermonis libertate admirabilis potius, quàm iocundus,  
& Vguccio Fagiolanus ex tanta principatus fortuna deiectus, quem summo in honore habebat:  
quanquam ingentis onerariæ nauis fluctibus in litus eiectæ admirandum cadauer præ se ferret.  
Nihil enim Canis in hac vita nobilius atque beatius esse prædicabat, quàm inuictō animo, siue  
suæ pariter atque alienæ fortunæ obuiam ire, perpetuisque beneficentiæ & liberalitatis operi-  
bus, insitæ virtutis famam extendisse. Eius imaginem in tabula egregiè pictam, Achillinus Bo-  
noniensis, rerum antiquarum studiosus, viris elegantibus ostendit.

## ADAMI FVMANI.

Scaliger, anne tua isthæc Canis inclute imago est?  
O cari capitis, carâ mihi effigies.  
Illene tu profugis quondam qui vatibus vnus  
Portus eras, arx, spes, præsidium, columen?  
Gaude Heros rediit, heros bellig. domig.

Illustris, iuncto viribus ingenio.  
Ecce tibi vt veteres Iouius renouauit honores,  
En te vt honoratis iunxit imaginibus,  
Macte tuum ter sa nitidum rubigine nomen  
Factum, iam poterit nulla abolere dies.

PAVLI IOVII EPISCOPI  
NVCERINI IN SECVNDVM  
LIBRVM ELOGIORVM  
SVORVM

## P R A E F A T I O

Ad COSMVM MEDICVM Florent. Ducem.



SECUNDVS hic liber Elogiorum meorum nomini tuo dicatus, Ma-  
gnanime COSME, vt instituti ordinis series postulabat, rectè & ap-  
positè initium cœpit à Roberto Neapolitano Rege. Eius namq. optimi  
Regis memoria grata multis, tibi verò præcipuè iocundissima esse debet.  
Nam amore quodam mirifico, & partium studio incredibili Florentino  
nomini coniunctissimus fuit; vtpotè qui ciuitatem aduersus imminentes  
tyrannos inuictis armis defenderit, pulcherrimisq. belli & pacis artibus exornarit; tanta gra-  
tissimi populi propensione, vt abdicato libertatis nomine, ei & Carolo filio dominatum Etru-  
ria deferret; quoniam ea clementia, moderatione, atque iustitia summi imperij potestate ve-  
surus existimabatur, vt minimè dispuderet eum in libera patria Dominum appellare, vene-  
rariq. sub quo vera libertas, reiecto inani titulo, ad tranquillitatem atque opulentiam ci-  
uium pararetur. Hæc eadem benigni & longè æquissimi principatus iura in te hodie ciues  
agnoscunt; eoq. præclarius atque felicius, quod pro externa stirpis Rege, te eundem & per-  
humanum ciuem, & sanctissimum Principem intuentur. Sed hunc profectò Regem, quem  
dissimulanter æmularis, ita omnibus numeris absolute refers & effingis, vt augustius etiam  
exuperes: quando id totum optimarum literarum atque artium decus, quod in  
eo Rege præclarum spectabatur, tot editis eruditæ liberalitatis  
monumentis, ad vberiore laudem com-  
plectaris. Vale.



# ELOGIORVM LIBER SECVNDVS.

Robertus Neapol. Rex.



**I**N ROBERTO Neapolitano Rege bellici spiritus indefessa vis, quæ in Carolo auctore summa fuisse traditur, plurimum enituit. Sed Carolum inimicorum cædibus gaudentem, sæpeque sæuum & inexorabilem, moderatione, clementia, lenitateque animi, Robertus omnino superauit, quum ille enormi rubenteque nato terribilis, bello captis, vel supplicibus nunquam parcere didicisset, essetque aded in exercenda crudelitate inhumanus & pernicax, vt non modò Manfredo Regi ad Beneuentum acie interfecto supremum funeris & sepulchri honorem, tanquam Pontificis hosti denegaret: sed Conradinum, duorum Imperatorum sanguine progenitum, dum is Regnum, quod suum iure putat, armis repetit, ex aduersa pugna captum, cum Regulo Austriæ, in foro secuti percussit. Patrem quoque Carolum Robertus pari virtutum temperamento cum magnitudine animi, tum munificentiæ & splendore vitæ antecessit; quando & cum continentia, grauitate, & regij cultus ornatu, maiestateq; oris supergrederetur. Pater enim per omnem ætatem intemperanter mulierosus, corpore deformi distortoq; cultu aded breui subductoq; vti solebat, vt vix pudenda natesq; contingeret, indeq; spectantibus moueret risum; quum alioqui magnis virtutibus



virtutibus esset admirabilis. Cæterum Robertus auo patreque illustrior extitit, cum nobilitate ingenij, studio literarum, singularique memoria; tum incomparabili Christianæ pietatis præconio: in hoc Ludouicum Galliæ Regem maiorem patrum æmulatus, qui in Africa in obsidione Tuneti, quum morbo absumptus interuisset, inter diuos referri spectatæ sanctitatis ergo promeruit. Hoc certè de Roberro dici potuit, neminem ex his, qui antea Neapoli regnârunt, aut postea per ducentos annos regnauerunt, maiora præclariorave exactæ religionis monumenta reliquisse. Non petebat enim ex Templis magnificè ab se conditis inanem famam, sed Christianæ virtutis exempla imitanda posteris relinquebat: quanquam ex publicis operibus, quæ ciuitatis commoditatem decusq; respicerent, laudem non respueret. Vtpotè qui munimenta mœnium & turrets educere; curare portum, molemq; eius proferre; instaurare aquæ ductus; annonę liberaliter studere; tollere latrocinia; & iustissimi atq; sanctissimi Regis munia obire esset solitus. Benignamq; amantisq; patriæ, quàm pecuniosi, populoq; prægrauis, & imperiosi Regis nomen malebat. Nec enim laudem aut gratiam alicunde expectandam arbitrabatur, nisi in ea pietatis atq; iustitiæ studium emineret. Gessit perpetuò bellum aduersus Gibellinos, quum auctoritatem Romani Pontificis contra infestos Cæsares tueretur, Florentinorumq; libertatē enixè defenderet. Ab hoc suscepto studio dum in Etruria prostratas Guelphorum opes erigere conaretur, cruento Montecatinensi prælio Petrum fratrem, duosq; item fratrum filios summe spei iuuenes amisit. In Gallia porro Cisalpina quum Vicecomites Mediolani Principes validis vrgeret armis, duplex insigne vulnus accepit; alterum ad Alexandriam, vbi Vgo Baucius equitū magister fusus atque interfectus est: alterum ad Abduam, non longè à Mediolano, vbi fractis aduersa acie partium copiis, vexilla regia Ducesq; cū magno numero insignium equitum in potestatem Galeacij victoris deuenerunt. In Liguria verò Genuam acerrimè defendit, quam Marcus Vicecomes obsidendo atq; oppugnando propè ad rerum desperationem abduxerat. Eo enim bello quum hostis mœnia perfregisset, vnus ante alios Robertus egregiè dimicans, ita locum tutatus est, vt magno suo periculo, & multa cum cæde hostes repulerit. Ludouicum verò Bauarum Cæsarem, qui Nicolaum Pseudopontificem in Iohânis contumeliam Romæ creauerat, terrore præmissi ab Aquila exercitus & vrbi per Latium admoti, Roma excedere coëgit. His rebus gestis, Iohannem Pontificem apud Auinionem adiit, initisq; foederibus, tantam consecutus est nominis auctoritatē, vt Florentini ab eo Carolum filium in dominū postularent, & acciperent. Ea enim tempestate Florentini acerrimi hostis Castrucci armis vexabantur. Itaq; Carolus optima stipendia accepit, suscepitq; liberę ciuitatis dominatū; tanto Guelphorum studio, vt omnes Magistratus ætatiq; opes, cunctaq; copię ad eius auctoritatē decreto publico conferrentur. Sed iuuenis eo inito principatu, nihil quidem memorabile in Etruria gessit. Illud tantū cum magna nominis sui inuidia admisit, quòd Ciccum Asculanum acutissimum Philosophū, eundemq; Etrusco carmine Empedoclis æmulum, quum magicæ artis peritiā famosus, coniuratione cucullatorū hæreseos accusaretur, damnari, & in foro comburi iusserit. Exinde regressus Neapolim, morbo surreptus Robertum patrē orbitatis dolore perculsum perpetuis in lacrymis reliquit. Quanquā is mira animi firmitate vnici filij casum ferrer, consolatus seipsum numerosa nepotū sobole, & optimarum literarū præfidiis, in quibus tantus euasit, vt sibi literas regni possessione cariores esse prædicaret. Fauebat ardentissimè optimorū studiorum Professoribus, oblectabaturq; amœnioribus Musis, adeò liberaliter, vt Franciscum Petrarcham multis ab se ornatū muneribus, q; Africam nobile (vt ætas illa ferebat) poëma, regio iudicio subiecisset; laurea ornare cupiuerit, quam illè postea Romæ in Capitolio accipere maluit. Obiit Roberrus planè senex, quum regnasset annos xxxij. Visitur eius sepulcrū cum effigie marmorea in templo D. Clare ab se dicato, cū hoc titulo:

*Aspice Robertum multa virtute refertum.*

## ANTONII FRANCISCI RAINERII.

*Adiis teneræ Parthenopis decus  
Syrænes, sacer & Pieridum chorus,  
Et Tusca Charites, &  
Flaua numina Tybridis.  
Dum Regem tunica tectum adamantina.  
Robertum canimus, Cæsaris impij  
Pellentem agmina, vt alto  
Nimbos exiliens Notus.  
Ille, ille horrissono barbarus impetu  
Terrarū dominam hæc & superā domū  
Ferro perdere, & igni  
Tentabat (facinus ferum)  
Astillum impauido Rex pius agmine  
Sistens indomita frena licentiæ*

*Iniecit, trepidam urbem, &  
Seruans purpureos patres.  
Quin & præcipiti plenum opus aleæ  
Ciuesq; acies, scissaq; Etruria  
Sedans pectora, dictus  
Dux est, & patria Pater.  
Vnde his pro meritis impatiens iugi  
Quæq; altè innūmeris iura dat urbibus  
Gens Etrusca, secures  
Nato, atque imperium dedit.  
Salue, ô bellipotens, progenies Deūm  
Templa immania, q marmoribus sacris  
Condis thuricrema, alti  
Aequant qua iuga Caucaſi.*



*Tu Pindi auricomum è vertice Apollinem  
Sebethi irrigua ad murmura vitrei  
Ducis Parthenope alma ut  
Discat Pierium melos.  
Cum vatem cythara nobilem eburnea  
Petrarcham, thalamo suscipis aureo,*

*Quem mox Delphica laurus  
Cinxit Romuleo in foro.  
Hæc illi, auspice te, munera contulit  
Roma alitrix studiorum, & Latium ferox  
Vnde Arnus vaga claro  
Lambit sydera vertice.*

**C**VM hoc Roberto Rege, Vicecomites Mediolani Principes continenter bella gesserunt, quum ij pro Gibellinæ factionis dignitate, ille de Guelphorum salute atque potentia dimicarent. Horum itaque Principum veras imagines suo ordine libuit collocare, vt tot formarum varietas sub vnum aspectum exposita, iucundiorē spectantibus afferat voluptatem. Nullis aliis ex ipsa temporum serie permistis, scilicet vt æstimatione ingeniorum, rerumque à singulis gestarum quid Physiognomus ex lineamentis indicet, atque promittat, viri elegantes ex tanta vultuum diuersitate coniectando deprehendant. Ob id verò imagines breuissimis elogiis demonstrabuntur: quoniam singulorum vitæ peculiari volumine iam pridem à nobis pericriptæ editæque sunt. Ab Othone siquidem, qui huius imperij fundamenta iecit, vsque ad Philippum, in quo familiæ legitima progenies defecit, enarratis rebus gestis expressisque moribus, nihil interciso temporum tractu, accuratè descendimus.

## Otho Archiepiscopus.







**H**IC vir præalto ingenio & incredibili constantia ad nullas aduersæ infestæque fortunæ contumelias infracti animi vigorem vnquam dimisit; quum inimicorum atque hostium insolentiam longa patientia superaret; sæpeq; bello victus, & diu exul & inops; vna indomiti animi magnitudine spes suas vel maxime prostratas erigeret. Post summas autem ærumnas, victoriæ compos factus, felix videri potuit, quum aduersarum partium Duces bello captos in potestatem redegerit; & condito atque egregie confirmato in nobilissima ciuitate principatu, Matthæum ab insigni virtute Magni cognomen meritum, numerosa militarium iuuenum prole florentem, successorem reliquerit. Visitur eius imago sumptuose depicta in magno conclauis Anglerianæ arcis, vbi Decumanâ victoria de Turrianis parta, picturis adhuc incorruptis expressa hodie spectatur.

## I A N I V I T A L I S.

Magnanimi Heroes Latij armipotenti Othonem  
 Illustre sydus Insuæbrum  
 Accipite inter vos, cristisq; comantibus umbret  
 Augusta cassis tempora,  
 Et dextram deis operatam armate superbi

Ensis corusco fulmine,  
 Fortibus ut Fabys mixtus, magnisq; Camillis  
 Sic inter alta sydera.  
 Ille quidem summis decorauit honoribus orbem  
 Dux fortium fortissimus.

## Matthæus Magnus.







ATTHAEVS cognomento Magnus, summam ingenij grauitatem, indomitum praestantis animi vigorem, & prudentiam in explicandis cum ciuiliū tum bellicarum rerum difficultatibus, incomparabile praerulit, per omnem aetatem Othonis maioris patruī virtutes aemulatus. Hic multo plura consilio quā vi aut armis feliciter gessit. Sed qui inuictus erat aduersus omnes auaritiā & voluptatis morbos, vni inuidiā vir fortissimus ita succubuit, vt occultorum inimicorum dolos & propinquorum insidias non effugerit. Eiectus enim patria & principatu ad Benacum lacum egestate quidem miser, sed rediuiua spe & recte factorum conscientia beatus, expectauit Henrici Caesaris aduentum, à quo reductus in patriam, eiectis Turrianis, dolo an casu incertum, pristinam principatus atq; potentiae fortunam recuperauit. Ceterum prolatis imperij sinibus, partoq; spectata virtute Magni cognomento, in extremo vitae actu senex, oppressus ingenti cura atq; periculo, eiurauit imperium, idq; liberorum virtuti regendum reliquit. Ingruebant enim tum arma Roberti Regis, Iohannisque Pontificis maxime metuenda. Inde secessit in suburbanū dolore contumeliae, quod eum pontifex sacris interdixisset, quum alioqui Christianae pietatis obseruantissimus haberetur. Decessit ibi integris sensibus, claudentibus illi oculis quinque liberis, quod migranti ē vita incomparabili solatio fuit. Caruit tamen honore funeris & sepulchri; quia nefas esset damnatum à Pontifice palam sacro in loco tumulare. Eius effigies Modoetiae in templo maximo spectatur, habitū porrigentis templi imaginem, quod Diuo Ioanni Baptistae vouerat.

## I A N I V I T A L I S.

*Tu iure optaris fortissime viuere felix  
Noslrīs venenis pharmacum,  
Cur Matthae negant te fata ingrata renasci  
Coruscus ensis Insubrum?  
Consilijs fudisti hostes, victorq; sedendo  
Finisti dura praelia.  
Te Mediolani turres, te mœnia mactē  
Virtute, te Respublica  
Cum desiderio memorant, qui ferrea fuluo*

*Mutaris auro secula,  
Fortuna cedens mox tempestatibus atris  
Grauis senectae pondere.  
Imperium natis liquisti, atque otia nactus  
Et Tempe amena fontibus;  
Scipiada longos superasti inuictus honores,  
Syllanam & abstinentiam.  
Ergo te merito Magni cognomen adeptum  
Magnus celebrat Iouius.*

## Galeacius Primus.



GALEACIUS Magni Matthaei filius hoc roseo & corusco ore spectabilis, staturae dignitate, illustri facundia, liberalique vitae splendore, suae aetatis Principum famam obscurauit; militarique laude haud vsque adeo floruit, vt post egregias victorias, profligatis saepe hostibus, dux bello strenuus & fortis habetur. Ab hoc Placentiam, Cremonam atque Vercellas paterno regno adiectas constat. Quum verò Roberti Regis, atque Pontificis & Florentinorum copias, captis eorum ducibus & signis ad Abduam, deuenisset; magno consilio ita victoriae modum imposuit, vt pacem aequissimam, singulari artificio à potentissimis hostibus expresserit. Verum partae pacis fructu diu non est lætatur: nam Marci fratris & Leodrisii propinqui sui malignitate atque perfidia Ludouico Bauaro delatus, grauissimisque oneratus calumnijs, extremum propè subiit infortunium. Ab ingrato siquidem auaroque Cesare inter hospitales mensas inopinata fraude captus, & cum filio reliquisq; fratribus, qui Marci scelus detestabantur, in Modoerianum carcerem coniectus est. Verum tantam eius iniuriam deprecante Castruccio, ē custodia post nonum mensem ea condicione eductus est, vt Actius filius fidei obles ad auctoritatem Caesaris, Pisas se conferret. Ceterum eo beneficio diu vti non potuit, nam paulò post quum operam Castruccio libertatis & salutis auctori enixissime nauaret, in circumuallando expugnandoque Pistorio, pestilenti correptus febre apud Pisciam exultantique exutus principatu fato cessit; non planè miser, quum vir ad arma natus in ipsa lætitia insignis partae victoriae ē vita migrauerit. Eius effigies in sepulchro Actij filij egregie sculpta; depicta autē in templo ad Viboldonum Romana via dextrorsum ad septimum lapidē conspicitur.

## I A N I V I T A L I S.

*Ductorem ecce Itali nostrorum bellipotentem,  
Lectissimorum Principem.  
Cui fortuna minor post facta ingentia tandem  
Inuidit inuictissimo,*

*At tu cui struis insidias, Bauare improbe teclat?  
Cui teclat tendis retia?  
Ah scelus arreptum ex epulis nil tale timentem  
Ligas tenaci compede.*

*Armatus*





Armatius poteris medio concurrere campo;  
 Serens aperta praelia;  
 Sed timor & pietas non harent, fraude ligatum  
 Pedore vincis carceris.  
 Vincere quem Reges, quem non potuere tyranni,  
 Magnis coactis viribus.  
 Nunc te pro tali scelere atque immanibus ausis  
 Euiscerande Barbare,

Infamem eliciunt Furia sub manibus imis  
 Inter Sinones perfidos.  
 Hic aliquis Galeacy ultor Polyphemus & An-  
 Vel alter ex Gigantibus (theus;  
 Appetit assiduis tormentis, & tua crebris  
 Contundit ora calcibus.  
 Interea Elysius gaudet in salubus ille  
 Inter piorum maximos.

### Actius.

**A**CTIVS Galeacio genitus, à prima iuventute gemina victoria nobilitatus, quum egregij Ducis atque optimi Principis indolem præferret, paternæ calamitatis consors fuit. Sed eam demum iniuriam Cæsar magna vi pecuniæ expugnatus, ingenti beneficio ita rependit, ut Actius Gibellinorum Principum amicitia atque auxiliis confirmatus, conuulsæ domus, ac euerfæ principatus fortunam restituerit. Is primus suæ gentis à magnificentia nobilium operum laudem quæsiuit. Mediolano turriculis & lateritiis mœnibus circumdato, extractaque amplissima Curia cum Templo, & sacra Turri ad fastigium coronata marmo-





reo peristyllo summæ pulchritudinis, iuxta arenam antiquorum spectaculis dicatam. Verum Actius omnibus insignium virtutum numeris felix videri potuit, nisi Marcum patrum, qui immani vecordia Galeacium cum vniuersa familia in extremas calamitates præcipitem dederat, vi illata necauisset. Receptum enim in gratiam, & mox pari insania atque perfidia res novas molientem, Luchinus & Iohannes patrui, tanquam ipsis totique familiæ pestilentem omnino opprimendum censuerant. Leodisus quoque eodem liuore atque odio, in patrem aumque Matthæum fuerat persecutus, Actium, conductis Barbarorum auxiliis, in magnum discrimen amittendi principatus adduxit. Verum ille cruento prælio fusus, ad Neruium diuturno carcere cum liberis malignitatis suæ pœnas dedit. Sed Actium, quem nulla aduersæ fortunæ vis vnquam fregit, articularis morbi dolores iuuenem ætate florentem, miserabili cruciatu ita fregerunt, vt singulis captus membris, ante quadragesimum annum vita excedere cogeretur. Visitur eius effigies elegantissimè depicta ad læuam diui Gothardi Templum intrantibus.

PTOLEMAEI GALLII  
Comensis.

*Vna his podagra victus in pace occidit,  
Qui victor omnium Actius bello fuit.*

Luchinus



## A detailed woodcut illustration of a king in profile, facing left. He wears a crown with three crescents and a long, flowing mane. He is adorned with a chainmail collar and a breastplate. The central figure is framed by an ornate border. On the left, a standing figure in armor is visible. On the right, a standing figure, possibly a woman, is shown. The top and bottom of the border feature various symbols, including a face and a figure. The entire illustration is rendered in a classic woodcut style with fine lines and cross-hatching for shading.

6 2



ELOGIORVM  
IULII FEROLDI Cremonensis.

*Te ciues fleuere tui, Luchine peremptum,  
Quod tecum extincta est iustitia & pietas.  
Talibus exequijs, partisq; tot ante trophais*

*Visus eras felix, quum morerere, moris  
Si non crudeli miscente aconita Megera  
Maslam exhalasses (heu miserande) animam.*

Iohannes Archiepiscopus.



**L**

UCHINO erepto Iohannes sacri & profani iuris potestatem complexus, incomparabili magnitudine animi Principem egit, pietate, iustitia, splendore vitæ & clementia, antiquis Heroibus comparandum. Ore probo semperque hilari, cum maiestate grauitatis, sinceri animi candorem, iustæ liberalitatis spem, & facilitatem cunctis adeuntibus pollicebatur. Inimicorum voluntates beneficiis ac humanitate flexit: hostium verò spiritus summa virtute contriuit. Fratrum filiis, quos Luchinus relegarat humaniter pepercit, totiusque imperij designauit hæredes. Genuenses cum vniuersa Liguria huius imperio paruerunt, is quoque Florentinos, quum ipsorum vrbi immisiss per Apenninum ingentibus copiis, magnum terrorem admouisset, pacem ea lege perere coëgit, vt Lucensibus, Pisanis & Senensibus bellum inferre desinerent. Adrianae verò magnificentiae studium æmulatus, luculentissimam domum contra Templum maximum iuxta Accij curiam condidit, & Abduam annem, qua desinente Lario



Lario ad Leucum coarctato exitu emittitur, sumptuosissimi operis lapideo ponte iunxit. Singularem demum animi moderationem tum maximè ostendit, quum apud Pisas à Iacobo Corbario Pseudopontifice Senatorio galero honestatus totum id purpuræ decus, vel cohortate Cæsare, ut beneficio uti vellet, constantissimè renuit; ne his susceptis insignibus, legitimi Pontificis maiestas lædi videretur. Obiit scilicet anno, natus annos LXIII. Effigies eius nullo vitata situ, in superiore conclavi Pontificiæ domus, in cyanea chlamyde egregiè picta conspicitur; ante Deiparæ Virginis imaginem habitu supplicantis.

## ANTONII FRANCISCI RAINERII.

*Cerulea chlamyde insignem niueisq; nitentem  
Pellibus, & Scythico maculis sub tegmine fuscis,  
Stellanti Regum ornatu, Heroumq; Deumq;  
Insuorum venerare Ducē, Ligurumq; potentem.  
Hic vir hic est, vident ut generoso effulgeat ore  
Majestas? vident athereas elapsa per auras  
Pulsa Astrea olim fronti ut confederit alia,  
Diuinosaq; oculis Venus alma afflari honores?  
Olli qua tenero nimbo sa per aui lapsu  
Serpit humi Eridanus, quaque altior exit, &  
auctus  
Centum fluminibus, gemino sternit sata cornu.  
Quaq; assueta malo, veterumq; exercita bellis  
Romulidum, gens dura, animisq; elata superbis  
Auro inhians Tyrrhena agili verrit vada puppe,  
Olli alacres cessere omnes; quaq; arduus almam*

*Principio Ausoniam secat Apenninus, utrunque  
Cum mare prospectat, subiectisq; intonat undis.  
Ille, ille imperij fortunarumq; suarum  
Consortes mira amplexus pietate nepotes  
Constituit pulsos, solisq; locavit auitis,  
Marmoreasq; ades, Phrygijsq; innixa columnis  
Atria, regalemq; aulam laquearibus aureis  
Condidit, & patriæ æternum decus addidit urbi.  
Iunctus & ante tuos operoso est Abdua ponte  
Maxime Lari oculos, violenta ut flumina discant  
Ferre iugū, fremitu neu quisquā assurgat iniquo.  
Purpureum ille etiam decus, atque insignia dona  
Coralio è fragili, trabeam, fascisque superbos  
Respuit, & que quisque ambit, pede reppulit alto.  
Ergo iterū venerare, ducemq; patremq; sacrorū  
Et gladio, & lituo, sceptrisq; animisq; potentem.*

## Galeacius Secundus.



IC est ille Galeacius, Stephano Matthæi magni liberorum ultimò genitus, qui decore formæ cunctos suæ ætatis mortales antecessit. Is defuncto Iohanne patruo, sicuti in testamenti tabulis erat præscriptum, Mediolanum, & vniuersas principatus vrbes, cum Barnaba Matthæoque fratribus trifariam diuisit. Sublato autem Matthæo mira concordia cum Barnaba duos & viginti regnavit annos; sic ut per omnem ætatem communibus copiis atque consiliis imperij fines tuerentur. Magnificientia autem operum cum fratre certabat; quo nobilissimo ædificandi studio, quum maximos Europæ Reges constitutis admirandis ædificiis æquasset; authore Petrarcha, seipsum condita Ticinensi arce facile superavit, quod Ticino vrbs mœnia præterfluenti lapideum pontem imposuisset, perpetua protectum continuatione, munitumque propugnaculis ad utrumque caput excitatis. Quo opere ornantibus peristylis nullum præstantius aut iocundius in Italia videmus. Ad nobilitandam quoque urbem cœli clementia, ubertate agri, duorumque annuum omnis generis fructus admirabilem copiam inuehientium, opportunitate clarissimam, quæ Longobardorum Regum sedes olim fuerat, Gymnasium condidit, ex autoritate Caroli IV. Imperatoris, accitis vberissimo stipendio disciplinarum omnium Professoribus, cui permagno eruditoque munere accessit Bibliotheca, adhortante Petrarcha, quam nos nobilissimis codicibus refertam, & demum ingruente bello, immaniter spoliata in arce vidimus; pari militum externorum licentia euastatis viridarijs, quæ septa ferarum à parcendo Parcos vulgus appellat. Ea lateritijs mœnibus cincta viginti miliarium spaciū complectuntur; paratis semper ad Principum voluptates omnis generis venationibus & aucupijs. Ab hac opulentia, ambitiosa sumptuosaq; libidine, cum magnis Regibus affinitates quesivit, Regis Galliæ filia Ioanni Galeacio filio nuptui data, & Leonarto Britannicæ Regis filio in generum adscito. Summis autem podagræ cruciatibus affectus, quinquagesimo nono ætatis anno excessit è vita. Effigies eius pluribus in locis in arce elegantissime depicta: hoc verò habitu conspicitur in inferiore porticu, quæ ad leuam intrantibus occurrit.

## IVLII FEROLDI.

*Musis hic Galeacius beatus  
Angusta atria, nobilēque sedem*

*Ticini ad liquidum dicavit amnem,  
Illic ut coalesceret iuuentus,*





*Bonisq; imbueretur artibus, quas  
Mox diffunderet vsquequaque in orbem.  
Musis & Iouius senex beatis  
Ticini ad liquidum institutus amnem,  
Augusta atria, nobilemq; sedem  
Vdo in margine Larij dicauit.*

*Hic armis Galeacium nitentem,  
Virtutis memor incluxit locauit,  
Vt fortissimus, optimusq; Princeps  
Formosissimus omnium virorum  
In Heroibus emiceret, virosq;  
Inter fulgeat ille bellicosos.*

## Barnabas.

**M**ARTII spiritus vis ingens, & ea semper indomita, crudelis, maximeque superba, in hoc Principe vsque adeo viguit, vt innata immodico eius animo, proferendi imperij libido, neque secundis, neque aduersis praeliis frangeretur. Is enim naturam pugnam & intrepidus, dum fortunae alea plurimum gauderet, nec vestigia bellicis sumptibus sufficerent, populos imperio subditos in cogenda pecunia acerbissime vexare expilareq; erat solitus. Quanquam per idem tempus insano propè studio aedificandi teneretur, imperatisq; operis apprimè iniuriosus, & supra quam dici potest, aduersus agricolas immitis euaderet. Venationi siquidem perditissime deditus, totum eius voluptatis instrumentum, quod duobus insignium canum millibus constabat, custodiendum alendumq; per familias vicatim distribuerat; graui miserorum agrorum





filium derimento metusq; solitudine, quā poenas atrociter exigeret vel minimæ negligentia;  
 integramq; aliquando familiam quæ aprum occisum sale conditum comedisset, suspensio puni-  
 re nō vereretur. Ab hoc fastu fœdè prodigus & rapax, eo maximè avaritiam ostendit, quòd decem  
 filiabus per omnem Europam nobilissimis regulis nuptui datis, innumerabiles pecunias in ea-  
 rum dotes contulisset. Ab vltima enim Britannia & è Cypro regiæ stirpis generos ambitiose si-  
 blasciuerat. Sed in dies magis ac magis ærarium exhauriebant septem liberorum ætate floren-  
 tem suam modico imperio, si per partes diuideretur minimè contentam fore existimans, cir-  
 cumspicere fortunæ suæ modum qui erat exiguus si in singulos diuidendus foret, & fratris si-  
 lio tantæ opulentia dominatum inuidere cœpit. Ioannes enim Galeacius sopito atque iner-  
 ti ingenio putabatur, quòd literis potius quàm armis vacaret, deditusque religioni, nulla pro-  
 pe contrà ac illa ætas ferret, voluptatum intemperie caperetur. Idcirco patruelibus luxu dif-  
 fluentibus facile erat contemptui atque odio; sic vt de eò intemperanter obloquerentur, atque  
 ei vitam inuiderent, nefarij consilij cogitationes cum patre miscentes; vsque adeò atrociter, vt  
 eum quoquomodo tollendū decernerent. At Ioannes Galeacius explorata per speculatores pro-  
 pinquorū malignitate, anteuertere vitæ discrimen statuit, magna que simulatione contexto con-  
 silio, quū proficeretur se iturum religionis causā ad Deiparæ Virginis templum quod in monta-  
 nis est; exeuntem sibi obuiam extra Ticinensem portam Barnabam patrum nihil tale timentem  
 comprehendit, statimque cum globo armatorū urbem irrumpens, patrum domum atq; arcem po-  
 pulo diripiendam præbuit; sic vt puncto temporis, & principatus, & tantæ opes conciderent, nec  
 quisquam capto opem ferre auderet. Paucos verò post dies eū in carcerem Tritianæ arcis cōiecit,  
 vbi vir omnium miserrimus, qui armis totā propè Italiam concusserat, acerbitateq; morū magnum



sibi vndique odium conciuerat, sexagesimo sexto ætatis anno Fato cessit, paremque propè extatus fortem tulerunt eius liberi, magnis exilij & egestatis iactati fluctibus. Effigies Barnabæ in Concano templo picta spectatur, quum adhuc extet marmorea statua equestris, qua sepulchro eius superposita Ioannes Galeacius, vt tanti admissi facinoris atrocitatem leniret, eundem & patrum & socerum honestauit.

FRANCISCI MANFRE-  
di Cremonensis.

*Quenam te in medio grauis senectæ  
Vexauit mala Barnabas libido?  
Quis dirus furor, aut cruenta Erynnis  
Egit præcipitem, feròque corde  
Tantas protinus excitauit vndas?  
At non hæc eadem Deis, deùmque  
Reçtori placuere; concidisq;  
Tuis consiliis miselle, quòdque  
Insonit scelus extruis nepoti,*

*Fatales tibi destinant sorores.  
Felix heu nimis ac nimis beatus,  
Si tam turpia, tam nefanda nunquam  
Aegro pectore facta cogitasses,  
Ac diram ingluuiem rapacis auri  
Expellens, niueum integrumq; semper  
Vsq; ad funeris ultimas fauillas  
Seruasses animi tui nitorem.*

Ioannes Galeacius.







AREM vt spectare licet, tanto imperio grauissimi oris maiestatem tulit Ioannes Galeacius, idem in Italia tot in vnum dominatum coactis vrbibus longè maximus; & vi prudentis ingenij, & belli fortuna omnium qui in Italia regnauerint post Theodoricum Gothorum Regem præstantissimus. Nemo eo neque ærarij facultatibus firmior, neque validior copiis, neque fide atque virtute Ducum suorum felicior fuit. Alebat enim lectissimas copias, & quosque nominis fama inclytos Duces, magnis præmiis sibi adsciuerat, per quos bella gerebat. Opulentissimæ vrbes stipendia suppeditabant, ratio & disciplina expedita que liberalitas cuncta regebant. Domi siquidem intentus consiliis assidue vigilare, quàm foris arma exercere malebat; quod patreviuo non semel belli fortunam expertus, multa ei aduersa obuenerant; adeò vt ab Aucutho Britanno Florentinorum Duce tumultuaria pugna in Brixiano agro profligatus, vix circumfusorum hostium manus effugerit. Serendo bello contentionis causas quærebat, serpendo que & vrgendo, Scaligeros Verona, Carrarios Patauio expulerat, Gonzagis penè Mantua pulsis. Quo rerum successu Bononiam Pontificiis copiis ad Casalecium magno prælio superatis receperat. Lucensibus demum, Pisanis, atque Senensibus in ditionem acceptis, Perusia, & Assisio in Vmbria potitus, graue bellum Florentinis intulerat, eo quidem acerbius quòd insignes iniurias vltum ire properabat. Nam Florentini præpotentis ac immodici hostis Etruriæ iugum superbe comminantis, nequaquam insulse reformidantes, in eum bellicosissimam Gallorum gentem, & Germanorum Cæsarem, grandi pecunia concitabant. Sed virtute Ducum & Galeacij fortuna, Galli cum Armeniaco Duce ad Alexandriam cæsi deletique sunt, & Brixiano in agro Germanorum alæ aliquot equestribus præliis superatæ, in Germaniam sunt repulsæ. Parabat itaque victor supremam cladem Etruriæ, proculdubio totius Italiæ regnum inuasurus, nisi Fata id supremum ei decus inuidissent; æstiuanti enim ad Labrum amnem, pestilenti morbo an veneno incertum, properantia Fata tanti consilij spem eliserunt; anno ætatis quinquagesimo quinto quum paulò antè è Ladislao Cæsare Mediolanensis imperij susceptis insignibus, primus suæ gentis Dux & Princeps fuisset appellatus. Nemo Regum ornatiore, aut sumptuosiore exequiarum pompa elatus est, quum singulorum opidorum Legati, & tota ferè vrbana nobilitas, atra veste ex ærario donati sint, & in producendis sacerdotum ordinibus, illustrandaque pyra, supra viginti millia cærea funalia eo die arserint. Effigies eius Carthusiano in templo prope urbem Ticinum marmore sculpta, multis in locis, præcellenti autem habitu depicta ad Cœnobium Castellatij iuxta Mediolanum spectatur.

## I V L I I F E R O L D I.

*Huic primò nomen Ducis atq; insignia Cæsar  
Detulit Insuabrum, eximio dignatus honore.  
Hic ille est bello fortunatissimus heros,  
Barbaricis populis & formidatus Etruscis.  
Cui Verona potens, diuesq; Bononia cecidit,  
Atq; Antenorida, atq; Alphæa ab origine Pise,*

*Innumeraq; vrbes aliæ, populiq; feroces.  
Ille etiam Gallos, Germanorumq; phalanges  
Reppulit, haud passus nostris considerare in oris,  
Et Florentinos obsedit milite colles.  
Armipotens illum donec mors abstulit atra,  
Et regnum Italia inuidit Fortuna potenti.*

## Ioannes Maria.



PERTO defuncti patris testamento duo filij impuberes Ioannes & Philippus, quibus Mariæ cognomentum fuit, ea conditione hæreditatem adiuerunt, vt Ioannes Mediolani Ducis nomen obtineret, Philippus Ticini Comes appellaretur; quibus bifariam diuisæ imperij vrbes accederent, Gabrieli vero ex nobili concubina suscepto, qui his natu maior erat, Crema & Pisæ in dominatum obuenerent. Cæterum euulgata Galeacij morte, copiarum Duces, nullo pudore perfidiæ, opportunas ipsis vrbes inuasunt; sic vt immensa moles opulentissimi principatus, quum ab imbecillo adolescente regi non posset, inuifrata dum prodicione vndique concussa & dilacerata corrueret, & cuncta passim singulis in vrbibus atroci factionum malo & cruentis dissensionibus quaterentur. Nam Pandolphus Malatesta à fide impudenter discedens, Brixia & Bergamo potitus fuerat: Cabrinus Fondulius Cremonæ: Ioannes Vinearus Laudi Pompeiæ: Otho Bontertius Parmæ, Placentiæ, Arcelli: Torniel: Nouariæ: Franchinus Rusca, Comi: & Facinus Canis Papiæ atque Alexandriæ, armis & factiosus populi studio, dominatum arripuerant; eoque ærumnarum imbellis adolescens deuenerat, vt diuersos gubernatores, qui armis autoritateque Mediolani seditiones pacarent, accersere cogereetur, sæpeque eos, fremente populo, tanquam factiosos exauthoraret: & postremò





Buccicaldus vir Gallus, qui nomine regio Genuæ præfecturam gerebat, ut cuncta ad arbitrium regeret, Mediolanum euocaretur. Is corpore atque animo vastus, quum ambitiosè atque superbè ad Principatum Cisalpinæ Galliæ palam aspiraret, graui Gibellinorum impetû Mediolano exturbatus est. Sæuus autem Princeps in ciues, post multos ex amicis paternis securi percussos, inauditæ crudelitatis carnificinam exercuit: prægrandes enim & voracissimos molossos, noxiarum primò, & mox innocentium carne nutritos, magister eorum Giramus fera immanitate ita alebat, ut eis quos odisset Princeps discerpandos obijceret, incredibili horrore gemituumque pauentis populi. Hæc effecere ut nobilium ciuium vtriusque factionis generosa cohors, Duce Paulo Baucio, hanc immanem belluam in ipsa curia adoriendam, mastandamque inita coniuratione susciperet. Atque ita abominandus Princeps dum in templum Gothardi sacrorum causâ descendit, trucidatus est; media fronte ad oculos vsque discissa, & altero crure detruncato. Nec quisquam cadenti opem tulit. Deserto autem ab omnibus, & maximè cruento cadaueri, vna omnium humanitatis nō oblita ignobilis meretrix, supremum officium piè exoluit, quum iacentem ad regendam vulnere fœditatem, recentium rosarum aceruo cooperuit. Effigies Iohannis vno in loco quod viderim, viperijs oculis venenum spirans; patre viuo picta, in altaris tabula, quæ est contra aram Templi maximi, ad extremum testudinis posita, Mediolani spectatur.

IOAN. PAULI AMANII Cremenfis.

*Que nam torua leona, que vel vrsa,  
Duro in vertice Caucaſi creauit*

*Tam duro ingenio virum, impioq;  
Humanum in genus, ac deos in ipſos?*

*Ille*



*Ille ut scilicet Insabres coercens,  
Insando imperio (nefas) iuberet  
Immaniſſimus omnium tyrannus  
Impaſtus canibus ſeris vorandos  
Inſontesq; dare ſimulq; ſontes?*

*illum at quàm miſerè reor viciſſim  
Aequis ut crucietur uſque pœnis;  
Nunc diſcerpere Cerberum ſurentem,  
Ultorem ſceleris maliq; tanti?*

## Philippus Vicecomes.



**E**o ipſo die, quo Iohannes Maria Mediolani trucidatus eſt, nuntio cædis ac-  
cepto Facinius Canis Ticini podagra oppreſſus exceſſit è vita; eo ſpiritu, ut  
Duces ſuos ſuprema obteſtatione cohortaretur ad vindicandam coniurato-  
rum perfidiam, at tollendumq; Philippum, ut paterno imperio potiretur. E-  
rat tum Philippus in arce Papiæ, morientiq; aſtiterat captiuo ſimilis, impe-  
rij virumq; expers, & auri valde inops. Nam Facinius prodente Caſtellino  
Becaria, urbem ſuis copiis occuparat. Adiuuat Philippi Fortuna Beatrix Ten-  
da Facinij vxor, quæ in ipſo mariti funere cum Philippo adoleſcente nuptias appetebat. Ea mu-  
liebri ambitione arque libidine incenſa, quanquam dignitate impar, annis autem ſuperior,  
opportuna tamen dotalibus theſauris Philippo videbatur. Itaque raptim inauſpicatæ fiunt  
nuptiæ, conciliantribus Ducibus, qui Faciniano auro oculos adiecerant. Nec mora, inſtructio



copijs numerataque pecunia Philippus Mediolani reducietur, pulsisque Sacramoro & Carolo Barnabæ filijs, qui regnum arripuerant, vehementi populi studio Dux acclamatur. Plerique ex coniuratis per tumultum capti supplicio afficiuntur. Venit & in potestatem noui Principis Mo- doetiana arx Sacromoro tormenti iactu interfecto. Fuit illi in recuperando regno persequendisq; hostibus mira felicitas; utpote qui singularum prope urbium tyrannos ceperit & occiderit, reliquos exturbarit. Sed videri potuit & sæuus & ingratus erga vxorem, quæ thesauris suis desertum ab omnibus & egentem ad imperium euexerat. Circumuentam enim dubijs indicibus, damnatamque adulterij, vel nihil tale in tormentis confitentem refellentemque iudices, pudica fronte securi percussit, ut Allobrogum Principis filiam duceret. Gessit varia fortuna, variaque morum fama bellum cum Venetis & Florentinis, eo exitu, ut Bergomum, Brixiam, & Veronam amitteret, moriensque Franciscum Sfortiam cui Blancam filiam ex nobili susceptam concubina in matrimonium collocarat, ex testamento totius imperij reliquit hæredem. Fuit Philippus adeo hebetibus oculis, ut factus senex, obuersantium ante se vultus non planè discerneret, assiduo secretoque monitore vteretur in responsis dandis, ne pupillæ vitium detegeret. Sed magnitudine generosi animi, maximos suæ ætatis Reges facillè superasse censeretur, vel reparando bello inexhaustis opibus, vel in paranda laude præstantissimæ virtutis. Solus enim incomparabile veræ clementiæ decus tulit, cum Alfonso Regem cum fratribus, & Nauarræ item Regem bello nauali ad Pontiam captos, & ad se Mediolanum perductos, non cunctis modò humanitatis officijs, sed amplissimis muneribus & copiis instructos liberaliter dimiserit, ad recuperandum Neapolitanum regnum, de quo cum Iohanna & Andegauensibus armis contendebat; ut non receptæ modò libertatis, sed parti regni beneficio commutata repente fortuna lætarentur. Quamquam hæc tantæ clementiæ, magna quidem, sed intempestiuè quæsita laus, singulari ei cesserit detrimento. Non tulere enim contumeliam Ligures, qui Regem ceperant, quòd inimicæ gentis Rex aliena gratia liberatus, implacabile erga se odium seruaturus crederetur, ipsique propterea interfecto Opicino Genuæ Philippi Præfecto continuò rebellârunt. Philippi effigies Mediolani multis in locis picta, sed longè elegantissimè in domo Francisci Tabernii Epistolarum magistri, in frontispicio inferioris magni conclauis ex arte plastices efficta spectatur.

## I A N I V I T A L I S.

*Clementissimus atq; liberalis  
Insubrùm dominus Philippus hic est,  
Victis Regibus unico duobus,  
Qui bello manicasq; compedesq;  
Leuari iubet, in suasq; abire*

*Donatos opibus Lucullianis  
Sedes, & sua regna, liberatos  
Tetro carcere. Discite hinc tyranni  
Sunt hæc munera Principum, superbos  
Debellare, pios & esse victis.*

## Iohannes Vitellius Cornetanus

### Patriarcha & Cardinalis.



**M**AGNUM & memorabile insolentis fortunæ exemplum inusitato sacratis viris exitu præbuit IOHANNES Vitellius, Corneti in ora Tuscorum nobili genere natus. Is ab adolescentia mediocribus instructus literis: sed eis ab excellenti memoria expeditaque facundia in omnem casum serij sermonis adeò promptis, ut magnæ doctrinæ speciem præberet: vir factus, cum hac ingenij indole contulit se ad finitimum Tuscanellensium tyrannum, cui ob hæsitantiam linguæ, Tartaliæ cognomentum fuit. Hic ea tempestate inter clarissimos Duces, validas equitum copias ducabat, utebaturque Vitellio in perscribendis epistolis, obeundisque apud diuersos Principes & Duces legationibus. Quibus in rebus suam adeò efficacis industriæ exactiq; iudicij operam probauit, ut secretioribus negotijs tanquam consilio optimus adhiberetur. In eo quippe vis ingenij mirifica eminebat, & naturâ erat aduersus laborem & somnum indomitus, periculorum despector, imperij & militaris laudis audax. Itaque arma sæpe induere, & bellicis discriminibus audacter misceri, sæpeque inter milites, fretus quibusdam iuris ciuilibus flosculis, controuersias minuere, magnoque vsui in asperis rebus Tartaliæ esse. Sed postquam Martini iussu, iudicioque Sfortiæ, Tartalia commutati studij accusatus, tanquam ad Braccium aduersarum partium Ducem transurus, Auerfano in foro detruncata ceruice conceptæ perfidiæ pœnas dedit: Vitellius Romam se contulit; breuiq; vir solers, & aulæ moribus idoneus, Martino innotuit, à quo Protonotarius est factus. Creato autem Eugenio Vitellij studium, uti erat vehemens, expeditum, & comprobante fortuna rerum euentibus felix, infenatu adeò miris laudibus extollebatur, ut in eo vno Reipublicæ salus & dignitas niti videretur. Itaque quum fortem fidelemq; operam difficillimis Reipublicæ temporibus nauaret, tanto Pontificis





Pontificis studio singulos honorum gradus adeptus est, ut legati quoque potestate copiis Pontificis sit praefectus. Ab hac enim secunda rerum gestarum fama, eum Pontifex maturata liberalitate, e Prænotario Recanensem Episcopum, nec multo post Patriarcham Alexandrinum, & mox Florentinum Archiepiscopum, demumque ad nuntium exoptatae victoriae Cardinalem creauit. Tanta itaque Vitellius Pontificis gratia insignis & potens, inimicos & inuidos gloriae suae obrectantes facile contemnebat. Erant enim magna quae ad insigne Reipublicae commodum gesserat, quum tyrannos pontificij imperij ditionem impudentissime lacerantes, ad vnum propè omnes deleuisset. Nec si quid paulò acerbius & violentius gerendo bello patrasset, quod sacrae res Pontifex admitteret, quum responderet, hunc esse morem factiosorum imperitorumque; hoc minum, ut seueritatis atque iustitiae nomen odio haberent, publicasque iniurias extrema poena minime vindicandas arbitrarentur. Principem quidem Salernitanum Martini Pontificis fratris filium, ceterosque Columniae familiae proceres, qui armati antea in Urbem occupata Capena porta irruerant, persecutus armis, omnibus auctis paternisque oppidis cuncta popularis exuerat; Iacobumque item Vicanum Urbis praefectum, multis circa Veatram oppidis imperantem, redactum in potestatem, & cum eo Trincium Fulginatum tyrannum in arce Suriana securi percussit. Antoniumque deinde Pisanum ab Etruriae oppido Pontaderam appellatum, virum militiae clarum, & multis literarum ornamentis insignem, quod Priuernum in Volscis occupauisset, tu multuario praelio fustum captumque, indigno miserabilique supplicio ad oleam suspenderat. Quae necis atrocitate, vel ob id magnam inuidiam subiit, quod Antonio id mortis genus tanquam honestissimo viro, & diu cum laude militiae versato indignum, deprehensumque;



bus meritum, suppliciter deprecanti non modò non indulserit, verùm crudeli vsus ironia in car-nificem versus dixerit, Lege ergo age, & æqua postulanti, viro forti præclaroque geminum in-  
 nestre laqueum, altioremq; ramum delige, vt honestius ac splendidius pendeat; atque ita mise-  
 rabilius duplici capistro, vir alioqui tam fædo supplicio indignus, in arbore strangulatus pe-  
 pendit. Eandem etiam Etrusco bello supplicij sortem tulerat Armalerius Asculanus, egregij  
 nominis Centurio, quum ad hostes ex leui coniectura transiturus putaretur. Romæ autem acer-  
 bè conquisitis & raptis ad supplicium, qui excitato tumultu Pontificem in fugam per Tyberim  
 coniecissent, Lateranensisq; templi sacraria direptis quibusdam donariis impiè violassent, car-  
 nificinam in campo Flore exercuerat, horrentibus trementibusq; Romanis eius viri aspectum  
 properataq; & nimis sæua iudicia, quæ vel summæ dignitatis deprecatores omni misericordia  
 atq; humanitate semper vacua reperissent. Verùm non multò post Vitellius opinione gratiaque  
 Pontificis decidit, quum aduersus Alonsum regem missus, pro Renato Andegauense ad Neapo-  
 lim eo euentu bellum gessisset, vt post profligatum captumq; Vrsinum principem Tarentinum,  
 & mox dimissum, parta victoria vt noluisse parum fideli aut importuna cunctatione crederetur;  
 sicuti antea Picenum agrum occupanti Francisco Sfortiæ, nec tum viribus aut incolarum studiis  
 præualido, repentè petita mari fuga, simulatoq; salutis suæ periculo, concessisset. Onerauit de-  
 mum immani nefarioq; ausu cum suam tum Pontificis famam, quum inira coniuratione Alon-  
 sum regem sub fide induciarum opprimere cogitasset. Ab eo siquidem rege ad Salernum obsel-  
 sus, vt instantis periculi casum effugeret, vir æquè fallax & vafer, cum rege inducias in tres men-  
 ses pepigerat, quo spatio turpissimè fidem abrumpens, coniunctis cum Iacobo Caudala censibus  
 & copiis, ad regem tum fortè hyemantem ad Iulianum vicum Auerfani agri improvisus aduola-  
 uit. Nec regem alia res seruauit, quàm religiosè ex cultum eo die numen; solenni enim tum for-  
 tè festo die Christi natalis, paulò post aurorâ triplici sacro intentus, ante aram prociderat, quum  
 Vitelliani improvisi inexpectatiq; hostes adesse nunciati sunt. Tanta autem fuit irrupentium  
 celeritas; vt ferè capto regi breue spatium ad elabendum non planè peractis sacris relinqueretur;  
 & impius hostis omnem sacrorum apparatus, & expositam ad celebre epulum regij Abacis si-  
 pellestilem auidè diriperet. Id facinus ingratum Pontifici, odiosumque sacro ordini, & cupi-  
 tis execrabile, vehementer Vitellij existimationem labefecit, quum in eius industria, quan-  
 quam singulari atque mirifica, fluxa fides & atrox violentia damnarentur. Eius autem improbi  
 atque audacis animi notam Patriarcha falso dictorio diluebat, quum diceret, se, vt rex expectis-  
 set, quod pollicitus fuerat, bona fide præstare voluisse. Paulò enim antè Alonsus per præco-  
 nem Patriarchæ cum iactantia nunciarat, se Marte iudice illum indecenter arma tractantem, ed-  
 redacturum, vt tanquam infimi ordinis sacrificulus, missarum sacra vno denario sibi perageret.  
 Ad quod insolens dictum Vitellius sua vsus ironia responderat, non abnuere conditionem, vt  
 magni regis capellanus efficeretur: verùm se non prius quàm inchoante anno ipso Christi nata-  
 li die munus hoc suscepturum, vt auspiciò & gratiò quidem ei sacra solennia celebraret. Sic  
 vt postea rex periculo ereptus, in magna suorum frequentia acutissimi sacerdotis ironiam agno-  
 scens, se eo scommate probè elusum fateretur. Sed is non multò post malo genio animum eius  
 vastum & insatiabilem impellente, maximum imperium & summum denique pontificatum as-  
 sectare cœpit, aut viuo Eugenio, si ille sub censura concilij exauthoratus concideret, aut certè  
 mortuo, quando iam difficilem morbum animi languore concepisset, ab aduersi Basilienfis con-  
 cilij decretis. In eam spem adipiscendi pontificatus venerat, quòd validissimis copiis subnixus,  
 singulas pontificiæ ditionis arces, per fidos sibi atque obnoxios clientes in potestate haberet.  
 Nec defutura sibi Patrum studia atque suffragia, vel primò comitiorum die arbitraretur, quo-  
 niam sibi opulento pecuniosoque ad opportunas largitiones expedita facultas foret. Oderat  
 Florentinos tanquam ingratos, quòd eorum Rempublicam ciuili seditione perturbatam, se sua  
 autoritate compositis rebus conseruasse prædicabat. Illi tamen in ipsius contumeliam Rai-  
 naldum Albitium primarium ciuem ab se vehementer commendatum exilio multauissent. Ve-  
 neris autem indignabatur, quòd per legatos apud Eugenum omnem suam gratiam & dignita-  
 tem conuellere contendissent. Noua itaque consilia cum Nicolao Picinnino suscepit. Is tum  
 clarissimus bello dux Philippi Mediolanensis exercitibus præerat, defendebatque acerrimè  
 ius ditionem aduersus Venetos Florentinis fœdere consociatos. Summa consilij erat, vt Picin-  
 ninus in Etruriam accerseretur, ipse è Latio promotis copiis cum eo se coniungeret. Id consi-  
 lium interceptis ad montem Politianum literis, planè detectum est. Scribebat enim Vitellius  
 ad Picinninum notis arbitrariis, quæ fieri volebat, quæ tamen ab interprete explicari non po-  
 terant, magnam tamen commutatæ fidei suspicionem afferebant. Erat apud Eugenum om-  
 nium consiliorum arbiter Ludouicus Patauinus, Patriarcha Aquileiensis, ex Medico Cardina-  
 lis factus, vir astuto peracriq; ingenio Vitellij potentiæ vehementer infensus. Is quum graui  
 facundia in Vitellij mores atque consilia criminose inuectus differuisset, Eugenum nunquam  
 integra Pontificij imperij potestate Vitellio viuo positurum, illius opprimendi consilium obtu-  
 lit atque perfecit. Præerat arci molis Hadriani Antonius Rido, vir militaris, & ad omne patrân-  
 dum

hæ arbitrariæ  
 go ciferæ.



dum facinus paratus, quod commendatione Ludouici ad eam præfecturam peruenisset. Hunc quæ Pontifex peragi imperet, atque ipse cupiat, secretò edocet, & quæ in negotio opus forent sedulo constituit. Igitur ad Calendas Aprilis moturus castra Vitellius Antonio significat, ut sibi Hadriani pontem transeunti adesse velit, ut de custodia munitioneque arcis & profectioe sua quædam cum eo communicet. Eam occasionem excipit Antonius tendendis insidiis idoneam. Præmittitur prima luce à Vitellio Comes Auerfus Anguillarius cum quatuor millibus equitum duobusq; millibus peditum; ipse postremus cum familiaribus agmen claudit. Tum verò Antonius porta arcis egressus præteruictum totius pontis longitudinē, inermis & cōposito vultu salutat; accedensque propius simulatione secretioris colloquij procedentem comitatur, pedes equitem, habenas molliter tractans, tam diu de annonæ supplemento, de instaurando tormentorum & telorum apparatu verba producit, quoad contra arcis portam peruentum est. At Vitellius se maturè curaturum pollicetur, ut nihil earum rerum indigeret, se Reipublicæ causam in Etruriam ducturum, tantisperque Cornetum ex itinere diuersurum, ut ædificatam ab se magno sumptu domum inspiciat. Eodem verò puncto temporis Antonius equi frenum arripit, signum dat, cataracta demittitur, quæ extremum pontis caput excludit; erumpunt satellites, perturbantque inopinato malo Vitellium circumstant. Ille nihil se deserit, calcaribus equum, sed frustra incitat, atque incuruum gladium, quo militari more cinctus erat, ferociter educit. Sed obstantem satelles falcato hastilis vnco, quod hodie Roncham vocant, per ceruicem corripit: alter dextrum brachium, quo districto gladio in Antonij caput ictum minabatur, grauius vulnerat, atque ira cruentus intra portam arcis pertrahitur. Hunc supremæ calamitatis malo perturbatum, & se ingratis proditum, profundo suspirio conquerentem, ornatissimo in thoro collocant, obliganturque ei vulnera, & Antonius ut bene speret cohortatur, quod in posterum Eugenius nō militari, sed senatoria eius opera uti veller. Ad id Vitellius anxie æstuans, se non esse adeo rerum imperitum respondit, ut temerè crederet, summæ dignitatis viros vel iniquo iure capros dimitti solere. A summa autem arce per præconem Vitellianis pronuntiatur, ut timere, tumultuarique desinant, quando iussu Pontificis graui de causa Cardinalis esset interceptus; Atque ita Comes Auerfus sub signis iter extendens, opulenta Vitellij impedimenta in arcem Ronciloni suæ ditionis tanquam suam prædam abduxit. Nec multò post, ut nonnulli tradunt, siue acerbitate vulnere, siue indito veneno, fato functus est, caruitque honore funeris & tumuli, quanquam ei postea propinqui Corneti marmoreum cenotaphium extruxerint, quod hodie cum rudi elogio visitur. Sed munificentissimæ domus structuram atque amplitudinem, Pontificum hospitio dicatæ admiramur. Antonius autem Rido tanti patrati facinoris præmium vel in morte tulit, marmoream equestrem statuam, quæ in vestibulo templi Diuæ Mariæ nouæ ad arcum Titi conspicitur. Ludouicus verò in demortui Vitellij locum, ut copiis præesset, suffectus est. Vera Vitellij effigies depicta in magno conclauī eius domus Corneti spectatur.

F A E R N I.

Quis tua facta potis, laudesq; equare canendo  
Purpuream succincte rogam, generose Vitelli?  
Maestas tibi Romani pastoris, honorq;  
Debet, & antiquum tibi disciplina vigorem  
Acceptum seruata refert, tu fontibus aqua  
Supplicia & meritis tribuis iustissime penas.  
Dispersos tu sylvarum per lustra latrones  
Non secus ac venator apros, indagine cingis.  
Tu diros Latro dominos, tu triste repellis  
Seruitium, sanosq; sua queng, vrbe tyrannos


Exigis, & iusta populos ditione coherces.  
Infandæ plebis tu seditione fugatum  
Pontificem sacrum, iustis ulcisceris armis;  
Stringis & horrendas in noxia colla secures.  
Salue purpurei decus & tutela senatus;  
Priscarum virtutū imitator, & amule laudum;  
Imperio quod seruaras dignissime, nite  
Præpropera ambitio tentasset inanibus auris,  
Iactassetq; anidam transuerso turbine mentem.

Iulianus Cæfarinus. Cardin.



ÆSARINA familia inter illustres Romanorum procerum ætate nostra, honoratis viris atque opibus florens, summam, ut aliqui volunt, claritatem cepit à IULIANO sancti Angeli Cardinale, cuius hoc loco vera effigies spectatur. Vetustatem eius originis nequaquam altè reperunt, vel qui Cæsariorum nomini fauent, quum fateantur ex gentilitiis insignibus, eos Columniis & Ursinis fuisse recentiores, quod ex alienis argumentis sua insignia condiderint. Scutum enim gestant, in quo visus ad columnam catena deligatus pingitur, superstante tamen aquila nigra, quæ à Cæsaribus præclara nobilitatis testificatione stuat.





diosis partium suarum & clientibus dono dari consuevit. Narrant autem superiore seculo cru-  
 entis factionibus infami, cum Vrsini cum Columniis de dignitate armis contenderent, Cæsa-  
 rinos tanquam Gibellini nominis adhæsisse Columniis, insignique edito facinore vicisse Vrsi-  
 nos hostes; ideoq̃ Cæsarinos tanquam præclaræ eius victoriæ authores, victum & columnæ  
 catenarum vrsum ad memoriam clarissimi facti in scutis expressisse. Sed hæc ex fama potius tra-  
 dita per manus, quàm ex annalium fide referuntur; quum per quadringentos annos res Roma-  
 na civilibus discordiis & Germanorum Cæsarum sæuitia à stirpe propè excisa, certo historia-  
 rum lumine caruerit. Verùm Cæsarinae familiæ dignitatem facile demonstrat prærogatiua in-  
 signis, qua præclaro populi Romani munere à Paulo tertio amplissimis codicillis confirmato,  
 eius familiæ princeps inueterata consuetudine maximum vexillum gestat, cum bello (si inci-  
 dat) tum pace in spectaculis Agonalium ludorum, quæ ad normam veteris disciplinæ Luperca-  
 libus edi solent, vt armata iuuentus in equis simulachra præliorum repræsentet, & legiones per  
 singulas tribus composito ordine decurrant. Fuit Iulianus honesta facie, statura insigni, inge-  
 nio excelso, eloquentia singulari, & moribus candidissimis, in gymnasiis accuratè versatus, ci-  
 uilis & diuini iuris scientissimus euaserat. Qua facultate ad parandam sibi senatoriam dignita-  
 tem opportunè gradum fecit. Nam ea tempestate eius scientiæ professores præcipuo erant in  
 honore, propter grauissimas de Pontificia dignitate disceptationes, quum dira diuisione tres  
 vno tempore summi pontifices sædissimo exemplo Christianis præessent sacris. Fuerat adscri-  
 ptus in numerum eorum iudicum, qui in confesso Pontificis de supplicibus libellis referunt, &  
 sententiam dicunt. Quo in obeundo munere, Iulianus longè omnium subtilissimè atque re-  
 cussimè referebat. His itaque instructus literis, à Martino lectus est in senatum, tanto omnium sa-  
 uore,



uore, ut paulò post in Bohemiam legatus sit missus; ad sanandos eius gentis animos Hussitana superstitione laborantes, obstinatissimeque etiam tum in insania peruicaces, quanquam nuper Hieronymus à Praga, eius hæresis crimine damnatus Constantiæ, & combustus, in ipsorum contumeliam concidisset. Ea enim erat de Iuliani virtute constans opinio, ut vni illi ea prouincia demandanda censeretur. In omni siquidem senatorio munere apud eum vigeant dignitas sine fastu, doctrina sine ostentatione, sine furo probitas, & studium sine factione. Qui mores non modò factiosa in vire, aulaque maximè superba, sed apud omnes, quibuscunque serio aeturus congregaretur, gratiam conciliabant. In Germaniam autem profectus Bohemos opinionem suam reperit duriores, & mortem cum cruciatu potius pati paratos, quam ut à sententiâ susceptæ semel, quanquam nondum inueteratæ superstitionis discedere vellent; sic ut nequam adhortationibus sacrarum concionum, sed planè validis perdomandi armis essent; quod victis pariter atque victoribus maximè calamitosum foret. Aditis itaque Germanorum proceribus, & pertentatis eorum animis, quum arduum atque difficile, maximèque sumptuosum esse prospiceret conflare exercitum, qui ex diuersis auxiliis par esset bellicosa munitaque syluis atque fluminibus genti subigendæ, Basileam se recipit, ad obeundum secundi muneris officium, scilicet ut indicto inchoatoque Concilio legatus præesset. Sancita enim lex fuerat Constantiæ, ut post quinquennium renouata sacrosancta Synodo, antistites, sacratique viri totius Europæ conuenirent, ut controuersæ de Diuinis placitis morumque censura, suprema disputatione finirentur. Eam autem promulgatam legem mortuo Martino, Eugenius ei successus ita probauerat, ut Iulianus continuato legationis honore, toti Basiliensi negotio præficeretur. Cæptum itaque excitatumque Concilium concursu sacerdotum eum habuit euentum, ut Eugenius ad id celebrandum vocaretur inuidia principum & quorundam antistitum, qui ei speciei religionis parti Pontificatus felicitatem inuidebant. Erant in eo Concilio multæ grauissimæ res commodò Reipublicæ à piis hominibus peragendæ; quod Bohemorum insania magnis articulis sananda videretur; quod Turcæ Myssorum & Hungarorum fines vastarent; quodque explicanda essent veræ fidei dogmata, in quæ Reipublicæ Christianæ Episcopi sublata discordia consentirent. Quæ omnia ut ritè discuti, rectèque decerni possent, præsentis Pontificis personam efflagitare videbantur. In hac re deposcenda adeò multus fuit Iulianus, ut appareret, nimio pietatis studio aduersa & planè aliena Pontifici postulare. Ponebat enim decus suam, quod probitate Christiana niteretur, ante commodum salutemque Pontificis, qui in seuerissima Synodo dignitatis, & totius fortunæ suæ periculum esset aditurus. Extant duæ à Iuliano scriptæ epistolæ ad Pontificem, quibus eum graui cum obiurgatione reprehendit, quod citatus laboranti Reipublicæ non subueniat, & contra iusiurandum indicto concilio non intersit; usque adeò intemperanter, ut seni & articulari morbo laboranti, læticiam ad iter non defuturam scribit. Nec excusandus censeretur, si parum pia, parumque generosa tergiuersatione hominum probatissimorum opinionem falleret. In ea expostulatione Iulianus planè impudens & ambitiosus quibusdam videri poterat, nisi in eo mirum communis concordie studium, & cura religionis præclara extitisset. Cæterum Eugenius uti aliàs profunda prudentia vetus senator, & Pontifex quanquam nouus, sui muneris & personæ nusquam oblitus, eam contumeliam lenissime dissimulauit. Synodum enim tanquam immanem & multorum caput belluam, ad exitium maximorum pontificum cæcæ rabie concitatam esse differebat; ratus, his adimi libertatem & vitam, qui in externis terris ei belluæ se committerent. Non reformidabat tanten Concilium, sed eius locum deuitabat, Balthazaris Cossæ exitum perhorrescens. Igitur Eugenius commonefacto Iuliano, ubi sensit insidias sibi parari, Concilij locum damnat, tanquam Hispanis, Gallis atque Italis antistitibus incommodum; earum actionum decretis fidem abrogat, solenneque Concilium in vrbe Ferraria futurum edicit, accersiturque à Constantinopoli Iohannes Græcorum Imperator, ut ex eius autoritate Græcæ gentis controuersie cum Latinis componantur. Nec multo post, pecunia Pontificis conductæ aliquot triremium classe, Imperator cum lætissimis sue gentis Episcopis atque proceribus emensus Adriaticum, Ferrariam aduehitur, comitante ipso Iuliano Cardinale legato. Is enim Basileæ malignitatem quorundam detestatus, qui non studio instaurandæ religionis, sed circumueniendi Pontificis inaudita libidine ducebantur, ad Eugenij voluntatem se contulerat. In Concilio namque, Eugenio, quod citatus non venisset, confestim exauthorato, creatus fuerat Pseudopontifex Amideus Allobrogum princeps, qui filius natum iam grandibus senex, Eremitarum more in abdita & nemorosa loca tædio publicarum rerum secesserat, Felixque appellatus, magna celebritate Basileæ fuerat coronatus. Sed aduentu Græcorum, quum Synodus meru pestilentie à Ferraria Florentiam translata maximè floreret, actiones Basilienses magnopere refrixerunt. Felix autem eam intempestiue dignitatis tulit sortem, ut exutus pontificatu, Cardinalis à legitimo Pontifice crearetur, quod seni venerando atque innocentissimo, honos purpuræ ad solatium relinquendus esse videbatur. In his grauissimi negotij discepcionibus, Iulianus eximiam cum præclari studij & generosæ industria, tum multiplicis doctrinæ laudem tulit, quum malè sanam de processione Spiritus sancti



Græcorum opinionem Romano dogmati conciliaffet. Interea compositis apud Florentiam Græcorum & Latinorum controuersis, peractoque conuentu, Ladislaus Polonorum & Hungarorum rex, prosperè cum Turcis ad Hemum montem confligit, Carambeio Amurathis primario duce capto. Verùm Ladislaus suarum & hostilium virium æquus æstimator, ab ea victoria prudenti consilio non iniquam pacem quæsiuit, concedente eam Amurathe, qui explicare se Hungarico bello, & aduersus Ciliciæ regem sibi ad iniuriam opportunum, maturè proficisci cupiebat. Ea pax Pontifici & Christianis principibus post insignis victoriæ prouentum nunciata, tanquam intempestiua, inutilis, atque indecora displicuit. Iampridem enim Christiani ferè omnes, collatis viribus, ingens bellum in Amurathem decreuerant, orante & vehementer expetente Græcorum Imperatore, ut sibi à ferocissima gente circumuento, opem ferrematurarent. Georgius quoque Castriotus, cui Scanderbego cognomen fuit, qui in Epiro Amurathem eiusque præfectos magnis detrimentis affecerat, se cum validis copiis Regi Hungaro, Thraciam inuadenti affuturum pollicebatur. Eo modo Rex iuuenis secundæ victoriæ spe incitatus, adhortatione principum pacem violat, bellumque suscipit, maiore quàm antea apparatu conatuque. In ea rerum occasione Eugenius Iulianum, quo nemo potior videbatur, legatum ad regem misit, qui eum eiusque gentes ad sacrum bellum concionibus incitaret. Retardabat tamen regem pudor ingenitus aduersus imminentem violandæ pacis infamiam. Sed vnus religionis respectus verecundiam discutiebat, pronunciante legato, fidem infidelibus Mahometanis nequaquam esse seruandam; quando ipse eius conceptæ fallaciæ inane piaculum autoritate pontificia continuò esset deliturus. Iurabant pacem solenni cerimonia, hinc Ladislaus & illinc Sannocæus Amurathis legatus, ea stipulatione, ut vtriusque legis instrumenta proferrentur; hinc scilicet Euangeliorum liber consecratus; illinc Alcorani religiosum volumen, quo Mahometis dogmata continentur. Ladislaus per hunc modum à fide data (nequaquam regio more) discedens, inauspicatò motis signis ad Varnam Pontici littoris urbem infesto exercitu penetrauit, ut in ora Christianam classem exspectaret. Quibus cognitis rebus Amurathes, Christianorum leuitatem atque perfidiam grauissimis verbis detestatus, è Cilicia rediens, magnis itineribus ad Hellepontum traductis copiis, septimis castris peruenit ad Varnam. Eius aduentus nostrorum opinionè celerior, regem inprimis & Iohannem Hunniadem Turcico assuetum bello vehementer perterruit. His autem animis vtrinque inciem est descensum, ut primo congressu Amurathes de victoria desperasse tradatur; nisi noua & recentissima Turcarum ala, nostris imperitè laxantibus aciem, victoriæ occasionem ademisset. Ladislaus enim acerrimè pugnans, stratis nobilioris alæ equitibus, ad Ianizaros prætorianos pedites penetrarat; sed sinu facto in medium receptus, suffraginibus equi succisis, Rex corruit, atque ita trucidatus est, Hunniade frustra interfecti cadauer è manibus hostium eripere conante. Rege interfecto, caput eius Barbari lanceæ præfixum circumferentes, sublato clamore; nostrorum fugientium tergis insisterunt. Hunniades intactus effugit. Iulianus verò legatus, qui prælata cruce hortabundus regia signa sequebatur, quum ad lacunam sitienti equo habenas laxasset, superuentu hostium, aut, ut plerique existimarunt, Hungarorum sæuitia trucidatus interiit, multa eum contumelia onerantibus Barbaris, quod sacerdos, contra ius Gentium fidem violandam abrupta pace sædè censuisset. Vir certè tam tristi vitæ exitu indignus, nisi eo Fati genere aditum sibi ad cælum perenni cum gloria munuisset. Præclarum autem viuidæ gloriæ lumen, quod æternum luceret, hoc verè pio atque honestissimo vitæ exitu posteris suis reliquit. Nam post multos annos ab hac optimi senatoris memoria, qui pro salute Christianæ Reipublicæ se deuouisset, Alexander sextus Iulianum Cæsarinum huius nomen referentem, generosis ornatum moribus, & Leo decimus Alexandrum eruditi ingenij, virtute insignem, ad instaurandam familiæ de Republica bene meriti dignitatem, in Senatum legerunt. Eius effigiem eleganter (ut illa ferebat ætas) in tabula pictam Iulianus Cæsarinus abnepos, qui hodiè familiæ nomen cum dignitate sustinet, exscribendam tradidit. Vixit annos quadraginta sex. Obiit anno à partu Virginis quadragesimo quarto supra millesimum & quadringentesimum.

## ANTONII FRANCISCI RAINERII.

*Te decorant magni cognomina Caesaris, unde  
Ducis auos, at auosq; & prisca exordia gentis;  
Quisq; lacertosus vexilla patrumq; Quiritumq;  
Extollit sinuosa auro, atq; asperrima signis  
Vestrorum decus heroum, columenq; nepotum:*

*Te decorant ostro insignes duo lumina, patres  
Conati euerso pariter succurrere seculo,  
Qui tecum aethereis potiuntur nectare mensis.  
Te decorat tua te pietas immensa labantem,  
Quæruit (heu pietas miseranda) ut fulceat orbem.*

Tameria-



## Tamerlanes Scythar. Imp.



**T**AMERLANES Scytharum Imperator, qui propter inauditam animi feritatem atque saevitiam portentosasque vires, orbis TERROR, & CLADES Orientis appellatus est; ex humili militie loco per omnes honorum gradus ad eximiam bellicę virtutis opinionem, & denique ad summum imperium ascendit; insigni præsertim applaudentium militum studio, quum adulatione quædam Temir Cuthlus vocaretur, quæ vox Tartaricę fortunatum ferrum significat. Eum Samarcandę vrbs, quæ est ad Iaxartem omnem Sogdianę regioni finitimum, infimę classis ciuem fuisse tradunt. Quam vrbs usque ab Alexandri Magni temporibus Quinto Curtio notam videmus: testanturque Persę, homines historię non ignari, qui cum nos collocti sumus, Samarcandam à Tamerlane tanquam patriam suam totius subacti à se Orientis opibus & spoliis mirę auctam atque exornatam fuisse. Erat Tamerlanes ore truculento recedentibusque oculis semper minaci; corpore autem ingenti, validisque nervis adeo firmo lacertoque, ut Scythici ingentis arcus chordam, quod paucissimis præstare licebat, ultra aurem extenderet, cupreumque mortarium pro scopo sagittariis in ludo propositum, emissa harundinis spiculo perfoderet. Sed eum nonnulli authores altero crure debilitatum, ideoque deformiter incedentem scribunt. Cæterum acclamatus imperator vna præsertim nominis autoritate, ex innumeris gentibus belli prædęque avidis, tot copias contraxit, ut proficiscentibus alimenta viris, & herbida pascua iumentis defutura crederentur. In eius



exercitum coiungere Sogdiani, Aracofij, Bactriani, Hircanique, qui hodie vno nomine à Barbaris Zangatai appellantur. Præterea Scytharum etiam Hordæ, quæ à Iaxarte ad Volgam amnem, & ultra id flumen vsque ad Moscam sedes habent. Hordas enim agmina Tartarorum vocant, quæ incertis semper sedibus per immensas solitudines vsque ad Imaum montem euagantur, Amaxobij ab antiquis vocati, quod in curribus centone protectis, aduersus frigora vitam degant. Harum Hordarum maximè potentes & bellicosæ Cassania, Sciabania, Nogaiæque Moscouitis commercio familiares Tamerlani paruerunt. Nam reliquæ remotiores à magno Cathaino, qui in ora Oceani regioneque Sinarum potentissimus regnat, imperia accipiunt. Sublatis itaque signis, Tamerlanes eam multitudinem tranando Volgam traduxit, cursus rapiditate & multitudine aquarum post Nilum & Istrum fluuiorum amplissimum. Sed is diductus in septem cornua, quibus in mare Caspium turbidus & lenior erumpit, commodiorem transitum præbet. Itaque humilioribus repertis vadis, infra Cithracam celebre Emporium omnis multitudo tutissime transuecta est. Fuere in ea tot gentium colluie centum myriades pedum & equitum, ingenisque maioris & minoris pecoris numerus, quod partim ceruicibus tranantium equorum, partim subitariis ratibus sustinente atque excipiente in medio profuerant annis equitatu traductum est. Singuli porro equites peditem in equi clunes sublarum transportarunt. A Volga demum qui Rha antiquitus appellatus est, Tamerlanes per Hiberorum, Albanorumque nemorosas conualles, ad Derbenthi oppidi angustias peruenit, quæ ferreis portis, & lapideis antiqui operis propugnaculis præcluduntur. Nec satis constat an meruitanti hostis præsidarij Persæ loci custodiam deseruerint, an vi depulsi fuga salutem quaesierint. Tum vero effusa multitudo omnem Armeniam inundauit, eodem itinere quo Hyelon & Absaga Christianis de Hierosolymitano regno cum Aegyptiis certantibus centum ferme annis ante aduentum Tamerlanis in Syriam penetrarunt, incertum socij an hostes forent, quum religiones Idolatrarum sequuti, neque harum neque illarum partium viderentur. Verum illi frustra muneribus Baldûini regis inuitati, repudiatis Christianorum sacris ad Mahometis substitutionem declinarunt. At Tamerlanes aliquot maioris Armeniæ urbibus captis, & Sulthania Persarum olim regia, direpta atque incensa, dextrorsum iter flexit, Eufrateque ad Arthengam superato, in Cappadociam sese effudit, quo Baiazerem Turcarum regem soluta obfatione Bizantijs magnis instructum copiis, vt fines tueretur, aduentare didicerat. Perueniente itaque duo maximi orbis imperatores, duobus longè maximis subnixi exercitibus ad Stellam montem, memorabili Pompeij Magni victoria & Mythridatis calamitate celebratum. Huic ab Antitauri radicibus exporrecto vasta planities subiaceret, campis vndique ad conferendas manus late patentibus, qui hodie Turcarum lingua Cassouas, id est, campi Anserum appellantur, quod id volucrum genus statis anni temporibus eo conueniat, vt in Europam agminibus atque imperio ducum prouolet. Congressuris itaque summis ducibus & in vnus properare vel aduersæ pugnae euentum, de vita atque Asiæ imperio certaturis, suæ artes vtrique non defuerunt. Tamerlanes enim peculiaribus gentis suæ confusus armis edixit, vt vnus sagittis ineundum prælium, idque indefesse instaurandum, & denique conficiendum esse existimarent. Se enim daturum operam, vt ab aurora ad occasum Solis strenuè rem gerentibus sagittis non deficerent. Instituerat siquidem plures camelos, qui per agmina circumducti sagittarum fascies, pediti atque equiti suppeditarent. Ex aduerso Baiazeres Scythicæ non imperitus pugnae, quod vnum ratione prouideri poterat, cohortatus milites, pronuntiari iusserat, vt equites elatis supra capita scutis, primum sagittarum imbrem constanter exciperent, inclinatisque repente hastis, in hostes procurrerent, quod fœda inermisque hostium multitudo, hastarum cuspidibus transfodi, & gladiis concidi facile posse videretur. Imperata igitur fecere fortissimæ Turcarum alæ, contemptisque intrepide sagittis, ingenti procursu grauique imperu in confectos irruere, tanta vi, vt magna lorice & galeis carentium strage edita, vix hosti ad expediendos abiectis arcubus acinaces spatium relinquerent. Sed tanta erat sagittariorum circumfusa vndique multitudo, vt posteriora Turcarum agmina, densissima atque perpetua cadentium sagittarum grandine sternerentur. Tartari enim more suo in cælum sagittas emittunt, vt grauiore casu decedentes, ceruices equorum & terga perfodiant. Neque enim oblongæ & inflexæ Europæorum peltæ, neque rotundi Asiaticorum clypei, infixas perforantesque sagittas sustinebant. Nusquam ab vlla annalium memoria, numerosiores copię, tumultuosius & acrius vel efferatis in mutuum cruorem animis, obstinatius inter se manus contulerunt; reciprocante siquidem magno æstu vrgentium propellentiumque agminum victoria incerta per multas horas instar pelagi aduersis agitatæ ventis modo hac, modo illac iactata est. Sed ea demum inclinante Sole, quanquam multo parta cruore penes Tartaros steterit. Baiazeres equo pluribus sagittis confixocadenteque, quum strata suorum vexilla conspexisset, captus est, seruatusque ad ludibrium satietatemque alienæ superbiæ, immani scilicet Tamerlanis animo nullis in miserum, & tanti modò nominis regem accumulatis contumeliis vnquam exaturato. Victori namque victus, vt gradum faceret ascendenti equum, dorsum præbere cogeatur. Exemplo vti credi par est, Saporis Parthorum regis,



regis, qui Valerianum Romanum imperatorem indignis huiusmodi iniuriis insolenter oneratum ad mortem adegit. Sed eadem fati vis nequaquam maturè Baiazetem suis ærumnis eripuit, quum prius in cauea ferrea per Asiam circumductus diu fortunæ suæ miserabile spectaculum præbuerit. Sed ab hoc inexorabili barbaroque Tamerlanis ingenio, singulare iustæ læueritatis exemplum prodiit. Quum enim homo Ligur gemmarum insignis mango, ob idque Tamerlani qui magnopere gemmis oblectabatur, familiaris, inducto sermone de Baiazetis miseria, illum humanitatis atque clementiæ blandè admonuisset, & ut meminisse vellet Baiazetem inter Mahometanos reges victoriis & opibus fuisse clarissimum. Tamerlanes obducta fronte, contorsisque in illum oculis, verbum redargutus respondit: se non regem nobilitate atque potentia superbum; sed hominem improbum, impieque nefarium digna pœna plectere, qui maiorem natu fratrem inhumaniter occidisset. Cæterum Tamerlanes ea victor acie, quæ supra centum & quadraginta millia hominum cæsa feruntur: spolia legit, exercituique æquissimè distribuit. Victores porro largiter ac opiparè per triduum epulati sunt: nam equi propè innumerabiles aut ceciderant, aut ita vulneribus debilitati fuerunt, ut quum vsui esse non possent, passim ad instruenda conuiuia mactarentur. Tartaris enim mos est equina carne populariter vesci, & quum cætera alimenta defecerint, incisa sub aure equorum vena, epotoque inde sanguine in ediam tolerare. Transgressus autem Taurum montem Tamerlanes, in Mesopotamiam irrupit, tanto armorum strepitu terroreque hominum, ut passim omnibus urbibus reciperetur: tendi enim prætorium sibi iubebat primo die in quo conspectum urbium sedabat, colore candido, ut intelligerent homines clementiam & salutem se statim deditibus sincera fide promitti. Secundo die rubro tentorio utebatur, quo denunciabat in cunctabundos gladium esse districturum. Tercio porro die atrii coloris papilione extenso, indicabat se cuncta ferro & flamma absumpturum. Enimuerò truculenta voce profitebatur, se Dei maximi iram esse, quæ deprauati seculi mortales vlcisceretur. Nulla fuit nec in Mesopotamia, nec in Comagena, nec demum in Syria ciuitas, quæ portas non aperuerit. Nam superato Eufrate vsque ad maris Syriaci oram signa promouerat. Hæsit tantummodò aliquandiu ad Damascum, in expugnanda arce, quum ea in nostrum morem à Florentino architecto munitissimè ædificata, tanti victoris impetum retardaret. Sed cæsa in Libano monte materia, arcem erecta munitione circumualauit; ea altitudine, ut Scythæ sagittarij mœnium coronam superantes ad vnum custodes omnes interfecerint. Exinde quum Sulthani Memphitici copias per Duces non longè à Pelusio profligasset, Ægypti regnum & Memphis immensæ urbis opes insatiabili animo meditantem, vna sitis auerit, quæ per arenosas solitudines aquæ indigas, timebatur. Itaque victoriis suis modum imponens, quum & exercitum eius atrox pestilentia popularetur: spoliis onustus Samarcandam rediit, ubi fato functus est, anno à partu Virginis quadringentesimo secundo supra millesimum. Antecessit autem eius mortem ingens & luridus Cometes, quo portendi mors tanti regis visa est; quanquam & Ioannem Galeacium Vicecomitem Mediolani potentissimum principem, eodem defunctum anno, respexisse multi crediderunt. Fatali quoque sorte euenisse constat, ut vtriusque principis bini hæredes filij parem fortunam tulerint, quum vtriusque proles, à paterna virtute sic degenerarit, ut imperium tueri nequirit, breuique curriculo duo maxima imperia, si modò conferenda sunt, collapsa defecerint.

## F A E R N I.

Ille nouus Xerxes, Orientis victor, & ingens  
Qua cumq; permearet, horror gentium,  
Compleuit totos Scythico qui milite campos,  
Hoc se ferebat ore trux Tamerlanes:  
Cuius in aduentum tute altis mœnibus vrbes  
Ipsumq; terra contremiscebat solum;  
Ipsi adeò montes, ipsa per deuia valles  
Vim Barbarorum non ferebant agminum.  
Quare ab Caucasæis Asiam conuallibus omnem  
Ad vsque Nili flumina armis subdidit;  
Euphratē & Tigrim, & rapidū tranauit Orontē  
Vi, vastitate, cade, cuncta proterens;  
Vig, olim sæda cum tempestate coorta  
Eruptit atra nube fulmen igneum:

Obuia quæque cadens perrumpit, & alta sonanti  
Templa atque solidas strage turres discit.  
Subsidit vasto tellus labefacta fragori,  
Humilisq; mentes sternit humanas paucor:  
Haud secus ille viam ferro molitus, & igni,  
Euertit arces, oppida aquauit solo.  
Regem Asiæ horribili captum impete Baiazetem  
Caucaq; clausum ferrea circumtulit.  
Hæc agitante illum, & spirantem immania iussit  
Qua cunctus vndiq; orbis expauesceret,  
Exiguo ceca domitum molimine febris,  
Fatalis vno soluit hora triduo.  
Deq; tot insanis opibus, de tot modo regnis  
Reliqua vna paruo gleba rexit puluere.



ELOGIORVM  
Baiazetes I. Turcarum rex.



**B**AIAZETES eius nominis primus, Othomannorū principum ordine quartus, hoc austeri oris Scythico rictu, hirsisque cirris discriminata prolixè barba terribilis, à singulari celeritate repentinoque & vehementi bellicarum actionum impetu HILDRIM est appellatus, quæ vox apud Tartaros cum tonitruum terrificum fulmen significat. Ne quis autem miretur, vnde ad nos antiquorum præsertim Turcarum regum veræ imagines peruenerint, operæ precium erit enarrare, quo pacto curiositati nostræ fortuna arriserit. Hariadenus Barbarussa Othomannicæ classis præfectus, quum ardente bello inter Carolum Cæsarem & Franciscum Vrsinogem in auxilium à Gallis euocatus Massiliam peruenisset, amicitiam iniit cum Virginio Vrsino Anguillariæ Comite, Gallicarum aliquot triremium præfecto, certumque est inter eos magnis muneribus, ea tamen conditione, vt aliquanto preciosiora Barbarus acciperet dona, quam rependeret. Nam illum Virginius Romana liberalitate nostrarum rerum copiam auidè expetentem, cælato argento & multa serica veste donauit, ille Virginium arcu Scythico cum phætre nobilissimi operis, & Persico acinace gemmata vagina insigni, qui Hismaëlis Sophi fuisse dicebatur, atque item talari toga auro & purpura intertexta, addens arculam ex ebano & ebore fabricatam, in qua vndecim Othomannorum regum vera simulachra, pro capitu barbarorum artificum preciosis coloribus in leuigatæ chartæ tabellis depicta visebantur; quæ Virginius elegantiae studiosus omni alio munere pluris æstimauit. Neque Barbarussa commentitiis imaginibus Virginium decepisse existimandus est; nam quum inferiorum Othomannorum tabellæ pictæ



pictæ & numismata ærea, quæ apud nos visuntur, cum illis mirè conueniant; superiorum etiam  
 regum veras esse formas censendum est. Has omnes Virgilius magnis exoratus precibus Ale-  
 xandro Farnesio Cardinali & mihi, latioribus in tabulis ad delectationem elegantium virorum  
 pingendas communicauit. Primus igitur qui regis nomen tulit, tantique imperij fundator ex-  
 titit à tenui Galaciæ oppido, quod Othomanzicum hodie vocatur, Othomannus est appella-  
 tus, quod nomen postea in familiam transisse perspicimus. Tanta autem virtute atque fortu-  
 na Othomannus fuit, vt inter nobiliores Scythici sanguinis familias, vetustatis dignitate sibi  
 pares, maximè illustres emineret, summumque ei decus Eurenēsij, Thuracambi, Michalogli, at-  
 que Malcoccij æquis animis concederent. Pugnaci siquidem ingenio atque imperij auido fini-  
 timos, vel etiam suæ gentis feliciter ad ortus, clarissimas Asiæ vrbes Sebastam, Synopen & An-  
 cyram audaci consilio & inuictis armis ditiori suæ adiecerat. Imaginem eius quæ maximè ar-  
 dentes oculos repræsentat, habitu acinacem distringentis expresserunt, quod intelligi vole-  
 bant Othomannorum imperium armis quæsitum, armis defendi proferrique debere. Proinde  
 vetus atque perpetuum Turcarum institutum est, vt intranti templum supplicandi causa impe-  
 ratori Talismanus ædituus sacerdos occurrat, claraque voce pronunciet, vt meminisse velit im-  
 perium quod iustitia & virtute bellica partum sit, non aliis quàm hisdem artibus conseruari pro-  
 pagarique oportere. Constat autem Othomannicæ domus imperium cepisse anno à partu Vir-  
 ginis trecentesimo supra millesimum, quāquam quingentis antè annis Turcas ex Scythia pro-  
 fectos in Asia sedes occupasse compertum est: qui tamen regem, aut summum imperatorem ini-  
 tiō non habuerunt, vtpote qui diuisi per Tetrarchas & regulos cum imbellibus Asiæ populis  
 Constantinopolitanisque Cæsaribus suo arbitrio bella gerere consueissent, quāuis eos ali-  
 quando in vnum consentire coegerit communis metus à Gōthifredo Bolionio vniuersæ Asiæ  
 illatus. Tum enim coactis viribus, & Solymano tumultuario duce creato, ad Nicæam cum eo  
 collatis signis haud prosperè conflixerunt. Cæterum Othomannus quum viginti octo annis  
 regnasset, fato functus est, Orcane filio imperij hærede relicto. Hic magnitudinē animi, vi cor-  
 poris, & cupiditate proferendæ ditioris patrem æquauit: bellicis autem æquè bonis & malis  
 artibus, vir dolosus & solers, profusaque in primis & perenni erga milites liberalitate supera-  
 uit. Per hunc modum veterano instructus exercitu, quum amicitiam & fœdus cum Ciliciæ re-  
 geducta in matrimonium eius filia iniuisset, Michaëli Paleologo Constantinopolitano impe-  
 ratori graue bellum intulit; adortusque demum Prussiam Bythinia caput, eam urbem obsidio-  
 ne & admirandis machinis expugnauit. Sed non diu ea victoria lætatus est: nam in ea oppu-  
 gnatione sagitta ictus, quum spiculum humeri ossibus infixum sine vitæ discrimine reuelli ne-  
 quiuisset, obducta plaga, febrem & saniem mortiferam aliquot post menses accersuit, anno e-  
 ius imperij vigesimo secundo. Orcani successit Amurathes filius, vir nequaquam maiorum ex-  
 emplo manu promptus, sed bello & pace simulator egregius, quippe qui astu & vigilantia sin-  
 gulari, occasiones proferendi imperij opportunissime captaret, nusquam firma fide aut incolu-  
 mi iureiurando: pacem tamen cum Paleologo religiosè tuebatur. Magno autem Amurathis  
 commodo, bellum intestinum inter Græcos sub id tempus exarsit. Nam Græci proceres ab im-  
 peratore rebellant, subnixi societate Marci Craiouiij Bulgarorum principis. Itaque enata  
 est occasio Græciæ & penè toti Europæ exitialis, qua Paleologus viribus impar, subigendis re-  
 bellibus auxilia ab Amurathe iure fœderis postulare coactus est. Dedit hoc amicitia liberaliter  
 & astutè vicinus Amurathes, traiecereque in Græciam duodecim millia delectorum Turcarum,  
 quibus maturè Græcorum & Bulgarorum audaciam Paleologus repressit. Eo euentu vt con-  
 fecto bello, remissis septem millibus Turcarum in Asiam, reliquos præsidij sui causâ, qui in  
 Thracia remanerent, ab Amurathe facillè impetrarit. Nec multo post Amurathes non obscure  
 à suis inuitatus, qui vbertatem Thraciæ & Græciæ agrorum extollebant, tanquam socius vel  
 inuiti Cæsaris, cum sexaginta millibus Turcarum per Hellespontum in Græciam traiecit, si-  
 mulatione persequendorum Græcorum, qui à nomine Paleologo antea defecissent. Præstitere  
 officium in traiectu duæ Ligurum onerariæ naues, quæ eius portorij pretium, insigni auaritiæ  
 Christianæ probro, aureum nummum in singula militum capita tulerunt. His copiis Callipo-  
 lim expugnauit, peruagatusque latè Græciam & Thraciam, vel gementè imperatore, Philip-  
 popolim, & quæ est supra Hebrum Hadrianopolim occupauit; consternatosque ad arma, resi-  
 stereque demum æquo campo aulos Lazarum Seruiæ Despothum, & Marcum Craiouiium a-  
 cie superauit. Lazarus eo prælio captus in carcere mori coactus est, cuius indignam necem ser-  
 uus natione Triballus, eius olim cliens vindicare constituit, certissimæque morti se deuouens,  
 Amurathem pugione iuglauit, quum regnasset annis viginti tribus. Hoc Amurathe genitus  
 est Baiazeres, de quo scribimus, qui à cæde Solymani fratris imperium est auspicatus, Diis non  
 obscure id execrabile scelus damnantibus, cuius postea præclarus vindex Scythæ Tamerlanes  
 extiterit. Itaque Baiazeres æmuli fratris solutus metu, in vrbe Hadrianopoli imperij sedem fi-  
 xit, quod ad proferendas vires Asiatica Prussia opportunior censeretur, infenso scilicet animo



atque arma expediendi in Triballos & Myſorum gentes, quæ rectâ ſecundum Iſtrum ad mare Ponticum extenduntur. Propterea Marcus ſummo discrimini obuiam armis eundem ratus, quum in aciem deſendiſſet, cum vniuerſa Bulgarorum & Myſorum nobilitate trucidatis, imperium cum vita amiſit. Ab ea victoria Baiazeres extremam Illyrici regionem, quæ hodie Boſna eſt, & interiorem Macedoniæ atque Epiri partem, quam Albaniam dicunt, ad eam infeſta populatione inuaſit, vt nemine reſiſtere auſo, innumerabilem captiuorum multitudinem in Thraciam adduceret. Nec multo poſt euasta Theſſalia, Thraciaque vſque ad Boſphorum, & delictis Bizantiorum suburbanis delitiis, Bizantio caſtra admouit, tanto Græcorum metu, vt Ioannes Imperator diſſiſus viribus ſuis, ad imploranda auxilia in Galliam vſque nauigare cogere-  
tur. Agnouit periculum iuſtaſque preces rex Carolus, vt maximè pium & Chriſtianorum opulentiſſimum regem decebat, & Ioannem fratris filium, qui poſtea Burgundiæ principatum adeptus eſt, cum nobiliſſimo equitatu in Pannoniam miſit, vt Sigismundo Bohemiæ atque Hungariæ regi, in communes hoſtes arma paranti iungeretur. Hic eſt ille Sigismundus, Henrico Cæſare proauo, qui ad Bonconuentum in Etruria obiit, & Ioanne Bohemiæ rege auo, qui in Gallia eo prælio cecidit, quo Ioannes Galliarum rex à Britannis captus eſt: patre verò Carolo quarto Cæſare inclitus. Iſtum validas copias ex regnis ſuis finitimisſque Germanis coëgerat, atque ita ſuſcepto itinere ad Nicopolim Myſiæ urbem penetratum eſt. Sed ea vrbs improſpere tentata, Baiazeri ſpatium dedit ad cogendas copias, qui ſua vſus celeritate, cum ſexaginta milibus equitum ad tertium calendæ Octobres noſtris in conſpectum ſe dedit. Pugnatum eſt ſumma noſtrorum temeritate, Gallorumque præſertim, qui primi agminis decus depoſcebant. Neque enim retineri potuerunt, quin vel inuitis ducibus & fruſtra retentantibus, in primos hoſtium antecurſores imperum facerent, antequam peditum Germanorum phalanges, & Hungari Bohemiſque equites appropinquarent: Frementes enim dicebant, à Sigismundo exploratæ victoriæ gloriam ſibi inuideri. Eo modo Baiazeres temerè effuſos, nec conſertos ſeruantes ordinis, lunata acie circumuenit, atque omnes in medio Gallos trucidauit. Quorum infelici exitu, noſtri repente territi in fugam ſe dederunt: tanta trepidatione, vt Sigismundus ægrè e manibus hoſtium elaberetur: Ioannes autem cum paucis ducibus pretioſo cultu conſpicuis in poteſtatem Baiazeris deueniret. Baiazeres proiecto ad pedes, & ſalutem ſuppliciter deprecanti reſpondit, ſe vitam, vel mortem merenti conſeſſurum, ob id quod inuenis & regio ſanguine editus eſſet; in conſpectuque eius captiuos omnes præter quinque proceres, quos ad ſolacium carceris comites dabat, ad vnum trucidari iuſſit. Horum nomina à nobis memoriæ tradita ſunt, in eo libello, quo Italica lingua ad Carolum Quintum Othomannorum origines & res geſtas perſcripſimus. Hac noſtrorum clade, ſuaque inſigni victoria elatior factus Baiazeres, nihil ſibi moræ attulit, quin ad oppugnandum Bizantium conuolarer, deſatigatiſque iam & attritis Græcorum viribus, eò deuentum erat, vt ferociſſimo hoſti reſiſti non poſſet, niſi Tamerlanes Scytharum imperator, centum miriades equitum & peditum trahens in Aſiam, torrentis more ſeſe effuſiſſet. Iſ hoſtis vel inuitum Baiazerem interpellatâ victoriâ in Aſiam auocauit; auſumque collatis ſignis acie congregi, toto penè eius exercitu caſo, ad Stellam montem viuum cepit; ea feritate, vt eius procumbentis tergo, quum equum inſcenderet, ad ludibrium vteretur; ferreaque demum cauea curruli, in morem feræ beſtiæ, vſque ad vitæ miſeriarumque exitum circumtulerit.

## A V G V S T I C O C C E I A N I.

Tunc credideris forte, nefas, hic tibi maximi  
Spectari ſuperum fulmineam regis imaginem,  
Quod depicta Iouis tela vides, egregia manu  
Præclari artificis, quod tabula conſpicias in breui,  
Magnū terrifico orbe tonitru, atq. æthera cœcuti;  
Nuncq. atris Acherontis tenebris omnia contegi,  
Nunc tingi liquidis ſulphurei fulguris ignibus.  
Non non ad Semelen auricomā Iupiter amplius  
Fraudes coniugio cōmeditans ventitat improbus.  
Nec tu Theſſalicū forte putes cernere Apollinē,  
Arcus latiferos quod videas, & quod harundines  
Conſpectes celebres, tela Dei inſignia Delphici.  
Hic mortalis erat, nō Deus, hic Barbarus, impius.  
Germani trepido ſparſit atrox ſanguine limina,  
Ne Europe atq. Aſia regna ſibi præriperet ferox;  
Hic cœu flāma rapax lauricomos p. tumulos furit,

Quum latè Boreas præcipitat flāmīna Thraciæ.  
Sic ſagrans rapidos in miſeros Danubij Incolas  
Ignes, ſic celeres intulit in Pannonias faces.  
Inuoluitq. ſurens excidio robora Belgica,  
Vnde illi merito nomina ſunt indiſta Fr. I. G. v. r. i. u.  
Sed non longa manet pœna tuā iuſta ſuperbiam,  
Maior namq. tuis è Scythia naſcitur ignibus  
Torrens, horribili diluue qui rabiem tibi  
Reſtinguat, furiaſq. impediāt fortior aſperas:  
Ecce ecce ab Tanai gēs pperat ſæua Tamerlanus  
Inſandi auſpiciis, latiq. iam regna Bithyniæ  
Peruadunt, acies iam Scythica prælia conſerunt  
Tecū, iam caueas, aurea iam vincula cōparati.  
Incluſumq. Aſia te rapiunt cuncta per oppida.  
Nunc ue, atq. animos Imperiis tollite principes,  
Fortuna, immemores q. rota ſit prona, volubilis.  
Celebinus



## Celebinus Turcarum Imp.



**C**ELEBINVS quem alij Cyrum; nonnulli, Turcæq; præsertim, Mahometem à lustrico die appellatum tradunt: id nomen ideò tulisse videtur, quòd impubes regum procerumq; filios Turcæ Celebinos vocant. Is Othomannorum principum, vt ex hac eius imagine gladium vibrantis cernitur, formosissimus idem fuit atq; fortissimus; decoræ liquidem frontis honos, & candidi oris modicè diffusus pallor, constantèsq; sine tristitia oculi, compositi animi indices, quum imperium adiit, pubescentem mirè commendabant; in tanto præsertim publicæ cladis luctu, paternæq; miseræ dolore, in quo animũ non demisisse maxima laus videri potuit. Constat Baiazetẽ duos quos habebat filios Mustapham & Celebinum in Asiam ductos, secum in castris habuisse, singulari tamẽ prudentia quum pugnae tempus immineret, paululum eos ab eo periculo summovisse, ne cum tota prole incertæ fortunæ aleam subiret. Sed iuvenes ex lugubri prælio intenta fuga ad mare descendentes, vt in Thraciam ad Bosphorum transirent, Bizantiorum mioparones intercepterunt: ea quidem sorte, vt Mustaphas à Paleologo Cæsare vsque ad mortem in carcere sit asseruatus. Celebinus autem struente ei imperium fortuna, aut suo vsu astu, aut certè (vt credi par est) nautarum Græcorum avaritia adiutus, feliciter est elapsus. Hunc Hadrianopolim obliquis iomeribus venientem, præfectus cum veteranorũ manu à Baiazete Thraciæ præsidio relictus, militesque omnes, tanquam postliminio redditum, lætis præsentũ fortuna animis exceperunt. Jam enim quo euentu ad Stellam montem dimicaturũ esset,



ex fuga elapsis didicerant. Turcæ siquidem qui Scytharū manus effugerant, cateruatim ad Propontidem, Hellespontumq; præcipiti fuga ferebantur. Nam ibi propter Castella ad Abydum & Sestum utriquelittori imposita Turcicæ ditionis. despectis naualibus Græcorum custodiis, rutilissimus erat traiectus. Conuenerant plures veterani ex præsidiis deducti, & ita frequentes iam ex Asia redierant, ut Celebinus iusto confirmatus exercitu, Græcorum copias tumultuario progressu sibi imminentes faciliè repelleret, & veteres fines fortiter tueretur: quanquam enim rex nouus & iuuenis ac orbarus patre acerrimo imperatore, & magna parte inuictorum antea militum importunè exutus, vigilantis tamē & imperterriti nomen tuebatur. Quòd si Paleologo teret mariq; certa præsidia & parandi exercitus expeditæ facultates suppetissent, Christianique reges occasionem cælo propè demissam agnouissent, quam victoria Scytharum aperuerat, profectò non in Europa modò, sed in Asia Othomannicum nomen vndique pulsum atq; deletum foret. Itaq; Celebinus beneficio Tamerlanis & Paleologi qui patre fratreq; sublatis, integra atque legitima iura parando imperio sibi pepererant, nostrorum ignauia confirmatus, Bulgaros, Triballos, & Macedonas diu afflixit, vsq; ad Sigismundi Cæsaris aduentum. Is enim propter eximiam pietatem generosiq; animi laudem Augusti nomen meritis, valida potius quam felicia arma in Turcas iterum suscepit, excitauitq; Hungaros & Boemos, ut studio tuendæ & propagandæ religionis aduersus Barbaros, tam pia quàm necessaria arma induerent. Agitabat enim animo, inuictos maiorum suorum spiritus gerens, quo pacto cladem ad Nicopolim acceptam vlcersetur. Nam Celebinus iuuenis fractas à Tartaris copias trahens, reputatione Baiazetis acerrimi & antea inuicti ducis, omnino contemnendus esse videbatur. Sed eadem fortuna quæ strenuè audientem Sigismundum tredecim ante annos ad Nicopolim eluserat, pari libidine ad Columbarium infesta persequabatur. Id est oppidum Seruianorū Triballis finitimum, iuxta Samandrium non longè à Danubio positum. Eò paribus animis & viribus instructi Celebinus & Sigismundus peruenerant. Christiana acies equitatu impar, sed peditatu in media acie constituto superior, iniquissima ratione cum Barbaris concurrat. Equestris enim fermè totus hostium exercitus latè cornua extendit, ad ortusq; equites Hungaros & Bohemos qui in cornibus erant, cruenta edita pugna, loco depulit, breuiq; circumuentum vniuersum peditatum sagittis confixit. Neque enim pedites magna parte corporis inermes, sagittarum multitudinem sustinere poterāt, quum ordines dissoluerent, & cominus congredi properantes ab hastatis demum, gladiis & clauis ferantis rem gerentibus, vndiq; sternerentur. Sigismundus qui in ea exercitus perturbatione præstantis & strenui ducis, acerrimiq; bellatoris officio nullo in loco defuerat, desperata victoria, non minore periculo quàm ad Nicopolim insequentium Barbarorum manus effugit. Cæterum Celebinus ab ea victoria quum paucissimis annis imperasset, morbo absumptus, Amurathi filio imperium reliquit, quum Christianis sacris Alexander quintus præesset.

#### FRANCISCI MANFREDI Cremonensis.

*Macte animo puer, & magna puerilibus annis  
Virtute exuperans, fractisq; audentior armis,  
Qui medias inter classes, tela inter & hostes  
Effugiens, prada crudelem eludis inani  
Victorem; & patriam subito (mirabile dictu)  
Fortunam immutans, rursum palantia cogis  
Agmina, confirmasq; animos, reficisq; labantis  
Imperij vires, sceproque potiris adempto.  
Quin & quantum armis posses, quo turbine telū  
Coniunceres Celebine, & stricto comminus ense  
Hostiles ruè res turmas, densasq; phalanges,*

*Teutonice norunt gentes, nouere feroces  
Sauomate, norunt infracla binominis Isthm  
Cornua, Treijciq; duces, & pallida nouit  
Græcia, desertiq; agri, populataque rura.  
At tibi purpureæ primæuo flore iuuenta  
Inuidit fortuna, & ineluctabile fatum:  
Dumq; animo maiora agitas, nec sufficit amplā  
Imperium patris, & totum spe concipis orbem,  
Stamina disrumpunt Parca, victusq; superba  
Tandem morte cadis, lucosq; inuisis Auerni.*

#### Ioan. Aucuthus Britannus.



**I**OANNIS Aucuthi ex vltima Britannia inclyti bello ducis, vera effigies, in templo maximo Florentiæ colosseâ magnitudine spectatur, quum propter insignem meritum à grauissimo senatu equestris statuæ, & rumuli honorem ad eximiam fidei bellicæq; virtutis testimonium, honestatus fuisset. Is Anglico sanguine progenitus fuit, ex stirpe Frisiorum Germanorum, qui in Insulam transgressi, pulsis veteribus indigenis, sedes beatiore, & deniq; regnū & imperium ante mille annos occuparunt. Venit autem in Italiam Aucuthus bello regulo, qui æquè apud Gallos hostes, ac suos virtutis nomine clarus, cum Lionetto Clarentiæ regis Odoardi filius à Galeacio secundo Vicecomite in generū ascitus fuerat. Sed his nuptiis incredibili conuiuiorū sumptu atq; apparatu ludorū Mediolani celebratis, cōceptus est Lionetto morbus





morbus ex mutatione cœli, luxuq; epularum, & nouæ nuptæ comp' exibus, qui non multò post  
 ad Albam Pompeiâ in itæ affinitati & vitæ finem attulit. Barnabas nouæ nuptæ patruus, qui tum  
 graue bellum in agro Mantuano gerebat, facile à Lionetro impetrauit, vt Aucuthus Britannorū  
 dux, atq; eius comitatus princeps, in castra auxilij nomine duceretur. Barnabas enim vir pugna-  
 tissimus Anglicæ disciplinæ atq; virtutis, periculum facere cupiebat. Pluribus itaq; tumultuariis  
 præliis Aucutho summa vi summaq; prudentiâ, occasiones parandæ victoriæ feliciter excipien-  
 te, & Anglis egregiè sagittis rem gerentibus, eò admirationis Barnabas est adductus, vt probaret  
 gentis disciplinam, & Aucuthi vim ac ingenium magnoperè suspiceret, nec multò post crescentē  
 muris officiis beniuolentia, Aucuthus in generum ascisceretur. Collocata enim est ei in matri-  
 monium filia, quam ex Porra nobili concubina susceperat. Ea affinitas virtutis nomine par-  
 aucutho stipendia auxit, & famâ Anglicæ virtutis Italiam extendit, quòd bellicosissimus prin-  
 ceptale de externi viri virtute non temerè iudicium fecisset, proptereaq; à principibus liberisq;  
 ciuitatibus Aucuthus expeteretur. Nam ea tempestate externis copiis & ducibus apud Italos  
 bellagerebantur. Accidit autem certis offensionibus, vt Angli, qui erant apud Albam, morruo  
 Lionetro relictis oblitq; eius affinitatis, ab amicitia Galeacij & Barnabæ repente discederēt, ho-  
 stibusq; eorum iungerentur. Qua voluntatum commutatione multa Cisalpinæ Galliæ oppida,  
 crudeli Anglorum rabie vastata sunt. Exinde Aucuthus copiis & stipendiis auctus, nouas spes,  
 aliamq; fortunam sibi quærendam existimauit: Gregorio namq; Pontifici operam nauauit, re-  
 ceptisq; singulari cum laude rogatæ Galliæ urbibus quæ defecerant, quinq; oppidorum ditio-  
 nes, & ab his nō multò post ad Pisanos, atq; inde rursus ad Florētinis transgressus est; eo crescen-



ris laudis, accumulatiq; honoris successu, vt facillè nemo Aucutho dux melior putaretur. Longo enim bellorū vsu peritus, graui simul ac expedito ingenio occasiones præsenti, terminare con- filia, atq; arma celeriter expedire didicerat: idem quum oporreret acerrimus bellator, & cūctator egregius. Idcirco ab eius schola tanquā ab exacto militiae magistro multi qui postea inclaru- rum summi duces prodierūt, quum ea quæ ille prosperè gessisset apud hostes & socios pro documen- tis & disciplinæ præceptis haberentur. In his fuere Albericus Balbianus, Sfortia, Braccius, Caro- lus Malatesta, Paulus Vrsinus, & qui ab hoc interfectus est, Mostarda. Sed super innumerabiles pugnas feliciter depugnatas, incōparabile decus tulit, quum profligatis ad Alexandriam Gallis, signa Florentinorum ad Abduam vsq; promouisset, vt descendentes Gallis ad Mediolanū iun- geretur. Ab aduerso enim Gallorum exitu deiectus consilio, vsque adeo constanti imperterritusq; animo se recepit, vt nequicquā incumbētibus Iohannis Galeacij victicib. copiis, Ollium, Min- cium, Athesim, vado traiceret, disruptisq; ab hoste fluminum aggeribus, per continētes paludes incolumis in Patauinum agrum sereciperet, quum duces omnes à nemine præterquam ab Au- cutho superari, locorum iniquitates, & validissimorum hostium interdiu noctuq; acriter incum- bentium imperus sustineri posse faterentur. Obiit Florentiæ planè senex, funeratusq; est splen- didissimè in templo maximo, anno Christianæ salutis, M. CCC. LXXXIII.

I V L I I F E R O L D I.


*Aucuthe Anglorū decus, & decus addite genti  
Italica, Italico præsidiumq; solo.*

*Vt tumuli quondam Florentia, sic simulacri  
Virtutem Iouius donat honore tuam.*

Albericus Balbianus.







ALBERICVS Balbianus, exiguo eius nominis togatæ Galliæ oppido ortus, inter Italicos duces primum illustris famæ locum obtinuit, Aucutho scientiæ militaris existimatione planè par, sed honoribus & genere copiarum multo superior. Nam magister equitum proprio cognomento appellatus est, qui supremus militiæ honos apud Neapolitanos reges, Comes stabiliis nuncupatur. Sub signis autem quatuor millia cataphractorum, & totidem levis armaturæ equitum voluntarij nominis habuisse traditur, quibus externarum gentium vaga arma, ea tempestate per Italiam ad omnem prædandi licentiam circumferentium, frenauit, non vnoque in loco feliciter profligauit, vsque adeò egregiè, vt pristinum Italiciæ dignitatis decus, quod corrupta sensim disciplina perierat, insigni cum laude restitueret. Nam fortissimus & generosissimus quisque spe laudis ad eius signa coibat; atque ita effecto ingenti veteranorum equitum agmine, cui diui Gregorij nomen & tesseram dederat, cuncta obuia sternebantur. Is tum in eum, quem hodie magna ex parte intermissum videmus, armaturæ morem equites instruxerat, adiuuenta atque addita cassidi buccula, quæ est ad prospectum subductilis, & transuersam tantum rimam quum deducitur, ad oculorum vsum relinquit: Cui etiam ferreum gutturale quo iugulum munitur adiecit, quod lorikulam à casside dependentem, nequaquam satis gulam tueri aduersus validos mucrones existimaret. Bardis quoque maioribus recocto corio inauratis & pictis, equos vndique vsque ad genua protexit, & capita frontalibus ferreis stylo prominente armauit, quo incitatis equis hostis in congressu feriretur. Sed hodie hæc maximè decora, tutaque Bardarum tegumenta, tanquam nihil profutura aduersus sclopettorum glandes, Italus pariter & Gallus abiecit. Quum per multos annos Ioanni Galeacio Vicecomiti, aut alæ præfectus, aut summus Imperator operam nauasset, ab eo discedens aduersus Ladislaum regem in Apuliam descendit, Ludouici Andegauensis auspiciis secutus. Quo bello insidiis circumuentus, in potestatem hostium deuenit, qui eum durissimo peruigilio diu torserunt. Sed non multò post liberali beneficio Iohannis Galeacij redemptus est: Nam gratissimus princeps, Alberici ductu Bononiensium & Florentinorum copias, Barnardone Aquitano acerrimo duce fuso captoque, insignem victoriam se adeptum esse meminerat: vnde vrbs Bononia interfecto Iohanne Bentiuolo in eius dirionem deuenisset. Verùm Iohanne Galeacio repentina morte surrepto, Albericus suo commodo alieni exempli spectator, oblitus datæ fidei acceptique beneficij, in eius liberos ingrato animo arma conuertit, quod cæteri duces nefario scelere singulas occupantes vrbes passim rebellassent; qui demùm valescente Philippi filij potentia, variis intercepti casibus fermè omnes iustas perfidiæ penas dederunt, quum Albericus nusquam tyrannus, plenus gloria apud paternos lares, ante sexagesimum ætatis annum, renum dolore vexatus, vita excessisset. Hoc vitæ exitu Iohanne germano fratre felicior, quem diu militiæ eximia cum laude versatum, Bononienses ab eo detrimentis affecti securi percusserant. Huius sanguinis apud Insubres insiti Ludouicus Balbianus fuit, qui nuper armorum studio & multis fortibus factis clarus, cum pro Carolo Cæsare Franciscum Sfortiam oppugnaret, ad Alberici progenitoris gloriam aspirabat, nisi inuidia virtutis comes in medio vitæ cursu veneno epulis indito, nihil tale verum sustulisset. Alberici effigies Ticini in arce ad sinistram porticum picta, habitu triumphum comitantis, conspicitur.

### GEORGII IODOCI Bergani.

Oenotria priscam fugarant gloriam  
Rerum adfluentes copie,  
Et sola virtus credita est tum bellica  
Externum habere militem,  
At Balbianus dedecus turpissimum  
Non sufferens, & patriæ  
Virtutis & prudentiæ non immemor,  
Procul fugatis exteris,  
Domesticum per militem vi reddidit  
Fines quietos Italos.  
Huius fide atq; armis Ladislaus suam  
Campaniam cum portibus

Recepit, & Neapolim pulcherrimam  
Arcesq; regni & oppida.  
Hic militari hac profuit solertia  
Arti decusq; hoc addidit,  
Vt quæ bouillo nuper essent tergo  
Compacta, mox hac ferrea  
Gestaret arma miles, atq; vulnere  
Tutum calybs defenderet.  
Tantum Camillo debuit vix vindictæ  
Erepta Roma Barbaris,  
Quantum tenetur Alberico nobile  
Duci ferax Oenotria.



## Sfortia &amp; Braccius.



**H**I duo heroes, duoque eius ætatis belli fulgura SFORTIA & BRACCIVS, ex Alberici contubernio disciplinaque prodierunt, qui ab initio fraterna charitate inter se coniuncti, pari spe, parique industria, & paribus insignium laciniarumque coloribus militantes, usque adeo inclaruere, ut fatali demum ambitione atque superbia diducti, diuersas militiæ sectas de nomine conderent, ac æmulatione gloriæ atque potentiae ex amicis hostes facti, ex aduerso semper arma tractarent; qua dissensione potius quam similitudine, opimis stipendiis summi principibus Italiae & liberis ciuitatibus venditarent, bellaque alere quam finire mallent; quod uterque de fortuna sua immodicè sperandum putaret, & nihil imperium viuidae virtuti, generosè & fortiter agentibus arbitrarentur. Erant ætate & genere ferè pares; sed Braccius nobilissimis Perusiæ familiis propinquitate coniunctus, ipso Sfortia apud Cotignolam togatæ Galliæ oppidum honesta familia orto, originis vetustate nobilior putabatur. In Braccio astuti & efficacis ingenij vis ardens eminebat; in Sfortia autem naturæ simplicitas, nullo furo, nulloque literarum subsidio subnixæ; aperti quæ animi constans & indomitus vigor laudabantur, in robusto præsertim corpore ad ferendos labores gestandæque arma præualido. Braccius habitu corporis proximus delicato, splendore vitæ rerumque omnium apparatu sumptuoso mirè gaudebat, utpote qui vel cum iniuria alienæ pecuniæ appetens & profusus esset. Ex aduerso Sfortia ad delicias



## Braccius.



linas rudis & agrestis, frugi disciplina, conuictu subitatio & planè militari, contemptuq; prorsus omnis luxuriæ lætabatur; utpote qui valida potius quàm decora arma, proceros & peracres generosæ sobolis equos, vir equitandi peritissimus, vera imperatoriæ dignitatis instrumenta esse putaret, nec quicquam ad inanem speciem exquisiti ornatus ostentare consueffet. His dissimili vitæ axitu in sua fata properantes, pari militû studio colebantur; & eo quidem ita peritaci, ut ad alteram factionem transiisse maximè turpe & flagitiosum existimarent. Accidit autem eo tempore, quo Alfonso rex & Ioanna regina inter se de imperio & regnandi conditione armis contendebant, ut vtrinq; summi duces Sfortia & Braccius ex aduerso copiis præessent, factisq; demum induciis ex veteris amicitie memoria, ad Saccomanniam Campaniæ sylvam, conuenerunt, derelictisq; variarum offensionum odiis, per plures horas familiarissimè colloquerentur exatium causis disputantes, detecta obiter nonnullorum malignitate atque perfidia, ut melioribus consiliis in mutuos usus viam aperirent. Verùm non multò post eam renouata amicitie speciem nouum bellum facile dispulit atque extinxit. Nam Braccio urbem Aquilani acerrimè oppugnante atque obsidente, Sfortia Martini Pontificis & Ioannæ reginæ auspiciis, ingentibus copiis præfectus, delectusque est ad liberandos obsidione Aquilanos, quod nemo ducum aduersus Braccianam vim, eo validior & promptior censeretur. Itaque Sfortia quum ex Apulia profectus, & signis Ortano eductis, copias flumen Aternum traduceret, solus ipse imperator è



tanto exercitu, subsidentibus equi cruribus limoso in vortice, grauantibus armis absorptus interit, praesenti gaudio in morte durissima felix, quod dudum Braccianas alas amnis tuentes ripam, & frustra Sfortianos transitu prohibere aulas, edita pugna à Francisco filio profligatas contempnisset. Ferunt Braccium audito tanti hostis casu, nullum laetitiae signum dedisse, quod ab Ariolis accepisset, se quidem Sfortiae superstitem futurum, sed non multo postrepentina morte hostis fata secuturum. Nec his varibus fides defuit; nam Franciscus paterno imperio, praefectorum omnium & militum hortatu suscepto, Aquilam ire pergens Pontificiis copiis se coniunxit, editoq; memorabili praelio in subiectis Aquilae campis, Braccius superbo fastu hostium contemptor fusus atque interfectus est, dum supremos indomitae virtutis conatus ederet. Cadaueri exequiarum & sepulchri honores defuit, quum à Pontifice tanquam impius sacris esset interdictus; sic ut tanti nominis duo imperatores pari & fatali quadam sorte sepultura caruerint: nam Sfortia nusquam apparuit, & Braccij cadauer Romam delatum, profano in agro extra portam Nauiam defossum est. Variæ omnis ætatis eorum imagines multis in locis spectantur.

## ANTONII FRANCISCI RAINERII.

*Belligeri graue Martis opus dum Sfortia tractat  
Sfortia magnanimum gloria prima ducum.  
Feri & opem rapidismerso generosus ab undis  
Dum puero, ingentē liquit in amne animam.  
Hæc memorat. At vera magis Polyhymnia magni  
Facta ducis famæ tradidit, atq; obitum.*

*Scilicet undosum dum sanguine tingit Aeternum  
Hasta atque armis uno conspiciendus equo,  
Commotum fluuij numen, voluisse nitentem  
Pollutis illum mergere vorticibus.  
Vi fama & rapti Herois tumefactus honore  
Aeternus tanto funere Aeternus eat.*

## I V L I I F E R O L D I.

*Braccius dux ille fortis atque pugnacissimus,  
Hostium qui saepe fregit arma felicissime,  
Atq; summū persecutus est sacrorū principem,  
Quippe multus imperauit ut potitus oppidis,*

*Ac potissimum occupauit ciuitatem Romulæ,  
Quique regibus, tyrannis, urbibusq; liberis  
Italum fuit paucis maximo, & formidini  
Hæc representatur hospes, qua vides imagine,*

## L E O N A R D I A R E T I N I.

*Transiui intrepidus per mille pericula victor  
Non acies ferri, non iussus mania fossis*

*Conatus tenuere meos, domat omnia virtus.*

## Carmagnola.



**F**RANCISCVBussonium, cui à Subalpinæ Liguriæ oppido Carmagnolæ cognomen fuit, agrestis villici filium, eumq; subulcum fuisse ferunt: verum in puero contumacis ingenij & retrici oris ea inerat indoles, ut à prætereunte milite, pro armigero puero sit abductus. Exinde variis insuefactus bellis, vri valde patiens laboris, & ad ardua quæque militiæ munera capeffenda promptus & audax, facile turmæ præfectus euasit, illudenteq; demum fortuna, quum sub Facinio Cane quatuor turmarum ductor aliquandiu fuisset, post illius mortem imperator est effectus, scilicet ut vtriusque humanæ sortis graue exemplum posteris præberet. Creuerat honoribus, gratia, diuitiis, sub Philippo Vicecomite vsque adeo secundis rerum successibus, quum viuidae eius virtuti nihil esset imperium; ut eum in familiam suam adoptaret, propinquamque nobilissimi sanguinis ei in matrimonium collocaret, eumque ædificantem luculentissimam domum collata pecunia liberaliter adiuuaret; quæ domus etiam nunc reliquas omnes Mediolani laxitate, magnificentia, & sumptu antecellit. Iamque ad summum fortunæ suæ fastigium peruenerat, ut quum ibi consistere non posset, æmulum obtrectatione præcederet. Philippus enim mutabilis ingenij sui naturam secutus, Carmagnola penè contempto, Guidonē Taurellum naturali de rege Alfonso victoria clarum, attollendum suscepit. Huic mire studebat, ex aduerso Carmagnolæ insensus Oldradus Lamponianus, Philippo intimus, utpote qui à prima vsque adolescentia summæ gratiæ locum parasset. Non tulit contumelias vir notissimus meritis & nomine suo indignas, Carmagnolamque natale oppidum à Philippo discedens se contulit, ubi piè inuisit patrem exactæ ætatis, & quem iam pridem pristinae fortunæ sordibus eduxerat coemptis prædiis, & multo auro ditauit. Indeque superatis Alpibus, per Germaniæ fines ad Venetos profectus est, ut Francisco Sfortiæ adipiscendo principatu iter viamq; simul facis suis aperiret. Nam aliquanto post suscepto apud Venetos militari imperio, eoque fortiter gesto, Veronaque & Brixia Philippo adeptis, in cursu gerendarum rerum oborto luore Venetos offendit, periniquè, ut credi par est, perfidiosæ cunctationis accusatus, quod profligatam à Philippo Venetam classem: ad Cremonam terrestri auxilio minimè inuissit, occupandæque eius urbis enatam





enatam occasionem malignè prætermisisse diceretur. Quas ob res simulatione consultandi euocatus Venetias, custodiæ traditus est. Nec diu post quum apud suspiciosos, & ubi de Repub. quæritur sæpius inclementes Patricios, infesta suffragia valerent, de diu torto vel insonte capitale supplicium est desumptum; ea fama, ut nonnulli eum indignissimè damnatum dicerent, quod avaritia præcipitiq; malignitate maturatum ei exitium arbitrarentur. Nam ex damnati opibus supra ducenta millia aureorum nummum ad fiscum redibant. Ego verò de summa equitatis senatu nihil dubitauerim, nisi apud eos non occupata Cremonæ dolor iusticiæ nervos eliserit. Auxit autem inuidiam atrocis inexpectatiq; supplicij spectaculum interdum populo editum, cum indignè tantus imperator ad Columnas rubras, ubi noxij plecti solent, inserto in os ligneo luparo, ne vociferari posset, traheretur; multis aut insontis calamitatem, aut æquo seuerius ingrati Senatus decretum detestantibus; cum egregiè fortiterq; rerum bello gestarum recens memoria spectantium animos, excitis ferè lacrymis, ad misericordiam permoueret.

## ADAMI FVMANI.

*Sedula apis veluti maturis aduolat vnis  
Vi liquido vacuas distendat nectare cellas,  
Ad te sic mea se celeri tulit impete Musa,  
Bellica quem ad magnos virtus euexit honores  
Francisce, eternum pietas per secula nomen  
Cui peperit, cuncto procerum cū astante Senatu*

*Ac magnis vnà tecum de rebus agente,  
Ad Scabrū hand verè cōfestum exire parētū es,  
Fortiaq; infirmo circumdare brachia collo  
Illicet hoc vnum malis, quàm mille referre  
Gesta tua præclara, & deuicta ex hoste trophæa  
Magnorū decus Insubrum, dux in chlyte, tandem*



*Orta licet subito, fractum te attriuerit ingens  
Tempestas, Caurig, importunaq, procella,*

*| Ne dubita, tua te pietas, tua maxima virtus  
| Venturo meritis cumulabit honoribus aeo.*

## Gattamelata.



**E**

RASMVSNarniæ natus, cui ab astuta dissimulatione tanquam ad bellicos  
dolos longè promptissimo GATTAMELATÆ cognomen fuit, ignobili  
patre, utpote qui Furnariâ exerceret, genitus fertur. Is è Braccij schola per om-  
nes militiæ gradus nauiter ascendens, clarissimus bello dux euasit. Eum à Brac-  
cio vnice adamatum fuisse, prouectumque in lucem miro studio ferunt, quum  
ei nobilitatis insignia, laciniaq; suos colores honoris causâ concessisset, qui-  
bus demum, vel exercitus Veneti creatus imperator semper est vsus; quando  
tanti ducis insignia promeruisse sibi maximè decorum existimaret. Post mortem Braccij, cui  
præfectus equitum aderat, quum ad Aquilam profligatus interiisset, atq; ipse eodem prælio ca-  
ptus, in potestatem hostium venisset, ubi redemptus remissusq; est, ad Nicolaum Piccininum se  
contrulit, ad quem post cladem acceptam Bracciani nominis milites vndiq; coibant, ut factio-  
nis nomen eo duce, cui Braccius erat auunculus, tuerentur aduersus Franciscum Sfortiam, qui  
paterni exercitus & nominis hæres, contrarias Braccianæ factioni partes extollebat. Exinde va-  
ria vagaq; stipendia apud diuersos principes merens, egregiam, sed cauti potius quàm pugnacis  
ducis famam adeptus est, quo nomine Veneris mirè commendatus expeditusq; est; quibus ma-  
ximè



ximè placebant qui prudentius, quàm audacius arma tractarent, quando summi discriminis aleam vitare mora & cunctatione pecuniosi homines proficere, properantiumquè congregi hostium impetu ludificari consueverant. His conciliatus moribus Gattamelata, imperij militaris decus tulit, quum vigilantissimi optimiq; ducis operam Reipublicæ nauasset. Nec quisquam ducum post Carmagnolam securi percussus, gentilemq; Leonissanum sagittæ ictu Brixiano amissum, bello maiore studio, propensioreq; voluntate à Venetis observatus, & grauioribus testimoniis excultus est. Omnibus siquidem his bellis, quibus varia & diuturna cōtentione Bergomum, Brixiam, Veronam, & Cremam Philippo Vicecomiti ademerunt, & in Etruriam usq; auxilium administrauit. Postremò quum iuxta Benacū lacum in Brixiano agro Alpibus subiecto niose durissimæ hyemis frigora obstinatissimè pertulisset, in Paralysis incidit morbum, quo non planè senex post multos dies è vita sublatus est. Veneti eum decreto publico, propter egregiam fidem cum summa virtute coniunctā, ænea equestri statua honestandum censuerunt, curaruntq; faciendam ingenio præstantissimi eius ætatis statuarij, cui Donatello Florentino nomē fuit. Hic antiquorum artem decenter æmulatus, absolutæ pulchritudinis statuam armati equitis militare tenentis sceptrū, elegantissimè perfecit, quam hodie eruditi artifices admirantur, Patavij collocatam in ea area, quæ Antoniani templi frontē aspicit. Tumulatus est celeberrima funeris pompa in templo quod diximus Antoniano, vbi hoc rudis sæculi carmen marmori inscriptū legitur.

## I N C E R T I A V T H O R I S.

*Dux bello insignis, dux & victricibus armis  
Inclutus, atq; animis Gattamelata fui.  
Narnia me genuit media de gente, meoque*


*Imperio, Venetum sceptrum superba tuli.  
Munere me digno, & statua decorauit equestri  
Ordo Senatorum, nostraq; pura fides.*

## Nicolaus Piccininus.



ORTEBRACCIORVM familiam honestam potius, quàm antiquam Perusina floruisse constat, quàm Nicolaus qui ab exigua humiliq; statura Piccinini cognomenrum ferebat, è sorore Braccij inclyti ducis genitus clarissimam fecit. Nam ex eadem domo bellica laude insignes aliqui, & ex his præcipuè Fortebraccius, cui Stellæ cognomen erat, prodierunt. Hunc multi Braccio & Piccinino propè parem euasurum credidere, nisi in Umbria à Sfortianis Bracciano nomini infensis, tumultuario prælio victus, acceptoq; per oculum mucrone, interfectus fuisset. Is Romani Pontificis perpetuus hostis, propter nefariam audaciam execrantæ Pontifice aquæ & igni interdictus, sicuti Braccio acciderat, sepultura caruit. Mors eius per magnum dolorem Piccinino propinquo suo attulit, de quo hæc ad illustrandam eius imaginem dicenda videntur. Nemo siquidem ea tempestate Piccinino prosperis pariter ac aduersis clarior fuit, utpote qui tanta nominis fama frueretur, ut eum plerique quas pararet victorias, vera ipsius virtute adipisci: quum verò hosti confertis præliis succumberet, nequaquàm imperitiā aut ignauiam, sed malignitate fortunæ extortam ei è manibus victoriam fuisse prædicaretur; quod nunquam vel in externis difficultatibus animum dimitteret; nec usquam amissa ratione, etiam in subitis ac inopinatis casibus frangeretur: quandoquidem integra semper spe insultanti victori hosti fortiter repugnare, postremulq; omnium præliando, nec terga usquam obuertens, sese explicare, atque recipere consueverat. Erat enim naturā ingenio præditus apprime pugnaci & feruido, mirabiliterq; solerti ad præcauendos hostium dolos, tendendasque insidias: sed qui in omni rerum usu iustitia, moderatione atque prudentia à Francisco Sfortia æmulo (ut multis apparuit præliis & bellis) liquidò superaretur. Piccinino namque viro peracri, concitatoque bellatori, & aspera quæque tentare auso, fortuna sæpius illudebat, uti tum accidit, quum Braccius vrbe Roma potitus Sfortiæ armis pelleretur, nouissimo præflet agmini, nec se (uti præceperat Braccius) celeriter ad conficiendum iter explicaret, pugnaq; audus passim obuertetur à persequentibus Sfortianis atque Romanis, quorum pecus abigebat, ad aquæductum fusus captusq; est. Aquilano autem prælio calamitatem aduersi casus cædemq; Braccij & Piccinini in temperantiam multi referebant, quòd custodiæ stationem, in qua aduersus obsessorum eruptiones ab auunculo imperatore fuerat constitutus, auditate conferendæ pugne deseruisset. Brixiano quoque bello ad Tennam oppidum supra Benacum usque adeò audacter temereq; in confragosa montium loca sese intulit, ut à copiis suis intercluderetur, necesseq; ei foret baiuli Theutorij militis, ad suos referretur, tam infano quàm necessario, sed felici admodum periculo, quum Philippi principis imperium totiusq; exercitus salus Barbari agafonis fidei commissa videretur. In ea quoq; pugna quæ ad Binam antiquitus Bibriacū commissa est, usqueadeò feruidè ac insolenter





imperatorij muneris oblitus, hostibus se immiscuit, ut quum pro casside aperta tegeretur galea, in occipitio graue vulnus acciperet, quo affectis neruorum initiis sinistro crure perpetuo claudicaret. Cæterum perpetua exercenti arma, & Philippo, Veneris & Florentinis, Pontifici; Eugenio, ut diuersa tempora, tulerunt, integra fide summaque virtute operam nauanti, insignis ei, & propè singularis gloria obuenit, vna præsertim Luca vrbe, aduersus oppugnantium Florentinorum vim fortissimè defensa conseruataque. Cuius beneficij equestris statuæ monumentum ei decreuerunt, cuius quod ex ære poni non potuit, simulacrum hodie etiam incolumi pictura in foro spectatur. Postremò quum iam senex diuturnoque nunquam intermissæ militiæ labore confectus, Picenoque in agro apud Laureum montem à Francisco Sfortia profligatus, ex induciis ad Philippum accerentem peruenisset, in Paralysis morbum incidit, maturanteque eius mortem acerbissimo animi dolore, excessit è vita septuagenario proximus. Nam per eos fortè dies nuntiatum ei fuerat, Franciscum eius filium in Piceno ad Vlmeum montem à Francisco Sfortia, deletis eius copiis captum fuisse. Philippus qui eum insigni virtutis merito fideique nomine mirifice amabat, omni funeris honore profecutus est, sic ut in templo maximo tumularetur. Sed eius viri memorabilis, cuncta insignia monumentaque Franciscus Sfortia victor & imperij compos, postea deleuit; non boni quidem mortui, sed filiorum eius odio, quando illum semper probum fidelemque amicum extra belli controuersiam fuisse expertus: ij verò Franciscus & Iacobus in ipsum capitalis odij inimicitias perfidiosis simulationis semper exercuissent. Tantum enim poterat liuor ex contrariæ factionis æmulatione conceptus, ut non prius Iacobus, vel ascitus gener, odium ponere desierit, quàm ab Aragonio Ferdinando rege simulatione redintegratæ amicitiae Neapolim accersitus, & in carcere ab Æthiope seruo securi mactatus fuerit, vir profecto virtute bel-



lica Piccinino patri par, spirituque Braccio æquandus, nisi iam ingenti ferocia successuq; rerum, cunctis propè formidandus, turbandaque pacis semper author, in perniciem suam, conlumptris omnibus amicitiiis, immicia fata prouocasset.

PAULI IOVII Iunioris.

Hec tibi mansuras æterna in secula laudes,	Oenotrij obstapuere Duces, atque Itala signa?
Hec spolia, & victo celebres ex hoste triumphos,	At nos exigui miramur corporis artus,
Robur, & astuta præstanti in corpore vires,	Sufficere hoc oneri, & tantos perferre labores.
Ei populis defensa vrbes: tuæque inclita virtus	Scimus, & Ismenias bello fregisse cohortes
Sanguineo peperere solo, fortissime ductor	Sapius in paruis victorem Tydea membris
Ausonidum; quisquã an tanto tibi certet honore	Ipsa equidem, longè terris Atlante relicto
Armorum, ac titulis clari Maioris, & alma	Caucasique iugis, & cincto nubibus Ossa,
Militia? Nonne hos oculos atque ora ferebas?	Laurigerum redimita caput, petit ardua cæli,
Nonne sub hoc quondã gladio decidere volantes	Inde alacris sese tollit super aethera virtus.
Turme equitum, peditumq; simul, pulsque tremore	

FINIS LIBRI SECVNDI.

PAULI IOVII EPISCOPI  
NVCERINI IN TERTIVM  
LIBRVM ELOGIORVM  
SVORVM

P R A E F A T I O

Ad COSMVM MEDICEM Florent. Ducem.

**I**MAGINES insignium Heroum, quæ subscriptis Elogijs admirabilem numerosi populi speciẽ, in Musæo spectantibus reddunt, magnanime COSME, eo à nobis ordine collocatæ sunt, vt qui primi cesserunt è vita, nullo dignitatis seruato discrimine, reliquos antecedant; scilicet vt quos properantis fati caca libido æquales fecit, varia demum, atq; inclita virtus ad animi delectationem, cum ipsarum actionum, tum formarum & vultuũ iocundissima diuersitate discriminet. Quo fit, vt hic tertius liber pari nuncupatione nomini tuo dicatus, nō aliunde, & iure quidem optimo, initium suum expostulet, quàm ab ipso nomine magni COSMI progenitoris tui; cuius illustris fama (vti reor) nullo æuo consenesceat. Quamquam idem in te repetitum nomen diffusiore augustioreq; prorsus lumine corruscum, id totum superius familie vestræ iubar plurimum offuscet, facileque præstringat. Hoc siquidem, si rectè proloqui diuinareque licet, radioso lumine viam tibi sternis in cælum, quum virtute animi, vitæ innocentia, æquitatēq; imperij cunctos huius seculi Principes fortuna pares, aut superiores, merita consensu omnium gloria plenus antecedas.



86  
ELOGIORVM LIBER TERTIVS.

Cosmus Medices.



**H**

oc vultu inter sæueritatem atque læticiam egregiè temperato Cosmus Medices ingentem, qua maximè valuit, exactæ prudentiæ vim præferebat, quum Florentiam patriam ab se regio sumptu admirandis ædificiorum lætissimarumq; artium monumentis decoratam multò florentiorem fecit. Is à lustrico statim die Christiani baptismatis, id Græcum nomen diuinante patre tulisse videri potest, quòd ciuium omnium absoluta virtute ornatissimus esset euasurus. Quippe qui postea illustri apud omnes sapientiæ opinionione, nò in patria modò, sed in omni Italia cuncta propè belli & pacis consilia rogatus & inermis felicissimè rexit, idq; vnum semper, quod securæ atq; opimæ pacis intererat, contenderit, vt Italiæ principes exæquata potentia suis contenti finibus pacem tuerentur, & ciuitas optimè constituta Republica aduersus intestinas discordias, quibus antea plurimum laborasset, permunita, atq; opulèto ocio tràquilla redderetur. hac in re Ioannis patris moderata consilia grauiter emulatus. Is enim inter ciues idè clarissimus ac opulentissimus fato concedens, exquisita totius ciuilis disciplinæ præcepta reliquerat, quibus filij virtus enitescere posset. Sed Cosmum ingenti prouectû cursu, & collecta gratia paternæ authoritatis nomen superantem, atrocis



atrocis inuidiæ inuasit morbus excelsæ virtuti fato quodam comes datus. Nam præparentes  
 patricij liuore inducti, in caput eius conspirant, vsque adeo infestis corrupti Senatus suffra-  
 gijs, vt tanquam affectati in libera ciuitate principatus reus, qui neminem offenderat, & stu-  
 diose multos suis opibus ab egestate subleuârat, citatus in curiam custodia traderetur: eo euen-  
 tu, vt ab inusitata inimicorum acerbitate, qui tum erant in Magistratu, crudelissimum senatus  
 decretum, atque ipsum carnificem expectaret; venenique insidias veritus, ab omni ferè cibo to-  
 tum quadriduum abstineret. Hoc decuriones sibi maximè inuidiosum fore censes, si ciuis cla-  
 rissimus paucorum tantum suspitione reus factus, nec adhuc publico iudicio damnatus inter-  
 rirer, per Federicum Malauoltam, quem carceris custodiæ præfecerant, Cosmum crebro singul-  
 tu, plenisq; lachrymis innocentiam suam superis commendantem, cohortati sunt, vt de vene-  
 no quicquam suspicari desineret, bonaq; spe confirmare animum veller, postquam & in curia &  
 in vrbe amicissimi ciues, quibus eius salus cordi foret, non deessent. Post eam quoq; consolatio-  
 nem Federicus, vt totam veneni suspitionem auerteret cum Cosmo cœnauit delibatis singulis  
 dapibus, accersuitq; intrò ad detergendam mœsticiam, multarum faceriarum vrbanaq; dicaci-  
 tatis hominem non insulsum cognomento Farganacciam, qui Bernardo Guadano Vexillifero  
 erat familiaris. Cum hoc vt Cosmus secretò colloqui posset, Federicus dissimulanter spatium  
 præbuit, facileq; à scurra impetratum est, vt prætio accepto, oneratusq; promissis, eum Vexilli-  
 ferro commendaret. Dedit enim ei tesseram Cosmus, vt pecuniam à diuæ Mariæ nouæ Xenodo-  
 chij præfecto, præsentem acciperet; atq; ita acutus scurra ad salutem summi viri propitius, pe-  
 cuniam cubitum eunti Vexillifero postredie detulit; milleq; aureis & centenis ea occulta largi-  
 tio stetit, qua Cosmus haud dubiè seruatus est. Nam Guadanius maiorum præmiorum spe al-  
 lectus, reuocatusq; ab atrocitate ad lenitatem, non multò post ita moderatus est suffragia, vt ini-  
 micorum Cosmi caput eius deposcentium vota, relegationis ac exilij decreto eluderet: & quo  
 enixius studium certiorèq; operam præstaret, Cosmum curia atq; vrbe eduxit. Nam vbi è tur-  
 riculæ carcere productus est, Decurionibus impetratæ salutis gratias egerat, & se Reipublicæ  
 causâ exilium æquo obtemperantiq; animo laturum, fuerat testatus, tanta eius ordinis ad grati-  
 am proclinatione, vt exeunti curia stipatores ex prætoria cohorte darentur, qui eum aduersus  
 inimicorum gladios protegerent, inuiolatumq; deducerent. Quo mitioris decreti euentu val-  
 de consternati perturbatique aduersæ factionis Principes, qui eum præcipiti damnatione, ma-  
 turatq; supplicio tolli, quàm exilio multari malebant, correptis armis forum compleuerunt,  
 turbulentiſſimeq; excitato ad armatum concilium populo, deponendos præſentes Magistratus,  
 nouosq; his subrogandos esse postularunt. Cæterum Cosmus ita excessit patria, exulatumq; re-  
 linqueret: Venetijs verò ab omnibus Patriciorum ordinibus non tanquam exul, sed præclarus  
 de ingrata deprauataq; patria triumphator exciperetur. Exinde Venetijs, & in Senatu, & in co-  
 rona, domique sæpius auditus, quum de rebus publicis grauissimè differeret, summæ virtutis  
 atque prudentiæ præconium tulit. Nec totum in exilio transegit annum; satagentibus namque  
 in eius reditum veteribus amicis, creatus est Vexillifer Nicolaus Coccus, & cum eo Octouiri  
 supremæ potestatis decuriones, à quibus de reducendo Cosmo in Senatu studiosè relatum est,  
 secundissimisq; ferè omnium suffragiis decretum emanauit, quo exhilarata ciuitas redeuntem  
 summis gratulationibus excepit; tanto quidem plebis & populi studio, vt non secus ac olim Ci-  
 ceroneuocante Senatu Romano, Cosmus à Florentia libera Pater patriæ sit appellatus. Nec mul-  
 to post capitalis iniuriæ memor, creatis è factione summa solertia Magistratibus, offensiones quas  
 ore sermoneq; dissimulârat, ita ad animum reuocauit, vt non eas vlciſci, sed in posterum ab in-  
 filijs acerbissimorum hominum salutem & dignitatem suam vindicare velle videretur. Itaque  
 aduersarum partium Principes perturbatæ armis Reipublicæ, excitatiq; tumultus accusatos, nec  
 comparentes, in exilium egit. Ante alios Rainaldum Albicium, Rodolphum Perucium, Nico-  
 laum Barbadoram & Pallentem Strozam, qui ciuium potentissimi atq; inquietissimi censeban-  
 tur. Exinde ciuitas ingenio Cosmi turbulentiſſis ciuib; eiectis, domi & foris felicioris seculi in-  
 crementa sensit. Tanta namq; erat morum temperie facilitateq; naturæ, vt non eloquio, non  
 cultu, non ipso denique conuictu & comitatu fastum vllum ostenderet; modestia tantum, hu-  
 manitate & studio honestæ virtutis supra cæteros eniteretur: singulari tamen, quæ sibi & patriæ  
 vrbis ornameto esset, magnitudine atq; elegantia ædificiorum, perpetuaq; benignitate hospi-  
 talis domus cunctos superare contenderet, quum natura frugi, priuata in mensa nihil ad exupe-  
 rantem copiam, sed ad nitorem cuncta, ciuilemq; Etruscæ disciplinæ temperantiam, alioqui li-  
 beralis, & maximè sumptuosus in hospites, dignitate doctrinæ claros reuocaret. Erat enim sicuti  
 maximè pius in egenos, officiosus in afflictos, & longè omnium omnium virtutis largissimus æ-  
 stimator; quæ vna re superabat ciues, æquabat Reges, & sibi certum iter ad perennem laudis fa-  
 mam sternebat. Nunquam eū institutæ liberalitatis pœnituit. Nullus vnquam ædificandi sumptus  
 eum deterruit. Nullus vnquam vel aduersus fortunæ eius casus, popularis beneficentiæ con-  
 suetudinem interrupit. Quarum rerum admiratione ducti nonnulli ciues, vt incomparabiles ma-



gnificentiae laudes verbis eleurent, saepe distabant, tantam vim inexhaustae pecuniae, nequaquam ex argentariorum negotiatione, quae in omnibus Europae emporiis à Cosmi institutoribus exerceretur, sed ex Balthasaris Cossae thesauris prouenisse; quos uti vir eximie probus & pius condendis Templis atque Cœnobiis profudisset, ut elegantis mortui amici secreta vota impleret, & fidem suam sine piaculo tueretur. Constat ex aduersariis rationum codicibus, quos ipsi vidimus, Cosmum supra quadraginta myriades aureorum nummum in priuata & publica ædificia contulisse: piæ verò aut occultæ largitionis sumptum myriadum decem summam excessisse. Verum eam suspicionem facile apud rerum peritos auerterent paternæ opes, quæ signata pecunia, & quæstuosissima mensariorum negotiatione immensæ propè constitierant, quum nullum vniquam alienæ decoctionis, aut suæ conturbationis detrimentum per multos annos accepisset: prædiorum verò redditus, astrictaq; priuari sumptus frugalitas quotidianam modicæ familiæ impensam facile superarent. Duxit uxorem nomine Contessinam, è Bardorum antiquissima gente, quæ Aluerniæ oppido iuxta Pratum dominatur. Ex ea Ioannem, qui fato iuuenis est ereptus, & Petrum suscepit, ex quo nepotes vidit Laurentium & Iulianum, qui postea admirabili sorte geminos Pontifices Leonem & Clementem genuerunt. Sic ut Cosmus excessisse è vita beatus estimari possit, quanquā Petrum distortis articulari morbo totis artibus miserabiliter affectum, sed virili ingenio planè fortem, ad Reipublicæ gubernacula relinqueret. Concessit fato Cosmus septuaginta amplius natus annos, tumulatusq; est Laurentiano in Templo ab se condito, ut tota sacra æde instar amplissimi sepulchri vir incomparabilis, & ciuium maximus, nequaquam angusto loculo regeretur, cū hoc breui titulo, sed longè omnium qui inscribi possint honestissimior:

COSMVS MEDICES HIC SITVS EST, DECRETO  
PVBlico PATER PATRIAE.

PAVLI IOVII Iunioris.

*Quid de Sidonio bis tinctam murice vestem?  
Quidue manus similem doctas formare figuram?  
Artificisq; decus tantum admiramur, & artem?  
Suspice grandæui cælestes oris honores,  
Effigiem quicumque vides, & fixus in illis  
Tranquillū Heroa, & mixta grauitate veredum  
Sume oculis, dulciq; nota pia lumina vultu.  
Non hic insigni gladio per tela, per hostes  
Egit equū, aut largo sedauit sanguine dextram.  
Non illi Mars durus erat, nec classica cordi,  
Verum consiliū secundum pectus, & alto*

*Ingenio virtus: qua toto cognitus orbe  
Ipse sui columenq; fori, sanctiq; senatus  
Etruscum decus & nomen super æthera vexit.  
Sed q; honor? aut ulli laus maior cōtigit vnquam?  
Ingrata quàm de patria duxisse triumphum,  
Hadriacis exul veniens reuocatus ab oris?  
Quæ poterant potiora peti? quàm q; modò sanam  
Mortem expectabat, diramq; in colla securim,  
Audiret populi tollentem, ad sidera vocem,  
Expectate veni PATRIAE PATER inclay  
nostra.*

## Alfonso Neapol. Rex.



N hoc Alfonso Neapolis Rege, qui primus Hispanici sanguinis stirpem, utin ea diu regnaret, Italiæ inseruit, nulla ciuilibus bellicæq; virtutis, aut literarum ornamenta defuerunt. Erat enim ore militari & toto corporis habitu inter armatos valdè formosus atque conspicuus, & uti nunquam expers vrbani moris ab erudita facundia, inter rogatos admirabilis. Quibus arridentis naturæ excultique ingenij dotibus cumulatè instructus, ad magnum imperium, nouumq; regnum, vel spes eius rectè conceptas fallente sæpè fortuna, vehementissime contendebat; postquam ipsum naturæ ius ad Ioannem fratrem maiorem natu, paterni Tarracoenensis imperij hæreditatem derulisset. Eius autem votis, uti semper bono ingenio ad illustre decus reuocatis, tum primū fortuna benignè sese aperuit, quū is in Corsicam aduersus Genuenses, ad oppugnandam vrbem Bonifacium ab Hispania traiecisset. Sub id namque belli tempus Ioanna, quæ Neapolitano in regno post Ladislaum fratrem præcipiti fato ereptum successerat, Andegauensium Gallorum armis pulsabatur, quærendaq; ei erant ad tutelam Imperij externa præsidia, postquam Romani Pontifices contra se pro Gallis stare putarentur. Itaque fortissimo æquè ac nobilissimo defensore sibi opus esse rata, accersiu Alfonso, Corsicanis rebus diu hærentem, & cum valida classe susceptum confestim adoptauit in filium, communicatoque Regij diadematis honore, Imperij consortem fecit. Cæterum post aliquantum tempus Regina, ut patrum pudica, & ob id sæpè inconstans & leuis, perditeq; amatoribus semper obnoxia, ut patrum deperacerbis offensionibus, causas quæsiuit, quibus adoptionis pacta rescinderet, Alfonsoq; ingratum appellaret, quod eius probra iniquiore animo pareretur; vsque adeo alienato infestoq; animo,





animo, ut Regina mater Alfonsum filium declararet hostem, atque in eum arma conuerteret.  
 Itaque Alfonsus insolens contumeliæ, nihil abdicara speregni, cœpto ductoque per varios suc-  
 cessus bello, eum militiæ fructum cepit, ut maximè peritus Italicarum artium, inter inclytos e-  
 ius ætatis Imperatores præstantissimus euaderet, & sæpe victor & quandoque victus ab indo-  
 mita virtute se ipso maior semper & clarior haberetur. Caterum quum fortuna multos atque  
 mirabiles in eo rege iactando ludos edidisset, ad extremum pudore victa, eum promeriti regni  
 comporem fecit. Extrema namque obrutum clade, captumque nauali prælio ad Pontias in-  
 sulas, ita benignè complexa est, ut ex ea calamitate properè ereptum, non modò liberum, sed  
 inexpectato etiam munere amplissimum Regem ex captiuo redderet. Siquidem perductus Me-  
 diolanum, tantùm absuit ut in triumphum ad inanem pompam duceretur, ut Philippus Vice-  
 comes, uti generosum victorem decebat, eum ingenti clementiæ gloria eum summo eum ho-  
 nore suscepit, in amicitiaque sædus receptum, & liberalissimè instructum pecunia, validisq;  
 Andegauensium partium ducem, ipsumque prouinciæ Narbonensis regem, Ioanna nouo ad-  
 optionis iure ad Alfonsi contumeliam in regnum euocarat. Verùm renouati belli is exitus fuit,  
 ut Alfonsus vrbe Neapoli per aquæductum capta, Renatum amissis copiis in arcem compulsum  
 regno expelleret, & consensu procerum, quod Ioanna suo fato concessisset, speciosissimum du-  
 cens triumphum, Rex appellaretur: secundoq; demum bello Senensibus in ditionem acceptis,  
 & attritis Florentinorum opibus, ad Etruscum imperium aspiraret. Vir enim animo ingens, sub-  
 nixus virtute, nondum fortunæ suæ terminos statuerat, multoq; aggere sua aptè munienda re-  
 batur, ut maximè diuturna parti Imperij fundamēta iacerentur. Vigebat in hoc rege perpetuum  
 ac illustre studium parandæ laudis, quod perenni in omnes beneficentia, totiusq; aulæ splendo-



re incomparabili conſequebatur. Nam Federicum Cæſarem, ex Luſitana vxore propinquitum ſuum, ideoque Neapoli nuptias celebrantem, tanta rerum omnium liberalitate ſibi deuinxit, vt Germanorum comitatus omnis, qui Cæſari ampliffimus aderat, veſte ſerica, aureis torquibus, equis conſpiciſ, elaborato argento, ſignataque aurea moneta donaretur, & nunquam ſatis celebrata benignitate magnificentiſſimi Regis in Germaniam rediret. Itaque Alſontus Reſentiſſimum Regnum egregia virtute partum, cunctis his artibus, quæ victori atque optimo Regi verum decus adſtruerent, Neapolitanorumque procerum animos conciliarent, ſapientiſſimè confirmabat; tanta prudentia, vt noui Imperij opes, exquisitis ſemper amicitijs, certisque fœderibus apud Principes ſtabiliret. Ante omnia vrbs muros vetuſtate collabentes reſtituit, additis ad portas lapideis turribus, & portum amplificata mole capaciorem, ſecurioremque reddiderat, quum in conſtruenda noua arce, quæ portui immineret, inuſitata admirabilisque ſtructuræ laudem quæſuiſſet. In tota porro vita, quæ ei continuatis ferè bellis laborioſiſſima ſemper fuit, nullam ſe vel maiorem, vel iocundioſiorem voluptatem capere prædicabat, quàm ex cœtu virorum inſignium, qui cæteris vna præcipuè eruditionis commendatione præcellerent. Cum hiſ ſiquidem honeſtiſſimos ſermones, adminiſtrandoque Regno vtiliſſimos ex hiſtoriis aſſiduè ferebat. Apud eum namque omnis doctrinæ percupidum illa tempeſtate florentiſſima ingenia ſpectabantur, inter quos erant Laurentius Valla, Bartholomæus Facius, Antonius Panormita, & qui bellorum eius hiſtoriam non illepidè perſcripſit, Bracellius Ligur. Ab hiſ namque ſcribendorum annalium diligentem operam exigebat, qui ingenij grauitate vſuque rerum præditi viderentur. In hos etiam vſus, condita ſumptuoſiſſimæ ſuppelleſtilis Bibliotheca, Græcis authoribus in Latinum verſis, rem literariam, quæ erat inter mortua, ſuſcitare ab inferis, enixeque locupletare contendebat; vtpotè qui Caſtrenſibus vigiliis ſummum decus bello adeptus in ocio demum, & per interualla incertæ pacis vberriſſimam ex literis laudem leſtitando atque audiendo ſemper appeteret. In cœlibatu ſingularem, eamque paucis incomptam liberi tranquillique animi felicitatem reſpoſuit, ſic vt eum nunquam pœnituerit connubia reiiciſſe, quum filium Ferdinandum regiæ indolis ex nobili concubina in ſpem regni ſuſcepſiſſet, quem ſatis legitimum Regem fore prædicabat, ſi pertinaci virtute fortunam, quæ non ſemper cuncta daret, & eriperet, conciliandam arbitraretur. Fato conceſſit non planè ſenex, concepta febre ab aſſiduſ falconum aucupiis apud Nolanos campos, Sarnenſium paludum inſalubri auræ ſubiectos, quum regnaſſet annos viginti duos, triennio poſtquam Mahometes Othomannus Byzantium expugnaret.

## FABII BENEVOLENTII Seneſis.

<i>Poma quot autumnus, quot verno tempore flores</i>	<i>Senſit &amp; ipſe ſerox Gallus quid dextera poſſet</i>
<i>Terra ſerat gremio narret; quot litus arenas</i>	<i>Illius, Auſonia inſus decedere terra.</i>
<i>Spargat, &amp; immenſo diſcurrant æquore piſces,</i>	<i>Hic quanquam bello clariſſimus exiitit Heros,</i>
<i>Qui cupit Alphonſi meritis percurrere laudes.</i>	<i>Non minus excoluit Phœbum, Muſasq; ſorores.</i>
<i>Hic &amp; inacceſſas Lybia penetrauit ad oras,</i>	<i>Ergo iam duplici præcingi tempora fronte</i>
<i>Lothophagum gentem domuit, retulitq; ſuperbum</i>	<i>Qui meruit, clari diuino carmine vates</i>
<i>Vrbibus euerſis, &amp; victo Rege triumphum.</i>	<i>Pieridumq; Chorus, meritis celebrate choreis,</i>
	<i>Atque recurrentes laudetis ſemper in annos.</i>

## Franciſcus Sfortia.



IC eſt ille incomparabilis fortunæ atque virtutis Heros Franciſcus Sfortia, qui abdicato Attendulæ familiæ nomine, paterni cognominis titulum gentilitium fecit: ſupra id etiam cuncta diſciplinæ militaris munera fortiter atque feliciter æmulatus. Is poſt patris interitum effectus Imperator, diu vagæ & mercenaria arma vario euentu circumtulit, ægrè aliquando ſupra aduerſæ fortunæ difficultates ita eluſtatus, vt viuido ſpiritu ſeſe ad ingentem famam omnibus bellis efferret, & deuicta paſſim fortuna, proculcataque inuidia, & perdomitis Braccianarum parrium reliquiis, aut certè bello geſtarum rerum felicitate ſuperatis, inuſitata virtus eum opulentiſſimi imperij compotem fecerit. A Philippo ſiquidem Mediolanenſium Principe aſcitus gener, eius imperij euasi hæres: ſed qui non unquā ſpretus, & ex vſu belli rurfus expeſitus, exiguam ſpem obtinendi eius principatus aliquando retineret, & in mica demum Venetorum arma ægrè reprimeret. Egit Principem annos ſexdecim, tanta imperij æquitate, moderatione, clementia, popularique humanitate, vt qui armorum fulgore hoſtibus terribilis erat, & inuiſtus aduerſus omnem vitiorum intemperiem, publico iudicio eius ſeculi Principem longè optimus cenſeretur. In hunc ſiquidem hominem præter inuiſtum corporis





tis atque animi robur, summa etiam dona, quæ tribui poterant, natura contulerat, personæ sci-  
 licet dignitatem eximiam, os probum, & in omni congressu aspectum sine superbia suis pariter  
 atque hostibus venerabilem, sic ut cuncti in eo sæpius concionante facundiam absoluto orato-  
 re parem admirarentur, eoque plenius, quod nullas attigisset literas; & nihilo secius in omni  
 civili militarique negotio, efficacis prudentiæ, diuinique iudicii vim expeditam & incredibila  
 lem afferret. Sed literarum decus quum sese eius expertem ingenuo pudore sapè dolens libe-  
 ralissimè tuebatur. Iustæ siquidem & veræ laudis, quæ viuenti ornamento esset, & transiret ad  
 posteros, erat auidissimus. A Ioanne Simoneta namque insigni Historico, & à Philelpho Poë-  
 ta per celebri res suas bello paceque gestas perscribi celebrarique iubebat, sicuti etiam patris  
 vitam Leodorix Gribellus eius iussu antea perscripserat. Obiit senex, intercuti morbo subla-  
 tus, absoluta iam Mediolani arce, quæ ad imperij munimentum incomparabilis structuræ exi-  
 stimatur; quum numerosam prolem ad cumulum felicitatis reliquisse videri posset, si liberi, ne-  
 potesque paternæ & auitæ virtutis, quàm nominis æmuli esse maluissent; quanquam ea fuerit  
 sequentis sæculi iniquitas, in quam fato quodam inciderunt, ut eam vel robustissima cuiusque  
 magni Principis virtus, neque ferre, neque superare potuisse videri queat. Fuere qui ei inexo-  
 rabilis odij notam inurerent, quod persequendæ Braccianæ factionis nunquā oblitus, Iacobum  
 Piccinini filium, summæ spei Ducem, sub quo Bracciana arma reflorescere posse viderentur, ne-  
 quaquam sincera fide in generum ascieuerit; scilicet ut eo vinculo pignoreque deceptum, ad te-  
 rram necem Ferdinando Neapolitano Regi proderet. Ab eo enim Rege contra fidem, refri-  
 cata vererum offensionum memoria, vir impiger in carcere per Æthiopem seruum auersa securi  
 mactatus est, singulari quidem cum infamia tantorum Principum, qui vindictæ libidinem sacro-  
 sanctæ fidei & hospitalis mensæ religioni prætulissent.



*Si quisquam Eridani ad ripas, camposq; iacentes  
In subrum, emissa quos olim Larius vnda  
Irrigat, ex culta fecundans vbera terra,  
Venerit, & magna molem suspexerit arcis,  
Quæ sese latè ostentans septem plice muro  
Aequatur cælo, & vashe latus obsidet urbis:  
Nec rerum, ne tanta operum monumenta tuorum  
(Quamquam illa æternum multum celebranda  
per orbem)*

*Supremo admirans dignetur munere laudum:  
Sed tibi facunda tribuat præconia lingua,  
Tum demum insigni cum te pietate paternum  
Illustrasse decus, clarumq; in secula nomen  
Nouerit, vnde tui cognomina tanta Nepotes  
Regibus eximys nunquā aspernanda sequantur.  
Et meritò, nam quis maius maiore parauit  
Virtute imperium? nam quis melioribus unquam  
Auspicijs, alma percussit fœdera pacis?  
Quis demum optatam felicior usque senectam  
Attingit? & vitæ cepit meliora beatæ*

*Premia? nunquam hostes tete vidère paudentem  
Cedere perculsum turpi formidine pectus.  
Nunquam illi audaci tua castra laceßere ferro  
Aggressi, euentus belli sensere secundos.  
Martia quin suam fugerunt agmina dextram,  
Confertas quoties placuit concurrere vires,  
Consilijs quoties voluisti ostendere, quantum  
Cederet inferior fortuna ingrata labori.  
Sed quid ego hæc? letis cum iam nō vlla trophæis  
Ora tuis careat multo sudore paratis,  
Cum iam nulla sacros tellus oblita triumphos  
Præferas insignes titulos, quos nescia vinci  
Obtulit exuperans non vna pericula virtus.  
Salue igitur, o fama ingens, ingentior armis,  
Magnanimū quondam heroum certissimus auctor  
Sfortia; deuicti cuius virtute potentes  
Aspexere suo manantes sanguine riuos,  
Cuius & egregias laudes, præclaræq; facta,  
Testati misera gnatorum in morte parentes  
Aequarunt cæli tandem fulgentibus astris.*

## Amurathes II. Turcarum Imperator.



AMURATHES, eius nominis II. Turcarum Princeps, imperium Mahometis Celebini patris insigni de Sigismundo Cæsare victoria confirmatum excipiens, nihil antiquius habuit, quam fines proferre, lateque finitimos Christianorum Regulos virgendo armis summouere, penitusq; delere: & ut id certius atque validius efficeret, primus Othomannorum phalangem peditum instituit, quam disciplina ab antiquis Macedonijs Regibus repetita incumbenti hostium equitatu in præliis opponeret, & per eam audentius oppidorum oppugnationes aggredere: multo namq; usu compererat, equites in eo obeundo tali munere parū idoneos, hostiumq; item Mysorum Triballorumq; & Illyriorum equites, armorum genere atq; animorum constantia Asiaticis & Thracibus sæpius superiores euadere didicerat. Fuisse ab initio in ea phalange non plus quam octo millia delectæ iuuentutis; sed eam postea successores duplicatis ferè supplementis adeo auxerunt, ut animaduersa vi atq; industria peditum, sæpè ex ea parte virium incomparabiles victorias de hostibus retulerint, quod inueterati multis stipendiis milites, & in vnum densati corpus insuperabile robur ostenderent. Hoc militum genus parentibus Christianis ereptum ex delectibus cogebatur, imbuebaturq; his sacrorum legibus & belli artibus, quibus Turcæ ab ipsa statim pueritia erudiri mos est. Ianizaros Amurathes, hoc est, nouæ gentis milites appellabat, educatosq; in aula prætoriarum cohortis perpetuos corporis sui custodes & stipatores effecerat. Ianizaris omnibus peculiare erat album pro galea capitis integumentum (id Exarcolam vocant) ex coacta crassiore lana densatum, quod erat gladiis impenetrabile, & demissa à tergo latiore cauda, ceruices egregiè permuniret, à fronte autem ornaretur aureo aut argenteo cono, quo cristas induerent. Sagittis atque hastis, atque item paruis securibus rem gerebant; sed ætate nolentes euaserunt. His frater Amurathes, Lazarum Seruijs Despothum, qui Mysis & Triballis imperabat, continenti attritum bello, & pluribus fusum præliis, regno expulit, Scopia, Nouomonte, & Sophia urbibus ei ademptis, captisq; duobus eius filiis, quos barbara crudelitate, admota oculis candenti ære pelui, lumine orbauit; horumq; sororem, ut tantæ iniuriæ dolorem lenire videretur, quod esset egregiè formosa, in matrimonium duxit. Exinde in Illyricum, Pannoniam, Epirum, Macedoniam, incursiones incolis maximè funestas fecit: adortusq; demum Græciam, vastabundus in Peloponnesum excurrit; perruptoque ad Isthmum Corinthiacum Examili muro Constantinopolitani Imperatoris fratrem repentina belli clade obruit: victriciaque arma statim in Venetos conuertens, Thessalonicam magna vi tormentorum adortus, expugnauit, & incendit. Sed longè maximum operum eius fuit Ladislaus Poloniæ & Hungariæ Rex in Varnensibus campis trucidatus, quum iuuenis incertæ belli gloriæ, quàm securæ pacis audior ex pri-





ex primo felicitis belli proventu, Caraimbo Amurathis dūce profligato captoque, nouam optimioris victoriae spem induens, recentia pacis fœdera violare religionis causā minimè dubitasset. Ceterum Amurathes fastidia proferendi Imperij cura, aliquando simulata in immensum pietate, ita regno se abdicauit, ut rerum gubernacula Hali purpurato Mahometis filij nutricio relinqueret, & in nemorosum Bithyniæ spectum cum paucis sacerdotibus ad contemplationem rerum celestium abderetur. Sed vir apprime grauis & astutus, cum de Ladislai aduentu Christianorumq; principum consiliis, qui terram marique bellum parabant, certius didicisset, & sacro eo luctu, reiecta superstitione, ad tuendum illico regnum profiliit. Verum aliquantopost non eadem fortuna Hungaros adortus, frustra oppugnato Belgrado, ad Saurum atque Danubium confluentes, graue detrimentum cruentissimè repulsus accepit. Simili quoque supremo eius conatu infelicitèr oppugnauit urbem Croiam, quam ei insigni dolo Scanderbecus alumnus abstulerat, dum iuuenis longè fortissimus paternum imperium inuictis armis receperat, & Turcas frequentibus fufos præliis tota penè Epiro depulisset. Ab hoc irritò incepto Rex barbarus usque adeo acerbum ex animi dolore morbum concepit, ut quum senex è castris Hadrianopolim referri se iussisset, paucissimis diebus deliranti vesanoque similis, vitam relinqueret, quum alcerum atq; trigessimum regnasset annum, & Mahometem filium ea lege, ut perpetuus Christiani nominis hostis foret, imperij & sauitiæ in nos suæ atrocissimum Othomannorum principum hæredem reliquisset.

AUGUSTI COCCEIANI.

*Quæ tibi, quæ læna incessu mens optime patrum | Ioui, nouus qui pectore errat spiritus?*



*Vi tanta Schyricos reges tibi pinxeris arte,  
Quos turba nostrum suspicit Quiritium.  
An ne iuuat Latij truculentos nominis hostes,  
Ferasq; nostro saepe passas sanguine  
Spectare? vi rediuiua iterum praeordia pulset  
Virtus, & alitè exurgat Italum decus.  
Hac utinam. Interea votis Roma annue nostris,  
Et excitare hac intuens spectacula.  
Europa atq; Asia hi si nescis regna superbi  
Tuâ tenent ignauia, nec te pudet.  
Ergo purpureas traxerunt sanguine lymphas  
Et Ister & Panyfus altis alueis;  
Et nostrae albescent etiamnum cedis acerui*

*Deserta latè Mysia per aquora,  
Pannoniae regem quum defleuere peremtum  
Manu impotentis Amurathis efferat.  
Et positum aëria est monumentum insigne columae,  
Aeternus horror ut loco insit, & metus.  
Scilicet vi geminae hac caelo capita alta ferentes  
Cedant columna Caesarum uni Barbarae,  
Et gladij, & galeae, & chypei, Romanâque pila  
Scytharum acinaci, & pharetris impijs.  
En quo degenerum cecidit spes tanta nepotum,  
Et Christiani nominis regum decus,  
Quorum dum gliscit furor & discordia demens,  
Absumta in auras prisca cessit gloria.*

## Georgius Castriotus Scanderbechus, Epiri Princeps.



**N**emo Christiani nominis Princeps aut imperator Georgio Castrioto vehementius atq; felicius arma Turcarum exercuit: nemo frequentius acie victor extitit. Is à Barbaris Scanderbechus est appellatus. Nam pater eius Iohannes, quum in Epiro, eaq; parte Macedoniæ, quæ ad Hadriaticum vergit, regnaret, nec finitima Turcarum arma sustineret, his legibus ab Amurathe pacem impetravit, ut ei obsides filios daret, in quibus virtute animi formaq; corporis Georgius plurimum eminebat. Itaq; regia in aula liberaliter educatus est, institutusq; diligenter non modò Barbarorum literis & moribus ad Mahometanæ superstitionis disciplinam; sed in omnem armorum eius gentis exercitationem, tanto successu, ut ante pubertatis annos Sanzachus efficeretur; qui honos magnæ equitum alæ signiferum exprimit. Erat autem Amurathi longè omnium gratissimus; utpote qui indolem regij oris præ se ferreret, & non obscura summi futuri ducis indicia præbere videretur. Nam quotidie cum summa Amurathis oblectatione, simulachra præliorum in hortis regiis edere cum æqualibus erat solitus, in quibus ipse expediri consilij vigore, & mira vi corporis, omnes ætate grandiores superabat, eumq; idcirco Amurathes, quod supra militaris ætatis tempus, proceræ staturæ præstantique ingenij indomitum robur ostenderet, in Asiam misit aduersus Ciliciæ regem, quo bello summam laudem rebus fortiter gestis est consecutus, ob idq; plenior, quod singulari certamine ingenij multarum palmarum gladiatorem superbè ostentantem vires & prouocantem, consecisset: per similiq; ausu, insignis dux Persa equestribus armis pugnam ciens, paremq; sibi bellatorem ex hostili acie ad certamen inuitans, hasta transfixus prostratusque fuisset. Dum eo modo bellica laude & singulari Amurathis gratia floreret, patrem amisit, Othomannicæq; arma eius ditionis vrbes atq; oppida impotenter occuparant; ita ut Amurathes ploranti Scanderbecho spem daret, se mature paterni imperij ditionem ei concessurum. Sed nihil astutis Barbari regis promissis credens, insigni calliditate solertiq; vsus, in Epirum euadens, per adulterinas literas arce paterni imperij potitus est, excitisq; Epiri & Macedoniæ populis legitimi principis prolem amissis cretibus, princeps est acclamatus: tantaq; animorum propensione liberatæ gentis est vsus, ut per multos annos, & Amurathis, & Mahometis filij inuidios antea regum exercitus frequentissime profligaret, atque retuderit. His autem bellis hoc ei præcipuum militiæ decus obuenerit, quod quum Amurathes frustra cum ingentibus copiis miroq; tormentorum apparatu Croiam urbem oppugnasset, dolore irriti conatus, non multò post ad mortem sit adactus; septemq; Othomannici nominis clarissimos Duces è purpuratorum Basilicæ ordine, acie deuicerit & castris exuerit. Quarum rerum memoriam successusq; admirandos Marinus Scodrensis, ea quæ potuit facundia celebrato Scanderbecho, peculiari volumine edito, mandauit ad posterum. Ceterum Georgius aliquantò post cum Mahomete iudicias pepigit, quum ille Græciæ excidium moliretur, ipse verò Ferdinandum Neapolitanum regem Andegauensem arma aggre sustinentem Epiroticis armis se duce defendendum statueret. Itaque magnam opem imploranti regi prosperè tulit. Nam Georgij aduentu qui ex Epiro in Apuliam traiecerat, Gallorum copiarum ita profligatæ sunt, ut rex præcipua Georgij virtute se conseruatum fateretur. Verum exactis induciis Mahometes, qui Byzantium interfecto Græcorum imperatore manu ceperat, Trapezuntium euerterat imperium, Ciliciæ, Mysiæ, Illyrici que reges occupatis regnis occiderat, non secus ac antepater Amurathes Croiam expugnare non potuit, propugnante Georgio & non vana cladem obsidentibus inferente. Quamobrem Pius Pontifex excitatis ad capiendam arma Christianis





Christianis Regibus, belloq; indicto aduersus Mahomerē, existimauit neminē frenandis debellandisq; Barbaris Georgio priorem Ducem esse deligendum; tanto quidem studio, vt Georgium nō totius Epiri modō, sed Macedonia Regē destinaret. Ceterū in eo consilij decreto, conatuq; Pius Anconē fato est interceptus. Nec his demū honestissimis belli cogitationibus Paulus secundus successor incubuit, quanquā Georgius, vt præsenti facundia eū minūs decoris occupationibus implicitū permoueret, admoneretq; publicæ salutis Cardinalium senatum, graui suo incommodo Romam petiisset, q; immoderatæ Barbarorum cupiditati atq; audaciæ, nisi consentientis totius Europę viribus, resisti non posse, apud imperitos & desides testaretur. Nec quicquā postea pristina sua laude dignum gessit, ea scilicet vniuersæ concordia spe destitutus. Atq; ita cū Lissi esset, ad Dryllum amnē, & de bellicis rebus cū præfecto Veneto consultaret, lethalis eū febris inuasit. Lacescente autē ea in die seuius, vbi fatalem horā adesse sensit, impuberē filium Ioannem, totiusq; regni opes & copias Veneto Senatui commendauit. Nec multō post ē vita sublatus est, anno ætatis L XIII. à partu verō Virginis sexagesimo septimo supra quadringentesimū atq; millesimum. Fuit Georgius vi corporis & virtute animi, militariq; felicitate (vti reor) nemini secundus. Habuit in cōiūctu, quū perpetuas aleret copias, lectissimorum hominū ampliūs duo millia, nec vnquā auctis copiis maius militiæ robur quā sena equitum, ternaq; peditum expeditorum millia hostibus opposuit. Delectu enim veterani militis, nō numero victorias parari predicabat. Horū nomina factaq; memoriter tenere consueuerat, summusq; illi erat honos, cui ipse discumbens de patera sua propinasset. Quia comitate coniūcta cunctis in rebus summæ liberalitati, suos sibi maximē conciliabat, quando etiā in eo, quod maximē accendendis studiis intererat, summa pietas emineret. Vbi verō armatus prodibat, tanta oculorū alacritate, tantaq; hilari facundia milites ad cuncta ardua aggredienda accendebat, vt non eximiē modō pugnaces, sed ferocissimos



contemptoresq; impiorum hostium efficeret. Erat autem usque adeo excelsa statura, torosoque habitu & robustis artubus, ac naso prominente, decenterq; incuruo, ut magni proculdubio herois effigiem repræsentaret. Qua formę specie eius familię Regulos qui Apulię insiti sunt, præditos fuisse conspeximus, uti ex collatione eius imaginis, quę in Musæo spectatur, videre licuit, præsertim in Ferdinando, pronepote Sancti Angeli ad Garganum Marchione, qui Ticinensi prælio regia manu confossus occubuit. Narrabant gentiles eius, quod etiam à scriptoribus memorari proditum est, Georgium nunquam detrectasse pugnam, nunquam hosti vertisse terga, nullo unquam in discrimine meru occupatum, nunquam vulneratum, nisi leui semel sagitta in crure fuisse; supraque duo hominum millia, barbarorumq; præsertim, diuersis in præliis sua manu interfecisse, quando singulis tantum ictibus, singulos qui congressi essent conficere esset solitus; quod prægrandi ponderosoque acinace tam valide quàm peritè vteretur, quo medios hostes ad umbilicum proscindere, transuersos diuidere soleret, & sæpe per ceruices integros cum humeris brachiorum artus facillè detruncaret. Quarum immanium vulnorum truculentiam, hostes qui ex præliis euassissent, cum Byzantij in aula admirantibus cunctis enarrarent, Mahometes ipse, illum potentis dextrę inusitatęque violentię gladium videre concupiuit, impetrauitq; facile à Georgio, ut sibi Byzantium mitteretur: talem namque eius esse temperaturam prædicabant, ut eius ictum nulla vel ferrea corporum munimenta sustinerent. Tanta autem inusitatę virtutis eius viri fama erat, ut Turcæ post mortem eius potiri tota ferè Epiro, sepulchrum Scanderbechi apud Lissum quærirarent, admirabundi; usque adeo piè venerarentur, ut supersticiosi homines eruta demum sepulchro, tanti Herois ossa religiose diriperent, quum quisque se bello inuictum, tutumque fore crederet, si frustulum ex ossibus reliquisq; inuictissimi Imperatoris, in Amulero ceruicibus suspensum, iturus in prælium gestaret.

## F A E R N I.

<i>Turcarum clades, Othomanni nominis horror,</i>	<i>Illicet immanes tenuerunt omnia Turcæ.</i>
<i>Epiro tutela illo iacuere sepulchro</i>	<i>Tum clari Herois venerati nobile bustum,</i>
<i>Quo quondam inuicti cubuerunt ossa Georgi.</i>	<i>Ossaq;, marmoraq;, inuictum condentia corpus</i>
<i>Nunc &amp; membra viri, &amp; dissectū in frusta sepul-</i>	<i>Abstulerant, sibi quisq; in partes secta minutas.</i>
<i>Interijt, sparsi manes, concisa vagantur (chrū</i>	<i>Tanquā ijs bellica vis, &amp; Martius ardor inesset,</i>
<i>Ossa, nec in gelida nunc saltem morte quiescunt:</i>	<i>Et genium præstare bonum, sortemq;, valerent.</i>
<i>Namq;, ut is assertū toties cum laude paternum</i>	<i>Si quæ alijs tumultum virtus parat, abstulit illi</i>
<i>Imperium, exacta moriens ætate reliquit,</i>	<i>Atque eadem diro venerandum præbuit hosti.</i>

## Bartholomæus Coleonus.



Vic Gartamelatę honore par, ac ætate fermè æqualis fuit Bartholomæus Coleo Bergomas, verum genere atque opibus aliquantò superior. Is Sfortianę familię & Braccianę disciplinę diligentissimus obseruator, multis fortibus factis, constanti atq; impigri Ducis famam est consecutus, eoq; præsertim prælio, quo Gallorum sanguinaria manu bella gerentium, feritatem atque sauitiam pari crudelitate vindicauit. Mortuo namque Philippo, quum Mediolanenses sese in libertatem asseruissent, Raynaldus Gallorum Dux ab Asta vrbem suę ditionis Alexandrinum agrum hostiliter inuaserat, nec quem ei opponerent Insuabres habebant, Francisco Sfortia ipsorum imperatore aduersus Venetos bellum gerente, qui sine certa pernicië inde reuocari nō poterat. Erat tum Coleo custodię traditus Philippi iussu, propter inanem concepti transfugij suspicionem. Itaque hunc maximè idoneum, qui Gallis resistere posset, rati, custodia educunt, adiunctoq; ei Astore Fauentino, cum parte copiarum contra Gallos proficisci iubent. Conferta est ad primum hostis conspectum pugna maximè atrox & cruenta apud oppidum Boschum. Nam Galli, pro genti insita sauitia, contra Italicum morem captos & deditos Coleonis cataphractos, dissibulata casside iugulabant, quod ubi Coleoni nunciatum est, clamore ita graui ira succensus, conglobatis alis in hostes irrupit, fusosq; prostrauit, sic ut magna eorum pars interficeretur, & Raynaldus captus, vix supplex salutem impetrarit. Primis stipendiis diu vagatus, turmę equitum præfecturam à Braccio promeruit: nam planè puer pecunię inops, Paulo patre propinquorum insidiis interfecto, miser & errans domo exierat: matre etiam in carcerem à mariti percussoribus immaniter coniecta; sic ut paternis opibus nulla in parte iuuaretur. Sed Iacobus Caudola non multò post ei turmam duplicauit, iustęque demum alę vexillum demulc Braccius. Rex autem Alfonsus vberiore auxilij stipendio; & ipse quoque Sfortia honoratiore militaria nobilitauit, adhæsit tandem Philippo, sub quo bella multis annis viguerunt. Cæterum Coleo Ve-





leo Veneti imperij fortunam agnoscens, eius auspicia opportuno tempore secutus est, viginti que amplius annis eorum copiis cum imperio praesuit. Eo autem bello, quod aduersus Mediceae familiae principatum à Florentinis exulibus in Gallia Togata excitatum est, Coleo Dux primus omnium instituisse dicitur, ut tormenta aduersus hostium aciem emitterentur, quum antea in expugnandis tantum defendendisq; urbibus vsui esse solerent. Spingardas enim ita vocabant minora tormenta tricubitalis longitudinis, quae glandem pruni maioris magnitudine violenter effunderet. Haec paruis curribus inserta, post acies auehi, & signo tuba dato, quo sua agmina, relicto interuallo, hinc atq; illinc panderetur, in oppositos hostes dirigi iubebat. Quo inuento ad Ricardinam Bononiensis agri, hostilem aciem ita perterruit, ut quum Spingardae pila Herculi Ferrariae Principi calcaneum deressisset, maligne & barbaro more Coleo fecisse diceretur; qui viros fortes gladio atq; hasta pro virtute & gloria dimicantes, inusitata atque horribili pilarum procella prosternendos curaret. Ea enim humanitate milites Ducesq; extra cruorem per id tempus in Italia depugnabant, ut eo praelio funalibus accensis, quum nox ingrueret, amplius quatuor millia cataphraetorum equitum admirabili ridendaque hodie spectaculi contentione concurrerint. Fuit Coleo corporis statuta erecta atque habili, adeoque formosus & agilis, ut Regina Ioanna, ingenio procaci mulier, auida q; virorum fortium, Coleonis amore caperetur, quum ea spectante, cunctos in palaestra iactuque ferrei vectis, & saltu cursuque certantes, cum magno spectantium plausu superaret. Deerant ei Latinae literae, sed his praeditos suspicere, & per eos historiae veteris notitiam consequi erat solitus. Nec ingenium eius ab urbanis facetiis alienum fuit, ut ex eo ioco apparuit, quo Galeacium Sfortiam acutissime perstrinxit. Nam quum ei Galeacius iuuenili petulantia dono misisset vulpem caueam inclusam, ut exacte aetatis Duci, nec semper astuto illuderet, Coleo eum statim pari dono remuneratus est, mittens Tinungulum com-



pediculis loro, & binis de more accipitrum argenteis tintinnabulis exornatum, qui à pueris pro accipitre gestari solet; quasi tantę fortunę principi ingenij leuitatem exprimeret, qui nihil preter ornamenta & inanem effigiem, grauis & strenui ducis præferre censeretur. Oderat nebulones; fures autem & delatores seuerè puniebat, quum exactè extra bellum pietatem coleret. Familię dignitatem cultu & conuictu admodum liberali tuebatur, magnificentięque deditus tribus templis suo sumptu ædificatis patriam honestauit. Condidit autem peramœno in situ castrorum structurę elegantis, quod Malpagam appellauit. Ea in arce quum vixisset annos septuaginta sex, excessit è vita condito testamento, in quo senatum Venetum ex quadrante seipserat hæredem, ve congestarum opum inuidiam ea liberalitate redimeret. Statuit & sibi viuens sepulchrum ad aram maximam, apud quam marmorea eius effigies, & in tabula etiam scitissimę depicta Bergomi conspicitur. Senatus autem ei meritò statuam equestrem æneam ad templum Ioannis & Pauli cum marmorea basi erexit, Patuina quidem magnitudine grandiorẽ & luculentam, sed nequaquam pari Verrocii artificis felicitate fabrefactam.

## AVGVSTI COCCEIANI.

*Non sic Aeacidem Grecia Thessalum,  
Non sic Annibalem aut Asdrubalem fera  
Carthago, meritis tollet honoribus,  
Non sic Scipiadæ graues  
Pænorum orbibus, vrbs inclita Romuli  
Quauis imperij trans mare terminos  
Longe protulerint, regnãq; Punica  
Late sub iuga miserint.  
Et contra madidos impius Annibal  
Campos Roma tuo sanguine fecerit,  
Cum præceps animi consul ad Ausidum  
Infausta agmina perdidit.  
Et quamuis rapidus fortis Achilles  
Curvus magnanimum traxerit Hectorẽ,  
Vnde omnis Phrygiæ concidit imperi  
Spes, & præsidium, ac Deus,*

*Vite Cenomani maxime Coleo  
Certant perpetuis tollere laudibus,  
Alpinęq; caput gentis, & hospitum  
Cultrix Brixia nobilis.  
Et montana tuis clara crepundijs,  
Nataliq; solo mænta Bergomi  
Et patres Veneti, qui iuga nesciunt  
Soli barbara perpeti.  
Nam cum consilijs bella sagacibus,  
Et gladio forti Martia gesseris,  
Gallorumq; graues fregeris impetus  
Miscens effera prælia,  
Nunc ardentis equi viuendus & ferox  
Stans dorso statua æternus in anea  
Pro templo, meritis par ut erat tuis  
Gesta re bene publica.*

## Galeacius Sfortia.



**E**X hoc Galeacio Sfortia, qui decore formę, ingenij præstantiã & peramplissima bilique existimatione paterni imperij principum maximè fortunatus, & ipsò tantum vitę exitu miser apparuit, non absurde suspicari licet, aliquam omnino inesse vim occultioris fati in genitura hominum, omni humana prudentia potentiorẽ, quando hic nullo insigni maleficio, nulla impotentis, noxięq; superbix acerbitate, nulla regendo imperio iniqua libidine, cærum vel graue odium promeritus, immani paucorum familiarium perfidia, ex leuissimis offensionum concepta causis, improuissò occiderit; scilicet vt ex felicissimo florentis ætatis ac imperij statu præceps datus; seruituræ mox Italię, multo nostro cum luctu viam aperiret. Poluerat militiæ rudimentum in transalpina Gallia, eò missus à patre cum veteranis copiis, vt Ludouico Regi inopinata præpotentum Gallię procerum defectione circumuento, opem ferret. Sed vixitum expugnatis quibusdam oppidis in Aruernos penetrarat, quum nunciata patris morte, pestiferas Allobrogum gentes mutato sæpe habitu, Mediolanum redire coactus est. Præstitere tandem nouo principi, quam Francisco patris initis antea fœderibus dederant, Veneti, Ligures, Florentini, ipseque Ferdinandus rex Neapolitanus: quorum amicitia fretus, fauoreque item Blancię matris, cuius humanitas ad gratiam amoremque parandum apud Insubres multum valebat, imperium domi & foris firmissimè stabilivit. Itaque splendidissimo rerum omnium apparatu vsque ad regalem fastum, principem egit integros decem annos, & vti dicissimè imperij opes sapientia patris ampliatę constitutęque tolerabant, magnificentię & liberalitatis studium, magnanimi Régis instar per omnes numeros extendit. Nam præter veteranorum pediculis cohortes, alas equitum ex omni Italię nobilitate lectissimas, & perpetuis cum suis tum paternis stipendiis inueteratas, ea consuetudine in hybernis continebat, vt adulto Vere in campos produceret, solenni; lustratione inspectas, ad equestres ludos committeret, propolis quidem optimis præmiis, quibus concurrentium præstantissimi honoris causâ ornarentur. Hoc equitatu qui duorum





duorum millium cataphractorum numerum superabat, nihil splendidius & comptius videri poterat, quum quisque lacinias acū pictis & præaltis cristis, & equo vndique auratis bardis protecto esset conspicuus. Hippagiorum verò puerorum versicolore lacinia militares principis equos producentium atq; incitantium, ea erat species, vt eius ostentationis admirabilis pompa, omnem vel externorum etiam principum apparatus magno intervallo superare crederetur. Par quoque apud eum erat totius aucupij & venationis instrumentum. Nam præter insignium canum multitudinem, supra centena falconum paria in remotissimis ad Oceanum Borealem conquisita, tanto alebat studio sumtuque, vt in magnis porticibus eæ volucres canteriis & pericis insidentes, mira cum voluptate spectarentur, quum ex his sedibus ad ornatum tela serica picta acū, squamosoque opere inaurati argenti refulgens dependeret, & volucres argenteis sonantibus pedicis vincirentur, & pileolos gestarent, quorum apices & gemmæ & vniones adornabant. Tota porro familia, quæ ex delectu nobilis iuuentutis per singulas ditionis vrbes accuratè habito, constabat, vt fides obses foret, pretioso amictu, elegantibusque munditiis exculpta spectabatur. Nemo enim erat, qui laciniam purpurei serici, & Phrygio opere ad argumentum principis depictam singulis annis non bis à principe dono acciperet; alerenturque omnes opipare hospites autem longè omnium luculentissimè. Ipse præter venatorias equestriumque armorum exercitationes, pilæ ludo tanta cum voluptate tenebatur, vt ingentis structuræ ædificia Mediolani & Ticini, cæterisque in arcibus ad vsum eius certaminis conderet. Erat id genus pilæ inflatus follis capitali magnitudine, qui armatis plumbea lamina pugnīs longissimè iactabatur; sic vt inde palmæ decus iurgiosa contentione, & multo cum sudore peteretur. Cæterum in seriis, rebus & honesti amans, iustitiæ vsque ad seueritatem erat tenax, dabatque enixè operam, vt nihil in iudiciis esset venale, aut ad gratiam corruptum, quando pœna inexorabili certissimoque præ-



mio cuncta constarent, & vna præsertim annonæ vilitate, tanquam parato ad id populari platea  
 fu maximè lætaretur. Sublatis vero vndique latrociniiis, castigataque licentia militari, & propa-  
 gata apud cunctos ordines commerciorum, securitate; ita amari simul, & metui cupiebat, vt non  
 nunquam sordidi mercatoris simulato habitu discurrens per ditionis regiones, oblatos in via  
 aut in diuerforiis hospitalibus simplicissimos homines, ad serenda de principe colloquia petra-  
 heret, eruendoque certissimos de se rumores, vtraque nominis sui fama frueretur; paratus vtiq;  
 ad præmium exoluendum, aut infligendam pœnam. Nam in Pado, Abdua, Ticinoque, custo-  
 des ad traiectum liatibus præpositos, qui ab se precibus atque pecunia tentati essent, vt sine tel-  
 fera properantem transueherent, ex merito aut suppliciis extremis, aut peramplis præmiis assi-  
 cere consueuerat. Audiebat autem cum voluptate literarum & sapientiæ studiis præstantes vi-  
 ros, & benignè quidem atrollebat: contendebatque graui sumptu, vt Ticinense Gymnasium  
 professorum celebritate, & studiosæ iuuentutis frequentia cæteris omnibus præcelleret. His ar-  
 tibus quum boni, splendidissimi que principis nomen tueretur, premebant eius famam intem-  
 perantes vagæque libidines. Nam ea tum erat ex multo ocio luxuriantis sæculi conditio, in ipsis  
 præcipuè nobilioribus matronis, vt totum pudicitia decus ab humanitate aulæ alienū prorsus  
 & subagreste putaretur, ideoque princeps ad licentiam libidinis proclinator, & iuuentæ vigo-  
 ore venustateque oris supra omnes spectatu dignissimus, procacibus fœminarum oculis & deli-  
 deriis cupidissimè deferuaret. Erat enim tum vulgatum inter fœminas, nullam ex principis con-  
 cubitu fieri impudicam, earumque maritos, qui inepti hirci videri possent, ita excellere aureis  
 cornibus, vt dignitate cunctos anteirent. Per hunc modum Galeacius quum vndique beatus  
 arridentis fortunæ fastigium teneret, Allobrogico bello victor, è castris durissima hyeme Me-  
 diolanum rediit, vt Natalis Christi diem solenni hilaritate cum vxore & liberis atque amicis ce-  
 lebraret, coniuratisque simul in necem suam limen aperiret. Coniurauere diuerso animorum  
 habitu Andreas Lamponianus, Carolus Vicecomes, & Hieronymus Olgiatus cubiculo princi-  
 pis adscripti. Andreas consumpto magna ex parte patrimonio propter rei domesticæ inopiam,  
 superbiæ ipsius atque luxuriæ aduersam, turbido ferocique ingenio, res nouas moliri, quas ex  
 cæde principis certo sibi commodo cessuras, & coniurare omnino statuerat: ad audendum verò  
 immane vsque adeò & periculosum facinus vehementer incitabat, illata sibi iniuria à Castellio-  
 neo Comensium antistite, à quo sacri latifundij possessione contra ius interrupta locatione, se-  
 periniquè spoliatum querebatur. Totum autem eius iniuriæ odii que venenum vertebat in prin-  
 cipem, qui à se suppliciter deprecante eam contumeliam sepe rogatus, aduersarium in extrahen-  
 da lite præpotentem, neque auertere, neque mollire voluisset. Carolus gentilium suorum Ga-  
 leacius principatus fortunam ad Sfortianos delatam ægrè ferens, germanæ sororis probro quam Ga-  
 leacius adamaret, atque subigeret, promouebatur, tantò indignantius, quòd eam decore ado-  
 lescenti, qui ætatis florem principi fruendum dedisset, conciliasse & communicasse suspicaren-  
 tur. Principem enim in amore improbum, atque adeò impudentem plerique vel falso existima-  
 bant, vt alienæ libidini lenocinij obsequium lubens præbere crederetur. Olgiatus verò penè  
 imberbem, leuissimumque adolescentem inani spe parandæ gloriæ inflauerat Cola Montanus  
 literarij ludi Magister; si occiso tyranno patriam in libertatem assereret; sæpe Cassios & Brutos  
 in schola magnis extollens laudibus, qui gloria ducti pulcherrimi facti consilium olim suscep-  
 sent. Hic Cola quondam Galeacij pedagogus, dirum in principem odium conceperat impoten-  
 ti eius contumelia percitus, quòd ille puerilium verberum nimis memor, postquam adoleuit,  
 imperiumque suscepit, ipsi Colæ tanquam immiti subagresti que præceptor, acceptas olim pla-  
 gas, nudatis clunibus loro palam rependi iussisset. Huius Colæ diris cohortationibus coniura-  
 tionem inchoatam ad exitumque perductam fuisse, Olgiatus ipse ex quæstione perscripsit. Igi-  
 tur obstinatis efferatisque animis ad id patrandum scelus confirmati, principem inter frequen-  
 tem custodiam corporis, diui Stephani templum intrantem, vt sacris solennibus interesset, cir-  
 cumsteterunt, abditis sub sinistri brachij manica pugionibus. Primus à fronte Lamponianus in  
 speciem turbam dimouentis, porrigendisque literas sese insinuans, nihil à familiari metuente,  
 ad infimam ventris partem perfodit; repetitoque ictu læuum percussit tempus. Carolus autem  
 & Olgiatus à tergo inermes lethalibus plagis consauciârunt, sic vt vndique petitus à Deipara  
 virgine frustra opem implorans repente concideret, & expiraret; iuxta quem traiecto pectore  
 prostratus occubuit Ripeus ex custodibus promptissimus, quum in percussores gladium strin-  
 xisset. Perhunc modum cadente principe, exortoque inde terribili tumultu, quum quisque ad  
 fugam metu percussus se expediret, tanta conflictatione procursum est, vt multi è turba in tem-  
 pli foribus eliderentur; desertoque ab omnibus templo sacerdotes è sacrario prodeuntes, tria  
 tantum cadauera fœdato multo cruore pauimento iacentia reperirent. Nam procul à Principe,  
 Ripeoque, ipsius Lamponiani cadauer solum lingua & dentibus commordens iacebat. Eum e-  
 nim per mediam mulierum turbam incuruo passu euadere conantem, satelles æthiops, cui Gale-  
 acio fuit cognomen, adacto per imam sedem lato hastilis ferro confecerat. Cæterum sacrificuli prin-  
 cipem vt abluerent, in sacrarium calentibus adhuc membris retulerunt. Lamponianus insul-  
 tantia



tantis plebis, & puerorum turbæ ad ludibrium concessus, iniecto laqueo per cunctas vrbis regiones raptatus est. At Carolus & Olgiatus quum immixti effugientium turbæ, elapsique varias latebras quæsiuissent, biduo post diuersis in locis, quod tanquam execrabiles parricidæ à nemine vel propinquo reciperentur, ad terribissimum supplicium rapti sunt. Olgiatus ipse, mirum visu, audituque, vesana constantia obstinatum animum in conspectu Carnificis gerens, seseque in ipsa morte confirmans, hæc contumaci ore protulit verba; Colligere, Hieronyme, stabit verus memoria facti; mors quidem erit acerba, sed tormentum breue, atque eius fama perpetua. Hæc quidem digna viro forti videri poterant, nisi impium facinus intempestiua atque inhumana crudelitas eleuaret, quod pro tyranno, æquum bonumque Principem, nec ab ipso quicquam hostile meritum occiderit: scilicet vt diuturnum ciuibz suis luctum ex infelicitate ad externos prolapsi principatus pararet. Hos etiam quod miremur in carcere versus pangere poruit, quos ad argumentum imperterritæ mentis, quanquam rudes, huius Tragædiæ e-logio subiiciendos existimauimus.

HIERONYMI OLGIIATI percussoris GALEACII  
SFORTIÆ Ducis Mediolanensis.

<i>Quem non mille acies, quæ nō potuere phalanges</i>	<i>Astantes famuli, nec opes, nec regna, nec vrbes.</i>
<i>Sternere, priuatâ Galeaz Dux Sfortia dextra</i>	<i>Hinc patet humanis quæ sit fiducia rebus,</i>
<i>Concidit, atq; illum minimè iuuere cadentem</i>	<i>Et patet hinc seuo tutum nil esse tyranno.</i>

Cola quoque Montanus aliquantò post in Alpibus Bononiensium comprehensus, quod dira malignitate in Principem percussores ad coniurandum concitasset, meritis sceleris poenas dedit, quando eum Laurentius Medices inusitatæ immanitatis ultor egregius, latronum more laqueo necari iusserit.

PAULI IOVII Iunioris.

<i>Quis te dira cohors furor? &amp; quæ insania tanta</i>	<i>Non (vt rere) ferum crudeli morte tyrannum</i>
<i>Impulit, horribili stimulatâ</i>	<i>Conficis? at iustum innocuumq;</i>
<i>Eumenidum rabie, &amp; seuis agitata colubris,</i>	<i>Rectorem Insubri imperij, cunctisq; colendum</i>
<i>Vt domini nil tale merentis</i>	<i>Quo simul vnâ concidit omnis</i>
<i>Corpus in egregiū, crudam conuerture dextram</i>	<i>Spes Italūm, longos semper lugenda per annos,</i>
<i>Auderes, scelerisq; nefandi</i>	<i>Scilicet vt nostros populatus</i>
<i>Pro laqueo, &amp; meritis poenis, tibi premia certa</i>	<i>Vrbibus euersis fines in viscera nostra</i>
<i>Sperares, nomenq; perenne</i>	<i>Cum Gallo saniret Iberus.</i>
<i>Te non eximij iuuenis deterruit alto</i>	<i>Vos, vos, ô Scyllæ, formæq; tricorporis vmbra</i>
<i>Insignis reuerentia vultu,</i>	<i>Harpyæq; &amp; vos Gorgones atræ</i>
<i>Impia; sed nec te tenuerunt Tempia, nec Aræ,</i>	<i>Ardenti fontes animas immergite Averno</i>
<i>Nec superâ solennia sacra</i>	<i>Et stygio exercete flagello.</i>

## Carolus Burgundiæ Dux.



C. qui seuera minacique fronte, distraeto gladio, & coruscantibus armis conserere manum cupere, Martioque spiritu fulgurare videtur, Carolus est, Sequanorum & Belgarum Princeps, qui vi bellica, castrensi apparatu, magnitudineque animi, non suæ modò, verum superioribus etiam ætatis Duces, sic antecessit, vt summæ gloriæ fastigium assecuturus crederetur, nisi eum arduis & audacibus innixum consiliis, immoderataque fortitudine quæque aspera aggredientem, turbulenta & insolens fortuna perculisset. Nam Philippo è Gallorum regia stirpe, cui Optimo cognomentum fuit, patre genitus, consanguineorum arma vique adeo vehemens & ferox exercuit, vt Ludouicum XI. apud Lutetiam Parisiorum acerrimo circumuentum bello, ad pudendam pacem redegerit, quum ad montem Alerium ingenti edito prælio, quanquam vulneratus, victor euassisset. Exinde Ludouicus dissimulata potius, quam confessa pacis necessitate, quod conspirationem multorum Galliarum Procerum timeret, cum armato sædus icit, pudendum herclè, sed demum sibi & Galliæ utilissimum. Nam coniurato Regi, debellatis Eburonibus, Leodioq; ipsorum vrbe ferocibus armis expugnata deletaque, in Heluetios inauspicata arma conuertit, eo euentu, vt fatali sua peruicacia experiretur, quantum interesset inter nobiles Gallos pro gloria pugnare, moderateq; vt victoria solitos; & agrestes,





qui ab infira animis barbarie, cruoris auidi de vna tantum viracum hostibus dimicarent. Neque enim fas erat, qui Gallicam nobilitatem armorum strepitu, & nominis fama contudisset, ab vili omnino quam ab efferis egentibusque rerum omnium populis, quibus animorum peruecia indomitum robur efficeret, frangi atque opprimi posse. Heluetij namque iure foederis pro Renato socio, Lotaringia regulo, quem Carolus oppugnaret, arma ceperant: quo bello vnam atque alteram ad Granlonem & Amorum victoriam secundis praeliis consecuti, ita Carolum superarunt, vtille in primo exutus castris, impedimenta, totiusque exercitus opes, suamque in primis pretiosam suppellectilem amiserunt; in secundo supra quatuordecim millia lectissimorum militum interfecta desiderarunt. Ab his duobus detrimentis iratus & fremens, tertij certaminis aleam subire non dubitauit. Nam eum Nanseum oppidum oppugnantem, pertinaciusque haerentem, Heluetij per niues ad soluendam obsidionem progressi adorti que, quum ille incepto abstinere indecorum putaret, inito praelio fuderunt, circumuentumque, nec agniti trucidarunt, quum desertus esset à suis insigni perfidia Campobassi Neapolitani; qui quum aliquando colaphum à Carolo insolenter accepisset, in id tempus vindictae, patrandique sceleris occasionem distulerat. Fuere qui eum effugisse, & Mosae pontem transiisse affirmarent: quod diu in Burgundia creditum est. Verum puer è Columnia Romana familia cubiculo eius assuetus inter cadauera repertum, à naevo lateris enormique vngue dextri pedis, confirmante eius medico certius agnouit. Tumultus est apud templum diui Nicolai in Lotaringia, finibusque Mediomarricum. Reliquit filiam ex Lusitana vxore natam, quae nupta est Maximiliano Federici Caesaris filio, ex qua Philippus susceptus est, qui huius Caroli quinti Imperatoris inuidissimi pater fuit. Caeterum in Carolo id vnum ad summæ perillustisque virtutis cumulum defuisse videtur, quodd Genij sui captum sensumque, quam alienae prudentiae placita sequi maluerit, quasi arrogantis & elati supra



supra æquum ingenij esset, amicorum bene consulta contemnere: & contrà, peculiari sententiæ semper adulari, quæ res plerisque perdidit. Nam qui sua intemperantiùs amant obliuioni rationis, citissime præcipites dantur, vt reliqua sua omnia, quum fata vrgent, penitus euertant. Carolus enim nimio fortasse gloriæ studio adductus, virtutes, quas in eo maximæ erant, atque admirabiles, splendoris, munificentia, facilitatis, exactæq; bello disciplina, & in pace pietatis; vna obstinatione animi, dum sibi irato acriter indulget, corrupisse videtur.

## PAULI IOVII Iunioris.

*Vidistine vt Pyrrhi effigies armata sarissam  
Vibret, & à summo spargantur funera ferro?  
Vix ferus Lybicâ contorqueat Annibal hastam?  
Huc simulac conuertere oculos, fulgentiaq; arma  
Egregij ducis, & latè mucrone corusco,  
Inspice turbatos vultus, spirantiaq; ora  
Martis adhuc tristes pugnas, atque horrida bella:  
Hos olim insignes habitus atque ora gerebat,  
Illum sanguineis quum formidauit in vndis  
Et Liger, & trepidi spectator Sequana belli,*

*Infracta Gallorum acies, & Belgica passim  
Agmina lethifera senserunt fulmina dextra.  
Heu miser, heu nimium pugnandi dira cupido,  
Heu laudis vefans amor, quem Gallia diues,  
Belgarumque omnes Procerum tremuere coher-  
tes:  
Contempsere rudes populi, gens barbara victrix,  
Funeribus statuit medys, victumq; trophais  
Expoliât cunctis, nudumq; relinquit arena:  
Vix tandem inuentus parua requiescit in urna.*

## Iulianus Medices.



ÆC vera est imago Iuliani Medicis, qui magni Cosmi ex Petro filio nepos, & Clementis Maximi Pontificis pater fuit, à celebri Pictore ita scitè expressa, sicuti seniores testantur, qui viuentem viderunt, vt Clementem Pontificem toto oris habitu respondisse ad patris lineamenta viderimus. Euaferat Iulianus, quum adhuc viueret pater æquæ gloria, editis equestrium ludorum spectaculis, paribusque omnis elegantia, comitatus atque munificentia muneribus, Laurentio fratri propè par; & quod natu minor esset, populari fauore

Princeps iuuentutis fuerat acclamatus. Capessens verò Reipublicæ munia, ea morum actio- numque moderatione fratrem summis nitentem virtutibus æmulabatur, vt cunctis ciuium ordinibus esset charissimus, supraque cæteros ciues ipsi duo fratres mirè concordēs emine- rent, & Rempublicam paternis auribusque artibus feliciter administrarent: vtpotè qui veteres opes, maiorumque perpetuam inter ciues existimationem validis affinitatibus, numerosis clientelis, & noua denique virtute corroborassent; distributis vsque adeo appositè ac sapienter Reipublicæ officiis, & collatis ad æquitatem honoribus, vt nullo cultu, nulla eminentiore nominis appellatione, supra ciuilem, nulloque deducendum comitatu à cæteris ciuibus differrent: sola tamen autoritate cæteris omnibus præstare, & præclara virtute atque potentia ciuitatis Principes censebantur; ideoque fiebat, vt studiosè colerentur ab his, qui publicum bonum & ciuitatis tranquillitatem, omni veteri odio, aut nouæ obrectationi anteponen- dum iudicabant. Hunc in Mediceis fratribus non obscurum in ciuitate principatum, vna gens Pactia ferre non poterat; satis quidem cum viris & cognationibus, tum etiam fortunis abundans; sed quæ esset moribus admodum superba & insolens, multumque auida pecuniæ, simul & tenax, ideoque apud populum minimè gratiosa, ac ob id in necem fratrum conspiraret: quoniam vigentibus stabili auctoritate Mediceis, nullum sibi satis honestum in Republica locum relinqui arbitraretur. Erat familiæ princeps Iacobus Equestris ordinis, qui cum nulla virtute eminere, perpetuo aleæ studio perditus, iraque præcipiti & contemptu superum putabatur infamis. Hunc impulerat Franciscus fratris filius, ore pallens, ingenio liuidus, & perpetuus honesti moris irrisor. Is Romæ nummaria negotiationi assuetus, Xysto Pontifici erat familiaris, à quo (si fas sit de homine sacrosancto non iniquè suspicari) nefarii consilij ratio omnis emanasse creditur; scilicet vt Hieronymo Riario, cui erat auunculus, maiores opes adstrueret, quæ ei obtentura putabantur, si Florentinæ ciuitatis statum, sublati Mediceis commutasset. Franciscus quoque Saluiatus, Archiepiscopus Pisantis, nullam vel mediocrem ex literis probatisque moribus laudem meritis, vtpotè qui ambitu adulationeque, & prauis omnino artibus ad eum honorem contendisset, ex contentione sacerdotij acre odium in Mediceos conceperat, & ad Riarium, Pactiosque ipsos se totum contulerat, ratus pulcherrimum fore, patriam in libertatem vendicare, & purpurei galæ decus à Pontifice, vel execrabili nauatâ operâ promereri. Quibus autem initiis, quoue exitu susceptu, patratumq; sit id immane scelus, Angelus Politianus, summa doctrinæ vir, vt qui cunctos atrocis eius Tragediæ actus spectaret, peculiari Commentario,





qui impressus extat, luculentissimè perscripsit. Nos atrocissimi eius edicti facinoris summam tantum attingemus, ut bonis mortalibus præclarè constet, superos impiorum vindices solere esse certissimos. Igitur coniuratione diu antea Romæ secretis deliberationibus agitata, & Florentiæ demum in Montrughio, Iacobi Pactij suburbano instructa, Raphael Riarus Cardinalis à Gymnasio Pisano Florentiam vocatur: specie quidem inuisendæ pulcherrimæ atque ornatissimæ urbis, verum ut coniuratorum animos præsentis personæ autoritate confirmaret, quanquam vi plane iuuenis, captusq; ingenij parum grauis, tantæ rei constitutæ ignarus esse putaretur. Egere Pactij multo astu, ut is à Mediceis fratribus in Fesulanam ipsorum villam honoris & iocundè voluntatis causâ ad conuiuium vocaretur, ut ibi ambos fratres inter hospitales mensas trucidarent. Sed quum Iulianus ex molesta pituita impeditus interesse noller, deiecti ea spe, rem ad sacra, quæ ex festo Solis imminebant, in ipsumq; Templum maximum reiecerunt; in quod ambos fratres tum religionis, tum honoris causâ erga Cardinalem omnino conuenturos iudicabant. Conficendi autem negotij munia inter se eo ordine dispartiti sunt, ut Franciscus Pactius, & Bernardus Bandinus obruncandi Iuliani parres desumeret, Antonius Volaterranus cum Stephano Pactiorum Pædagogo Laurentium aggrediretur, accepta tum ex conditio ad distringendum gladios tesserâ, cum mediis in sacris Seruatoris Christi hostia Sacerdotis manibus attolleretur: Antistes verò ipse Pisanus cum Iacobo Poggio, & Saluiatis propinquis suis, fidaq; clientium occulta armorum manu in speciem salutandi Vexilliferi curiam occuparet. Iacobus autem cum equestribus dignitatis, tum ætatis honore conspicuus, ubi patrata fratrum cædes esset, equum conscenderet, & armatis clientibus septus per forum discurrens, populum vocaret ad libertatem, & Saluiatis curiam occupantibus vires adiungeret. Iam cœpta erant sacra, concinente Sacerdotum choro, & tesserae tempus instabat, quum Pactius atq; Bandinus deambulante Laurentio, Iulianum oculis frustra



requirerent. Quapropter ad Mediceam domum conuolârunt, vt in Iuliano omnem prouidendi moram, iocundis adhortationibus absunderent, nunciantes quasdam formosas, adamantiq; nominis matronas in Templum peruenisse. Itaque viri efferatę mentis (quod mirum est) hilari vultu aptę compressa perfidia, Iulianum retardante fato, segnius se expedientem, medium honoris causā, & insertis iuuenili comitate subter humeros brachiis in Templum deducūt, pauloq; post vnā deambulātem ad tesseram repentē districtis fisis circumfistunt. Bandinus medium sub pilla transfodit, cadentiq; illicō incumbit Pactus, & ferro in ventrem & iugulum adacto, conficit, vsque adeo atroci & feruida manu, vt crebrō repetens ictus seipsum in genu præalto vulnere conlauiaret. Bandinus quoque furiosa mente Nolium Iuliani familiarem obruncat. Sub idem temporis punctum Laurentij percussores incondito impetu illum adorti, vnā tantū neq; lethalem ad iugulum plagam inflixerunt; quod is præfenti animo educto statim gladiolo, & reiecta, inorta q; ad læuam chlamyde, constantissime se defenderet, & ab amicis in proximum sacrum duceretur, vbi obseratis foribus ab imminente Bandino seruatus est; atque inde obligato vulnere, stipante armorum amicorum caterua, domum deductus est; sæpe sciscitans, an frater esset incolumis, & ne Cardinalis violaretur edicens, quem lintheati Sacerdotes in eo tumultu custodiebant. Dum hæc fierent, percussa q; metu omnis turba diffugeret, & terribili strepitu tantum tumultus, Templum corruiere videretur, Pisanus Antistes cū suis, Curiaē scalas ascendit, postulatq; à lanitoribus, vt ad Vexilliferum, ad quem haberet mandata Pontificis, admittatur. Is erat Cæsar Petruccijs, & tū fortē cum Decurionibus (vt festo die sæpe accidit) tempestiuē prandebar, admittentibus conuiuijs importunū hominis aduentum, quod ea hora seriis colloquijs aliena prorsus atq; inepta videretur: sese tamen Cæsar ē mensa celeriter expedit, eumq; exceptū in suam deducit cellam. Vix cœpto colloquio Cæsar in Antistite perplexa & malē coherētia verba, obliquo item obrutu oculos inconstantes, & vultū magni euentus expectatione suspensum animaduertit, atq; inde insidias spectat; relictoq; in cella Antistite, ad Decuriones forās se proripit, & sublata voce, Ministros Curiaē assuetos aduocat, atque item Apparitores cū argenteis clauis, priuscorum Lictorum more summum Magistratum præeuntes, & (vt erat egregiē forti atq; expedito consilio) Poggium arreptum crinibus solo derubar, & in superiorem turriculam cum Decurionibus properē se subducit, arreptoq; veru ē proxima culina, scalæ aditū ruerit. Magno autem miraculo accidit, vt consurgentibus vndique ad opem ferendam ministris, coniurati & Perusini exulum manus Antistitem secuta, diuersis in cœnaculis Curiaē includerentur, obserantibus sese vltro valuarum seris, quæ sine peculiari clauē aperiri non poterant. Quo casu quum partes ad vnum omnes præeunte Poggio, clarissimi Oratoris filio, iniectis laqueis ē fenestris præcipientes dati sunt, vsque adeo iratis & furentibus omnium animis, vt præcis primorum cadaveris ad singulas columnellas, secundis & tertijs suspendio locus pararetur, & præcipitata cadavera plebs cruoris & prædæ auida despoliarer, & in frustra concideret. Iam enim populi fremitus aream occupantis, vulgata Iuliani cæde, ad Curiam peruenierat; magnoq; studio plebs Mediceis fauens, proditores occupatoresq; Curiaē, ad supplicium deiici deposcebat. Interim Franciscus ipse Pactus ē domo Iacobi patris nudus extractus, delatusq; in Curiam, quum neque hisceret, neq; contumaces oculos attolleret, iniecto laqueo ē fenestra suspenditur. Nec multo post eum Pisanus ipse Antistes, totius inauspicatę coniurationis seriem præscribere iussus, in eadem linthea stola sacerdotali, ita longiorē capistro præceps datur, vt Pactiano cadaveri coherēs, papillam ravidis dentibus appereret, in eoq; atroci indignantis & fugientis animæ habitu, rare duos Iacobi Saluiati; quorum alter erat frater germanus, alter patruelis. Iacobus verō ipse Pactus, qui armatus in equo ad aream Curiaē procurrerat, vt populum ad libertatē vocaret, quum ab optimis ciuib; irrideretur, & ē summa Curiaē corona lapides in eum iacerentur, incitato equo Cruciana porta sese eiecit, biduoq; post à Montanis agrestibus in fuga captus est: Florentiamq; perductus, vbi descripto expressis coniuratorum nominibus fœdissimæ necis supplicium tulit, vsque adeo in eum concitata plebe, vt sepulturæ honore indignus putaretur; bisque tumulatus, semel in Templo, iterum in Pomerio; indeq; erutus, quod supremas Christianæ pietatis cohortationes, sese itidem Cacodæmoni impiē deuouens, reiecit; diu à pueris per urbem raptatus, in Arnum traheretur. De Renato quoque Pactus, qui ad armandos agrestes in Mugellanam villam præcesserat, par supplicium est desumptum; retractusq; etiam est ex fuga Montescicus, qui Hieronymi Riarij familiaris, militiaq; peritus, totius coniurationis erat conficius. Is ab initio interficiendi Laurentij partes susceperat, sed eius postea hominis virtute, atque admirabili humanitate ex multis colloquijs delinitus, eam cædem, vti in villa promississet, in Templo se patraturum pernégat; scilicet ne homicidio detestabile sacrilegijsce rentij quoque percussores, qui triduum in Cœnobio latuerant, nec à Cucullatis prodebantur, latebra extracti, detruncatis naso atque auribus, eandem latronum more laquei pœnam rulerūt.



Reliqui Pactianæ familiæ in carcerem coniecti sunt; vnusque omnium Guliermus, qui Laurentij sororem in matrimonio habebat, in villam, impetratæ vxore, relegari meruit: & Raphael Cardinalis ab omni iniuria & contumelia in honorem Pontificis seruatus est. Hanc in vindicanda atrocissimi sceleris audacia, Senatus seueritatem vel ipse Barbarus, & nostræ religionis hostis, Baiazetes Turcarum Imperator insigni religione probitateq; comprobauit, quū Bandinum ex fuga elapsū Constantinopolim, deposcenti Laurentiō, tanquam parricidam, & impium Templi violatorem ad supplicium tradidisset. Atque ita ille cunctis damnatus gentibus, ab eadem fenestra laqueo suspensus, iustum ciuib; vindicatæ feritatis suæ spectaculum præbuit. Neque Hieronymus Riarius, coniurationis author, vltiores Deos diu fefellit; quum apud Foroliuium, oppidanorum conspiratione, in mensa trucidatus, & per fenestram in forum præcipitatus, vel feras nefariæ malignitatis suæ pœnas expenderit.

## P E T R I A N G E L I I Bargai.

*At, ô Deorum, quisquis in cælo soles  
Nefanda sepe facta vindex persequi,  
Nec ferre inulta, perfidi nunc Pactij  
Dedere sat superq; pœnarum tibi?  
Cum Iulianum patria nouum decus  
Quiuere Templo in ipso adorti occidere,  
Nil suspicantem tale; cum fœdissimè  
Turpata fuso permaderent sanguine  
Sola ipsa Fani limina, atque altaria.  
Namq; haud furentis herclè sauos impetus  
Fugere Plebis, haud latebris abditi  
Cauere dexterarum piorum vindices.  
Non & paratam Thracy Regis fidem  
Sensere; nam cum Barbarus tantam luem  
Perhorruisset, execratus patriæ  
Remisit vsque ab vltima Proponide.*

*Inserta quare plurimis cadavera  
Collum capistris ciuitas letissima  
Spectauit; illa nec miserta fontium.  
Quin insepultus horridus, nudus, lacer,  
Canesq; auesq; pauit, & pisces, datus  
Præceptis in amnem manibus Iuli tuis,  
Bandinus ille, perditus sicarius,  
Bandinus ille, Thracius, quem Bosphorus  
Vt piaculum, & scelus teterrimum,  
Exislmanit impium & nefarium,  
Suisq; longè deferendum à fluctibus.  
Sic, ô rubentis Iuppiter vindex, tua  
Vt iura discant colere, discant legibus  
Parere certis, temnere & quid sit Deos,  
Puni cruenta perfidos vi dextera.*

## B E N E D I C T I V A R C H I I.

*Nam quis te liuor? que te tam dira furentem  
Patrandi sceleris rabies, regniue parandi  
Ambitio, patrios tecum euerfura penates,  
Impulit effera gens furij; vlticibus olim?  
Vi iuuenem florentem opibus, virtute decorum,  
Conspicuum forma, dulci grauitate verendum,  
Præstanti insignem eloquio, nil tale merentem  
Incautum, ante aras, & Dijs spectantibus ipsis,  
Aggressa (infandum) media testudine Templi  
Allectum blande, prætentatumq; dolosè  
Conficeres, ferro toties per pectus adacto?*

*Et clarum obscuro fœdares sanguine fratrem,  
Totius Italia simul absumptura salutem?  
Heu facinus nullo delendum tempore, nulli  
Aequandum, non vlla vnquā sat cæde piandum.  
Impia corda, immani secla, immitia fata,  
Fata malis hominum gaudentia, quid magè sa-  
uum,  
Damnosumue magis vidit Sol? Castore lesa  
Occidit Ausonia Pollux, columenq; decusq;  
Et si non aliud, Medica spes altera gentis,  
Clementisq; pater, totius cui paruit orbis.*

## Mahometes II. Turcarum Imperator.



OC atroci vereque Tartarico recedentium oculorum obtutu, malignoque pallore buxei vultus, & enormi contegentium labra narium curuitate Mahometes fuit, quem Turcæ non modò cæteris Othomannis superiore, sed exæquatis vitiis, atque virtutibus, Alexandro Magno parem volunt. Nam rerum gestarum gloria, & magnitudine animi cum progenitores, tum cunctos qui eo seculo maximè florerent, cogniti orbis Reges, vel qui postea his sexaginta annis regnauerunt, proculdubio superauit. Natus erat ex Despoti Seruiz filia, quæ puerum Christianis præceptis & moribus imbuerat: quorū mox oblitus, adolescendo ira ad Mahometis sacra se contulit, vt neq; hos, neq; illos ritus teneret, & in arcano prorsus Atheos haberetur: vtpotè qui vnum tantum bonæ Fortunæ numè coleret, quod præclare conciliari viuificaciq; animi virtute prædicabat. Itaque nulli addictus religioni, cunctorum hominum accu-  
ratus





raras de Diis, tanquam humana nihil curantibus, cogitationes irridebat; eo animi decreto, ut nullum unquam ius amicitiae, aut foederis, nisi ex commodo, exceptaque ad proferendum imperium occasione, colendum atque seruandum arbitraretur; & rem bellicam usque adeo enixè & liberaliter curaret, ut cuncta munia, veterè Græcorum lege ad pœnam & præmium reuocaret. Præcepta autem maiorum ex disciplina militiæ constituta, quibus illi tantum imperium peperissent, pleraque emendando, augendoq; uti opus foret, nouis artificiis, ac ampliore omnis generis armorum apparatu exaggerabat. Primus Orthomannorum naualia instituit, quod maximum apud antiquos in classe ad omnes res gerendas momentum, positum esse intelligebat. Quam uenare Venetorum vim mari, ab antiqua laude insuperabilem, postea contempsit. Sed primū eius & nobilissimum bellicorum operum fuit, Constantinopolis terra mariq; fortiter expugnata; ceteroque Constantino supremo Græcorum Imperatore, antiquissimum Græciæ imperium funditus euersum. Exinde Peloponnesum ingressus, Græcorum & Venetorum copias secundis præliis deleuit, Hexamylīq; murum à Venetis in Isthmo magno sumptu & longo labore restitutum, ex usu victoriæ totū diruit. Nec multo post Eubœam insulam, expugnata Chalcide Venetis ademit, atq; item Lesbū, deleta propè Mytilene vrbe. Tanto verò apparatu Illyricum adortus est, ut Stephanum Bosnæ Regem, Iaiza vrbe, totoq; Regno expelleret, & occideret. Eodem quoque terrifico imperu in Epirum descendens, Croiam urbem, quam pater Amurathes frustra oppugnarat, atq; item Scodram expugnauit; Homaremq; & Malcoccium Duces per Dalmatiam ad Euganeos usque penetrare iussit. Quibus irruptionibus graue vulnus Venetis est inflatum, cæso à Barbaris ad Soncium annum Nouello eorum imperatore. Easdem quoque immanium cædium & incendiōrum clades Stiriae & Carinthiæ gentes, ad quas Barbari deflexerāt, senserūt. Pannoniis quoq; arma inferre ausus, Belgradum improspere tentauit. Mox ad Septentrionem conuersus, in ipsa



Taurica Chersoneso, Theodosiam, quæ Capha dicitur, Bosphorani regni caput, Genuensium coloniam occupauit, & Trapezuntium imperium ad Euxinum euerit; Caloianne & Dauide fratribus è regio sanguine captis & interfectis. Exinde tot partis victoriis, ad Orientem est conuersus. Pyrametoq; Ciliciæ rege debellato, & regno eius in prouinciam redacto, aduersus Persas, offensus Vssumcassanis noui regis felicitate & gloria, ad Euphratem Othomânica signa promouit: eo belli euentu, vt ipsum Vssumcassanem, multis inclytum victoriis, vno præsertim tormentorum apparatu ad Arsengam superârit. Erant utiq; ea quæ gesserat perampla timendaq; finitimis, quum insatiabili gloriæ cupiditate concitatus Rhodum inuadere, ac simul Italiam repperire penetrare constituit. Itaq; missus est ad oppugnandum Rhodum cum valida classe Melithes purpuratus, è gente Paleologa: in Italiam autem Acomathes, cui ab exciso anteriore dente Gendico cognomen fuit. Hic ab Aulone in Salentinos traiiciens, Hydruntem expugnauit, summumq; inde terrorem toti Italiæ intulit: sed dispari euentu Melithes Christianæ militiæ vim, cum Rhodi mœnia tentasset, infelicitè expertus est: quum interim Mahometes aduersus Persas ire pergens, apud Nicomediæ lacum repentino intestini dolore correptus, extremum vitæ suæ diem, tridui cruciatu festinata morte absoluit, anno ætatis quinquagesimo tertio, imperij autem trigésimo secundo, magno quidem Christianorum commodo. Nam Acomathes, qui amplius sesquiannum circumfusa Christiana arma contempserat, cognita Imperatoris morte, cum supplementa nouarum copiarum præsidio in Italia expectaret, interrupta spe ingentis victoriæ, moriens & gemens excessit. Cæterum Mahometes, qui impietatis apud suos, apud nostros verò perfidiæ & inhumanæ crudelitatis notam subiit; hanc saltem confessione omnium certam laudem à Barbaris repudiatam, non infusè tulisse existimatur, quod ei literarum & præcellentium artium decus cordi fuerit: quando cunctas clarissimarum gentium historias sibi verti in Turcicam linguam iuberet: vt inde haustis militiæ præceptis, actionum suarum disciplinam, exemplorum varietate confirmaret, & præclaros artifices pictoresq; præsertim insigni liberalitate complecteretur. Nam & commentaria rerum ab ipso gestarum, à Liberto eius Vicentino conscripta, legimus, veraque eius imaginè sumus potiti, quam Gentilis Bellinus è Venetiis Byzantium euocatus pinxerat, quum ibi regiam multis tabulis rerum nouarum ad oblectationem iocundissimam referisset.

## LEONARDI GRIFFII (vt fertur.)

*Qui vici innumeros populos, tot regna, tot vrbes  
Solutus & immensi qui timor orbis eram:  
Me rapuit quæcumq; rapit mors improba: sed sum  
Virtute excelsa ductus ad astra tamen.  
Maior Alexander non me fuit, Annibal & non,  
Fuderit Ausonios tot licet ille duces.  
Vici victores Danaos, domuiq; feroces  
Caonia populos, Sauromatasq; truces.  
Pannonius sensit quantum surgebat in armis*

*Vis mea, quæ Latio cognita nuper erat.  
Arsacida sensere manus has sensit Arabsq;  
Et mea sunt Persæ cognita tela duci.  
Mens fuerat bellare Rhodum, superare superbam  
Italiam: sed non fata dedere modum.  
Hei mihi, nam rapuit mors aspera quæq; sub alto  
Pectore condideram, verti & hora breui.  
Sic hominum fastus pereunt, sic stemmata, sicq;  
Imperium, atq; aurum, quicquid & Orbis habet.*

## Federicus Feltrius dux Urbini.



IC est ille FEDERICVS Feltrius Urbinatium princeps, qui in spectaculis equestribus ab ictu lanceæ dextro orbatus oculo, iniquam honestissimo ore deformitatem præfert. Is ab adolescentia datus in contubernium Francisco Sfortiæ, totam Sfortianæ militiæ disciplinam ita hausit, vt quum in eo certissima magni futuri Ducis indoles excelleret, ab inuito Imperatore ex fratris filia gener ascisceretur. Hunc militari & demum Imperatoria florentem laude, vsque adeo patrum nostrorum ætas admirata est, vt eum priscis illis Ducibus, qui ab eodem orbitatis incommodo summæ virtutis opinionem & famam sunt consecuti, non temere compararet, quod singulorum peculiare quasdam virtutes æmulari, argutissimoq; ingenio decerpere videretur. Nam quæ propria Philippi Macedonis laus fuit, multo consilio bella suscipere, multoq; maxima celeritatis vehementia conficere; oborientes rerum casus ad rationem flectere; nouas semper occasiones ad alendum bellum aperire; frustrari longâ mora hostes, eorumq; præfectos pecunia sæpe tentare, & commentitiis literis suspectos & inutiles reddere, probe didicerat. Astutiis porro planeq; Punicis artibus Annibalem æquabat, quo nemo vnquam callidius insidias retendisse; nemo peritius instruxisse aciem; nemo arma promptius atq; ferocius impendisse traditur; quando etiam in toto rei bellicæ negotio subita inexpectatq; prudentiâ laus





ra laus effulgeret; ei profecto per similes, quæ in Romano Sertorio viguisset. Nam præoccupare  
 imminentium hostium consilia; munitiona loca castris antecapere; hostes imagine committen-  
 da pugne distingere, diuq; ludificari, ac fatigatos demum longi laboris atq; vigiliæ mora, ideoq;  
 vinci paratos, peracri repentinoque impetu inuadere consueuerat; sic ut non omnino sit mirum,  
 si qui ostes collatis signis conflixisse traditur, bis tantum æquo Marte pugnauerit, quum sexies  
 victor profligato atque exuro castris hoste triumphalem lauream retulerit. Cæterum bello &  
 pace enitebat in eo ingenium graue admodum, sed sine vlla seueritate, quando in omnes lenè  
 miteque esset, sine mollicie, & nusquam ad contumeliam iracundum. Facundia valuit efficaci,  
 atque apprimè temperata, qua neminem offendens cunctos modestiæ & probitatis admonebat;  
 potius quam acerbæ increpatione castigabat; utpote qui milites, ingenuosque præsertim, pūdo-  
 re, certius quam pœnæ metu in officio contineri prædicaret. Eum porro militiæ morem tenebat,  
 ut Tyrones equites, quos ex nobilissima iuuentute instituebat, ad parandum decus semper ac-  
 cenderet. Ab his autem quos alacres & gloriæ auidos fore prouidebat, hoc sibi vnum præstari  
 postulare erat solitus, ut quum in conspectum hostium deuenirent, non prius eorum aciem re-  
 formidarent, quam in eam audacter & fortiter primas hastas confringerent; quo impigrè facto,  
 si ita videretur, ut secunda pericula vitarent, tum demum equos reflecterent. Nihil enim ipsos  
 ex eo receptu vel pudoris, vel ignominia subituros. Dux namque præliorum & eius sæculi mo-  
 rum eximie peritus, existimabat ad primos imperis plerumque parari victoriam, qui longè ve-  
 hementissimi ab effreni, & ætatis vigore concitato milite, quum à veterano decurione induci-  
 tur, prouenire consueissent. Multis siquidem militiae exemplis compertum habebat, Tyrones,  
 uti nondum duri Martis pericula expertos, ab incôsultra ineundi prælij cupiditate, quod hostem  
 elatis animis facile contemnunt, vehemètem & plerumque insuperabilem vim asferre; sic ut eam



perturbata primo impetu aduersariorum acie, quæ non facile reparari atque restitui queat, præ semel victoriæ secundissimus euentus continuò subsequatur. Hanc in eo perpetuam bellicæ laudis existimationem splendidissimè cumulabant literarum honos, & magnificentiæ studium. Nam qui Prætorium laxitate & structuræ elegantia Urbini ædificarat, in eo etiam Bibliothecam condidit, codicibus disciplinarum omnium refertissimam; existimabatque nihil esse alienius & turpius in bono principe, quàm nescire literas; cuius incommodi socerum, eundem atque nutricium maximè poenitere memoria teneret. Raptus est fato suo, quum Herculem Aristinum aduersus Venetos formidolosa Ferrariensibus arma inferentes, oppositis ad Stellatam oppidum copiis tueretur. Ex his enim locis à Padana aura insalubribus, & palustri solo damnatis, lethalem concepit morbum, quæ iam planè senex diu ferre non potuit: eo fortè die moriens, quo Robertus Malatesta postrelatam ad Xystum pontificem de Alfonso Aragonio ad Velitras profligato triumpho lauream in Vrbe vita excessit.

## PETRI ANGELII Bargæi.

*Artes si docuit Punica gens suas,  
Captantem insidijs Annibalem duces;  
Si præstante Philippus  
Fudit consilio hostium  
Inuictas acies: si sapientia  
Sertori potuit bellica cadibus  
Non vnus legiones  
Affecisse Quiritium:  
Ingenti quoque te Sfortia gens suo  
Astu, consilioq; & sapientia  
Instructum bone Feltri  
Bellis præficere horridis*

*Quinit. sic similes quos Dea præpotens  
Orbatos oculo fecerat altero,  
Virtus ipsa coëgit  
Inuitos tibi cedere.  
Cui præter decora hæc maxima, maximas  
Reddunt Aonidum numina gratias,  
Culti & ripa Metauri  
Et fluxu Tiberis rapax.  
Dum terga igitur conteget vndiq;  
Cælum, cum Latio Græcia nobili,  
Quod viuut tibi semper  
Sed debere fatebitur.*

Magnus Caythbeius Memphiticus  
Sulthanus.

AC peracri atque rerorrida fronte magnus Caythbeius apud Memphim pictus visebatur, quum Selymus gemina potitus victoria, Mamalucchorum regnum interfectis duobus supremis regibus euerneret, opulentissimæque regis ornamenta reuelleret, vt se nequicquam præpedientibus arenis, inuicta arma Memphim vsque protulisse discessisseq; inde victorem testaretur. Fuit Caythbeius natione Circassius, conditione seruus; verum ab admirabili virtute, atq; fortuna dignus eo imperio, quod per duos & viginti annos singulari cum gloria rexit & auxit. Nam more gentis ex venalicio seruorum ordine, Mahometanæ legis beneficio liberfactus, sed perpetuus manceps Regis, vt primum è literario, militariq; ludo adolescens promouit, incredibili prosperoq; semper cursu, singulorum ordinum honores percurrit atq; promouit; creatusq; demum Diadarius, qui est summæ præfecturæ honos, cum multis fortibus factis, tum variis in aulæ primates obsequiis, latè gratiam eo euentu adeptus est, vt in comitiis inter multos vel egregiè fortes & gratiosos frustra ambientes, suffragiis victor, & Rex, & Sulthanus acclamaretur; neq; de se rectè conceptam efficacissimæ virtutis opinionem vsq; fefellit: in hoc vnum semper intentus, vt instauratâ militiâ, quæ longo æuo emarcuisse videbatur, veteres equitum alas lectissimis supplementis corroboraret, & in expeditione educeret. Legebantur autem ex ipso præcipuè Circassiorum genere, iuuenes acerrimi & robustissimi. Eius enim gentis homines toto habitu maximè lacertosi, validos artus, imperterritas mentes, & tolerantia omnium laboris corpora ad militiam afferebant. Circassij namq; squalida in regione, rerum propè omnium inopes, luxuriæq; propterea prorsus ignari, & Aquilonis flatibus obiecti, perpetuoq; rigentes gelu, ita prædatoribus Scythis expositi sunt, vt mortalium miserrimi existimentur & captiuitatis iniuriam non magnopere doleant, nec parentes perpetua damnati inopia, interceptos liberos diu lugeant, quando etiam filios & propinquos ab ipsa statim infantia paruo pretio mercatoribus diuendant; à quibus pueros ideo expeti persuasum habent, vt honestos milites, præclaros Duces, & si ita fati fors vehat, maximos Reges efficiant. Circassij populi eum Euxini maris tractum incolunt, qui à Colchis atque Mengrellis ad Bosporum contra Tauricam Chersonesum extenditur: ea porro lege atque his cerimoniis Christum Deum adorant, quibus Moschi & Ro-





& Roxolani Græcorum ritus sequentes, uti solent. Cæterum Caythbeius è sordidissimo loco à prima pueritia Memphim perductus, atque institutus his moribus atque artibus, quibus Mamaluchi equites certatim incumbunt, ad summum rerum fastigium peruenit. Vbi verò primis comitiis sine ullarepulsæ suspitione Rex extitit, & per Caliphum sacrorum principem, desumpto Sulthani titulo, more gentis consecratus est, nihil omnino antiquius habuit quàm proferre fines, imperij limites armis tueri; Arabumque præsertim infestas manus repellere, debellare contumaces, & neminem aduersum se insolere pati. Magnanimo namque & potentissimo finitumorum Arabum impudentis audaciæ latrocinia validis armis vindicanda videbantur, & Persæ, qui sæpe repentinas in Comagenem & Syriam irruptiones fecerant, Euphratis transitu deterrendi; reprimendaque iræ Orthomannorum arma, quæ formidolosa erant Syris ad Isicum sinum finitimis, quod Turcæ præsidēs Ciliciæ, nuper sublato Rege Pirameto in Prouinciam redactæ, veteres fines transire, alienaque inuadere arroganter auderent. Itaque tribus bellis ingenti animo susceptis, pari que fortuna confectis, Arabes nequicquam se longa fuga eripientes, iustis affecit cladibus, antiquisque eorum domiciliis & sedibus latè expulit; eo rerum euentu, ut ad vnum omnes reguli Arabes, atque his permixti Mauri & Ægyptij, qui regiones inter Nilum, dextrum Rubri maris littus incolunt, sese conferre ad authoritatem Memphitici Regis, & tributum pendere cogerentur. Persæ quoque duobus tumultuariis præliis fusi, ultra Euphratem in Mesopotamiam pellerentur, & in Cilicia Mamaluchi ad Tarsum castramerantes, Turcas adorti, capto Cherseogle purputato, qui Baiazetis erat gener, clarissimam de inuicta gente victoriam rerulerint. His secundis successibus, quum Memphitici imperij fines ad occasum per Africam usque ad Cyrenem extendisset, in repentinum atque inexpectatum, ideoque grauissimum bellum incidit, conspirantibus scilicet subseruis Æthiopibus in Mamaluchorum cædem, planeque rebel-



lantibus: quibus magna multitudo Arabum & Ægyptiorum, rædio præduræ seruitutis se coniunxerat. Sed Caytbeius expedito equitatu turbam nequaquam militaribus armis, sed oblati tantum casu atque his inualidis armatam telis (quanquam contumaci spiritu sese in libertatem vendicantem) per partes aggressus multo labore disiecit, atque perdomuit. Ab eo diuerforum præliorum cruento exitu, magnus Æthiopum numerus, communicatæ perfidiæ poenas dedit. Pars verò eorum fermè tertia compedibus est reuincta, ut qui nusquam ipsum verè libertatis bonum experti, empti; pretio, fortibus dominis seruire condiscerent. His rebus gestis Caytbeius plenus gloria, & apud nostras gentes pari virtutis atque fortunæ illustri fama, Sulthanorum clarissimus euasit. Nam is est, qui externæ amicitiae appetens ad proferendum nomen Laurentio Medici Camelopardalim dono misit. Id animal præaltis anterioribus cruribus, cum humiliora terga, breuesque suffragines haberet, ceruinumque caput ab erecta rigidaque, ceruice, duobus infigne corniculis dorsum eius candidis in orbem maculis in rufo colore dispersis, mirè variegatum spectaretur, uti prorsus innoxium, non Etruriæ modò, sed toti Italiæ diu mirabili spectaculo fuit, ut potè quòd ab ipsis usque Romanis temporibus Italia non viderat, quum in extremis Æthiopiarum regionibus ad Nili fontes difficilimè capiatur. Simili quoque munificentiae studio paulò antè ad Galeacium Sfortiam Elephantem perdomitum, & Tigridem oblongis atris virgulis maculosam, ab insita feritate terribilem dono miserat: quas belluas pictura eleganter expressas in arce Mediolani hodie etiam spectamus. Cæterum senescentem Caytbeium, Dultibes vxor Arabici generis, ideoque ambitiosi spiritus mulier, perpetuis adhortationibus perpulit, ut Mahometem filium Imperij hæredem relinqueret, antiquata scilicet ea lege, qua filius patri successor esse verabatur, quum Ægyptios Reges vetere maiorum instituto nequaquam obleruata successione liberorum, sed communibus equitum suffragiis creari mos sit; eadem penè iuris formula, qua Romæ summos Pontifices à Senatoribus in Comitio creari constat. Nec defuere Proceres, qui ab impudenti adulatione Regine consiliis assentirent, multa utique corrupti largitione, quæ essent ex eo numero, qui nullam gratiæ spem pro se in comitiis habituri viderentur, extraque sortem petitionis positi, melioribus (ut sæpe fit) tanti principatus fortunam inuideret. Itaque primarum classium Principes abrogata comitiali lege, nouum decretum intulerunt, ad nutum imperiosæ & satagentis Reginæ promulgatum, quod non inepta æquitatis & exempli ratione, cunctis ferè probaretur. Id non erat omnino absurdum, quoniam fortissimo Principi, atque optimè de Republica merito, & ægrè conceptum ex senectæ vitiis morbum sustinenti, adiutorem dandum censebat, qui ingentia curarum pondera in patre, recentibus viribus subleuaret; sicuti antea maiores suos Saladino Sulthanici Imperij conditori ad honestissimū posteritatis exemplum tribuisse meminerant. Nec multò post Mahometem viginti quatuor annos natum ab eximia pietate, patris adiutorem, & consortem Imperij nouis appellationibus salutarunt. Sed ab excessu demum Caythbei, qui damnatæ quorundam Procerum rumoribus adoptioni, non diu superfuit, Mahometes non multum ea inauspicata hæreditate lætatus est. Nam Mamalucchos dolore creptæ suæ sortis, interruptæque prærogatiuæ iniuria perculos, dira intestini belli rabies ita inuasit, ut Mahomete interfecto, quatuor secundum eum Principes creati, paucorum mensium spatio turbulentissimis comitiis trucidarentur: eo anno, qui fuit à partu Virginis supra millesimum & quadringentesimum, nonagesimus sextus.

## PAULI IOVII Iunioris.

*Si quondam Hesperio quos misit Bætis ab orbe  
Dalmatæ, aut Lybies Mauris circumsona tellus  
Aeneadam fasces, Capitoliæq; alta tenentes  
Obsupuit populus Latialis, & incluta Roma  
(Externos quamuis dominos) æquauit Olympo,  
Insueta admirans aliena nomina terræ;  
Nonne erit hic etiam toto admirabilis orbe?  
Qui genere ex humili Riphæis natus in oris,  
Auersi fines mundi, rigidamq; relinquens  
Arcton, Cimerias, ubi Bosphorus asperat undas,  
Venerit ad magni septensflua flumina Nili?  
Atque ibi seruales habitus exutus, & ora,  
Consensuq; Ducum magno prælatus honore,  
Tū demū Ægyptiū & Pharias cōpescat habenas?  
Et Syriam quacunque rapax procurrat Orontes,  
Scepera tenens latè magna diuione gubernet?  
Scilicet hæc tam a virtuti, ingenuoq; labori*

*Conueniunt; namq; ille diu in sua damna ruentes  
Victor Erythræi depellit luctore Ponti  
Predones Arabum, simul & felicibus ausis  
Trans fluiū Euphratē, trans pictæ Persidis arua  
Cogit Ithyæo gaudentes vulnere Parthos.  
An memorem, quòd Coryciæ prope mania Tarsi  
Rettulit infesto ex Turca sublime trophæum,  
An subito oppressa Æthiopum seruilis bella?  
Sed nec adhuc tanto fame contentus honore,  
Muneribus placet Italiam penetrare, suaq;  
Laude frui; magno sic veçta per æquora sumpta  
Bellua, quam præsci coniuncta voce Camelo-  
Pardalim appellant, geminum cū vertice cornu  
Fulget, & insigni distinctum tegmine corpus;  
Felix ille quidem cunctis qui cognitus oris  
Non vitam ferro amisit, sed morte quieta,  
Et natus lacrymans posuit sua membra sepulcro.*

Matthias



## Matthias Corvinus Rex Pannoniæ.



ON inuictis modò armis, sed magnitudine animi, admirabilique virtutum omnium concursu Matthias Corvinus Pannoniæ Rex, cunctorum suæ ætatis Regum decus superauit. Patrem habuit Ioannem Hunniadem, secundis pariter ac aduersis, Ducem, omnium qui cum Turcis arma contulerint, longè clarissimum; vtpotè qui Turcarum fulmineus terror appellaretur, quorum magnam multitudinem in Belgradi fossis prostrauisset. Is natione Semidachus & Valachus, duos habuit filios, Ladislaum & Matthiam. Ladislaus, quòd Vladericum Ciliæ Comitem Regis propinquum, qui capitales inimicitias cum Hunniade patre semper exercuerat, apud Albam confodisset, à Ladislao Rege securi percussus est, Matthia custodiæ tradito, abductoque in Bohemiam, vt ibi de nobilissimi adolescentis supplicio, extra Hungarorum oculos consideratiùs atque liberiùs decerneret. Nam tametsi Matthias eius cædis condicius fuisse putabatur, quod tamè interfecti Ciliensis cruore manus minimè polluisset, nec duodeuigesimum attigisset annum, plerosque Procerum ad misericordiam commouebat, quum vnica proles Hunniadis interitura crederetur. Quid enim eius viri memoriæ ab Hungarica gente vel gratiùs, vel honestiùs persolui posset, quàm si eius sobolem à terribili nece seruarent; quum ab Hunniade se toties seruatos, Turcicisque trophæis nobilitatos esse faterentur? Eo modo fluctuante Rege, fata viam aperuerunt, qua captiuo & sæuam securem expectanti, non salus modò, verùm & Pannonici Regni corona pararetur; Ladislaus enim Rex, dum Pragæ nuptiis vacaret, veneno intra paucas horas sublatus est, Bohemiæque Regnum arripuit Georgius Po-



gibraccius, qui vigore animi, clientelis atque opibus, Procerum erat potentissimus. Cæterum morte Regis audita, Michael Zilagus Matthiæ auunculus, apud quem erant veterana copia, quæ sub Hunniade stipendia meruissent, cum matre Matthiæ Budam contendit. Quorum aduentu Hungari Proceres permoti, matris lachrymis, præsentisque exercitus studio & viribus adducti, commendante Hunniadis sobolem Michaële, extemplo vel vinctum adhuc catenis apud Pragam Matthiam Regem declararunt; missisque Legatis à Pogibraccio postularunt, ut sibi Matthiam redderet, quem publico consensu Pannoniæ Regem salutassent. Nec mora Pogibraccius consilium expedit, obtemperandumque Hungaris censer, quod putabat confirmando nouo regno nihil sibi fore opportunius, quam si Hungaros eo beneficio obstringeret, & Bohemis consociaret. Itaque non carenas modo detrahit Matthiæ, sed ei ad certissimum amicitia pignus filiam despondet, & tradit; ornatumque Regij cultus muneribus Budæ regnaturum dimittit. Fuere qui existimarēt à Pogibraccio regnum affectanti, venenum Ladislao præbitum fuisse, cuius vxor, quæ Caroli quarti Cæsaris, Bohemiæque Regis neptis erat, vterum gestaret. Ea parus expectatio ciuile bellum in Hungaria excitauit, graueque negotium attulit Matthiæ, quum de regni possessione cum Regina armis contendere cogèretur. Sed post editum infelicem partum, Regina contentioni finem fecit honestis conditionibus, legitimeque demum antiquo Regum diademate apud Albam coronatus est; sic ut regnaret supra annos triginta sex, occupatus semper nouo bello, quum perpetuis & inuictis armis vndique sibi amplissimam laudem & gloriam parandam existimaret. Non sustinere ardentis Ducis vim Poloni, qui arma Hungaris inferre ausi fuerant. Hæc eadem Germanorum robora perfregit, quum Austriæ Viennam Federico Cæsari adimeret. Valachorum exercitum ancipiti prælio profligauit, quo ipse sagitta vulneratus, sed planè victor discessit. Binis quoque præliis Turcarum, ab Illyrici limite irrupentium, audaciam ira contudit, atque repressit, ut Mahometes eorum Imperator, omnium propè gentium victor, successorque eius filius Baiazetes, æquissimis legibus pacem perierint. Gessit aduersus Sclitas ad Vratislaviam urbem acerbè bellum, tanta vtique felicitate, ut in toto Hungarici regni limite deuictarum ab se gentium summæ gloriæ trophæa spectarentur. Verum ob id maiore præconio dignus videtur, quod transmissis auxiliis Italiam Turcarum metu, qui Hidruntem in Salentinis occupant, liberasse existimari possit, postquam inuicti antè, pertinacissimeque resistentes Turcæ, vnum Blasum Magarem, è Matthiæ Præfectis pugnacissimum timendum esse, ipsa demum deditione post egregios multarum eruptionum conatus ostenderint. Eminebat in Matthia eruditum & graue perspicacis ingenij iudicium, quum rerum bellicarum omnis generis, & literarum intelligentia polleret. Neque enim Regem aut Ducem absolutæ virtutis & gloriæ famam adipisci posse prædicabat, nisi literarum præsidio munitus, omnis ætatis instituta militia, ipsaque antiquorum stratagemata ex historiis percilleret; quando ea documenta, quæ magno vlui militiae forent, ab ignaris literarum, nisi longissimo tempore experiundo percipi non possent, quæ alij ex veterum exemplis legendo facile consequerentur. Propterea peculiari propè studio in Regiam sibi viros ascieuerat, non optimorum modò studiorum, sed nobiliorum etiam artium laude insignes, quorum consuetudine legendo & disputando, mirum in modum oblectabatur. Quicquid enim orij è grauissimis occupationibus suffurari poterat, id eorum euoluendis annalibus impendebat; multusque visebatur in ea Bibliotheca, quam exquisitis libris nullo deterrente sumptu refertissimam esse curauerat. Forum verò Budæ præcellentium artificum tabernis exornarat, qui ex Italia præsertim certis inuitari præmiis, Budam confluebant. Regia enim Budæ veræ virtutis domicilium, perpetuique splendoris hospitale diuersorium cunctis gentibus patebat. Quandoquidem vincere hostes, & scribenda facere, & virtutem liberaliter exornare, Regiæ fortunæ proprium munus esse duceret. Inuexerat toti prouinciæ Italicas artes, cultum domesticum, Hunnicæ gentis mores, ad arma & latrocinia natæ, ita molliuerat, ut Regnum ex plumbeo aureum, deterfaque rubigine splendidum reddidisse Pannonij faterentur. Hac illustri fama Christianorum Regum florentissimus, quum vigeret, agitarerque animo ingens bellum aduersus Turcas, & lætissimè pransus esset, Bolanumq; Venetum Legatum honoris causâ equestri dignitate inter sacra solennia perornasset, repente apoplexia correptus expirauit, anno ætatis quinquagesimo sexto, à partu autem Virginis nonagesimo supra quadringentesimum atque millesimum, eo festo die, qui Palmarum celebritati dicatus est. Effigies eius armata equestris, luculentissime depicta Romæ in campo Floræ, contra Podium cubiculi mei in angulo Laurentianæ domus spectatur, ad quam aridet altera persimilis Andreae Mantiniæ manu picta, quæ in Musæo nostro conspicitur.

## ANTONII THEBALDEI.

*Coruini brevis hæc vrna est, quæ magna fatetur | Facta fuisse Deum; fata fuisse hominem.*

## PAULI IOVII Iunioris.

*Vos, o qui celeri gradu*

*Lucum Castalia rupis, & ardua*

*Parnassi iuga scandere*

*Certatis viridem per nemorum comam.*

*Quæ*



Quarivno resonans sacro  
 Leni tympha fugax perstrepat alueo,  
 Aurata cythara modos,  
 Insignemq; lyram ponite, ponite;  
 Si quis posse putat suo  
 Cantu, & grandiloqui carmine Pindari  
 Regem Pannonia decus  
 Coruinum meritis tollere honoribus.  
 Nam si Mæonij senis,

Seu quæ Virgilij Musa canit Deos,  
 Sese reddat ab inferis,  
 Nec curet Sicula regna Proserpina,  
 Haud unquam valeat satis  
 Summis, quam deceat, tollere versibus  
 Coruinum egregium Ducem,  
 Quem nec laurigeri posset Apollinis  
 Laus, nec Pierij chori  
 Princeps, dulce canens Calliope melos.

FINIS LIBRI TERTII

PAULI IOVII EPISCOPI  
 NVCERINI IN TERTIVM  
 LIBRVM ELOGIORVM  
 SVORVM

P R A E F A T I O

Ad COSMVM MEDICEM Florent. Ducem.



**PARTVS** hic liber, magnanime Cosme, recentiorum Heroum imagines continebit, quibus elogia idcirco superioribus adstrictiora, breuiora que sigillatim affigentur; quoniam eorum, quos ipsi virtutis suæ fama florentes vidimus, præclara nomina historijs nostris abundè celebrata sunt, & uti reor, ad posteros etiam transibunt. Ex instituto autem ordine, primus sese obtulit Carolus Rex Gallie, qui coalescentis, nec confirmatæ adhuc pacis tranquillitatem Italiae inuidit, liuore tamen nostro potius, quàm suo. Quippe qui euocatus accersitusq; ad euertendum passim publicarum rerum statum, eò gratior ingruerit, quò apud ignaros periculi, imperitosq; militiæ nequaquam metuendus esse putabatur. Sed eius externæ gentis vis repentina & impotens, vel serò nos docuit, dissensionum nostrarum intestinaeq; discordiæ protinus obliuisci, ut paratæ seruitutis incommoda vitaremus, quæ demum serendo bella ex bellis nobis parum maturè insanire desinentibus importata, si non cautiore, & fortiores fecit, uti propulsanda pericula flagitabant, patientiores certè reddidisse videtur ad perferendam inusitatæ conditionis ignominiam. Neque aliter nos ipsos vltro præcipientes datos consolari possumus, quàm quòd primos tantæ cladis authores æqua vltrox scelerum Furia meritis pœnas dare coegerit. Hic itaque Rex Gallus, qui vel nolens domum tuam suo impetu euerit, te præclaro exemplo admonet, ut irruptiones externarum gentium, quarum vis vehementissima intolerandaque esse consuevit, graui maturoq; consilio auertendas potius, quàm armorum fiducia sustinendas arbitrè. In hanc enim publicæ salutis curam & Cosmus & Laurentius maiores tui, summæ prudentiæ viri, semper excubarunt, ut quantum consilio præstari possit, externa arma longissimè arcerent. Neque enim aliter quàm his inundationibus obrui & conuelli potest hic tuus Principatus, haud dubiè fato datus, & mirifica demum tua virtute confirmatus; quandoquidem nulla omnino intestina frans extimescenda videatur, agenti Principem absolutæ pietatis atque iustitiæ auspicijs, qualem in rectè constituta Republica æquè boni maliq; ciues optatissimum esse confitentur.



116  
ELOGIORVM LIBER QVARTVS.

Carolus IIX. Galliaë Rex.



**R**is hoc gestu & armorum cultu Carolum Galliaë Regem, eius nominis octauum, Alexander Pontifex in mole Hadriani pingi iussit, quum Rex ipse Pictori se exprimendum accuratè præbuisset. Is Ludouico vndecimo patri succedens, deficientes ab se Britones armis subegit, capto in acie Ludouico Aureliano, atque in carcerem coniecto, quem certa iura Regij sanguinis ipsi successorem designabant. Ab hac victoria Rex iuuenis, quanquam nec ingenio stabili, nec satis firmis pusilli corporis viribus polleret, pacati tamen atq; opulenti Regni subnixus facultatibus, bellicosorumq; Procerū vocibus incitatus, aduersus Aragonios Reges terramariq; bellū suscepit, euocante eum atq; adiuvante Ludouico Sfortia, qui Aragonio nomini erat infensissimus. Ea namq; tempestate fatali malo Italiae nati, exitialibus inter se consiliis diffidebant Alfonso Rex Neapolitanus & Ludouicus Sfortia Mediolani Princeps, qui tū potentia atq; auctoritate nominis supra ceteros eminere credebantur. Ille apprimè ferox, bellicosus & insolens: hic verò ingenio subtili, astuto, maximeq; ambicioso, odia contraxerat, quæ minimè expiari possent, nisi diiudicante belli fortuna alteruter præceps daretur. Itaq; Carolus vehemētī impetu Italiam intrans,



intrans, & subito percurrens, quantum Galli armis ausuque valerent, cum ignominia Italicae disciplinae pluribus praeliis ostendit. Haec enim ferè tota, aut inscitia atque auaritia superiorum Ducum, aut longo ocio restincta perierat; sic ut nemo Ducum aut militum superesset, qui cruentam aciem se vidisse testaretur. Quo vitio accidit, ut facillè Gallus honestum pretendens titulum, Pisanos eiectionis Florentinis: hos verò eiectionis Mediceis, & Senenses pulso Pandulpho petruccio, vendicasse in libertatem videri vellent. Exinde Pontificem terrore inuecti in Urbem exercitus subactum ad foedus ineundum compulit, Gememque Baiazetis Turcarum imperatoris fratrem sibi tradere coegit, quo adiutore in Græciam se traiectionem confecto Aragonio bello praedicabat. Qua inusitata Galli hostis felicitate cuncta obuia sternentis, percussus Alfonsus, ideoque nihil pro pristina sua militari laude ausus, ita despondit animum, ut Ferdinando filio Regnum cederet; extemploque cum regia gaza in Siciliam profugeret; eo euentu, ut filius pari hostium impetu undique pulsus vrbe Neapoli atque arcibus, Regnoque demum toto, occysimè pelleretur. Obstupuere statim ad eius ingentis celerisque victorie cursum cuncti Principes; usque adeò consternatis metu animis, ut in vnum pro publica salute, dignitateque Italici nominis conspirarent, & arma contra Gallos undique cogerent. His rebus cognitis Carolus Campanis, Brutiis, Apulis, & Samnitibus valido copiarum praesidio confirmatis, regredi extemplo, & contra infestam viam ferro aperire constituit; atque ita profugiente Alexandro, Romam praeteruectus, Pisas repetiit; & per Apuanos Ligures superato Apennino, ad Tarrum amnem profectus, Venetas & Sfortianas copias, cum transitu prohibere conantes, cruento edito praelio ita prostravit, ut penitus intactus, & nusquam postea laceffit in Galliam rediret, nec Italici belli obliuisceretur: reuocata namque amicitia cum Ludouico Sfortia, restitutaque ei Nouaria, quam Aurelianus occuparat, Ferdinandum Regem paternum repertum regnum, longo exercuit bello: eo tamen demum exitu, ut Galli duces militesque ad vnum propè omnes variis casibus interirent, & ipse tertio anno postquam Neapolim ceperat, apud Ambosiam oppidum, ex ludo paruae sphaerae rediens, ignobili in cella, subito animae deliquio correptus expiraret. Vixit annos viginti septem, imperauit decem. Id verò tanto Regi insigni probro datum est, quòd intempestiuè amoribus deditus, eneruatusque molli ocio apud Allobrogum diffluentia longo luxu oppida, Aureliano Nouariae obsesto opem ferre noluerit, repudiatamque coniugio Margaritam, Maximiliani Caesaris filiam, ab se expetitam, desponsatamque ad patrem remiserit, ut Anna Britanniae citerioris Reguli filia haeresque maiore commodo duceretur: quòd Reges nullis pudoris potius, quam commodi priuati legibus obediant.

## LANDRIANVS Mediolanensis.

*Impiger aërias Carolus dum transiit Alpes,  
Parthenopen stricto dum petit ense feror:  
Horruit illum omnis bello clarissima tellus*

*Itala, & inuicti frena superba tulit.  
Victorem sed ne hunc aeterna secla viderens  
Nostra Ducē, ante annos inuida mors rapuit.*

## Vitellij Fratres.

**I**N vna latiore in tabula Vitellij quatuor germani fratres cum sene patre conspiciuntur, quos admirabili mediae aetatis vigore, atque illustri bellicae laudis fama florentes, inuida virtute ante diem immitis Parca surripuit. Hos Nicolaus Pater post longam contentionem eiectionis Iustino aemulo, atque eo demum interfecto, in patria Tipherno non obscurae potentiae principatum adeptus, in disciplinam Virginio Vrsino tradidit, qui tum Romanorum Procerum splendore domus, & multis militiae partis honoribus erat clarissimus. Qui liberorum animosa prole, atque ea enixè ad summum militiae decus contendente, planè beatus senex pater videri potuit, quum excedens vita, familiam certissimo militarium iuuenum praesidio confirmasse crederetur, nisi occultior aliqua vis fati adultae iam virtuti indignam atque inexpectatam perniciem attulisset. Praecipiti namque impetu fortuna, in Vitellij nominis sobolem incurrens, ex breui interuallo singulos perculit, atque prostravit: miserabilem herclè in modum, quando partim foeda, partim ignobili morte conciderint.

## Ioannes Vitellius.

**I**OANNES siquidem natus maximus, quum ad Auximum Piceni urbem in oppugnatione versaretur, immani tormento discerptus interiit.



## Camillus Vitellius.



AMILLVS huic proximus, in Apulia Circellum oppidum appositâ scalâ conscendere & capere contendens, molari propè lapide supernè deiecto, nequicquam protegente galea oppressus est. Is tum Gallis, Virginioque Duci operam nauabat, & multis bello fortibus factis, pugnacissimi Ducis laudem, eo præsertim die fuerat consequutus, quo non procul à Luceria Germanorû integram phalangem Aragoniis militante, inductis & sæpe circumductis in orbem sagittariis equitibus deleuerat. Primus in Italia sclopettariorû equitû turmam instituit, quod equitum genus postea intermissum est, quum nimia atque inhabili sclopettorum longitudine præpedirentur; sic vt hodie non miremur breuiore & leuiore, aptiore industria à Germanis institutos, qui nostris nuper hastatis equitibus maximo terrori in Germania fuerint.

MICHAELIS SYLVII Lusitani Cardinalis  
de Camillo Vitellio.

*Victorem Pyrrhum post magna atq; incluta facta,  
Fæmineâ fama est, occubuisse manu.  
Es te surripuit post incluta facta Vitelli,*

*Fæmineâ dextrâ missus ab arce lapis.  
Heu fatum occultum, multis distantia seclis  
Clara duorum facta exitus unus habet.*

Vitellius



Vitellius Vitellius.



**M**ORIENS Camillus, Vitellium filium reliquit, quem Venetis & quatuor Pontificibus (vti erat bellicæ rationis & multi consilij apprimè gnarus) impigram fidelemque operam nauasse vidimus.

Paulus Vitellius.



**P**ÆTERVM in Paulo & Vitello aetate minoribus, vis ardens impauidi animi, & in arduis bellis mirè efficax ita enituit, vt vtrique ad militaris imperij nomen non temerè aspirare milites crederent. Paulus ingenio excelsior, & iudicii grauitate præstantior, expediendis consiliis atque armis promptissimus habebatur; sed aliquantò fortasse seuerior & sæuior, quòd dormitantes vigiles impunè interfici, & sclopettariis hostium captis erui oculos, & præcidi manus iuberet; quòd indignum esse videretur, strenuum sæpe nobilemque equitum ab infimi ordinis despiciatò pedire inulto vulnere prosterni. Nondum enim inuesto exterarum gentium cruëto more, Itali milites sanguinarii & multæ cædis auidi esse didicerant. Paulus hac virtute disciplinaque prouectus, quum Venetas copias in Apennino profligasset, Pisanosque egregiè suam tuentes libertatem, aliquot oppidis expugnatis contreruisset, eorum mœnibus



tormenta admouenda esse censuit. Sed eius conatus, quanquam vehementissimè cœptus, eum habuit exitum, ut malignè obtrestante collega Ranuccio Martiano disparis dignitatis atque virtutis duce, perfidiosa potius quàm necessaria cessatione à semicapro Stampacis propugnaculo retraxisse tormenta crederetur; quasi eius vrbs subactæ lætitiâ Florentinis inuideret; inanissima quidem suspitione, quum inde à probo auidoque veri decoris Duce perampla triumphus laus peteretur. Itaque à præpotente factione ciuium, urgenteque Ranuccio, perfidiæ accusatus, vir insons captus, præcipitiq̃ iudicio in curia securi percussus est; quanquam vel inusitati generis tormenta adhibita, in acerbissima quæstione nihil quod integritatis famam læderet, elicere potuissent. Eo enim supremo malignitatis decreto concidit, quod viri suspicaces, & Reipublicæ causa maximè sæui factionisque, immeritò tortum nequaquam ex tuto dimitti posse iudicarent. Sed eius immanis iniuriæ ultor postea extitit Alexander filius, quem hodie patris æquantem laudes, & Hungarico & Germanico bello clarum Italia inter paucos Duces adnumerat.

ANTONII FRANCISCI  
RAINERII.

*Vrbis ut ingrata scelus, & victricia Pauli  
Audijs immixta colla resecta manu*

*Scipiadam maior; Tua quid benefacta Vitelli  
Quid valere mea? ah dixit, & ingemuit.*

Vitellocius Vitellius.







**A**T Vitellocium immanior vis atque sæuitia Cæsaris Borgiæ sustulit, quum is cruentissimo homini, perfidioso astu ex recenti defectione in gratiam receptus apud Senogalliam se credidisset. Ibi enim simulatione colloquij militaris perductus in domum cum Paulo Vrsino socero, Franciscoq; Vrsino Grauinæ Regulo, & Liberotto Firmano, ad eandem necē destinatis, strangulatus interiit; meritis certò iure pœnas pendens, quòd se à sanguinario, nefarioque tyranno syncerè in fidem receptum imprudentissimè putàrit; quanquam ea reditus leuitas exitio cunctis futura, ab ingenio Pauli soceri largitione promissisq; corrupti, Vitellocio improbante emanasse credatur. Vitellocius primus in Italia Germanicæ disciplinæ phalangem peditum ex Tiphernatibus suis instituit, quibus & hastas, & secures, ferreaque pectoralia, & galeas, externorum imitatione tradiderat; ordinauitque vt densata acie procurrere, consistere, regredi que, & decurrere in cochleam, nihil perturbatis ordinibus condiscerent; cuius phalangis inuictò robore fretus, paulò antè Vgonem Moncatam Borgiæ Cæsaris ducem in Vmbria profligàrat; & capto ad Bassianum Guidone Feltrio Vrbinate principem, Pontificias copias insigni edita pugna deleuerat.

## PAULI IOVII Iunioris.

*Eheu qd faciāt, cuiq; homines curæ habeāt fidē?  
Ten sic negligis? atq; ipse tui nil memor, impij  
Te imprudens potuisti manibus credere Borgiæ,  
Infaustis manibus, sacrilegis, atq; nefariis?  
Quid si non tibi notissimus usq; & satis, & sup  
Cunctis ille fuisset ravidus, Barbarus, impotens,  
Humani generis perniciēs, atq; hominum lues.*

*At nō te latuit, quid fugiens Cæsaris impetum  
Olim dixerit è carminibus Mæonij senis  
Pompeius, Pharij quum peteret littora perfida  
Regis naue cita. Non equidem vita ferocibus  
Comittenda tyrānis, iter haud tutū ad eos satis  
Dixit; sed mala sors omne animi consiliū rapit.*

## ANTONII FRANCISCI RAINERII.

*Non me diua potens atque volubilis  
Motu que rotat hæc omnia præpeti  
Depressum Ionio merfit improbo,  
Nec Mars belligero dum feror agmine  
Hinnitu alipedum cum litui sono  
Latantem, rapido sustulit impetu,  
Nec me æuo & spoliis tot grauidum nouis*

*Heres, nobilium patria principum  
Linguentem gelido marmora funere  
Victorem, tumulo condidit aureo.  
Sed me perfidior Borgius equore  
Martis fulmineo sæuior agmine,  
Parcarum Lachesi surdior vltima,  
Et fatum, atque fides credula, perdidit.*

## EIVSDEM.

*Non mare me, nō Mars, seu aut mors pdidit; at me | Perdidit, omnibus his Borgius asperior.*

## Petrus Medices.

**P**ETRUS Medices, quem Laurentius pater autoritate atque opibus florentem in Republica principem reliquerat, hac militari specie thoracatus & prolixè comatus pingi voluit. Nam tum viros radi solitos non decebat barba, contrarioq; more nostro, capita prælongi crines adornabant. Multo enim iuuentæ feruore alacer, robustos, gestandisq; armis habiles artus equestribus spectaculis ad bellicam imaginem ostentare, aduersis sæpe hastis in ludo concurrere, variaq; pugnæ simulacra edere erat solitus: quòd ita ad popularem gratiā expediret, sicuti patrem & patrum cum præclara laude fecisse meminerat. Verum hæc studia quanquam digna essent eo iuvene, quem palmæ decus accenderet, eum tamen aliquantò longiùs quàm oporteret, à ciuilibus officiis abstrahebant, à quibus secus ac pater iusserat, ita abhorreere videbatur, vt sæpe venationi falconumque aucupijs, ac amatorijs vanitatibus occupatus, actiones Magistratum inspicere negligeret; alloquia ciuium fastidiret, & contemptu quodam rarò intraret curiam. Quibus moribus fiebat, vt paternæ modestiæ, & Etruscæ frugalitatis obliuisceretur, obiterque superbiæ & luxui, atque item libidinibus quibus offendi ciuile decus posset, propalam se dederet, quum honestas quasdam familias assiduo atque licentiore matronarum cultu profectas effici nonnulli suspicarentur. Sed hæc grauior cæteris labes, quæ proterui atque intemperantis famam premebat, cito deferbuit ex nuptiis lectissimæ vxoris Alfonsoinæ, quam ex Vrsina gente duxerat; conciliante id coniugium Clarice matre vt ex eadem orta familia. Erat Petrus ingenio patri dissimilis, vti sæpe feroci, & tum maximè quum forte meracius biberet, acriter ad iracundiam parato; sed quòd amœnitate Musarū & Musicis concentibus cito molliretur,





& quò luberet, facile flecteretur. Nam à Policiano præceptore institutum erat domi certamen Etruscòrum Poëtarum, quo nò obscura laus, summa iocunditate quærebatur; quando alternis dicerent, & ad pares numeros responderent, qui extrèporaneæ facultatis plausum à cir cùm ssa audientium corona petebant. Latinarum namq; & Græcarum literarum studia, ea tempestate Florentiæ vigebant, ita vt arguti iuuenes Erruscos richmos peramœnis floribus adornarent. Hos mores opima pax ferebat, atque his pacata ciuitas honestissimè lætabatur; sed vbi à Gallia terribile classicum concrepuit, non temerè conceptus pavor totum inexperti iuuenis animum occupauit: sic vt facile in consilio longe omnium grauissimo fœdè fatisceret, & ciues antiquæ memores libertatis, ad pristinum odium, & in spem excutiendæ seruitutis erigerentur. Erant tunc Florentini Aragoniis regibus fœdere còiuncti, & cum Alexandro Pontifice sentiebant. Inguentibus autem Gallis, socius aderat Ludouicus Sfortia, diu antea per legatos Petrum ab Aragoniis diuellere conatus. Sed Petrus ita comprobante Ciuitate, censuit ius fœderis nò esse violandum. Quo decreto Sfortiam vehementer offendit, quoniam astuta eius consilia ab ancipiti, maleq; fido ingenio, sibi delecta ad Gallos derulisser. Amicè enim Sfortiæ legatus in colloquio dixerat, non idèò euocari Galliæ regem, vt Italiam externis gentibus subigendam & proculcandam daret; verùm vt superbi & comminantis sibi Alfonsi ferocia, infensissimi regis metu frenaret. Itaq; Petrus repentina per Lunensem agrum Gallorum irruptione perterritus, seræ poenitiæ consilium sumpsit; ob id quòd Ferdinandus Alfonsi regis filius, in Æmilia alterâ Gallorum & Sfortianorum manum minimè sustineret, & classis Aragonia Liguriam improspere tentasset, Florentiâ profectus, ad Sergianũ descendentem Carolo obuiam iuit, vt honesta conditione proposita pacem impetraret. Sequebantur eo tempore regem planè victorẽ Laurentius & Ioannes Medicei, Petrus.



Petro infensissimi hostes, quod ab eo ex leuissimis offensionibus in exilium acti fuissent. Horum desperatione proceres Gallos ab se alienatos Petrus reperiēbat; neq; aliter ab rege in amicitiam recipi poterat, quā si arces custodiendas regiis praefectis traderet, quae erant quatuor, Pisana, Labronensis, Sergiana, & infra lucum Feroniae Petrasanctensis. His obsignatis impetrati foederis tabulis, Florentini ciues qui in ea legatione ad regem, Petro collegae aderant, usque adeo animis exacerbati sunt, ut à Petro Rempublicam priuati commodi causa prodi distiteret, & in eum concordibus consiliis conspirarent. Nec multum inde Petrus confecto eo negotio, quū ad exorandas aedes, quibus regem exciperet, Florentinam rediisset, & ad Decuriones ascendere veller, à Iacobo Nerlio Curiae ianua est prohibitus. Qua insolentis facti acerbitate perculsum, redeuntemq; domum, populus sublato clamore, & coniectis lapidibus usque adeo contumeliose insectus est, ut vix mentis compos euadendi fugiendique tumultus consilium expediret, & sancti Galli porta, principatu, patria atque penatibus vnius horae momento excidens, sese eiceret, Bononiamq; perfugeret, tanta trepidatione, ut vix Iohanni Cardinali fratri, qui cucullati habitum desumpserat, ut sese occultaret, elabendi spatium daretur. Errauit in exilio integros decem annos, sapius contumacis fortunae suae fallacissimos nutus expertus: vnde ei reliquae opes absumptae, & multum aēs alienū contractum est, oppigneratis scilicet Alfonso uxoris dotalibus bonis. Nam ab initio Virginius Vrsinus, quum accepta in stipendium pecuniā eum reducturus, ad Rapolanā aquas usq; peruenisset, commutato repente consilio, in Apuliam se conuertens, spes eius infregerat: biennioq; post Liuiani audacis beniuolūq; ducis consilium secutus, ad Romanam portam ita copias signaq; promouerat, ut obseratis repente valuis exclusus, irritō conatu regredi cogeretur, eo quidem grauiore detrimento, quod propinqui aliquot ciues, Medicei q; nominis studiosi, tanquam hostilis eius accessus conscij, capite plecteretur. Promissis demum Borgiae Caesaris ad repetendam patriam perductus, quum ille exercitum ipsis propē Florentiae mœnibus admoisset, non modo concepam spem, voraq; eius sefellit, sed existimationem exulis & salutem in summum periculum coniecit. Quod Borgia malē fidus, rebus clandestinē compositis, inter condiciones, Petrum tanquam hostem iudicatum Florentinis expetentibus traditurus esse diceretur. Nec multo post Vitelloccio etiā adhæsit, ex nece fratris Florentinis inimicissimo, quum is occupato Aretio bellum intulisset. Sed eum terrorem valida Gallorum auxilia ab rege Florentinis sociis missa ita sustulerunt, ut Petrus eandem aduersi conatus sui sortem tulerit, usq; ad Gallicum bellum, quod Magni Consalui virtute ad Formias parua victoria confectum est. Erat tum in partibus Gallorum Petrus, qui prostratis foedeq; deleris partium copiis, ut se ad Caietam periculo eriperet, quum onerariū lintrem conscendisset, & secundo Lyri amne deueheretur, in ostio fluminis summersus interiit: nauigiū tormentis cumulatē onustum, facile absorbente irato mari, quum imperu tumentis amnis allidentes, decumani fluctus contrario percussu pulsarentur. Hoc ignobile mortis genus ei meritō accidisse pleriq; existimauerunt, quod in morte Laurentij patris, Leonium illustrem medicum, indignum prorsus ea immanitate, ut de infelici curatione penam exigeret, in puteum praecipitasse crederetur. Reliquit auspicioris fortunae heredem Laurentium filium, quem à Leone Pontifice patruo, eiectus Feltriis, Urbini principem constitutum, sed non diu eo munere lætatum vidimus: ex quo genita est hæc Catherina, quam hodie eruditis moribus excultam, & lætæ prolis fecunditate perbeatam, in thoro Henrici optimi regis Galliae conspicimus.

## ANDREAE ANGLII.

*Quisquis es armatā effigiem longæmque ferocis  
Medici iuuentis suspice casarem;  
Huius enim Lyris tantum se funere tollit  
Gallorum, quantum clade fluit tumidas.  
Et magni virtute patris Laurentis, Etruscum*

*Arnus pacatas in mare voluit aquas.  
Huc gemini decorat fratres, quævis Tybris amænis  
Pontificum titulos, sacraque sceptrā dedit:  
Summisitque Vmber nato fera colla Metaurus,  
Nunc neptim Rhodanus, Mosa, Ligerq; colunt.*

## Christophorus Columbus.

**Q**Uis non miretur hac honestissima fronte hominem, qui inusitata animi magnitudine portentosoq; immensi ingenij vigore valuērit, aspero ignobiliq; Arbizolo Liguriæ vicō iuxta Sauonam nasci potuisse? Hic enim ille est Christophorus Columbus, stupendi alterius & nullis antē seculis cogniti terrarum orbis repertor: quem profecto benigna salutarium syderum conspiratione natum fuisse existimare fas est, ut incomparabilis Liguribus honos, eximium Italię decus, & præfulgidum iubar seculo nostro nasceretur, quod priscorū Heroum, Heritarum monumētis cœlo consecrārit. Columbus à prima adulescentia diuersis nauigationibus





patrio more deditus, cuncta emporia, insulas, littoraque mediterranei maris peragravit: & vni  
 erat Geographiæ apprimè studiosus, curiosi ingehij neruos omnes contulit ad contemplatio-  
 nem earum naturæ rerum & regionum, quæ terræ globo continentur, aded pertinaci spiritu la-  
 boreque, vt ex astronomia tropicorum, aquarumque & climatum mensuras, totiusque item  
 navigatoriæ membranæ, & Magnetis vsum exactissimè perciperet, inflammatusque studio at-  
 que admirabili cupiditate explorandi Oceani raperetur, vt positos columnis Herculeis terra-  
 rum limites irideret. Nec inanibus coniecturis alias omnino terras ad occidentem Solem ex-  
 iendi prædicaret, quarum Plato ipse, & Seneca, & pleriq; alij Græcorum & Latinorum nonnulla  
 expendenda Cosmographis argumentare reliquissent. Ea quoque spe Columbus magis ac magis  
 implebatur, quod paulò antè patrum nostrorum memoriâ, à viro Gallo, cui nomen fuit Berhan-  
 cor, Insulas Fortunatas, & à Lusitanis Hesperides, vltra Viride promontorium repertas esse didi-  
 cerat: superatumq; demum esset Henrici Lusitani regis classe, extremum Æthiopie promonto-  
 rium, quod Bonæ spei nomen tulit, vltra Capricorni circulum Antarcticæ polo subiectum. Inui-  
 debat profecto hanc gloriam externis gentibus homo Ligur, elato perinaciq; ingenio, inique  
 ferens Ligures, qui inuenerata naualis disciplinæ autoritate, & laude cunctas nationes antei-  
 rent, præoccupato ab aliis ausu, occasione ingentis parandi nominis spoliari. Hæc eius vota a-  
 liquandiu delata ad reges, & semper reiecta, ad extremum Hispaniæ rex Ferdinandus sic imple-  
 uit, vt adductus perseverantia peritissimi hominis, quinque naues ab se impetrari pateretur. Quan-  
 quam id concedendæ expeditionis munus, plerique non periculosum modò, sed planè infa-  
 num & impium esse prædicarent, vastissimis Oceani fluctibus naues & Hispanos homines com-  
 mitti ad libidinem vani Liguris & decoctoris, qui vitæ suæ iacturam parui duceret, si in eadem  
 pericula



pericula multi ipso peritiores nautæ, fortioresq; homines perducerentur. Itaq; Columbus cum paulò minus ducentis hominibus Hispanici generis è Gadibus soluens, inter occidentem atq; meridiem cursum tenuit, aquatufq; apud Fortunatas Octobri mense, in dextrum vela flexit, & sulcato per multos dies Oceano, nulquam apparentibus terris, conspiratione nautarum penè oppressus est: cum peregrini vnius amentię vniuersam omnium salutem, desperato nauigationis exitu minime credendum arbitrantur: quando infinitus pateret Oceanus, nec suffectura essent alimenta, si serò pœnitentibus redeundum in Hispaniam esse decernerent. Sed eos vel atrocissime consternatos sacramenti militaris sæuere admonuit, quo regi fidem dedissent, se nusquam ab auctoritate imperioq; ipsius esse discessuros: multisq; rationibus ostendit, certam eos proditiōis pœnam in Hispania subituros, si temerè summi commodi, summæq; gloriæ cœpta, & feliciter ad finem penè perducta, timiditate inani, aut importuno incertæ mortis horrore perturbarent. Vix dum sociis naualibus pacatis, & ad officium redeuntibus, Columbus volantes aues conspexit, prædixitq; non longè abesse terras, è quibus illæ euolassent. Nec eum fefellit opinio: breui enim peruentum est ad Insulas ferè innumerabiles, maximamq; earum adeuntes, valde nemorosam, & lusciniis, & psittacis refertissimam, sed humano carentem vestigio, Guadalupeam vocarunt. Inde perpetuis prouectus Euris, atque his vno tenore perflantibus, secundissimo cursu, quod nusquam fluctus inter se refringantur, ad insulam ingentem, nomine Hispaniolam peruenit. Ea distat à Gadibus rudi supputatione, miliarium Italicorum circiter quinq; milibus, Cancrîq; Tropico supposita, in longitudinem tora proscinditur: refertq; castaneæ folij formam, magnitudinemq; Britanniam excedere perhibetur. Eius insulæ gentes Columbus blandis nutibus atq; munulicis ad se facillè pertraxit, didicitq; ex mulierum inauribus, & quibusdam armillis, auri copiam in ea reperiri, quum omnium rerum segetisq; præsertim sint inopes, captuq; ingenij adeo simplices, vt literarum prorsus mediocriumque artium sint ignari, vtpote qui nocturnos lemures adorent; quos nunquam viderint, sed inertare domiciliis eorum noctu persuasum habeant, qui arbitri vitæ simul & fortunæ cuncta bona pariter & mala mortalibus dispensare soliti sint. Horum lignea simulacra, incisorio pyrite lapide vsu ruditer effingunt, religioseque venerantur, Zeminos appellantes vtriusque humanæ sortis largitores. Hos populos tormentorum portento, aspectuque velificantium nauium territos & stupefactos, facillè ad venerationem Christianæ crucis induxit, fœdereq; isto cum aliquot præpotentibus insulæ regulis, cognouit manare aureas harenas ex amnibus, qui ex præaltis montium iugis in Oceanum deferantur. Itaque contentus hoc bene auspicato nauigationis initio, relinquere apud regulos ex suis Hispanos homines, toridemque ab his indigenas mutuae fidei obsides accipere, reuertique in Hispaniam ad regem constituit. A quo demum perfuso tantæ felicitatis gaudio, quadruplo maiorem classem impetrauit, vt reliqua scrutarentur, aggregantibus se ei certatim Hispanis, tanquam ad certam prædam ex aurea gleba ire properantibus. Hac secunda nauigatione Columbus, Amiranthis regijque præfecti nomen promeritus, eas quas innumerabiles diximus insulas, partim desertas, partim ab immani & truculenta Canibalum gente incolis, Piraticisque eorum latrociniiis cuncta infesta esse didicit. Ij mortalium cruentissimi atque efferatissimi humanis vescuntur carnibus: nullum numen adorant; nullum æquiritatis ac humanitatis ius colunt; constuprant fœdè mares, & venenatis instructi sagittis, remigantes in alueis vniligneis longissimè prædantur. Cæterum Columbus recto cursu ab Hispaniola ad occidentem pertendens, insulam Hispaniola duplo maiorem apprehendit: quam propter longitudinem, ab initio continentem esse crediderat; sed angustibus eius enormi flexu superatis integrè circuiuit, & Cubam appellauit: pari auri copia & simplicitate incolentium Hispaniolæ persimilem; atque inde demum in aduersam ingentium terrarum & regionum continentem ad Austrum sitam, Boreæ flatibus appulsus tenuit. Hunc terrarum incogniti antea orbis tractum æqua fronte Septentriones spectantem, & introrsus sub æquatore situm, alij Sanctæ crucis terram, alij Pariam, alij Darienem vario in loco vocauere. Columbus ostium immensi fluminis subiit, quod ideo os Draconis appellatum est, quoniam tortuosis vorticibus nauigia absorbere posse crederetur. Eius terræ gentes Antropophagos esse, nec ullis donis mansuescieri posse compertum est; vestiri eos versicoloribus psittacorum pennis; arcibus & ligneis clauis præliari: nostrorum acies periculo facto reformidare, atque refugere in nemorosas latebras consuesse, constabat. Tot aditis exploratisque gentibus Columbus, factus mortalium celeberrimus; non vno in loco constitutis legendi auri officinis, multisque castellis ad præsidium ædificatis, atrocis inuidiæ ictus effugere non potuit: Accusatus enim ab Hispanis inuicem crudelitatis & auaritiæ, causam pro se dicere coactus est, felici quidem euentu, confutata æmuloꝝ malignitate, quum ab Rege gratissimo atq; iustissimo præfecturam Hispaniolæ fratri impetrarit; ipseque non multo post auctus opibus, & sua fama felix, quum tranquillè setiesceret, in Hispania obiit, relinquens auri fera regna, audentium Hispanorum virture proferenda, vti mox euenit ad summam Hispaniæ felicitatem. Sic vt Columbus dignus omnino videri possit, qui à Liguribus præsentia potius quàm vetera hodie mirantibus, luculentissima statua Genuæ decoretur.



Tu maris & terra trās cognita claustra Colūbe,  
 Vectus naue cita penetrasti  
 Ignotos populos, atq; abdita maxima regna  
 Antipodumq; orbem extremorum.  
 Hic alia ventorum anime tua linthea leni  
 Implerunt Aquilone, nec alto  
 Fulserunt Helices clarissima lumina calo,  
 Nec veriti mare tristic Orion,  
 Hic legem accipiunt mitem Zephyriq; Noti;  
 Ae quora nec tolluntur in altum.  
 Tu gentem incultam quarū vel pomifera arbos  
 Nomen erat, vel purpureus flos,

Vel fons irriguus liquidis manantibus undis.  
 Formas vera religione.  
 Tu vitam humanā instituis, tu mania & vrbes  
 Stare doces opulentis,  
 Et parere grauidam non vno è semine terram,  
 Et connubia iungere certa.  
 Vnde etiam extremi letis cum vocibus Indi  
 Te memorant, patremq; salutant.  
 Salue non Ligurū modo, sed decus orbis, honorq;  
 Nostri seculi magne Columbe,  
 Cui meritò Iouius Heroas dedicat inter  
 Nominis aeterni monumentum.

### Ascanius Sfortia Cardinalis.







SCANIVS Sfortia, senatoriæ dignitatis supremum decus, quanto nunquam antea vel postea sit visum, ornatissimo familiæ delectu cultuque, officiosissimi nominis autoritate, & rerum omnium apparatu opulentissimo, ita expressit & implevit, ut multorum iudicio sacrati viri existimationem atque amplitudinem supergressus esse censeretur. Nam post eius mortem obsolescente sensim Pontificiæ aulæ maiestate, conspirationeque inusitata quarundam gentium eneruatis Romanis viribus, usque adeo iactata despectaque est religio, qua sacræ opes nitebantur, ut neminem postea vel maximum Cardinalem ei æquari posse fateamur. Nam si vnus diuitiis, vnusque tantum fortunæ muneribus potius, quam animi virtute & dignitate morum illustrium sacratos viros omnino æstimandos & suspiciendos existimemus, nemo ferè Ascanio veniet comparandus. Lectus fuerat in senatum à Xysto Pontifice commendatione Ludouici fratris, qui Catharinam Galeacii germani fratris filiam Hieronymo Riario Pontificis propinquo nuptui dederat. Inde Ascanius opimis sacerdotiorum redditibus, ipsoque patrimonij censu ditissimus euadens, cum in Vrbe tenorem vitæ instituit, ut domo maximè hospitali, egenisque perbenigna, & erga omnes insigni præditos virtute apprimè liberali, summa beneficentiæ fama potiretur, essetque aliquanto principi propior, quam sacro sacerdoti, quod ante omnia venatoriæ voluptatis & nobilioris aucupij exercitationes regio sumptu studioque perpetuo tueretur. Hoc tanto nomine prouectus, diu facilè principem inter senatores se gessit. Sed autoritate atque opibus, & noua denique gratia auctior euasit, quum ab excessu Innocentij octauæ Pontificis comitia rexisset. Circumductis namque suffragiis, ad Borgiam torum se conuertit, emptusque proculdubio profusissima largitione, ut ille omnium deterrimus pro optimo Pontifex renunciaretur, adhortator & author præclarus exitit: quum nonnulli eius ordinis candidati, Borgia potiores repulsam tulissent, qui Hispanum occultæ malignitatis summaque simulationis hominem exitio cunctis futurum, stultissimè Pontificem creatum nequaquam falsi vares denunciabant. Cæterum Ascanius, qui domum Borgianam peramplaque munera ex ea suffragatione fuerat consecutus, aliquot post annos exitialis amentię suæ poenas dedit. Nam Alexander, ut filium Cæsarem Borgiam ad summas opes proueheret, cum Galliæ rege Ludouico in perniciem Sfortianæ & Aragoniæ domus conspirauit, tanta immoderati animi acerbitate, ut cunctos Italici sanguinis regulos expellendos auitis imperiis, & scelestam manu perneccandos susciperet. Itaque Ascanius cum fratre Ludouico Gallicis impar armis, eo euentu in Germaniam profugit, ut cum mox Heluetiis fretus armis Mediolanum repetisset, Ludouico fratre ad Nouariam ab hisdem Heluetiis scdè prodiro, ipse coniectus in fugam prodente eum pari perfidia Conrado Lando Placentino, ad Ripaltam Castellum supra Trebiam, Venetis equitibus traderetur. Exinde perducto iam in Galliam fratre, quum aliquandiu Venetiis præalto in carcere custoditus esset, repente eum Ludouico rege in Galliam pertrahitur: sed triennio post, quod mortuus esset Alexander Pontifex, Romam à Georgio Ambosio Cardinale perductus est: quoniam maximè idoneus putaretur in toto comitorum negotio conciliandis suffragiis. Nam Georgius non obscuro ambitu ad Pontificatum aspirabat: sed fata Pio tertio Pontificatum detulerunt, simul & celeriter eripuerunt: paucissimis namque diebus excessit è vita, instauratisque comitiis, Iulius secundus Pontifex ei successus est. Sic Ascanium, Ambosio frustra contendente in Galliam abduci vetuit, quod indignum esset sacerdotem nihil tale meritum, paternique imperij fortuna expoliatum in carcere custodiri. Per hunc modum Iulij beneficio liber factus, & pristina restitutus dignitati, quum ad reperendum Mediolanense imperium, ingenti solerti que ingenio consilia contulisset, conscioque Confalano magno, & Liuiano adiutore Gallis bellum moliretur, veneno sublatu triduo interiit, eò minus infelix, quod diri Pontificis terribilissimam necem epoto temerè veneno, quod conuiuiis erat destinatum, vidisset. Eum aduersus tot fortunæ contumelias infracti animi laudem meritum, Iulius marmoreo sepulchro honestauit, quod ad Flumentanam portam in templo Deiparæ virginis conspicitur.

## PAULI AMANII Cremensis.

*Hæc est quam miram depictam conspicis arte  
Augusta Ascanij effigies, magni illius inquam  
Sfortiade, cui non vultu fortuna minaci  
Vnquam animi effregit vires: est Gallia testis,  
Hadriaciq; maris domini, qua mente superbū  
Quam forti tulit imperiū, captiuus & hostem,  
Quam se prudenti sena à ditione redemit*

*Consilio, ac tandem Italiam vacuasq; reuisti  
Summi Pontificis sedes, & Tibridis oram,  
Ipse ubi erat sacri decus & pars magna senat?  
Quod si non atris peperissent pocula succis  
Dirum illi exitiū extremos tetigisset honores:  
At illum huc virtus, illuc sua fata trahabant.*



# Ludouicus Sfortia Mediolanensium Princeps.



**L**UDOVICVM Sfortiam Mediolanensium principem, cui Moro cognomen fuit, nequaquā à fuscidine oris, quod esset æquo pallidior ira vocatum ferunt, verū ab argumento, quod pro insigni gestabat Mori arboris: quæ idcirco sapientissima arborum censeatur, quoniam tardē & non prius germinat & floreat, quā hyemis iniuriam effugerit, statimque tuto partu ocysimē fructet, quasi hoc ingenio suo esse insitum indicare veller, in omni actione nunquam propere, sed grauit̃ consilia inire, atq; ea sicuti oporteret, maturē & celeriter explicare. Verū id postea gestamen comprobante euentu longē vanissimū extitisse videmus: quandoquidem à tanta opinione prudentiæ, nihil demum sibi sapere sit visus, quū exutus principatu, miserrimus omnium mortalium clathrato in carcere perierit. Erat eo ingenij instinctu Ludouicus, vt omnem ingeniæ prudentiæ vim, subtili astu, & multo simulationis artificio mu- niendam arbitraretur: propriæque item vota contegere, dissimulanter mentiri, fallere ex com- modo, atque traducere simplices homines, ex disciplina officioque non insulsi principis esse putaret: quoniam ad aperti & liberē sentientis persona, inexpectatis sæpe iniuriis nimis expo- sita crederetur. Cæterū in eo vigeat facundia illustris, nonnullis liberalis doctrinæ præce- ptis temperata, & grauis, quam oris & corporis habitus apprimē generosus & excellens magni- perē commendarent: quibus dotibus coniuncta erat congressus & alloquiū nunquam fucata fa- cilitas, vt perhumaniter responsa daret plena prauitatis & æquitatis: in neminē iratus aut asper- vtpote



vrpore qui sub amara & ingrata his qui peterent, quodam sobriæ iocunditatis lepore mitigare  
 consueverat. His moribus per multos annos aut fratris filij tutor, aut eo demum sublato prin-  
 ceptis appellatus, imperium cum insigni gloria dignitateque Sfortiani nominis rexit, consilio  
 potius semper usus, quam expeditis armis, quod ex incommoda valetudine vir natura nec bel-  
 licosus, nec acer, ab armorum exercitatione studioque facile discessisset, dicereque soleret scri-  
 ptorij calamitatis, quam ferri aciem plerumque efficaciorē habere vim in gerendis administrandisque  
 bellis, quæ ad præliorum aleam vel multa cum ratione deducta, inopinatas sæpe calamitates di-  
 micantibus importarent. Quibus institutis atque consiliis, quum ardentē fortuna singularem  
 non inanis gloriæ suæ fructum perciperet, & foris prudentiæ nomine magnus & clarus haberetur,  
 mirè sibi placere poterat, quod ab initio tutela fratris filij depulsus, & Pisas relegatus, ea au-  
 thoritate rediisset, ut inimicos, Ciccumque præsertim Simonetam auctorem exilij capite damna-  
 ret, cunctosque dolis Eustachio veterē fidelique custode, Mediolani arce potiretur, ac Heluetios & Se-  
 dunos arrogantē ad Domusulam irrumpentes, cruenta illata clade reprimeret, & egregia de-  
 mum cum laude ex Gallico bello post sæua pericula honestissimam pacem sibi atque Italiæ pepe-  
 risset: supra id quod maximè decorum videbatur, principatus ornamenta & titulos à Maximili-  
 ano Cæsare fuisset consecutus. Verum ubi Carolum regem immaturā & repentina morte sur-  
 reptum, quo cum tuta pax vigeat, illi autem Ludouicum Aurelianum verē hostem suum suc-  
 cessisse didicit, ingenti metu præfagientis animi ita correptus est, ut paucior qui ei fatalis erat, ægrè  
 dissimularetur, sed nihil tamē in eo mentis rationem elideret. Omni siquidem ingenio atque ope  
 celeriter contendit, ut ea imminens ab Alpibus clades auerteretur. Verum Diis inuitis præsidia  
 paranti omnia frustra fuerunt. Nam Gallus desumptis statim regiis insignibus, auido atque antepa-  
 rato animo ad Italiæ totius imperium aspirans, cum Alexandro Pontifice, Venetoque Senatu exi-  
 tiale toti Italiæ & Galliæ maximè funestum foedus percussit. Nec Veneti cæca proferendi impe-  
 rij libidine inducti, à supplice exorari potuerunt, quin accerferent ab Alpibus Gallos, ipsis de-  
 mum certam perniciem allaturos, quod apud Senatum recentis offensionis dolor, qua ereptum  
 sibi Pisanum imperium querebantur, plus valuisset, quam Balneolanae pacis memoriā, qua Sfor-  
 tiæ industria, grauiissimi belli metu atque periculo liberati fuissent. Quamobrem Ludouicus im-  
 pio certè, sed necessario consilio Baiazetem Turcarum imperatorem contra Venetos concitare  
 coactus est, quum à Maximiliano Cæsare auxilia desperaret, qui tum Gallorum opera Heluetio  
 bello premebatur, & Federici Aragonij auxilia æquo remotiora, & languidiora fore perspiceret.  
 Conatus demum est cum rege hoste grauis tributū pactione pacem redimere, ut sibi tantum libe-  
 risque suis paterni dominatus possessio, iuraque relinquerentur. Sed has condiciones, quæ dubij  
 belli pericula tollerent, & antiqua Aureliana domus iura confirmarent, ab initio auribus liben-  
 ter admissas, rex postea insolenter reiecit, quod vndique vim ac insidiatores in Sfortiam compa-  
 rasset, quos ille procul dubio non diu sustinere posse iudicaret: in eius rei negotium enixè sata-  
 gente Triuultio, qui peculiari incensus odio, Sfortiani nominis capitalis erat hostis. Is manebat  
 in præfectura apud Aulam Aureliani urbem, & cuncta quæ opus erant ad bellum impigre callideque  
 parabat. Nec multo post Obegnius atque Ligninius clarissimi duces cum iusto exercitu magnoque  
 tormentorum apparatu in Italiam missi, Sfortianos urbē Alexandria depulerunt, foedè profugien-  
 te Galeacio Sanseuerino, qui adulterinis Calatini fratris literis, Mediolanum in medio ardore  
 belli perfidiosè fuerat reuocatus: sic ut inopinata profectio omnes ferè copias desereret, Gal-  
 lisque foedè relinqueret, & serò de fratris perfidia conquereretur. Eo nuncio & defectione Cala-  
 tini ad Gallos, importunè terrefactus Sfortia, ideoque consilij factus inops, propere in fugam se  
 coniecit, quod vndique perfidiam timeret: & tum fortè Simon Horrigonus Insuber æque perfid-  
 iosus & celestus ad interficiendum principem frustra summissus, Landrianum ærarij præfe-  
 ctum trucidasset, in quo expediendæ pecuniæ ratio omnis sita erat. Fugientem cum liberis A-  
 scanioque fratre Comenses receperunt, apud quos concionantem admirabili constantia, & de  
 consiliis suis multorumque perfidia differentem, ego tum puer maximè sum admiratus: Atque  
 inde miser, & à multis desertus Lario emenso, & superato Abdua monte, quem montem Graium  
 hodie vocant, vnde Abdua profluit, in Germaniam est profectus, paucisque diebus quum  
 esset ad Bolzanum in Rhetia, Mediolanensem arcem nefaria prodicione Bernardini Curtij cli-  
 entis sui Gallo traditam cognouit, simulque occupatam à Venetis Cremonam, pari perfidia  
 tradente arcem auarissimo custode, cui Baraleoni nomen fuit. Dum in Rhetia Cæsarem con-  
 uenisset, & de reditu consultaret, inter multas belli deliberationes, grauem sibi pecuniæ lacu-  
 ram imminere prospexit, quod ea à Cæsare auidius expecti, neque auxilia maturè expediri videretur.  
 Itaque comprobante Ascanio, priusquam auxi inopiam sentiret, conandum sibi aliquid  
 existimans, Heluetiis & Grisonibus inter se foederatis, & mercenariis gentibus se commisit. Hi  
 namque expeditas legiones, quibus eum reducerent, pollicebantur, quod iam inuisum Insubri-  
 bus Gallicum nomen esse cœpisset. Nec mora, adiuncto etiam sibi Sequanico equitatu, ab Al-  
 pibus Rheticis descendens, à Comensibus, Mediolanensibusque lætissimè receptus est, Ligninio  
 nihil obistente, & cum Gallicis præsidiis ultra Ticinum profecto. Sed quum Ludouicus in ex-



pugnanda Nouaria aliquot dies absumpsisset, noua Gallorum auxilia Tramulio duce superuenerunt, & cum his multò plures & fideliores Heluetiorum cohortes, quàm essent apud Sfortiam. Ab his usque adeò grandi Gallica largitione deprauati sunt cuncti ferè Duces, qui Sfortia militabant, ut nullo pudore contra sacramenti militaris fidem, eum ante recepta Nouariae moenia Tramulio traderent. Commonstrarunt eum Heluetio habitu inter phalangis ordines gregarij militis specie traductum, Rodolphus Longus Griso, & Gaspar Silenus Heluetius. Pari quoque perfidia Sfortiam deseruere Sequani & Burgundi equites, quos mercede coniunctos adduxerat, Aloisio scilicet Valdreio Bastardoq; Rossio ducibus, Ligninij opera atque pecunia corruptis. Perductum in Galliam rex Gallus accuratis precibus expetentem, ut victorem regem uenerari sibi liceret, ad se perducere uenit, quanquam eum postea ex itinere prætoriani equitis insignia, atq; arma mentitus, intentis oculis spectarit extra clementiae pudorem, quum regie humanitatis in caprium penitus obliuiscendum putaret. Natura enim prædurus, & recenti suo esset rarus carcere in Locensem turrem, erepto scribendi solatio miserum inexorabili sauitia coniecit, ita ut quinto tandem anno vexatus, ictericia morbo diuturnâ miseriam morte effuderit. Audiui ego postea à Petrofrancisco Pontremulo, qui in eadem custodia fidus comes, perpetuo seruitio Sfortiae fuerat concessus, eum totius infortunij sui miseras virili pioque animo pertulisse, saepeque dixisse, hanc sibi pro veteribus delictis extremæ calamitatis penam à magno Deo fuisse impositam; postquam consilia sua humanæ plena prudentiæ, nihil aliud quàm occulta vis fati præuertisset: ita ut in ea vnam diræ necessitatis causam referret, quod amici & socij penè omnes vel summis obstricti beneficiis, fidem impudentissimè fefellissent, præter vnum omnino barbarum Baiazerem, qui ex condicto Venetis terra marique arma inferens, sibi promissa, quamquam fera auxilia, in ipsam usque Veneriam transmississet.

## P A V L I I O V I I I Junioris.

*Quantam ruinam precipiti dabit  
Lapsu, tonantis tacta Iouis manu  
Turris, quæ ab excelsa minetur  
Mole, Deis, mediog; cælo,  
Sic concitatus, quos rapuit furor  
Regni parandi atq; ambitio mala  
Euexit ad summum cacumen,  
Sæpe ruunt grauiore casu.  
Nam te quid olim consilium inuit?  
Quid cum dolosi pectoris artibus  
Astus iuuere, atq; in periculis  
Ingenij experientis usus?*

*Felix cruento SFORTIA praelio  
Si concidisses, nec miserabilis  
Fædum exitum vitæ vidisses;  
Quum patria, solioq; auito  
Expulsus, aliè in carcere Gallico  
Penas dedisti, quod nimis improbus  
Non tutor, at crudelis hostis  
Præripis imperium nepoti.  
Ergo insolentem pone superbiam,  
Qui fidis alti viribus ingenij  
Fortuna sic gaudet iocari,  
Vertere quum cupit ima summis.*

## Cæsar Borgia Valentin. dux.



CÆSAREM Borgiam, qui sanguinario ingenio, immanique sauitia veteres tyrannos æquasse censei potest, viroso sanguine, execrabilique semine progenitum ferunt; quod faciem atro rubore suffusam tuberculis, qui saniem leuiter expuerent redundantem, oculosque introrsus recedentes, & atroci viperæque obtutu scintillantes ac igneos ostenderet; quos nec amici quidem & familiares contuendo ferre possent, quanquàm eos inter foeminas iocundus, mira commutatione ad lenitatem conuertere consueffet. Cæterum artus reliqui ad decorem egregiè respondebant, quum ei esset habile corpus, valida neruorum compage firmissimum, quod tam aptè quàm impotenter ad cunctas pedestris & equestris armaturæ, ludorumque omnium exercitationes afferebat; utpote qui longissimè & peritissimè iaculari, in palæstra vel robustissimum quenq; prosternere, currentem in arena taurum vno macheræ ictu decollare didicisset. Susceperat eum in minori fortuna Rodericus pater, ex Vannotia Romana, quam à formæ venustate, & morum illecebris, miraque demum foecunditate legitimæ propè vxoris loco habuisse constat. Vigebat adolescente in Cæsare peracutum & erectum ingenium, propter eaq; missus fuerat Pisas, ut in Gymnasio iuri ciuili operam daret. Sed vbi pater Pontifex est reuocatus, in Urbem properè rediit, galerique purpurei dignitate collata in Senatum coopertus est, quem honorem postea fastidiuit atque reiecit, quum ad firmiores opes magnaque imperia effreni libidine raperetur. Primum omnium permutati ingenij & fluxæ fidei documentum præbuit, quum à Carolo Gallorum rege Neapolim contendente, cui à patre Pontifice legati specie, comes & obses datus fuerat, è Velitris Romam profugisset. Exinde armorum studio teneri, contemne re galeri decus, & Candiano fratri, qui ductaret exercitum, inuidere cœpit, eo quidem insana æmulatio-





æmulationis exitu, ut ipso fratre Candiano, quo cum hilariter apud matrem cœnarat, iugulato,  
 proiectoq; in Tyberim, se totum à senatorio ordine, abdicata purpura, & desumpto militari sago  
 ad arma transferret, & Pontificiis copiis præficeretur; conniuentem prorsus ad immane parricidij  
 scelus patre Pontifice; qui & ipse vim sibi asserri ab efferato filio proculdubio metuebat. Itaque  
 sublato principatus æmulo, quod ita ad explendas cupiditates expediret, Gallis se coniunxit,  
 fecitq; sponsalia cum Carlotâ Alibretæ familiæ regij sanguinis puella, apud Aquitanos pernobi-  
 li. Tum enim Pontifex totus in eam incubuerat curam, ut ingentes filio opes, perampli-  
 rij facultates, vel summa cum iniuria pararet: eiecit primò Vrbe Latioq; Columniæ familiæ pro-  
 ceribus, Vrsinisq; demum insigni dolo pernecatis, & excisa propè Gaetanorum familia, quum  
 eius proceres, occupato eorum dominatu, veneno aut ferro sustulisset. Verterat quoque ean-  
 dem sæuitiæ atq; perfidiæ rabiem in reliquos Pontificiæ ditionis regulos, quatuorq; simul Camer-  
 rat: Ioannem Sfortiam Pisaurò adempto, paratâ cædem effugere coegerat; expulsis etiam Arimino  
 Malatestis. Et quum Galliæ togatæ imperium affearet, Catherinam Sfortiam Hieronymi Ria-  
 rij quondam vxorem, Gallicis fretus auxiliis, Foroliuio & Forocornelio deiecerat, captamque  
 constantissimi animi fœminam, magno probro, & parum virili superbia in triumphum Romanum  
 perduxit. His tantis belli sumptibus, quum sacrosancti ærarij pecunia minimè sufficeret, opu-  
 lentissimum quenque ex aula sacerdotem, & in his aliquot Cardinales veneno tollendos cura-  
 bat, ut eorum diuitiis in Fiscum redactis potius, profusissimè largiretur. Vna enim liberalitate  
 qua milites sibi obnoxios & fidos redderet, famam quærebat, ita ut quum ascuisset sibi in sti-  
 pendium multos vndique manu promptos, & ex secunda classe Romanorum ciuium censu atq;



audacia præpotentes, affectare Romanæ ciuitatis imperium, Urbem Hispanis inquilinis reple-  
re, & per eos nobilissimi sanguinis procures, quos eiecisset, diu arcere à patria speraret. Hæc cum  
impio patre cogitans, attonita in Vrbe noctu vagabatur, quum nusquam interdum viseretur, quo-  
niam lucē libenter effugeret, ne deformis & truculenta facies spectaretur. Nouissimè tot cœdium  
cruore nondum satiatus, Astorem Manfredum, quem Fauentia expulerat, quod esset decorus ad-  
olescens, scelestè & immaniter prius constupratum, & mox fracta ceruice necatum, Tyberi mer-  
sit. Hanc infamis seculi pestem quū neq; Dij, neq; homines ferre possent, fatalis Pincernæ error  
ad præclaram magni numinis prouidentiam vtrunq; sustulit, quum in Vaticana villa cœnantes,  
ex medicata Falerni vini lagæna, parataq; ad exitium nonnullis Cardinalibus conuiuis, vene-  
num bibissent. Pater senex non diu veneni vim ferre potuit; at ipse qui dilucius bibisset, atro-  
cissimo, sed nō lethali morbo correptus est; sic vt magnis conseptus copiis dux acer, sibi vsui esse  
nequiuert, dilabentesq; copias, & duos vereres hostes paucissimis diebus Pontifices creatos vi-  
derit. Sed Iulius hominem vel mille neces meritum, quem in mole Hadriani custodiri iusserat,  
ea pacatione dimisit, vt rogatæ Galliæ arces reciperet. Elapsus itaq; Cæsar ab Ostia nauigio Nea-  
polim peruenit, vbi à Magno Consaluo iussu regis comprehensus est, atque in Hispaniam deue-  
ctus; ne vir bellicosus, quum ad eum magnus militum cōcursus fieret, recentis in Italia partæ pa-  
cis tranquillitatem turbaret. Ad extremum Cæsar post tertium annū deceptis custodibus à Me-  
dinæ arce funibus se deiecit, beneficioq; Beneuentani reguli nactus equum, ad Ioannem Canta-  
briciæ regem confugit. Apud hunc, armis cum Alarino regulo contendente, militans, quodam  
tumultuario prælio ad Mendauiam victor, glande traiectus concidit; sic vt non agnitus, & exu-  
tus armis qui triumphum meruerat, ad regem nudus sarcinæ modo vili iumento impositus, pen-  
dentibus brachiis & cruribus referretur. quo exitu ferox animus corpore excedens lætari po-  
tuit, quum ea victima nō hosti ignoto, sed manibus tot insignium procerum, quos crudelissimè  
perneccasset, acerbissimis tormentis dilaniata omnino mactari debuerit. Sepultus est Pompelo-  
næ, arguto Hispani poetæ carmine honestatum, quod Latine postea Antonius Vacca ad eandem  
sententiam sic vertit:

## A N T O N I I V A C C E.

*Terra qui modo terror vniuersæ  
Valentinus erat, sepultus hic est.  
Tantillo hoc spacio quiescit, orbem  
Bello qui potuit mouere totum.  
Hospes qui freta longa, quiq; terras*

*Curris, res auidus notare dignas,  
Siste hic adueniens gradum, neq; vltra  
Iam quoquàm properes; videre maius  
Toto nil potes orbe digniusq;  
Quàm quo tantus homo iacet sepulchrum.*

## A N D R E A E A N G V L I I.

*Heu quantum fuerat satius, dux maximè Cæsar  
Borgia, tam clavis Rome natalibus ortus  
Hispano patre, magnarum puer indole fulgens  
Virtutum, & iuuenis donatus honore Galeri  
Purpurei, nunquam tam fæde insignia tanta  
Tu despexisses; regnandi dira cupido  
Inuasit, quum te rorantem sanguine fratris,  
Vel saltè est animū aggressus quū bellicus ardor  
Ille tuum, prius quo aquasti Marte Quirites,  
Totq; duces, validasq; acies, totq; oppida et vrbes  
Vicisti, indutus mentemq; animumq; tyranni*

*Aut nihil, aut Cæsar demens iactare solebas,  
Debueras pro fama æterna, pro laude perenni  
Prælia tractare, vt Roma celeberrimus olim  
Mos fuit; at nō illa inhians & sanguine & auro  
Exercere, domo dominosq; expellere auita,  
Totq; horrenda animo comittere funera seuo,  
Quæ pudor Hispano me ortū genitore, Quirini  
Ing; vrbe, & rectis hisdem tam fæda referre  
Nunc prohibet; sacri quū sprete iniuria honoris  
Magna olim edocuit mortales satq; superq;  
Cantabria miser vt cecidisti inglorius agris.*

## Nicolaus Vrsinus Petiliani Comes.



O c honesto caluitio deraſaq; barba, & vetere leuis armaturæ cultu, Petilianus  
maximè vigilantis, & verè ſtatuarij ducis ſpecimen præbebat, quum Venetiâ  
militaret & Vrsinæ familiæ decus, poſt enectum Neapolitano in carcere Virgi-  
nium, illuſtri armorum ſtudio rueretur. Is plura ſtipendia vario militiæ mune-  
re Pontificibus, Florentinis, atq; Aragoniis fecit; cauſiq; ſemper & egregiè con-  
ſtantis famam eſt conſecutus. Bis aliena potius perfidia, quàm ſua culpa in po-  
teſtatem hoſtium deuenit; ſemel ad Ceſenam Ferdinando Aragonio militans,  
quum fortè ad vrbis Decuriones pro expediendis comitatibus aſcendiſſet; eum nanque incre-  
mem & nihil tale ſuſpiciantem Guido Guerra vir factioſus & inſolens comprehendit, fruiſtrare  
clamante Ceſenatum ſenatu; ſed ab ea vi temerè illata, Guido qui Gallis adhæſerat, eum habuit  
euentum,





euentum, vt ab Aragoniis in urbem irrumpentibus continuò pelleretur. Iterum verò ad Nolam  
 quò ipse & Virginius cum Aragoniis copiis, ingruente ad Capuam Carolo sese contulerant. Ibi  
 enim dedentibus urbem Nolanis, ea conditione vt duces copiarumque regiae incolumes forent, Ar-  
 dus Gallus contra fidem passionis ipsos duces manu cepit, & copias hostiliter diripuit. Eo mo-  
 do captiuus quum in Galliam à Carolo perduceretur, è medio Tarrensis pugnae tumultu ad Ve-  
 neram aciem profugit; sic vt se uero vehementique suo hortatu, nutantes copias, & foedam pro-  
 clinas in fugam opportunè retentaret, restitutisque animis ad conseruandos ordines egregiè  
 confirmaret. Qua cohortatione summa procul dubio clades auersa est, & grauioris ignominiae  
 dedecus Italo militi ademptum tanta cum laude, vt mox à Legatis Venetis & Sfortianis seruati  
 exercitus gratiae certatim ageretur. Exinde Veneto conductus stipendio, in obsidione oppugna-  
 tioneque Nouariae strenuam nauans operam, Gallici tormenti pila iuxta renes ad dubiae salutis  
 euentum vulneratus est. Post id verò bellum prosperè confectum, Veneti collecta auctoritate flo-  
 rentem, in Francisci principis Mantuani discedentis locum, Imperatorem creârunt: qui honos  
 perpetua cum dignitate nominis, usque ad vitae exitum ei permansit. Eius ductu Germanorum  
 copiae inssu Caesaris per Athesis vallem irrumpentes, quum Gallorum auxilia Triulcio duce, &  
 Hispanorum cohortes contra Germanos Venetis accessissent, post expugnatum Petrae Castellum  
 repressae sunt. Nec multo post dirae coniurationis bellum in Venetos est exortum, conspiranti-  
 bus in vnum cunctis Europae regibus ad excidium Veneti nominis. Cuius atrocissimi turbinis  
 procellam Venetus diu ferre nequiuir, amisso scilicet ad Abduam exercitu, quo die aduersus Gal-  
 lum regem Petilianus vllò vlti vel eximie cautus & fortis imperator esse non potuit, quum in id  
 male exploratum pugnae discrimen ab inconsulto praeproperoq; collega Liuiano, vel renitens &



nolens raperetur. Ab ea clade Venerus cunctis propè copiis & urbibus exutus est. Nam singulae ciuitates aduentantis cum terrore victoris regis, nec imperum, nec ipsam urgentem famam sustinentes, extemplò rebellabant. Solus Petilianus è suorum strage se recipiens, ut iterum operam præstaret, animū non despondit; suavitēque patritiis Veneris, ut de Republica non desperarent: potius nanque castris ad Mestrium oppidum, & collectis profligati exercitus copiis, constanti animo substitit; amissoque Parauio, ut Taruisium in potestate retineretur, immisso præsidio curauit. Neque diu post, non semper immitis Fortuna, inflictarum pertæsa cladum, ita commutata est, ut præ pudore Veneris viam aperiret, qua Patavium reciperent. Excubante siquidem in eam curam Petiliano, Andreas Gritrus Venerus legatus, è Taruisio cum expeditis copiis noctu mouens, eius portæ, quæ Cauda longa vocatur, pontem, fœni plauastro de industria obsessum occupauit; oppressisque præsidij Germanis, vrbe atque arce potitus est. Qua contumelia singularique iactura accensus Cæsar, intra paucos dies è Germania descendit; castrametatusque ad Fanum beatæ Helenæ, Patavium ingentibus tormentis expugnare adortus est: cessissetque ea vrbs amplitudine & vetustate pernobilis, proculdubio Cæsari non suis modò è Germania magni roboris copiis; verum etiam Gallorum & Hispanorum auxiliis confirmato, nisi Petilianus supremo Romanæ virtutis opere edito, murum perruptum hostilibus tormentis, iamque ad ingressum audaciæ hostium patientem, memorabili fortitudine defendisset. Cæsar enim alioqui bellicosus, & in dubiis ausibus plerunque pertinax, ubi militare decus emergeret, postquam Hispanos fortiter repullos, & fœdam missilium ignium, omniumque telorum clade obrutos vidit, ab vltimi certaminis alea temperandum multis de causis iudicans, irrito conatu elusus & inglorius in Germaniam rediit. Neque fata Petilianum partæ gloriæ suæ diu superstitem esse voluerunt; nam septuagenario maiore diuturnæ vigiliæ, immoderatusque labor, administrandis regendisque præsidij susceptus, facile confecerunt; sic ut eum lenta febris, & concitata alius ad Leonicum Vicentini agri oppidum non multis diebus extinguerent. Senatus tanquam summæ fidei atque prudentiæ ducem non temere luxisse visus est, quando ei postea parem frustra desiderarit; ob idque ei honoris causa è ligno equestrem statuam erigi iussisset; eò tamen decreto, ut ei tranquilliore Reipublicæ tempore, ænea inaurata poneretur; vel ob id perenne decus merito, quòd pro externis regibus (uti Romanū dicebatur) nusquā arma ferens, pro gloria tantum aut salute Italici nominis omni tempore dimicauit.

## ANTONII FRANCISCI RAINERII.

*Vrsini venerare ducis picta ora manusque  
Erydanū quicūq; bibis, Tyberimue, Athesimue,  
Tyrrheno quicunque mari, Hadriacōne potenti  
Allueris; celsi aut iuga suspicis Appennini.  
Ille etenim Ausonios cum se effudisset in agros  
Horrida tempestas, totamque inuoluer armis  
Cerneret Italiam; & trepidantes pectore partes  
Italie Venetos decus, & cum maximus hostis  
Fulminibus clarā Patavii contunderet urbem*

*Exitum in magnum; stetit imperterritus ille  
Huc illuc aciem voluens, urbemque pererrans,  
Romulidū præscā fractus qua Barbarus arte  
Vig. animi inuicta, Ausonius excessit ab oris.  
Salue o bellipotens, tot qui vnus millia contra  
Sublapsam nobis vigilando restituis rem.  
Qui fera Gallorum, & Germanæ robora pubis,  
Innumeras acies qui comprimis Hispanorum,  
Et coniuratos Italia in præcordia reges.*

Franciscus Alidosius Cardinalis  
Papiensis.

ON ineptum fore putauerim, ad instituendam rectæ atque honestæ vitæ disciplinam in sacris viris, si ad exemplum posteritatis Francisci Alidosij Cardinalis vita improba, & non serò subsecutus peruersos mores inusitatus interitus exprimatur. Sic ut eius nobis hæc imago ex viuo vultu ducta magnæ sit admirationi, quòd tantam in se decori & liberalis aspectus dignitatem præ se ferre videatur; ut hinc coniectari liceat deprauati animi labem illustris formæ specie aliquandiu posse contegi, abscondique facile vel peritissimis physiognomiæ artis magistris. Ortus erat ex nobili Alidosiorum familia, quæ in Æmilia via Forocornelii principatum olim potita est; educatusque liberaliter, sed aliquanto licentius, quàm exuenti pueritiam ad tuendum pudorem expediret. Adolescens nanque roseo ingenuoque ore conspicuus, Iuliano Ro- uereo adhæsit, qui postea pontifex Iulius Secundus appellatus est. Apud hunc multis & arcanis expediti ingenij & parati corporis obsequiis, quantam nemo alius inter æquales, gratiam promeruit; quanquam eam aduersus prostratæ pudicitie rumor vehementer eleuaret, quòd inuerecunda consuetudine, aulæ principes sibi conciliaſse crederetur; unde illi purpurei galeri honore maturè collatus est, permagnæque illi ex sacerdotiis diuitiæ, nunquam frustra perenti, affluenter obuenerint; sed quibus coniunctæ (uti mox apparuit) infitæque essent familiares superbo eius ingenio pestes, cum libidinis & gulæ, tum procacitatis & aleæ, malignique liquoris; quæ hominem natura





natura irrisorem, & ab æquo & bono dissidentem, ad sermones contumeliosos & impuros, impudentibusque mendaciis refertos impellebant; ut ex commodo proferendæ ambitionis & voluptatis instrumenta pararentur. Mirè enim sibi placebat, quum plerosque eius ordinis splendoris & munificentiae gratiaque nomine prorsus anteiret; postquam ei literarum & veræ virtutis ornamenta decissent, & non obscure Forocornelii dominatum optimo iure se petere à nō ingrato Pontifice profiteretur, quod eam urbem olim Alidosij maiores obtinuissent. Cæterum in ea re Iulium spe sua duriorē inueniebat; occupatum scilicet Gallico bello, & concilij à Gallo rege indicti offensionibus circumuentum, nec quicquam aliud coquentem, quàm ut Pontificij imperij opes augeret, studio religionis, amoreque patriæ communis, quam in libertatem asserere aduersus externas gentes magnopere contendebat. Verum Fortuna generosis atque sanctissimis consiliis aduersa, ita Iulij cœpta perturbauit, ut vndique victor Gallus, impotentibus fretus armis maxime vrgeret. Quo rerum successu Alidosium peruersè potius lætatum, quàm malo publico consternatum ferunt; utpote qui pristinè innixus cupiditati, Forocornelii urbem beneficio Galli victoris, quàm Iulij munere adipisci mallet; proptereaque perfidiosus artibus, importuna ad sustinendum gerendumque bellum impedimenta, Francisco Mariæ Feltrio, qui Pontificiis præerat copiis, afferre diceretur, ut Gallis incumbētibz victoriam aperiret. Erat enim Bononiæ in munere legationis expediendis castrensibus rebus atque pecuniis, obscuro quodam astu semper aduersus, & usque adeo avaritia, libidine atque sæuitia infamis, ut à Bononiensibus Verre Tulliano rapacior & scæuor vocaretur; ob id præsertim quum insontes nec vllō iudicio cōuictos, simplicissimo tantum liberoque ore locutos patritios quatuor, ad inanem ciuitatis terrorem strangulasset; eoque acerbius, quod nulla Pontificij iussus in eorum necem documēta extarent. Fuereij Albertus Ca-



stellius, Innocentius Aringherius, Sellustius Guidortus, & Bartholomæus Magnanius, qui nunquam de prodenda vrbe somniassent. Itaque alienato populo, & Gallis appropinquantibus, Triuultio summo duce, Feltrianæ copiae, & Venera item auxilia his sub vrbe coniuncta, primo repentinoque impetu sedē profligata sunt; ita ut irrumpentes Bentiuoli veteres tyranni in urbem reciperentur, aperiente Galeriam portam Laurentio Arioſto, quem Alidofius Bentiuolæ factionis studiosum cohortibus conscriptis portarum custodiæ, perndiosè aut imperitè præfecerat. Erat tum Rhaennæ Iulius Pontifex, ad quem Feltrius amissis copiis peruenerat, quum eo etiam Alidofius vrbe atque arce desertis, se in fugam eiciens, conuolasset; ut scelesti admitti erroris veniam incusata fortuna deprecaretur. Verum hoc meditantī surda fata & superi scelearum vindices non arriserunt, eum (siquidem mula vectum, indurumque atrī coloris penula, Hispanicoque pileo, depositis purpuræ senatoriæ insignibus, Feltrius pedes ad Pontificem ire pergentem, iuxta Vitalis ædem adeptus, mucrone per ilia grauitèr adactō) è mula deturbauit. Quum cadenti Mondulphus equitum præfectus latiore sica malam cum auricula discidisset, Philippus demum Auria repetente ictus Feltrio, iacentem impresso ad præcordia gladio humi confixit; nihil se commouentibus prætorianis aliquot equitibus, qui stupente atque attonito Guidone Vaino, ipſorum duce prætoriiq; præfecto, neque animos, neque arma ad ferendam cadenti opem expedire potuerunt. Iulius ad nuncium tanti patrati facinoris exclamans, neuter inquit eorum me fefellit; quod ominabare enim, non serò euenturum sciebam; sed me fratris filij dispudet, quòd dextram sacro sanguine polluerit, quum priuato indulgere odio, quàm publicæ saluti, immitis patrui desertor maluisse videri possit. Sed Triuultius hostis egregiè pius & prudens, Iulium Rhaennam tumultuose excedentem persequi noluit, recepta scilicet Bononiæ contentus, quam Gallicis adiutus armis Pontifex ante quinque annos acquisisset. Eius patrati cædis nomen diuersi iudicij famam tulit, quum alij ad sacrosancti ordinis immaniter violatā contumeliam, execrabilis inusitatæque cædis facinus detestarentur, quo Feltrius scelestō exemplo aditum ad Cardinalium cædem patefecisse videretur; Alij porro extra aulæ adulationem positi, hominem impenſe celebrarent, qui æquissimo iure, sacratī senatus probum & purpuræ decus, tanquam planè monstrum, generosa & verè Herculeā manu sustulisset.

## P A V L I I O V I I I Iunioris.

*Improbior Caco, Lernæq; immanior hydra,  
Geryone asperior;  
Ille est, Ausonia non enarrabilis aula  
Pestis & opprobrium  
Iam tum vulgatum cunctis Alidofius oris;  
Quem tamen impavidus  
Sustulit Herculeo confossum Feltrius ictu,  
Scilicet ut meritō  
Sublatus terris Stygias inuideret umbras  
Tergeminumque canem,  
Perpetuas illic pœnas, & seua daturus  
Supplicia, heu miserum,  
Te pudor & pietas, & religionis honores*

*Deseruere simul,  
Pro quibus inuidiam & rabie exercere solebas,  
Imperium patriæ  
Affectans, tumidi dum te victoria Galli  
Erigit, atque putas  
Illius auspiciis cuncta exoptata referre:  
Sed vetuere Dei.  
At vos iam dudum cæso gaudete Tyranno  
Patritiorum animæ:  
Et tu cum placido letare Bononia Rheno.  
Nam quis erit scelerum  
Tantorum inuentor, qui tristes improbus iræ  
Effugiat superum?*

## Baiazetes II. Turcar. Imp.



BAIAZETEM, qui Othomannorum principum octauus fuit, Græcorum senum potius quàm Turcarum more prolixa barba vsum fuisse constar, cum ex hac imagine verissima, tum etiam ex grauis nec infaceti scommatis Selymi filij dicto. Hic enim, quum fortè Hismaëlis Persarum regis legato familiariter causam quærenti, cur subtonsa ad mentum barba vreretur, quando promissa potius magnos reges deceret, sicuti Vsumcassanes, & Sulchanus Campſon, patetq; ipsius Baiazetes nutrire consueuissent? illico respondit, se nolle ab ea inutili atq; importuna densæ barbæ ansa expositum videri, ut corripī & circumduci posset à purpuratis suis, quorum improbam vim pater inde correptus & pertractus vnquam effugere nequiuisset. Erat enim Baiazetes non pertinacis interdum, sed valde obsequentis ingenij; sic ut è mediis purpuratorum consultatione nonnunquam inuitus ad ea quæ noller actionum consilia sapienter raperetur; quanquam in eo non deesset bellicus vigor, constantiæ laudem affectans, & iudicium in expendendis rebus æquo & temperato principe dignum; utpote qui Scythicæ stirpis insolentiam atq; duritiem, & natura insitam genti violentiam, multa præcellentium studiorum grauitate, & ex historiis sacris aptissima exemplorū vbertate temperaret. Natura siquidem tranquillitatem





quilitati & sapientiæ deditus, Periparetici Auerrois opinionibus oblectabatur, placitaque Ma-  
 homeranae legis, diligentius quam regem bellicæ gloriæ avidum deceret, rimari credebatur. His  
 cogitationibus occupatus, quum pater Mahometes mortuus esse nunciaretur, atq; ipse tum esset  
 in Cappadocia, ab ipso sperati imperij limine, à Prætorianis purpuratorum malignitate conci-  
 tatis, penè exclusus est, Corcutho nepotè in Regiam sedem sublato. Sed non multo post, cum i-  
 pla pueri imbecillitas, tum obortus inde iustus pudor, imperium auo debitum & ereptum, præ-  
 torianis largitione pacatis facile reddiderunt, eoq; facilius quod Gemes Baiazeris frater ad im-  
 perium aspirans, comparatis copiis adveniret. Verum Fortuna Gemem tribus victum præliis  
 ita perculit, ut Rhodum confugere cogeretur, captusq; ibi Romano Pontifici custodiendus Ro-  
 mam duceretur. Exinde Baiazeres intestino bello liberatus, more maiorum in Christianos arma  
 convertit: quorum imperu ferè perpetuo Valachos ad Istri ostia adempto Monasteria multis in-  
 commodis afflixit, ingentiq; pugna edita, Illyriorum Pannoniorumq; & Croatorum copias pro  
 communi salute in unum coeuntes, apertisq; in campis contendere ausas, per Cadum bassam eu-  
 nuchum non longè à Sauro trucidavit: neq; usquam præterquam ad Tarsum vincentibus egregiè  
 Mamaluchis, adversam belli fortunam expertus est. Exorto demum Veneto bello non terrestri  
 modò, sed navali apparatu patre validior, ita irrupit, ut Schenderbassa luctuosa incursione, ultra  
 Tiliauentum in Euganeos penetraret, & Deuthes præfectus classem Veneram Grimano duce ad  
 Sporadas insulas in fugam coniceret, Venetasq; opes exolescente eorum disciplina sibi in po-  
 sterum mari contemnendas ostenderet: quum anno sequenti Barbarus ipse audacior factus, Pe-  
 lopponesum intrans, expugnata fortiter Methone, & ad eundem victoriæ terrorem, Corone, Pi-  
 leo, Crisseo Naupactosq; in deditione acceptis, & paulò ante occupato Dyrrhachio, terra mariq;



viator euasisset. Sed Hispaniæ Galliaeq; regibus in publica religionis causa Venero opem ferentibus, ea conditione pax à Baiazete impetrata est, ut recepta dudum Cephalænia, Venetæ (uti antea fuerat) esset dirionis: & Leucas, Nerythusq; insula, quam Pisaurus Venerus nauiter expugnarat, Turcis redderetur. Eius autem conciliandę pacis Grittus author eo Barbarum facilius persuasit, quoniã in Perside Hyfmaël Sophus ex progenie Vssumcassanis sese regem effecerat, inuectã nouę religionis opinione, quam ingenti fama superstitionis quique, earum gentiũ credulitate nouę legis persuasi, ardentissimè sequeretur; vique ad eò supra religionis causam felicibus armis formidolosus, ut Othománico imperio hostis immineret. Nam eius clientes sectatoresq; in Capadocię fines, trahendorum in causam populorum nomine penetrarant; binosq; iam Bassas Caragium & Halim, geminosq; exercitus duobus oppressis ducibus occisione deleuerant. Huius belli timor eò Baiazetem senem perpulit, ut de successore deligendo cogitaret, purpuratorumq; perfidiã Selymus filiorum natu postremus, quem paulò antè prælio superatum parricidam apellarat, fraude & dolis patre eiectò Constantinopolitano imperio potiretur, & senem patrem, vir sæuus atque impius, exutum regno veneno tolli iuberet. Per hunc modum Baiazetes ad Diomotocum vicum, horum amœnitate nobilem, iuxta Ponticum litus ire pergens, quum regnasset annos triginta duos, ærumnosam vitam exoptata morte commutauit; eo quidem seipso minus miser, quòd Acomatis & Corcuthi filiorum Nepotumque aliquot regia indole iuuenum, atrocissimam necem nõ viderit, quum vixisset annos septuaginta tres, sub id fermè tempus, quòd Iulius Pontifex, pro salute dignitateque Pontificij nominis aduersus Gallos concilium excitantes, controuersiam armis finiendam susceperat.

## I A N I V I T A L I S.

*Dum rerũ exquiris causas, & dum pcul Hunnos  
Carmannos, Cilices, Sauromatasq; domas,  
Baiazete, domi proles tua te petit armis,  
Et te per fraudes amouet imperio;  
Adjuc inde nouum sceleri scelus, & tibi miscet*

*Pocula lethiferis illita graminibus.  
Intempestiuos crudelis vipera fetus  
Per sua sic tandem funera, rupta parit.  
Quid tutum est cui sint ingentia regna tyranno?  
Si timeat natos, progeniemq; suam?*

## Gasto Foisseius.



Vis vel imperitus ex humano vultu interni moris coniector in hac decora interberbis iuuenis facie, diuerfas inter se pugnantes partes non admiretur? Quando hinc diffusus per genas argenteus fulgor, ad maturę frugis pallorem sensim euadens, vsque ad eò generosum comender, ut vehementer spectantes alliciat. Illinc verò radiantes, cauiq; oculi, præferocis animi indices, contuentes absterreant. Hac enim specie spirantem bellicam vim Gastonem Foisseium sæpe vidimus, quum feruido ingenio arma quatiens, insignes victorias & triumphos ageret. Is ab auunculo rege Ludouico, quem oris atq; animi indole referebat, in Italiam cum imperio missus, tanta vi celeritateque, sua atque aliena arma exercuit, ut prius Dux quàm miles; antè triumphator quàm acclamatus Imperator extiterit, summis profectò nobilioris seculi ducibus præferendus; nisi in ipso victoriarum cursu adolescens plenus gloria cecidisset. Incredibili namq; celeritate ad parandam ei inusitatam laudem & immaturum vitę exitum properantibus facis, irrumpentes in insubrum agros hostes Helueticos acerrimè sustinuit, & in patriam repressit. Bononiam per lutulenta itinera præduręq; hyemis glaciem raptato exercitu, formidolosa Hispanorum obsidione atq; oppugnatione liberauit: igneq; rapidior inde digressus, Veneras copias ad Athesim fuso Baleono duce prottruit: atq; eodem cursu per arcem Brixiam aggressus, præsidij Veneri, Brixianiq; populi cruentissima strage edita, rebellantem urbem recepit atq; diripuit; sic ut mox tanta subnixus victoria, rursus ad Hispanos verteretur, ut Rhauennatium campos, insigni certe victoria, sed fatali suo interitu nobilitaret. Inflammatus namq; immoderato ardore delendi hostis, quum iam planè victor, stratis aduersariorũ alis & legionibus incitato equo cum paucis, recipientes sese hostes, persequeretur, sub aggere profluentis amniculi confossus interiit; eo quidem euentu, ut morte sua seruasse reliquos hostes, & rem Romanã in summũ adductã discrimen, metu atq; periculo liberasse iudicetur. Verũ ab ea mox cruenta exitiali que victoria Galli, exacerante eos damnateq; impietatis Iulio Pontifice, prementibusq; iterum Helueticis, Italię possessione deiecti sunt. Ob eas res gestas Matthæus Sedunensis cardinalis, Helueticis legionibus præpositus, ut irato Pontifici obtemperare videretur, Gastonem Mediolani aurata in arce magnificè centissimè tumulatum ab excelsa testudine templi maximi detrahi iussit, quòd ossa infensissimi & sacris interdicti hostis, indigna eo superbę pompę spectaculo iudicaret; Quando ad exorandum impię victorię trophæum sacrosancti Pontificis vexilla ad ignominiam tholo suspensa spectarentur.

ANTONII





ANTONII FRANCISCI RAINERII

Funera quis memoranda canat, cladēq; Rhauēna,  
Et tua summe ducum facta, obitumq; simul?  
Ingentes cum tu incedens per corporum aeternos,  
Iam victor strage concidis in media:

Gallica sensere Hesperiq; quam virida virtus  
Sensere, ultro cum cecidere manu.  
Sic obitu iuuenis Decios imitaris, & armis  
Sic geminos belli fulmina Scipiadis.

## Ludouicus Galliae Rex.

**L**UDOVICO Galliae rege, eius nominis duodecimo; flagrantissimum armorum studium enituit, quo in vtrunque fortunam diuerso euentu longè clarissimus extitisse videtur; sed qui in omni vita proferendi imperij, quam præclari nominis auidior à plerisque sit existimatus, quodd contra insitum generosis Gallorum regibus morem parum pius, & sæuus, pecuniæq; tenax haberetur; quanquam ipse eo nomine quodd Romanum Pontificem impugnaret, impius Cæsarum exemplo dici noller, & sæuitiem plerunq; tuendo regno necessariam esse diceret, nimiaq; atri profusione regni vires à sano rege minimè enervandas arbitrareretur. Eum namq; nulli sumptus à suscepto semel bello nunquā deterrebant, quum parsimonia potius, quam populorū expilatione gauderet. Proinde viri militares eum tanquā illiberalem, minimeq; largitorem ex animo non amarent, & ex aduerso populi eum tanquā innoxium, & licentiā militarem edictis & pœnis coercere solitum impensè venerarentur. Cæterum ei vel minus benigno





quàm aulæ luxus expeteret, recti atq; æqui erga omnes mortalium classes præclarum ius iherat, quando nihil debere, potius quàm multa largiri sapientè regem oportere prædicaret. Neq; enim quisquam vel infimi ordinis creditor diu cunctantè quæstorem expectauit: nam regij huiusmodi expediendæ pecuniæ ministri, vsque adeo exigentibus prompti aderant ad abolenda mala nõ mina, vt militi præsertim stipendiorum suorũ statis temporibus certissimus esset prouentus: qui tamen donatiui extraordinariæq; munificentia auidi, tanquã impunitis superioris seculi rapinis assueti, noui lucri spem sibi ereptam, regia, eaq; planè ignobili moderatione quærebatur. Visus quoq; est natura sæuior, aut certè æquo seuerior, quũ vlisci quàm parcere mallet, & penè totam, magnis experitã regibus clementia laudem, tanquã sæpe noxiam aut inanem repudiaret. Tum enim aut ineptè aut parum generosè sese inexorabilem & immitè ostendit, quum Ludouicum Sfortiam pulsum dominatu, infamiq; prodicione captũ, & coiectum in carcerẽ, erepto scribendi solatio, miserũ mori coëgisset, tantũq; modò nominis principem conspectũ suo indignum arbitraretur. Ab eadem etiam belli felicitate Federicum regem Neapoli eiectũ, & ad se cum inuidia Hispani regis in Galliam confugientẽ, ad pedesq; proiectũ, nullo vel mediocri vrbis principatu collato, in spem honestioris vitæ erigendũ putauit; quũ nõ multo post Federicus & exul & miser, ex dolore irritæ spei fato concesserit; sæpe dolens & in luctu gemens, quodd opinione sua esset deceptus, quum infidelis propinqui regis malignitatem optima ratione detestatus, apud verum hostem clementiam omnino quærendam iudicasset. Implacabilis quoque sæuitia non multo post damnatus est, quum Auogarium, teneræ adhuc ætatis adolescentem, regia in aulã ali-quandiu nutritum, eius Aloisij filium, qui Brixiam Gallis ademerat, proptereaquẽ à victore Foisseio dissectus in frusta, admissi sceleris pœnas dederat, tanquam obsidem paternæ fidei, eadem



eadem securi percuti iussisset. Verum hæc exempla inhumanitatis atque sæuitiæ confirmando imperio opportuna putabantur, in Italicas præsertim gentes, quæ metu potius quam vllis lenitatis officiis, tanquam subactæ armis in fide contineri posse crederentur. Qua in re Gallos postea deceptos fuisse comperitum est, ipsa ad euentum belli docente Fortuna. Nam Ludouicus, qui sine vulnere Sfortiano potitus imperio, Aragonij nominis leges sustulerat, & Genuenses populari defectione antiquam reperentes libertatem, terra mariq; domuerat, formidandamque liberis populis arcem eorum humeris imposuerat, & Venetos vna acie cruentissima ad Abdum debellat, Iuliumque Pontificem summis illatis cladibus, & erepta Bononia, ipsa propè vrbe Româ depulerat, in exitu victoriarum suarum hæsit, viditq; se Neapolitano deiectum regno, & expulsum Mediolanensi imperio; Gallos præfides Genua eiectos, receptamq; Bononiâ, ac obiter Venetos in bonam spem veteris instaurandi imperij perductos; quum Britannicis pariter, ac Helueticis Hispanicisq; armis in Gallia circumuentus, qui externis terrori fuerat, sese ægerrimè patriâ in terra rueretur. Cuncti nanque veteres eius hostes pro causa religionis, dignitateque exagitati Pontificis, aduersus Gallos ex censura Christiana impietatis damnatos, arma desumpserant tanto impetu, vt ea vis publica ad ipsos etiam veteres Gallorum socios, vt eodem impietatis scelere contaminatos, recideret. Ioannes siquidem rex Navarra, oppugnantibus Hispanis, regno excidit: & Iacobus Scotiæ rex, egressus fines, vt Henricum e continenti in Britanniam retrahere conaretur, conferta improspere ad Tuedum pugna, victus interfectusque est: & Florentini in Gallorum gratiam concilio Pisæ sedem concedere præbereque ausi, reductis à Iulio in patriam Mediceis veteribus dominis, amissa libertate stultæ remeritis poenas dederunt. Sed Ludouicus demum se propè à Fortuna mulctatum cernens, ad sanitatem ita rediit, vt ab infestis hostibus vel iniqua conditione pacem redimeret, & ei à rege Henrico soror, amabilis puella venustatis, in matrimonium traderetur. Verum ab his nuptiis rex iam senex, & diu pertinaci & sæuò vexatus morbo, ex nuptiali face sibi rogam succendit, quum regnasset annos quindecim, vixisset propè sexaginta: dignus profecto ex cumulatis toties victoriis supra cunctos ætatis suæ reges, præalto atque ornatissimo trophæo, nisi vetus Christianissimi cognomentum ab inconsultâ superbaque dissensione, quum Romani Pontificis dignitatem impotentibus armis conuellendam susciperet, declaratus sacer & impius amississet.

IOANNIS BELLAY Cardinalis Parisiensis.

*Prostratis Venetis, victo Ligure, Insubre capto,*

*Et Romæ afflictis, Hesperiaq; opibus:*

*Palma tibi Ludouice ingens accreuerat, hæc fors*

*Absulit, at non sic absulit illa animum;*

*Nec fecit (neq; enim sunt hæc sua) Gallia ne non*

*Vtraque, te patria diceret esse patrem.*

## Consalius Ferdinandus Magnus dux.



Ac præclara planeque heroica, & verè maximo duce dignissima facie sese Neapolitanis ostentabat Consalius Ferdinandus, quum plures victorias cõtenter adeptus, Gallicum bellum secundissimè confecisset; triumphaliq; laurea (nisi eam singulari modestia reiiceret) militari iudicio acclamationeque populi exornandus censeretur. Cui ideo breuius atque perstrictius Elogium optimo iure supponendum arbitramur, quod eius vitam & res gestas peculiari libro edito scripserimus. Neq; enim angusta papyro satis honestè capi potest hic Imperator, merito cognomine consensuq; omnium ferè gentium Magnus appellatus, qui nostræ tempestatis vniuersos ferè Duces magnitudine animi, bellica virtute, totiusque ciuilis humanitatis atque prudentiæ præconio sine controuersia superauit. Sic vt eum tanquã summi nominis estimatione clarissimum ducem, Ludouicus Galliæ rex, vel in hoste veræ virtutis admirator, Ferdinando Hispaniæ regi inuidere testatus sit; quum duobus his regibus apud Saonam vna conantibus, Consalius ipse honoris causâ conuiua tertius accessisset, & à Gallo demum rege post accumulatas laudes, aurea torquæ e collo regio in eius ceruicem iniecta donaretur.

PETRI GRAVINAE Neap.

*Te prius accepit, quàm fecerit inchoata Magnum*

*Sors tuæ te virtus vindicat vna sibi:*

*Fortuna tuæ tribuit cognomina laudi,*

*Te duce sed potius sors bona nomen habet,*

*Cui tantum hoc debes, quod te comitata priorem*

*Non dux, sed Magnum est fida secuta ducem;*

*Abs te quicquid habes, tibi puenit; omnia tecum*

*Magne tenes, ante hæc maxima, magnus eras.*

*Felix ipse tuo, non sortis nomine felix,*

*Qui geris æternum non aliunde decus.*





## Bartholomeus Liuianus.

**I**N BARTHOLOMEO Liuiano, sicuti nos vidimus, & ex hac vera imagine coniectari licet, quanquā ab humili corporis statura, ac ignobili subagrestis acerbique oris ductu nullum ipso dignum personae decus emereret; viuidi tamen & peracres oculi, innatae virtutis indices, quantum excelso efficaciq; ingenio valeret, facile ostendebant. Neq; enim illustri sanguine, neq; opulentis parentibus, uti apud Albianum tenue Tusciae oppidum natus erat; sed ascitus à Virginio Vrsino tanquā impiger, & maximè fidus cliens adoptiua nobilitate praestantiq; militiae studio clarus, ad summos honores ascenderat. Nactus siquidem valde opulentū, & ingentisq; famae auidum Romanae militiae magistrum, pertinaci industria, singulariq; labore, & incredibili vigilantia, aditum sibi ad militaris imperij nomen patefecit. Nam post Gallos ad Atellam Apulam, Ferdinandi Aragonij & Consalui Magni virtute debellatos, postquā Virginium captum vidit, è custodia per fenestram euadens, variis demum sese bellis immiscuit, quum Braccianum Virginij oppidum aduersus Pontificias copias constantissimè defendisset; exortq; bello inter Columnios proceres & Vrsinos, Carolo Virginij filio strenuā nauasset operam, vel multum aduersante Fortuna, in eo praesertim praelio, quo ad montem Caelium Vrsini intercepti ab hoste Carolo superati sunt. Adhæsit demum Magno Consaluo cum reliquis Vrsinis proceribus, quum eius factionis copiae spernerentur à Gallis, impensè tum Cæsari Borgiae fauentibus: hunc quippe Vrsini omnes vno consensu ad vlciscendam iniuriam parati atque intenti quæritabant, qui tot familiae proceres immaniter enecasset. Itaque Consalvus præcellenti atque præcipua

Liuiani





Liuiani virtute vsus, post deletos ad Lyūm Gallos eum Sancti Marci vrbe in Prutis donauit: fa-  
 maq; est eum non multo post ipsius Consalui & Alcanij Sfortiaē consilio atque pecunia instru-  
 ctum, Pisas coacto exercitu penetrare; atq; inde Gallis, vt eos Mediolano depelleret, arma infer-  
 re cupiuisse. Sed progredientem ad Campiliā, non procul a Volaterranis vadis, Florentinorum  
 copia, M. Antonio Columnio Iacoboque Sabello in prima acie acerrimē dimicantibus, eum su-  
 derunt. Contulit se inde ad Veneros, trucidatisque ad Cadubrium tumultuario in praelio Ger-  
 manis, & aliquot eorum oppidis, Tergestoque antiqua vrbe Maximiliano Cæsari ademptis tan-  
 tum inclaruit, vt Petiliano imperatori, æquato propē honore ex decreto senatus iungeretur. Ve-  
 rum ea bellici honoris incrementa, cum ipsi, cum Reipublicæ inauspicara fuēre, quum inguen-  
 te Ludouico rege Galliaē, Liuianus vel reluctantē Petiliano, manus conferere properasset. Ab ea  
 siquidem infelici pugna ad Abdiam vsque adeo funesta clades cōtracta est, vt inde Venerum im-  
 perium amissis viribus penē totum sit euersum; ipse verō vulneratus & captus in Gallicum car-  
 cerem sit coniectus, in quo memorabili astu, rerum suarum commentarios perscripsit, quos legi-  
 mus, in scabra vilique papyro, & latrinis tantū dicata, diligenter exaratos. Nam postquam a cu-  
 stodibus scribendi facultatem impetrare non poterat, ex furculis scoparum catamos fabrefecit,  
 intritoque carbone, & superinperso vino, atramentum parauit. In his legere fuit, se cæso matris  
 vtero in lucem editum fuisse, quum Martis astrum directum cœli verticē obtineret; vnde sibi ab  
 Astrologis prædictos militaris imperij honores, & certa capitis & frontis vulnera, quæ vitare ne-  
 quisset, denunciata fuisse asseuerat. Exacto triennio carcere emissus, & a Venetis Gallo concilia-  
 ris, in demortui Petiliani locū suffectus est, moxq; iterū improspere cum Cæsarianis ad Vicen-  
 tiam conflavit; vsque adeo tristi fœdoq; euentu, vt funestissima clades acciperetur; ipseq; tranato



flumine, in quo nonnulli Duces ex fuga perierant, Patavium ægrè perfugeret. Quod dedecus atque incommodum acceptum, aliquot postea opportunis expeditionibus contra Germanos & Hispanos ad Portonum atq; Rhodigium susceptis, egregia cum laude refarciuit. Nouissimum eius operum fuit Abduæ traiectus, præstitumque Francisco regi insigne studium & auxilium, ea in pugna qua Heluetij iuxta Mediolanum superati sunt. In eos enim cōtinuato per noctem prælio fatigatos & perturbatos, sed adhuc acerrimè resistentes, quum recentem equitatum suum induxisset; rusticanamque domum, qua hostes mira constantia se tuebantur, incendi iussisset, aduentaretque peditatus, tandem hostis ferocia victa protritaque est. Sed ea victoria minus læta Liuiano obuenerit, quòd Cepinius Periliani filius in eo tumultu cecidisset; ipse verò iam senex & thoracatus, cum pugnae feruore, tum ardore Solis vehementer succensus, lethalis morbi initia concepisset. Nam non multos post dies oborta febre, atq; intestinis in herniā defluentibus, sexagenario maior ad Vicum Ghedas supra Ollium amnem ereptus est. Post mortem autem, in qua omnis decedit inuidia, maximè acer & pugnax, vigilantiaq; item & integra fide præclarus Dux existimatus est: sed qui, teste Gritto, Reipublicæ Venetæ parum esset opportunus, quæ caurum potius & cunctatorem Ducem expostuleret, quàm feruidum bellatorem: utpote cui minimè grauis sit ullus trahendo bello sumptus, quando liberæ ciuitatis is omnino mos sit, non insalubriter institutus, ut incertos & ancipites præliorum casus non ineptè reformidet.

## P A V L I I O V I I Iunioris.

*Cæsar eras quondam exæctus iam matre perēpta,  
Infans vitales blandi dum luminis auras  
Haurires, cælum medium Mauorte tenente.  
Mox quia te cunctis clarū tua maxima virtus  
Fecit, & æterna vexit super æthera fama,  
Quòd te magnanimū, q̄ fortē pectore, & armis  
Contra mille acies, atq; agmina milia contra  
Hadriaci sensere patres, Venetumq; Senatus;  
Certè non aliud tibi, quàm de Cæsare nomen  
Sumere debueras; quis enim te dignior illo?  
Quum toties validum bello deieceris hostem,*

*Et toties referas Veneto victore triumphum.  
Testis erit Germana suo cum Cæsare pubes  
Fulminea disiecta manu, longèque fugati  
Finibus Insuorum Heluetij, gens efferata, testes.  
Improbis at si aliquis tibi fortè obiecerit illud,  
Ut te pugnandi cupidum nimis impiger olim  
Vicerit, iniquè suo seruauit carcere Gallus;  
Nesciet heu demens quantum sibi vindicat ipsa  
Fortuna omnipotens; nō hoc obiecerit unquam  
Qui sapiens, rerum dominam cognouerit illam.*

Campso Gaurus, Aegypti Syriaque  
Sulthanus.

Neminem, ut videri potest, vel ab initio blandius, vel in exitu acerbius & perulantiùs Fortuna iocata est, uti impudens & lubrica spectatè probitatis obre-  
ctatrix, quàm in ipso CAMPSONE Gauro Memphitico rege. Is enim è Scythi-  
cis pruinis puer eductus, & manceps educatus in ergastulo apud Memphim,  
Mamaluchorum disciplinā, & cuncta per ætatem militiæ munera nequaquam  
segniter apprehendit; tanto bonæ famæ successu, ut nullo correptus ambitu, &  
aureæ mediocritatis fructu contentus, mediis in classibus consensescere, hone-  
sti; nominis potius quàm præclari primatis dignitatē tueri velle videretur. Sed defuncto hære-  
beio, occisoq; subinde Mahomete eius filio, quum per intestina bella proceres de Imperij hære-  
ditate ad interitum propè totius ordinis dimicarent, nec ij vllum cruentæ controuersia exitum  
viderent, qui primæ classis decus sustentabant (ut plerunque fit) regem elegerunt, quem  
timeret, nec quisquam haberet odio, aut innoxia tantum probitatis fama cognitum impensius  
adamaret, & coleret. Itaq; Campson hoc innocentia suæ titulo extra inuidiam omnemq; ambi-  
tus suspicionem positus, cogentibus proceribus vltro delatum, inuito similis Imperij excepit;  
eaq; illud moderatione dignitatēq; tutatus est, ut Mamaluchi simultates deponerent, augeren-  
tur vectigalia; partaq; rerum tranquillitate, ab Othomannis regibus suspiceretur; & ab Hilmaëlo  
Persarum rege coleretur, tanquam intermedius maximarum opum, summaq; nominis authori-  
tate rex amplissimus. Hoc enim instituto Campson non imprudenter vtebatur, quo effrenatas  
vtrinq; & nunquam satis perdomitas duorum præpotentium regum voluntates & vires, deter-  
rendo & coercendo in dubio colendæ pacis officio contineret. Sed ab hoc non semper salubri  
consilio, quam parabant immitia fata, ad res perturbandas viam inuenerunt. Deuouerat se bello  
Persico Selymus, ut Hismaëlem in Calderanis nuper campis superatum, funditus euerneret. Ob-  
stabat Selymi audaciæ æquissimus belli arbiter & spectator Campson, ab ea æquiritatis ratione  
profus infelix. Nam uti periculo proximus, permotusq; recenti adhuc exemplo Tarsensis pu-  
gnæ, & superiore Vssumcassanis audacia, qui nunquam flumen ipsum Euphratem imperij sui li-  
mitem





mitem esse pati voluisset, in neutram inclinabat partē, & se vtrinq; totius belli disceptatorem & iudicem exoptari & deligi cupiebat. Verū Selymus superbo ingenio interdicentis arma vanissimi senis minas & vires contemnens, easq; ferro retundendas esse existimans, postposito Persa, magnæ sibi gloriæ futurū duxit, si superato Amano monte in Syriam inexpectatus interrumpere. Ab eo nuncio percitus ira Campson, & suorum perfidię ignarus, permotis à Damasco castris, in Comagene ad Singam annē Selymo obuius fuit, & extemplo cum hoste collatis signis conflavit; eo victoriæ euentu, ut Cayerbeio Alepiano Præfecto insigni perfidia Campsonem non deferente modò, sed infestis persequente armis, Mamaluchi, quanquā eximiē fortes, amissis Ducibus funderentur; & Campson ipse fugientiū suorū incurfu (vbi erat ætate multoq; abdomine grauis, ingentiq; præpeditus hernia) in multo puluere, nemine agnoscēte, cadenteq; equo procul eatus interiret. Repertum cadaver, triduoq; ostentatum Syris, subitam rerū commutationē admirantibus non Syriæ modò, sed Iudææ atq; Ægypti occupandi Selymo victori ianuam aperuit.

## IANI VITALIS.

Fortuna ceca & surda verè diceris,  
Et mente vana prædita,  
Ad alta tollis scamna in imo conditos,  
Vt mox cadant profundius,  
Morosa tu mortalium appetentium  
Votum omne fulmine ocys  
Fugas, deinde te nihil petentibus

Benignitate prodigis.  
Campson vt ille Gaurius nil ambiens,  
Nil te proterua flagitans,  
Inuitus imperator ora Ægyptiæ  
Tumultuosa militum,  
Ex fece plebis factus, insolantia  
Supra volabat nubila,



*Inter receptus altiora sydera,  
Mox excidens altissimus  
Absumptus armis hinc & hinc rebellibus  
Grauis senectæ pondere,*

*Fu ludus atrox impotentis aleæ,  
Tuæq; periticiæ;  
Amisit & cum vitæ opes, quas maximè  
Cum regno habebat maximas.*

## Tomumbeius vltimus Aegypti Sy- riæque Sulthanus.



**D**AMNATIS herclè auspiciis, & iam fatali ruina concidente Mamaluchorum imperio, Tomumbeius imperium excepit, vt labantibus & ferè perditis rebus succurreret: ita verò attollentibus cunctis procerum ordinibus annuit, vt se tanquam indignum excusaret, parumq; paratum ad periculofissimi belli vim sustinendam; sic vt amore patriæ potius, publicæque salutis & dignitatis causa, quam vllò abitu diadema suscipere videretur. Eum namq; longè optimi atq; fortissimum credebant, qui reparando bello cæteris omnibus aprior, & ad defendendam communem iniuriam, magnitudine animi, militariq; ausu promptior censeretur. In hunc præcellentî virtute sua, militumq; omniû studio nixum, & Diis inuitis arma expedientem, Fortuna admirabili excitato ludo, infesta iacula contorsit, vsque adeò atrociter, vt peculiari decreto præstantissimi hominis virtutem sibi omnino excindendam susciperet: qua cadente, ipsum vnà concideret Sulthanorum imperium, propter elatæ gentis superbiam sæuamq; tyrannidem cunctis hominibus, præsertimque Aegyptiis intolerandum & inuisum. Itaque Tomumbeius



Tomumbeius explicatis consiliis aduentanti Selymo, ad Mataream sua castra opposuit, frustra tormentis, cæcisq; fossarū insidiis permunita: magnoq; statim ardore & pari spē victoriæ vtrinq; classica recinerunt. Sed admirandæ pugnacissimi regis fortitudini, ne Selymus deleteretur, obstitit illa eadem perfidia, quæ Campsonem oppresserat. Nam transfugæ cuncta ea quæ Mamaluchi infidiosè parassent, ita Turcis indicârunt, ut longè omnium iniquissimo & cruentissimo prælio ceraretur, & Tomumbeius munimentorum suorum spē deiectus, numerosi hostis tormenta non diu sustineret. Amissis enim illustribus præfectis, & flore equitum multa cæde perturbato, intra urbē Memphim eo animo se recipit, ut per obseptas magnis trabibus regiones, de imperio, & de liberis ac vxoribus egregio conatu decerraret. Verum Selymus, cui fida comes & nusquam abscedens Fortuna aderat, fortiter aggressus urbem, cuncta perripit; & continuata per triduum dimicatione, magnam partem Mamaluchorū velpertinacissimè repugnantium trucidauit, frustra q; reliquos, ad Deorum inanum templa confugientes, & sub fide deditos interfici iussit. Nec tanta accepta clade Tomumbeium ultra Nilum se recipientem, & nouas comparantē copias Fortuna persequi desistit, uti nondum tot illatis iniuriis totam iracundiam effunderet. Ipsa namq; inuita reparatis copiis, & ad Nili ripam pontemq; supremo audaciē conatu edito confligentē percussit; quærentemq; latebras per paludem calamis obstitam, proidentibus incolis, Selymo victorū caprum vinctumq; tradidit; ut de rege summæ, sed infastæ virtutis clarissimo, spectaculū verè deforme, Scythicumq; prorsus ederetur. In eū siquidem Selymus abdicata omni vel regiē clementiæ, vel iustæ humanitatis laude, quæ singularis fero eius ingenio proponebatur, crudelissimè statuit, quum diu in quæstione de thesauris acerbissimè tortum, impositumq; vili camelo, & per urbem circumductum, ad Basuelam Syriæ portā laqueo necari, vinctoq; ferreo suspendi iussit; ut Ægyptij se victorem esse fateretur, qui sublati duobus supremis regibus, Sulthanorum imperio finem attulisset.

AONII PALEARII Verulani.

*Non fuit in toto Rex æquè oriente beatus,*

*Nec magis in toto Rex oriente miser,*

*Quàm dolor Ægyptij, olim Tomumbeius, auro*

*Ingenti, atq; armis, & ditione potens;*

*Captus ab hoste fero, miserum simul atq; beatum*

*Exemplo potis est commonuisse suos*

*Quid rides temerè? Quid fles? vis te cohibere?*

*Et natum post hac te meminisse hominem;*

*Mi trabeam induto, gemmis, auroq; corona*

*Cingebat fulgens, & diadema caput:*

*Mi quondam ornabant pretiosa monilia collum;*

*Nunc fractam vili respice fune gulam.*

Iacobus Triuultius.



ATVRAM non sæpe cuiquam sua dona cumulatè largiri solitam, præclaro Iacobi Triuultij exemplo intueri licet; quippe quæ ei parū liberalis & decori oris rictum, eumq; à simo naso in obtusam cuspide prominente, prorsus ignobilem dederit; atq; ite iusto humiliore (quanquam quadrata) & ferendis armis habili statura esse voluerit; ita ut ingētis spiritus vigore qui plenissimè inerat, nequaquā generosa vultus specie, personæq; dignitate subleuaret. Natus est Mediolani, patre nō admodum opulento, sed maioribus claris; diuersa tamē fama. Nam

Aconcij Triuultius inter percussores Iohannis Mariæ Mediolani Principis annumeratus, eius parricidij nomine damnatus est. Ex aduerso autem Erasmus apud Philippum interfecti fratrem & successorem forti fidelisq; studio non præclaros modò militiæ honores, sed ipsius etiam Principis consanguineam cū dote opulenta in matrimonio habere promeruit. Post hunc Erasmus, Antonius & Ambrosius, Francisco Sfortiæ, Philippi soceri imperium & hæreditatem adeunti, semper aduersati sunt. Ipse verò Iacobus tanquam acer, & ex Guelpha factione validus hostis, secus ac Renatus frater, à Ludouico semper dissensit; & quòd dominatum fratris filio ereptum ferre non posset, foris sese grauiter variis bellis exercuit: in Etruria primò, & demum contra Auximates, atq; inde ad Aragonios reges se contulit, quos Ludouico infensissimos esse cognouerat. Ab hac noua amicitia conciliante Ferdinando rege, Alfonsi Dauali, regià gratiā præpotentis sororem in matrimoniū duxit. Verum ingruente in Italiam Carolo Galliæ rege, profectus in Galliam togatam cū Ferdinando iuniore nullare memorabili aduersus Gallos gesta, cum ipso Ferdinando Romam atq; inde Neapolim se recepit: visusq; est parū opportuno tempore missionem impetrasse, & ad victorē Gallum illicò certa militiæ conditione concessisse; propterea quòd aduersus Ludouicum Sfortiam cum cæteris regibus nimia Caroli felicitate percussis, noua fœdera querebat. Itaq; redeunti Carolo, Tarrensi in pugna ante primā aciem, operam tam fortem quàm felicem præstitit, & famam strenui peritissimiq; Ducis consecutus est. Defuncto autem Carolo, Ludouicus Aurelianus successor, eum Astæ urbi cum ala equitum præfecit. Itaque mox subscri-





bente voris Fortuna, maximum eius operum fuit, Ludovicum Sforziam Mediolanensi imperio depulisse; nec multo post eum etiam captivum in Galliam perduxisse; unde ei liberalitate regis magnas opes vel gravi cum invidia obuenisse constat, quando ab his meritis Marefcalchus (quod est apud Gallos Equitum magister) sit appellatus, & ab hoc insignis dignitatis munere, memorabiles saepe victorias Gallico nomini pepererit. Quarum omnium nobilissima proculdubio fuit ea, qua Feltrium Baleonum q;, ad Bononiae moenia castrametatos, sine suorum vulnere profligavit, Bononiamq; Bentiuolis restituit. Quae victoria prudentiae & felicitatis nomine eo plenior & clarior extitisse visa est, quod non multo post Gasto Foisseius ad ingentem aspirans laudem, cum summa Gallorum clade iacturaque rotius Italici principatus, ad Rhauennam in ipsa funesta victoria concidisset. Sed qui nusquam praelio fuerat superatus, ad Nouariam inusitatae Heluetiorum audaciae ita cessit, ut vindicasse iniuriam biennio post ad Mediolanum censeatur, quum Heluetiorum legiones, ipso apud Franciscum regem depugnante, perdomitae superataeque sint, & Mediolanum vix toto vertente anno aduersus Maximiliani Caesaris imperum peculiari ipsius consilio constantissime fuerit defensum. Caeterum non multo post Triuultium sua illustri laude, & ciuili parsimonia gaudentem, & (vix erat elegantium literarum appetentissimus) publica Gymnasia admirante iuuentute frequentantem, vehementer exagitaui inuidia, inhiante scilicet eius oppidis Lotrechio, qui summa regis gratia subnixus, Mediolani erat in praefectura. Qua de re, vix indigna suis meritis exacerbatus, noua foedera cum Grisonibus Heluetiorum sociis, sibiq; ad Mesochium castellum antiquae suae ditionis finitimis renouauit, ut dignitatem suam tueretur aduersus immodicas Lotrechii cupiditates, quae ad eripiendum Viglebanum voluptarij secessus urbem extendebantur. Hanc nouam renouati foederis pactionem, obtrectatores usque adeo Regi suspectam fecerunt, ut senex septuagenario maior vocatus in Galliam, tanquam ad dicendam causam me-



dia hyeme per Alpium niues contedere cogeretur; qua in re vel ob id minus benignū quam sperasset Franciscum regem inuenit, eo quidem aciore animi cum dolore, quod ab ipso patre Camillum filium spurium perfidiosè atque impiè defecisse reperiēbat. His conflictatus curis, indig-nabundus senex apud Carnutes exorta stranguria facilè interiit: vir profectò Itolorū ducum ce-leberrimus & optimus, nisi grauissimā & propè perennem inuidiam, quum externæ gentis iu-gum patriæ primus imponeret, cū execrabili feruentium ciuium detestatione subiisset. Tumula-tus est Mediolani apud ædem Nazariam, suæ tribus sumptuosissimo sepulchro ab se condito, quod postea Iacobus nepos eius & hæres, accumulatis ornamentis luculentius fecisse vidimus.

P A R T H E N I I P A R A V I C I N I.

<i>Non violam, aut Paphium florē, mollemue Hya-cinthum</i>	<i>Ducant, &amp; tanto persoluant iusta sepulchro,</i>
<i>Spargite, non magni poscunt hæc munera manes;</i>	<i>Concussisq; frequens exercitus assonet armis.</i>
<i>Sed galeas, clypeosq; ensesq; &amp; Martia dona</i>	<i>Tum vos Scipiada manes, umbræq; Camilli,</i>
<i>Ferte, &amp; honorato feretrum præcingite lauro,</i>	<i>Vos Decij, Fabijq; duces, &amp; clara Quirini</i>
<i>Hoc ducis egregij funus, sacræq; Triuulii</i>	<i>Progenies, ubi nox furuas extenderit alas</i>
<i>Inferæ, quo fama Italum, Mauorsque Latinus</i>	<i>Ferte pedē, &amp; cineres venerati &amp; nobile bustum</i>
<i>Extulerat caput, &amp; priscū affectabat honorem.</i>	<i>Magnanimi excipite Herois, faustosq; sequentes</i>
<i>Armorum procures celebrē longo ordine pōpam</i>	<i>Agmine, ad Elysios umbram deducite campos;</i>
	<i>Hos Mauors illi, Pallasq; indicit honores.</i>

R A I N E R I I.

<i>In subrum columen Triuultius hæc tulit ora,</i>	<i>Treisq; animos habuit, ter geminasq; manus;</i>
<i>Quem ad magnū Bellona edidit Erydanum,</i>	<i>Ter letho sternendus erat; sed dente maligno</i>
<i>Mauorti permixta Deos; treis pectore vultus</i>	<i>Vna ducem inuictum sustulit inuidia.</i>

H I E R O N Y M I V V L P I I.

<i>Sunt tumuli Iacobè tui certamina, capte</i>	<i>Nos tibi pro titulis carmina bina damus.</i>
<i>Vrbes, captiui, regna, trophæa, duces.</i>	<i>Vicerat hic hostes animis; at nomine mortem</i>
<i>Hos tumulos tibi tu propria virtute parasti.</i>	<i>Vicit; &amp; inuictus vixit, &amp; interijt.</i>

Tristanus Acunius Lusitanus.



AC honesta canitie viridis adhuc senectæ, cultuq; nobilibus margaritis picto; ac internitente passim insignium gemmarū fulgore, supra quā dici posset ornatissimo, Tristanum Acunium, Emanuelis Lusitaniæ Regis legatum vidimus; quum Flumentana porta præeunte Eléphato in Urbem inueheretur. Indicæ victoriæ suæ trophæa ostentans, donaq; afferens Leoni Pontifici, vt supremæ fortunæ decus præclara magni numinis prouidētia ad felicitatem seculi collatum gratularetur, quando eum etiam tanquam sacrorum principem ritè creatum, religiosè atque suppliciter venerari iuebatur. Munera fuere planetæ, & pluuiiales Dalmaticæq; vestes, vni solennibus sacris dicatæ, quas innumerabiles, margaritæ Phrygiis operibus intertex-tæ mirabiliter adornabant. Prorex siquidem in India Tristanus multas sibi pretiosiores diuitias con-gesserat, præclaris rebus cū grauitate præstantis ingenij, tū bellicosa manu gestis; ad apertis scilicet, aut institutis Indicæ negotiationis emporiis vltra Calecutū vsq; ad opulētissima Cam-baïæ, Narsingæ, & Bengalæ regna; passimq; per orā amicitias iunxerat, tributaq; aromatū im-ponens, vltra Gangem Lusitani hominis tamā propagarat. His rebus gestis redeuntē ad trium-phum, superantemq; extremum Æthiopæ promontorium, quod nauæ Bonæ spei vocant, ra-pidissimi Aquilones vltra circulum Antarcticū tanta vi propulerūt, vt in vasto pelago longissimi tractus terras adierit, quas non ingentis insulæ, verū eius continentis immensæ regionis, quæ ad Perurana & Cuscana regna connectitur, esse crederet; quā nemo tamen præter eum hæcenus inuenerit; non secus ac Magalano accidisse videmus; qui per angustas quasdā fauces in occidenta-lem Oceanum, circumto toto retratum orbe, stupēda nauigatione penetrauit. Sed Elephas au-rea intratus stragula, & currito ephippio Indos homines gestans in se admirātis populi ora con-uerit, quum extenta proboscide, eaq; nemini noxia, & passu ad modulos tibiarum temperatè iocundissime lasciui-ret. Obstupere in tantē molis bellua Romanus in primis populus, & subur-banæ gentes, tam docile ingenium, humanisq; adeo sensibus propinquum; quod magistri scep-tro seireo imperantis vocibus pareret; venerariq; principem, & augustiore habitu homines certo gestu videretur, circumfusæq; pnerorum turbæ adulari didicisset. Cæterum Elephas publicæ hi-laritatis oblectamentū, vix toto biennio Romani cœli lucem vel diuersę passionis intempericiem





perire potuit; quum fluente aluo paucissimis diebus interiret. Eius mortem plebs tota non fecus ac incomparabilis ciuis diu luxit, quod communis omnium voluptas quæ ad famam dignitatemque Verbis pertineret, immaturo alioquin viuacissimæ bestiæ interitu, erepta videretur. Ob id Læo Pontifex non obscure præproperis extincti fati subiratus, ut populi desiderium, quaquam in nani picturæ solatio deliniret, Elephantum simillima effigie, mensuraque membrorum iuxta curiam Vaticanæ portæ pingi iussit, cui & hoc quoque Epigramma inscriptum est.

BEROALDI Iunioris.

Monte sub hoc Elephas ingenti contegor ingens  
Quem Rex Emanuel deuicta oriente, Leoni  
Caprinum misit decimo; quem Romula pubes  
Mirata est, animal non longo tempore visum  
Vidit & humanos in bruto pectore sensus.

Inuidit Latij sedem mihi Parca beati,  
Nec passa est ternos domino famularier annos.  
At quæ fors rapuit naturæ debita nostra,  
Tempora, vos superi magno accumulate Leoni.

At Rex Emanuel ad extendendam subactæ ab se Indiæ laudem, dignum fama sua rarus, si recentis muneris gratiam nouo munificentie officio cumularer, Rhinocerotem etiam misit, qui exitinere longissimæ nauigationis, in littus prouinciæ Narbontensis expositus, insigni Galliæ spectaculo fuit. Erat hæc bellua paulo humilior elephanto, si altitudinē spectes, sed longitudine propè par, nostratis bubali formam referens: nam ungulas habet bisulcas, verum tergo buxi coloris, eoque ab impenetrabili duritie duplicato, tanquam perpetuo thorace protegitur; armaturque pedali osseo cornu supra nares eminente, quo ferire sub utero, atque transfodere elephantem peculiarem suum & internecium hostem solet, si ramen iniecit ad collum & ocysimè strangulatis proboscide



boſcidis vim effugiat; nam in congreſſu perpetuæ ſimultati, aut parta victoria, aut certe decora morte ſatisfacit. Sed hanc inuſitatæ feritatis belluam, quæ in arena Amphitheatrî elephantò ad ſtupendum certamen committi debuerat, Neptunus Italiæ inuidit, & rapuit, quum nauigium, quo aduehebatur, Liguriſcis ſcopulis illiſum, impotentis tempeſtatis turbine merſum periſſet; eo grauiore omnium dolore, quòd bellua Gangem & Indum altiſſimos terræ patriæ fluiuos tranare ſolita, in ipſum littus ſupra portum Veneris, vel arduis ſaxis aſperriſſimum enatare potuiſſe crederetur, niſi compeditus catenis ingentibus, nihil proficiente euadendi conatu ſuperbo, maris Deo ceſſiſſet. Ferunt hunc Rhinocerotem quum ab Oceano Vlyxponenſi in portu exponeretur, aſpectu atq; odore ſuo elephantum Romano grandioſiorem, qui tum erat in Regia, uſque adeò truculenter terruiſſe, vt elephas ipſo naturæ miraculo præcipuus hoſtis, concepto incredibili patore, ſeptum caueæ ferreis ingentibus clatris permunitum, humerorum & capitis præcipiti impulſu perruperit, & in longam ſe proripiens fugam, terribiliq; barritu edito, ſtridens & furens cuncta obuia proſtrauerit. Vtriuſque belluæ imagines ex vera naturaliq; magnitudine picturis expreſſæ, in ipſo Muſæi noſtri atrio ſpectantur, cum hac inſcriptione ſingulis verſiculis animantium naturam demonſtrante.

*Humanos Elephas retinet ſub pectore ſenſus,*

*Rhinoceros nunquam victus ab hoſte redit.*

ANTONII SANFELICII de Rhinocerote.

*Rhinoceros ego ſum ſuſco deuectus ab Indo*

*Hinc ubi veſtibulum lucis portaq; ducit,*

*Hesperia claſſem aſcendi temeraria vela*

*Auſa nouas terras, aliumq; inuiſere Solem.*

*Spectarat quondâ urbs noſtros in munere circi*

*Congreſſus, hoſtemq; elephantum obiecit arena.*

*Hic patrias iras, æternaq; prælia mecum*

*Exercet fidens immani corpore moles.*

*At loricamur triplici nos tergore, & arma*

*Praualidus mucro, atq; inuicta cuspide cornu.*

*Ipſe cadit Barrus, dum telum ſigitur alio*

*Expugnat vires ſtultas prudentia ſolers.*

FINIS LIBRI QVARTI.

# PAVLI IOVII EPISCOPI

NVCERINI IN QVINTVM

LIBRVM ELOGIORVM

SVORVM

PRAEFATIO

Ad COSMVM MEDICVM Florent. Ducem.

**H**eroum, quos inſculta virtus noſtro ſeculo clariſſimos fecit, quintus hic liber Elogia continebit, eritq; vt reor, ſuperioribus multò iocundior: quoniam illorū laudes ardentiffimæ virtutis aſpicijs partas exprimat, quorū ex rebus præclare geſtis recentiffimam hodie memoriam retinemus. Mirificè ſiquidem iuuat eos ex veris imaginibus repræſentatos, ruruſ vt adhuc ſuperſtites oculis intueri, & benigna cogitatione ſuſpicere, tanquā defunctos, atq; omni prorsus inuidia carentes, quos ipſi de facie nouerimus, gerentesq; bella varijs periculis atq; victorijs inclaruiſſe viderimus. Habet enim in ſe hoc illuſtris & excellens virtus, vt ea præditos & cæteris præſtantes, vel apud ipſos hoſtes ac inimicos, in admiratione reduit cū laude perducatur, inſiciatq; elegantioribus ingenijs, quendam honeſte cupiditatis aculeum, agnoſcendis ſcilicet eorum formis & vultibus, quires literarū memoria dignas, forti conſilio & pugnaci dextra conſecerint. Quandoquidem res magnæ & memorabiles plerunq; ex varia tot caſuum reputatione, à legentibus ſcripta, aut picta ora ſpectantibus voluptatē & dolorem; proq; habitu præduri vel mollioris animi, interdum ex indignitate improbè atrocitatis factorum, miſerationem & lacrymas eliciant. Tu verò, magnanime Coſme, pro natura ingenij tui, quod nihil niſi per illuſtre atq; honeſtiſſimum reſpicit, rectè ſtudioſeq; feceris, ſi quæ legendo ex moribus tot inſignium Ducū exempla accuratè notabis, ea felici delectu imitanda ſuſcipies, & quod proprium ingenuæ verecundæq; tuæ probitatis eſſe videmus, ſingula vitia, quæ temperati moris modum exceſſerint, repudianda penitus, vitandaque cenſebis. Vale.



# ELOGIORVM LIBER QVINTVS.

Franciscus Gonzaga Mantuanus  
Princeps.



**H**

**I**C est ille Franciscus Gonzaga Mantuanus Princeps, qui ab illustri inusitataque animi magnitudine, & immenso ardore pugnacis ingenij à Veneris delectus Imperator, primus nostro seculo cruenta Tarrensi acie Italicae atque externae virtutis glorioso congressu, quanquam infauisto, periculum fecit. Constat enim eo praelio plus sanguinis fusum, quam duobus anrea seculis ab eoq; incommodo didicisse Italos, nequaquam feruidis animis, sed stabili consilio, & certa arte disciplinae militaris exercenda esse arma; cum his praesertim gentibus, quae ordines seruare, diuersas repente acies efficere, nihil vulnera & mortem, aut denique aenea tormenta reformidare consueissent. His enim documentis, qui rum praelio victus videri potuit, gemino demum bello victor extitit cum insigni gloria, recepta scilicet Nouaria, & Gallis omnibus Neapolitano Regno pulsus. Non arrisit ei demum fortuna, quum pro Gallis conuerso studio militaret. Eius siquidem impigre virtutis vim & conatum omnem, contumeliosi quidam Gallorum Duces, adeo importune atque impudenter praepedi-



præpediuerunt, ut mox cum superbiæ, tum imperitiæ suæ ad Lyrin annem pœnas darent. Aliquanto autem post, quum Venero bello sese immiscuisset, & cum ala Gallorum in Patavinum agrum ad Cæsaris castra contenderet, noctu apud Insulam Scaligeram Veronensis agri pagum, Græcorum equitum multitudine circumuentus, in potestatem Lucij Maluerij deuenit, diuque seruatus Venetis in custodia, tandem Iulij Pontificis beneficio liberatus est, quum Federicum filium fidei obsidem Romam misisset. Fuit Franciscus ingenio liberali, aperto, nusquam fallaci, & denique nusquam maligno, sed qui sermone iocoso fœminarum pudori intemperanter illuderet. Verum qui vaga Venere oblectabatur, fœdum atque lethalem morbum, ut tum ea sæua tem-pora produxerant, facile tulit, quo miser ante diem inter varios cruciatus expiraret. Per omnem autem vitam, quod vix ex censu credi poterat, cum Regia hospitalitate ac eximio totius aulae cultu, tum rerum omnium ornamentis, & magnificentia operum, splendorum etiam Regum æquabat decus. Sed supra omnes eius ætatis Regulos, equorum copia, delectu, varietate, nemine æmulari auso, summam proculdubio gloriam promeruit: quandoquidem equarum greges aleret ad sobolem propagandam, accitis usque ab vltima Hispania atque Numidia, Hibernique item, equabus, & admissariis. Eo namque tempore quotannis per Italiam liberis in vr-bibus instituta erant, more veterum Græcorum certamina, equorum pernecitate & cursu contendentium; unde celeberrima laus cum opimo præmio expetita multis; vnus verò semper Gonzaga equis promerita pararetur. Generosos autem & ad arma natos sonipedes, neque plures quisquam, neque nobiliores habuit, aut eos accuratiore disciplina perdomuit. Quorum armen-torum instituta animaduersis disparis coniugij variæq; fœtore prouentibus, aliqua ex parte Federicum filium postea emendaturum vidimus; nisi insatiabili ædificandi studio allectus, aliò sumptum transtulisset. Cæterum Franciscus his lectissimis equis, qui variè permutato semine nouæ atque pulcherrimæ sobolis videri poterant, indefesso munificentia studio, externarum gentium Principes sibi conciliauit, vnaq; præsertim Othomannorum amicitia clarus excelluit, quum inde Thracum & Cilicum lectissimos, ad progeniem & bellicos vsus impetrarit. Sobole filiorum omnino felix excessit è vitâ, quum ex Isabella Alfonsi Ateolini sorore tres liberos reli-quisset, Federicum primo editum partu, matura iam paternæ virtutis indole ad summos militiæ honores vadentem, & Herculem lectissimis moribus & literis institutum, paratamque sibi & fam-iliæ debitam sacrati cultus purpuram promerentem, & denique Ferdinandum militare decus in Gonzaga domo, clarioribus superadditis victoriarum trophæis ad summam gloriam euecturum.

## L AELII C A P I L V P I Mantuani Cento

ex Virgilio.

<i>O decus Italiae, quondam dum vita manebat Sceptra tenens, tardis ingens ubi flexibus errat Mincius, &amp; tenera prætexit arundine ripas, Semper honore meo semper celebrare donis Dum memor ipse mei, dum spiritus hos reget artus. Salve vera Iouis proles, tu maximus ille es Vnus qui nobis magno turbante tumultu Atte annos animumq; gerens curamq; virilem, Vltro animos tollis dictis &amp; pectore firmo, Arduus arma tenens, fulgenteis ere catervas More furens torrentis aquæ, Gallumq; rebellem Sternis humi, campiq; ingentes ossibus albens. Parthenope merui tanti non immemor unquam (Dextera causa tua est) solio consedit auito. Quid memorem spolia illa tuis pendente tectis</i>	<i>Tam vulgata? quibus cælo te laudibus æquem Flos veterum, virtusq; virum? cui cura nitentis Pascere equos, merita expectent qui premia pal- ma Europa atq; Asia, tanta est victoria cura. Tu decus omne tuis tu seruantissimus equi Omnibus exhaustos iam casibus, omnium egenos Urbe domo socias, tua terris didita fama. Munera præterea ex auro solidosq; elephanto Coniungere tibi (cuncti se scire fatentur) Regnatorem Asia, genus insuperabile bello, Et penitus toto diuisos orbe Britannos. Salve sancte parens, Italum fortissime ductor Felix prole virum, si quid mea carmina possunt, Semper honos, nomenq; tuum, laudesq; manebunt.</i>
--	---

## I O A N. B A P T I S T A E P O S S E V I N I

Mantuani.

<i>Inuicti effigiem Gonzaga nobilis arte Eximia expresit spirantem pictor; at illi Non potuit duris partum decus addere bellis, Non presens animi robur, Populique regendis Iustitiam, &amp; large præstantia munera dextra. Ceu quondam radijs exutum ardentibus ora</i>	<i>Mortali vultu, gradientem montibus Ida Phæbe manus te docta sacros effingit in vsus. At Iouius clara splendorem reddidit arte, Aeternamq; dedi Gonzaga ducere vitam Ductores inter primos, quos nulla tacebunt Secula, nec veteris ledent obliuia fama.</i>
---	--



## Maximilianus Cæsar.



**M**AXIMILIANVM Cæsarem Friderico tertio Imperatore genitum, quem  
 eruditiores Germani pro Maximiano, quod nomen est antiqui Cæsaris, cui  
 Iouij cognomen obtigerit, Maximum Æmilianum appellant, hæc tabula ab  
 effigie simillimum reddit. Ferunt Austriacæ domus nobilitatem Romani  
 sanguinis stirpem respicere, perducto scilicet stemmate à Perleonum fami-  
 lia, ex qua fuerunt celeberrimi olim Comites ex Tribu montis Auentini.  
 Hos enim ad Abspurgum consedisse constat, inter Rhetos, Noricos, & Vin-  
 delicos, non longè ab Heluetiis, coalescenteque sensim potentia, Austriaci Principatus (vbi  
 ipse Cæsar suæ originis religiosus indagator asseuerabat) iura & titulos condidisse; eiusque  
 dominatus claritudinem bellica quæsitam virtute, & longa verustate constitutam propaga-  
 se. Hinc euenit, vt facile credamus, Augustam hanc Romani Imperij dignitatem, ad Austria-  
 cos Principes, quod Romani sint generis, sacrali quodam iure peruenisse. Quando iampridem  
 abolita sit militaris acclamationis consuetudo, qua Imperatores olim apud exercitum in ca-  
 stris fiebant, & ipsa etiam septem Germaniæ Procerum suffragatio penitus obsoleseat, toto sci-  
 licet hoc honore per manus præpotentium Cæsarium legitime tradito, confirmatoque, qui  
 iam altas iecerit radices, vt in vna familia non dubiæ hæreditatis nihil intercisa serie, decen-  
 tius atque stabilius reflorescat. Cæterum hoc Cæsare nullus suæ ætatis Regum luculentiorum  
 militaris habitus dignitatè, vel certius ac illustrius probi, vereq; augustioris decus ad Imperium  
 attulit.



attulit. Per omnes siquidem cum bellicæ, tum ciuilibus virtutis numeros, generosi spiritus inuictique animi magnitudinem, quam in aduersis pariter & secundis casibus homines mirarentur, ita præferebat, ut contemnere Fortunam videretur, eamque seuera fronte tanquam insolenter improbeque semper iniustam & instabilem, damnati fallacissimi que numinis antiquorum infamem Deam appellaret, propterea non multum vel eius benignè aridentis gratia, vel acerbissime sæuientis odio supra æquum angeretur. Inerat enim Maximiliano animus pecuniæ contemptor, opulentiore Cæsare dignus. Eam siquidem ubi possideret, vel non integrè exactam, diuidere statim atque elargiri amicis & hospitibus, quàm in ærarium ex ignobili parsimonia inuidiæ plenum congerere malebat. Existimabat enim nihil vnquam ab suo felici lydere, & arcanis cuiusdam sanctioris oraculi promissis, sibi & posteris opulentissimorum Regnorum ditio- nem esse defuturam, quæ bella gesturo in perpetuos liberalitatis vsus sese effundenti per amplas atque inexhaustas signati auri facultates suppeditaret. Quæ superba & sæpe inani opinione imbutum, & nervos sibi immodicè præcidentem, necesse erat sentire improuisam egestatem, & in medio bellorum cursu ita hæreret atque fatiscere, ut non aliunde quàm ab ipso stipendiorum defectu, semipartæ iam victoriæ interpellari, & è manibus eripi dicerentur. Arriserat namque ei Fortuna ab initio, quum imberbis adhuc, interfecto ab Heluetiis Carolo socero, Belgici eius Regni hæreditatem adiunisset: Quippe qui alacriter, beneuolentissimeque susceptus, commutatis demum seditiosis studiis apud Brugeses cum vxore custodiæ traditus, diuersam impotentis Deæ vim, sed moderatè & fortiter tulerit. Exinde eum pristinæ dignitati atque Imperio restitutum diuersa exercuerunt arma, quibus insigne decus, vel adhuc iuuenis adeptus est, fuisse ingentibus Gallorum copiis apud Ghingatam, & perdomitis Menapiis atque Sicambris. Sed non multo minor ei laus cessit peritiæ atque ausus militaris, quum Bohemos non procul à Ratispona, vel sese castraque sua perpetua scutorum ingentium munitione defendentes, cruento edito prælio superasset, & Pannonios ex semioccupato Norico inuadentes Austriam, non semel repressisset. Nec demum eadè felicitate Heluetia arma lacessiuit. Ab his enim non longe à Rauracorum finibus, fuso ipsius exercitu, graue vulnus accepit: frustra que Italiam aspexit verantibus Fatis, quam proculdubio Caroli nepotis Imperio reseruabant. Improspere siquidem expeditio in Etruriam pro Pisanis aduersus Florentinos suscepta, & bellum longè grauissimum Venetis illatum, vexilla que amplissimi exercitus in conspectum Mediolanensium promota, terribiles quidem primò impetus, sed mox inanes atque irritos conatus habuerunt. Erat Cæsar pace & bello supra quàm dici possit credulus, & suspicax; sic ut quæ acie vinci non poterat, bello per mortas facile vinceretur. In vniuersum integrè pietatis atque incomparabilis munificentia, castrensisque disciplinæ laudem promeruit. Excessit è vita sexagenario minor apud Velsium oppidum; quum leui tentatus morbo intempestiuam acrioris pharmaci potionem bibisset.

## PAULI IOVII Iunioris.

Vatum Musa decus Pierium, quæ laticem colis,  
Tolle, o magnanimum, tolle precor laudibus in-  
chyris

Iam pridem superum consilio ad sidera Cæsarem  
Euclum. Cythara, dulciloqua, seu fidibus Lyre  
Hanc cantare iuuat. Quàm iuuenem gloria ma-  
ximis

Factis extulerit, Danubius nouit, & impiger  
Qui lambit veterum mœnia circumflus urbium  
Rhenus, dum rapidis Oceanum vorticibus petit.

Hunc olim trepidis extimuit Sequana fluctibus;  
Regem namque suum, pro pudor, illa incluta  
Gallia

Spectauit fugientem, Austriacis viribus imparem,  
Spectauit fugientem iuuenis Cæsarei impetum,  
Findentis gladio perdomitis hostibus agmina,

Qualis quum tumidus profluit è vertice Vesuli  
Vastans arua Padus, ceu Boreas quum fremit in-  
fidus

Nautas attonitos equoreis fluctibus obruens  
Vel quum irata Poli porta furens intonat aere

Sternens Templa Deum salminibus celsa cac-  
mina.

Verum Barbaricis assuetum nil nisi prælijs

Tentare Italiam quippe iuuat, miles ab Alpibus

Ductu Cæsareo dira fremens Theutonus euolat.

Nouere inde Patres Hadriaci quàm celeri manu

Moles cōtuderit flammivomas, & propugnacula:

Quum Verona sui scuta virum, & corpora for-  
tium

Deplorans Athesis sanguineo voluier alueo

Spectauit facibus fulmineis spargier omnia:

Tormentoq; strepenti indoluit mœnia concuti.

At qui Tusca colunt littora, quæ pulcher Etruria

Arnus rura rigat, veliuoli olim domini maris

Pisani eximia laude canunt illius inchtum

Nomen, insutia per celebre, & munificentia:

Salue Auguste diu; teg, simul magnanimus nepos

Inuictus Carolus, perpetuis auctet honoribus,

Ardentis Libyes perdomitor. Nam tua gloria

È splendore suo nobilior fulget, ut aureis

Ex Phœbivady, pulchra micat cornua Cynthia;



ELOGIORVM  
DVCESTRES BALEONEAE  
*familie, qui vna in tabula expressi continentur.*

Ioan. Paulus Baleonus.



**B**ALEONOS qui supra seculum vnum inter ciues Perusiæ authoritatis Principatum tenuerunt, quod militiæ dediti spectata semper virtute arma tractarent, Baioarici sanguinis fuisse tradunt. Summam autem familiæ dignitatem attulisse fertur Malatesta, qui aorum nostrorum memoriâ sub Braccio Montonio Imperatore, militiæ disciplinam hausit, & per gentiles suos propagauit. Huius pronepos fuit hic Paulus, qui in tabula cum duobus liberis Malatesta atque Horatio pictus spectatur, haud dubiè familiæ clarissimus euasurus, nisi propinquorum inuidiâ Leoni Pontifici criminosisimè delatus, deceptusque sua spe, in agnoscendis alioqui benigni, sed tum ambigui Principis sensibus, ceruices vltro securi præbuisset. Pertruccianæ namque coniurationis gnarus fuisse ex damnatorum confessionibus putabatur. Sed id in eius necem Leonis animû maximè perpulit, quod hominè ingenio acrem; & manu promptum, Imperatorijq; muneris secundas partes apud Veneros promeritum, proptereaq; Perusinis ad imaginè inuidiosæ Tyrannidis dominantem, tollere cupiebat, satagentibus in eius necem asfinibus atq; propinquis, qui non aliter quàm morte potentiam eius conuelli posse existimabant. siquidem Baleonis omnibus hoc semper fatali æmulatione fuit insitû, vt similitatem nunquam fere



ferè intermissam, inter se cruentissime exercerent: & quum pulsa Oddorum familia, præpotentes atque æmuli ciues deessent, sese ipsos gentilitio sanguine defœdarent. Enituit in Paulo oris & corporis eximia dignitas, eloquentia, militari studio requisita excellēs; mores bello & in castris nemo carperet, pace multi laudarent; nisi nusquam oblitus factionis, vetera etiam odia vindicare, & incestis amoribus suam alienasq; familias dedecorare consueffet.

## Malatesta Baleonus.



**M**ALATESTA filius paternæ sæuitiæ atque libidinis vitia detestatus, quum foris sub Liuiano Imperatore, cui nupta erat ipsius amita, præclara cū laudē militaret, egregium sibi præfecturæ locum apud Venetos parauit, exulque à Leone factus, Perusiam patriam pulsus inde Vitellio, & Gentile Baleono, fortiter recuperauit, quum antea inexpugnanda Cremona, pellendisque Laude Pompeia Cæsarianis, plurimum inclaruisset. Ad extremum Florentinis constantissimè libertatem suam defendentibus, quū annum propè integrum pertinaciā fame aspera, maluit florentissimam urbem seruare ab immanitate atq; sæuitia externarum gentium. quæ opulentissimæ prædæ inhiarent, quàm parere imperitis & obstinatis aliquot ciuibus, qui desperatā veniā vnā secum ciues extrema supplicia perpeti, interireque patriam, & incendio absumi potius quàm sese dedere, & subactos confiteri cupiebant. Nec ob id factum fidei suæ famam læsit apud æquissimos ciues, à quibus iure optimo auream seruatæ urbis statuam meruisset.



## Horatius Baleonus.



te potius quàm maligna obreſtatione lacerari, communi bonorum hominum iudicio, & ſacro ſancti Pontificis teſtimonio videri potuit. Non vixit inde integrum biennium atroci & diuturno morbo ſuccumbens, Rodulpho filio hærede relicto, quem hodie ſingulari cum laude bellicoſæ familiæ dignitatem tueri videmus: Quum Horatius patruus multis fortibus factis, Salernòq; præſertim expugnato clarus, verùm Malateſta factioſior & ſæuior Florentinis copiis præpoſitus, in obſidione Neapolitana Lotrechio Gallorum Duci operam nauans, non in acie, ſed fortuito glandis ictu ſine liberis perierit.

## PAVLI IOVII Iunioris.

*Tres ſimul Heroas pictor, tria fulmina belli  
Pinxit in hac tabula.  
Hoſpes ſummiſſis genibus ter lumine luſtra:  
Ter venerare Duces.  
Gaudeat vt geminis pater inclyt<sup>9</sup>, aſpice, natis;  
Et pariter gemini  
Vt patre latentur nati mauortia pubes.  
O celebranda diu  
Norica progenies centū dominata per annos*

*Te mea Muſa canes.  
Nam patrem inſigni clarum virtute, maligna  
Perculit inuidia,  
Credulus heu nimium ſummiſſit colla ſecuri  
Præſidis Auſonij.  
At vos Etruſci, meruit nam ſculpier auro,  
Carminè perpetuo  
Ductorem veſtrum Baleonum tollite ad aſtra,  
Ob patriam, atq; domos* Hoſtibus



*Hostibus creptas seruatâque templa Deorum.  
Nec minus interea  
Egregius toto celebretur Horatius orbe.*

*Vivite in Elysio  
Fœlices animæ, quorum tenet æthera virtus  
Sydere nobilior.*

## Selymus Turcarum Imperator.



**S**ELYMVS Othomannæ familiæ nonus Imperator, hoc ore truci ferocibusq; oculis, insitam animo suo vim, diramq; sæuitiem ostendebat, quum in sanguinem gentilium suorum & reliquorum, qui ad eius imperiosi genij nutus parum expedite responderent (hos enim præcipue oderat) immaniter desæuïret. Hic prorsus ingens, si vel æqui, vel iniqui ausus gloria certiùs expendatur, Mahometem auum crudelitate simul atq; animi magnitudine superasse videri potest. Stratis namque Persis in Calderanis campis, ipsoq; Hysmaële Sopho iusta acie deuictis, & Regia eius, quæ vocatur Taurisum, occupata, atq; vastata, tantum inclyti nominis promeruit, quantum satis esset satiandæ ambitiosissimæ eius gentis Regum cupiditati, nisi ad longè maximum gloriæ cumulum accessissent duo, geminata victoria Syriæ atq; Ægypti Reges, armis deuicti atque interfecti, Campson scilicet infelix senex ab equitatu suo in fuga prostratus, & fortissimus Tomumbeius, qui extremum cum vitæ suæ, tum Sulthanico Imperio finem miserabili supplicio affectus, attulerit, quum vniuersum propè terrarum orbem, rerum ab se summe celeritate gestarum, admiratione atque terrore suspendisset. Verum magni numinis providentiâ factum fuisse fas est credere, vt illa vis indomita & insuperabilis sese in Orientem effun-



deret, vt Europæ intestinis bellis laboranti, nihil herclè merentibus Christianis Regibus parceretur. Regnavit annos octo, vixit quadraginta sex, & quum maius aduersus nos bellum esset suscepturus, canceroso renum vlcere verè pestilenti, apud Chiurum Thraciæ pagum, morte solutus est, Pyrrho Bassæ, in cuius sinu atrocè animam exhalabat, Solymanum filium commendans, seuerèq; præcipiens, vt in Christianos, tanquam veros hostes, arma verterentur, neglectis Persis, quorum inanem superbiam satis ipse contudisset. Euenit autè vt eo fatali sibi loco, in quo Baiazetem patrem circumfusa acie adortus opprimere cogitârat, meritis immanis parricidij poenas daret, sed nequaquam flagitiis pares, vtpotè quæ omnem immanitatis notam excedant; postquam Acomathem & Corcuthum germanos fratres, & tot fratrum filios Regiæ indolis ad vnum omnes sustulerit, vt Solymano filio omni æmulatione vacuum Othomannici Imperij solum pararet. Quamquam & huic successione atque hæreditatis ius ipsum aliquando inuiderit. Ferunt enim eum, veste veneno intus atrocissimo delibuta, filium extinguere cogitasse; vt quædam eius verba immodicè pungentia vindicaret: sed eius exitiosæ vestis donum astuta matris misericordia repudiâtum, pro Solymano Cubiculario datum, occysimè perniciem attulisse. Sic vt hoc exemplo, immanitate feras anteisse videatur, monstro quàm homini similior, qui ex animo plusquam Tartarico, nemini suorum pepercerit. Sed non desuere qui in eo abominabilem carnificinam, tanquam ei necessariam, qui sine æmulo metuq; regnare decreuisset, verbis excusare contenderent: quòd regnatura omnis diuini atque humani iuris penitus obliuiscendum censeant. Vsq; adeò enim Imperij dira sitis est, vt vel flagitiosissimis artibus apud quosdam, Regna cœri las esse videatur.

### ANTONII FRANCISCI RAINERII.

*Hec Selymi effigies Scythico quæ pallida vultu  
Mortalibus minatur, & magnis Dijs,  
Trux illa est, inhiant Lyciæ sub tegmine tele  
Impexæ atroces undecunque vipera.  
Eumenidum decus, & Vulcania lumina, lethum  
Spirant, & ora vim, nefas, & impium.  
Miscuit in cano dira hic Aconita parenti  
Fratresq; letho extinxit omnes horrido;  
Ipse suo (ni vana ferunt) fata vltima nato  
Parauerat, superba quæ sors distulit.  
Huic tamen horribiles peperit victoria laudes  
Et insolenti adaucta sceptræ dextera.  
Nam quæ Sol agili circum rotat ardua curru  
Hircaniam, trucemq; Persicum sinum,  
Quaq; coloratis longè deuexis ab Indis  
Deserta Nilus arua lambit Aethiopus.*


*Gens Eoa omnis, varia armis, dissona linguis  
Flexere Regi colla barbara effero.  
Sulthani euersum Imperiũ, atq; Aegyptia Regna  
Quum totus undique orbis expauesceret.  
Nec dubitamus adhuc priscis pietæ illius ora  
Miscere nostris (ab nefas) Heroibus.  
Othomannorum quin ora perempta potentum  
Vrbs hæc superbis illinit coloribus.  
Fallimur, & Roma hæc nō extulit ora, sed hæc ita  
Nobis Ioui diuine spectanda erigis,  
Itala imaginibus vaser, hisce vt pectora tentes;  
Exurgat ultor si quis inde spiritus,  
Nostra illis adimat qui signa, vicesq; rependat,  
Replens cruore cuncta, cassisq; artibus.  
Maeste hac arte Pater, stimulis qui corda Nepotũ  
Ad vere auitum gloriæ excitat decus.*

## M. Antonius Columna.



EMINI vti nos summa cum admiratione viderimus, rariora spectatio quæ vel cœlestis gratiæ, vel aridentis naturæ dona contigerunt, quàm M. Antonio Columnæ. Hic enim nobilissima Romani sanguinis stirpe progenitus, ante omnia staturæ proceritate, firmitate, atq; amplitudine singulorum artuum, decore frontis, & splendido quodam æneæ barbæ nitore, maiestateque torosi pectoris, veteres æquabat Heroes, ob idq; præsertim, quòd præclaro insignium virtutum concursu, multipliciq; optimarum artium eruditione ad eximium decus ornaretur; vsque adeò constanti vel ciuium vel externorum studio adamatus & cultus, vt quum coleretur à singulis, cuncti eum in vniuersum, vel diuersæ factionis obseruarent, atque suspicerent, eumq; vnum Iulius Pontifex, tanquam Romanorum Procerum lectissimum, collocata ei in matrimonium Lucretia consobrinæ filia, generum sibi ascisceret, quum graui iudicio Romanæ familiæ nomen, sicuti antea Felicem filiam Iordano Vrsino collocârat, clarissimis Romani sanguinis stirpibus inserendum existimasset. M. Antonius patre orbatus, quòd is Etrusco bello apud Alonsum Aragoniũ militans perisset, Prospero patruo, & Fabritio huius patrueli celeberrimis Ducibus adhæsit, ab hisq; certissimis militiæ præceptis imbutus, ita exactam hausit disciplinam, vt Prosperi naturâ cunctatoris cautũ & inuidum robur, præferuidam verò in expediendis armis Fabritij vim, nobili salubriq; temperamento moderari didicerit; tanto illustri famæ prouentu, vt quũ in Apulia, Latio, Etruria, Galliaq; Cisalpina variis præliis interfuisset, vtroque pa-





truo decerptis eorum virtutibus, honore auctior & maior euasurus crederetur; nisi immitia fata eius paratis honoribus properè nimium inuidissent. Is namque quum defensa nouissimo virtutis opere fortiter Verona aduersus immensam vim oppugnantium Gallorum & Venetorum, alioquod se nauatæ operæ præmium nancisci putasset, & à Ceurio Belga Caroli adolescentis nutritio, per moras supinè se contemni, fastu Romano succensus, non diu pateretur, ad Franciscum Galliæ Regem è Belgis contendit, à quo vti is naturâ Rex erat, omnis verè virtutis liberalissimus æstimator, præfectura alæ equitum, & consecrati Regis ordinis torque honestatus est. Sed ea militia demum infauito omine suscepta, quod tum Leonis & Cæsaris armis Lotrechius Gallorum Dux Mediolano pelleretur, M. Antonio bellici laboris & vitæ immaturum finem attulit. Nam dum instaurarent Galli bellum, & Mediolano copias adnouissent, vt circumuallatæ arcis obsequio solueretur, M. Antonius nondum quinquagesimum ætatis annum attingens, ingentis Colubrinæ pila ictus occubuit, eadem etiam pila discerpro & ad latus cadente Camillo, Triuulcij clarissimi Imperatoris filio, quum obequirantes in aggere hostium munitiones inspicerent. Corpus eius Prospero hostium Duci à Lotrechio concessum est, vt mœstissimus patruus, fratris filio tantæ spei, & tum fortè Veneti exercitus Imperatori designato, iustis exequiis parentaret. Luxuriose eum atrocissima morte surreptum socij, atque hostes paribus propè lacrymis, ideoque vberioribus, quod masculum prolem, quæ paternæ virtutis esset hæres, nullam reliquisset.

## AUGUSTI COCCEIANI.

*Hac in tabella pietus est Columnius  
Heros inter iure primas obtinens,  
Quos Roma genuit omnium fortissimus;*

*Quos Roma vidit omnium pulcherrimus;  
Virtutis est Verona testis optima,  
Seruata quondam ab vi & furore barbaro;*



*Et pulcher Athesis mœnia eius perfluens  
Atro cruore saepe tinctus hostium.  
Est vasfra testis gens libera, est horrida  
Germana pubes, terga saepe qua dedit  
Illius armis, ceu fugaces Caprea  
Multa premente agrestium manu solent.  
Forme paterne signa sunt certissima  
Præsentis ani filia pulcherrima  
Iouis Deorum Regis, atque Apollinis  
Digne cubilibus. Deum hinc credi licet  
illum fuisse, qui Deis similis*

*Virtute, forma, viribus planè fuit.  
Hinc suspicata magna turba calitum,  
Humana ne quem ledere, aut sors, aut mania  
Nequiret hunc nec ipsa fata attingere,  
Vel morte sera, vel cruenta vi queant,  
Homog, ob id vitam Deorum degeret,  
Subinuida, in Columnium potissimum  
Coniurat, areaq, tormento aereo  
Missa pila; tonante cælo, ut fulmine  
Heroa sternit; Mars dolore lachrymar.*

## Matthæus Cardinalis Sedunensis.



**M**ATTHÆVS cui Lango cognomen fuit, & honorem postea purpuræ adeptus est, apud Sedunum urbem foederatamq; Heluetiis & Rhetis, natale solum habuit, humili quidem patre genitus, sed eo pro captu Alpinae gentis nihil à literis abhorrente. Quamobrem ab eo ut primùm adoleuit, in Italiam est missus, eo cōsilio, ut Italiane perdisceret linguam, & Latinis pariter literis operâ daret, demumq; (ut eue-  
nit) sacris initiaretur. Itaq; Matthæus post prima literarum rudimenta, quæ in patria perceperat, Ecce



Comi sub Theodoro Lucino nobili (vbi illa ferebant tempora) Grammatico, Poetaq; , tantos pro-  
 cellus fecit in studiis, vt nihil earum rerum quæ vel audiret, vel legeret, robusti auidiq; ingenij  
 memoriam subterfugeret; vtpote qui sæpe ægri præceptoris munia, docendo felici æmulatione  
 obire esset solitus, magnamq; partem Maronis Aeneidos, & Heroidum Nasonis quâquàm sub-  
 agresti vocis sono recitaret, amplectereturq; supra cunctos authores librū de Consolatione Boe-  
 tij Seuerini, qui liber moralibus multis exemplis refertus, delectos quotidianis actionū suarum  
 sermonibus flores & exempla cūctis prope calibus opportuna ita suppeditabat, vt eius eloquen-  
 tia non Germani modò, sed Itali etiā eruditiores magnopere mirarentur: conciliaretur inde Se-  
 dunensi populo ad promerendum Episcopatus sacerdotium, quem Populus spectatum moribus  
 per suffragia deligere, & Pontifici maximo mitra exornandum offerre cōsueffet. Vbi verò stola-  
 rus & insulatus de more in tēplo sacras habere conciones cœpit, tanto concursu omnis generis  
 hominum audiebatur (quòd mores exacte sobrios castosq; præferret, qui ipsam eloquentiæ lau-  
 dem sine cōtrouersia superarent) vt ampliore sacerdotio dignus haberetur. Nam multus erat, &  
 efficax in componendis controuersis, quæ inter ciues atq; finitimos intercederēt, vsque adeò re-  
 recto atq; incorrupto iudicio, vt nemo vel factiosus, eū vltro oblatum arbitrū reiiceret. Eo modo  
 collecta autoritate apud suos populares, probitatis atq; industriæ nomine potens & validus, in  
 id incidit tempus, quo exortum est bellū inter Gallos & Iulium Pontificem, quū Ludouicus Rex,  
 id incidit tempus, quo exortum est bellū inter Gallos & Iulium Pontificem, quū Ludouicus Rex,  
 infausti damnatiq; nominis causam suscepisset, excitadi concilij, cuius sanctionibus atq; armis  
 impotenter dignitas Pontificis conuelli posse putabatur. Iamq; eò res erat perducta, vt Iulius ex  
 Rhauennate cruento prælio victus spoliatusq; Bononia, & nefariis vndiq; armis circumuentus,  
 ab externis gentibus Hispanis atque Britannis, Heluetiisq; præsertim, opem implorare cogere-  
 tur. In ea controuersia Matthæus integræ pietatis studium, egregiamq; operam sic præstitit, vt à  
 Iulio supplente Senatum, in honorē Heluetiæ gētis, purpuræ dignitate honestaretur. Nec multo  
 post Matthæus multis concionibus apud Heluetios habitis egregiè persuasit, vt pia arma susci-  
 perent aduersus Gallos, qui res diuinas profanis commiscere conarentur. Quod ob id non ma-  
 gnopere difficile fuit, quoniam gens Heluetia paulo antè sese ab amicitia Ludouici Regis alie-  
 narat, tanquam ingratis spreta & fraudata donatiuis atque stipendiis, auari aut certè nimis parci-  
 Regis acceptam contumeliā vindicare percuperet, eoq; grauius & properatius, quòd pro Helue-  
 tiis legionibus auxiliariis, Gallus Germanorum cohortes mercedē cōducere cœpisset: cuius in-  
 iuriæ is fuit exitus, vt Matthæus cū suo astrictus officio, tū purpurei galeri beneficio obligatus,  
 vniuersam gētem aduersus Gallos concitaret, eosq; Ticino pullos, & ad alpes & in Galliam fu-  
 gientes, Cisalpinæ Galliæ imperio expelleret. Nec in ea celebri victoria, qua haud dubiè Ponti-  
 fici sua dignitas est restituta, Matthæus aut studium suum erga Pontificium decus aut odium in  
 Gallos intermisit. Nam mortuo Iulio, Leonem Decimū pro recipiēda Parma atq; Placentia bel-  
 lum mouentem mirificè adiuuit, Gallosq; Duce Lotrechio iterum Mediolano depulit, instaura-  
 toq; sæpe bello, quū Leo Pontifex fato esset ereptus, atque ei suffectus Hadrianus Sextus, cuius  
 comitiis interfuerat, nūquam ab autoritate Pontificij nominis discescerat. Mortuus est Romæ  
 non planè senex primo Hadriani pōtificatus anno, vir inter exactæ virtutis Imperatores, potius  
 quam inter Senatores numerandus, si corporis ac ingenij robar & rerū strenuè gestarū cumulum  
 spectes. Maximè verò ei gloriosum fuit Francisci Regis iudicium, quū asseueraret, me audiente,  
 aliquanto plus sibi sumptus atque periculi Sedunensis facundiæ indomitā vim, quàm tot legio-  
 num eius gentis cuspidēs attulisse.

## PLACIDII Placentini.

<i>En tua purpureus decorat Matthæe galerus</i>	<i>Irruerat; miseræq; nouus tremor ossa tenebat</i>
<i>Tempora digna sacro triplicis splendore corona.</i>	<i>Italiæ, validis quum te Duce castra manipulis</i>
<i>Scilicet exultans telis ferus accola Rheni,</i>	<i>Heluetia aduentant, bisq; acres cuspidē Gallos</i>
<i>Pondus arenosum rapidis qui flexibus urget</i>	<i>Fundunt, Pontificemq; armis victricibus vltā</i>
<i>Oceani in gremium, demens, hostilibus armis</i>	<i>Tandem nubiferas alpes transcendere cogunt.</i>
<i>Imperia, &amp; leges diuum lacerare profanus</i>	

## AVGVSTI COCCEIANI.

<i>Helueti, gens vna Ioui carissima summo,</i>	<i>Certè etiam externos, clare virtutis amica,</i>
<i>Et cara Martis pignora.</i>	<i>Artes fouebunt Itali.</i>
<i>Inuicti bello populi, certissima Regum</i>	<i>Ipse pater Iouius quàm mira expresserit arte</i>
<i>Bellantium spes, ac metus:</i>	<i>Illustrium formas Ducum</i>
<i>Nullone Heroas vestros celebratis honore?</i>	<i>Cernitis, &amp; vestri Ductoris imagine vera, vbi</i>
<i>Nullo are? nullo marmore?</i>	<i>Dotes &amp; ora effinxerit.</i>



*Qui latè Italiam fama compleuerat omnem  
Virtutis ergò fulgida.  
Quare purpureo corpus velabat amictu,*

*Sacro coruscus ordine:  
Certabantq; virum sublimem tollere ad astra  
Bellona Peribo, Sanctitas.*

## Prosper Columna.



**S** E P E hac specie prolixè comatum fereq; cincinnatum, & priscae probitatis os subagreste, sed tamè oculis ingenuum, & quidem militare præferentem, Prosperum Columnam vidimus, atq; item his armatum insignibus. In eo Romanorum Procerum nobilissimo, apprimè grauis, & considerati Imperatoris decus enituit, quod proculdubio ad antiquæ Romanæ virtutis specimen referri posse pleriq; existimârunt. Quandoquidem in eo multa militaris consilij vis, egregiaq; constantis animi probitas, & recti honestique apperens, moderatus animus conspiceretur. Nemo enim eo temperantiùs vel inter factiosos arma exercuit: nemo aniuùs à sanguine militum temperauit: nemo denique abstinentiùs innocentium hominum agricolarumq; præsertim fortunas à licentia militari conseruauit. Has propter virtutes, quæ in huius duræ ætatis Ducibus desiderari facilius poterant, quàm reperiri, non semel præclara voce apud Insubres, Cœnomanos, & Veneros, Paganorù defensor, & Italicæ gentis Pater appellatus. Fuit Prospero dissimili morù genere, & pari propè gloria militari præconio celebratus Fabritius patruelis; quo collega, diuersas vtriusque virtutes in mutuum consensum, parandis victoriis opportunum, ita miscuisse constat, vt vterq; ab eo temperamento se ipso maior & clarior euaderet. Sed



Sed Prosper, qui diu aduersus Gallos inuicta arma tulerat, improviso superuētu Gallorum equorum scēdē apud Villafrancam Subalpinæ gentis oppidum oppressus, captusq; est, Obegnino atq; Palicia eius expeditionis Ducibus, quos antea Neapolitano bello ipsius maximè insigni opera captiuos vidisset. Sed nō multò pōst clementia Francisci Regis, quū se dimidia pecunia redemisset, eam cladem acceptam nouo victoriæ prouentu resarciuit, quū Lotrechium & Gallos ex longa contentione Cisalpinæ Galliæ imperio depulisset. Ab his rebus gestis Sfortiano dominatu Mediolani constituto, summos militaris imperij titulos à Carolo Cæsare promeruit. Verū inde leuem ab initio, sed mox euentu lethalem contraxit morbum, quum iam sexagenario maior, affectū ætatis oblitus, illustrium matronarum amoribus intemperatè indulgisse crederetur. Luxerunt eum totius Cisalpinæ regionis ciuitates, hominumque ordines, tanquam patriæ parentem, incredibili hercle cum mœnore, prælagientes vtrique verissimis lachrymis imminentem durissimorum temporum conditionem, qua cunctas ab Hispanis atque Germanis præfidiariis acerbirates perpesti, omnino crudelius atque funestius à socio, quàm ab hoste, concasuras ipsorum fortunas diuinarent.

## PETRI GRAVINAE.

*Nil obstat, Dux magne tuis, nil amplius ausis  
Fortunæ obsequium, signa sequentis habes.  
Vidimus indomiti superata pericula belli.  
Vidimus hostiles succubuisse manus.*

*Oppida vi capta, & validis traiecta manipulis  
Flumina, & oppositos terga dedisse Duces.  
Restabant arces tormentaq; bellica, tandem  
Cesserunt arces, flumina, saxa, mina.*

## ANTONII CASANOVAE.

*Tres modò fama Duces circa tria munera belli  
Ante alios primum insit habere locum,  
Castra locare fuit Pyrrhi, Fabijq; morari,*

*Marcelli proprium conseruisse manus.  
Tu castris, hostemq; mora, & certamine Prosper  
Viciisti, atque triumphum quod fuit, vnus habes.*

## Hyfmael Sophus Persarum Rex.



B hac illustri, & suprà mortale decus radiante, imperiosaque facie apud Persas suos se ipso admirabilior fuit & augustior Sophus Hyfmael, qui nostrā memoriā totum terrarum orbem nominis sui fama compleuit. Is namque magni Vscumcassani Regis ex filia nepos, Haidare, cui Hardueli cognomē fuit, genitus, ac in obscuro nutritus adolescens, specie formosissimi oris cunctos æquales antecessit. Vir integræ ætatis, milites omnes dignitate firmissimi habitus & equitandi sagittandiq; peritia superauit. Seniores verò, ut primū sese ætas inflexit, aptissimarum rerum scientia, & castrensis prudentiæ laude ita excelluit, ut per omnem ætatem, quæ ei supra æquum augustior contigit certo numini propior, quàm mortali, uti augustissimus coleretur. Erant enim res eius bello gestæ, cum victoriarum pondere, tum magnitudine euentuum, & quadam perpetua atque felici cursus celeritate mirabiles; ut potè qui persuasionē commutatæ religionis excitatis in eius sectam Orientis gentibus, Iacuppi Regis auunculi filios, Regni hæreditate depulerit, iisdemque armis, quibus mortem patris vindicabat, & nouæ religionis nomen tuebatur, extinxerit. Nulla siquidem armata manus vim sustinere poterat Sophianorum, qui à purpureis capitum integumentis Persica lingua Cuselbassæ vocabantur. His enim non vno in loco in aciem eductis, & passim victor per Armeniam, Mediam, Persidem, Parthiam, Mesopotamiam, & Assyriam, eius nouæ religionis sectam, eademque capitum insignia propagauit. Inde quoque aucto numero, ea insana & credulæ multitudinis turba, tumultuariis, ideoque prægrauibus, quod sacra dicerentur, armis, in Othomannicos fines peruaferat. Verū is Sophianorum incursus talem habuit exitum, ut per Baiazeris acerrimos Duces, Galatia & Cappadocia, mutuis cum cladibus pellerentur. Secundum Baiazerem fato suo functum, Selymus filius Persicum suscepit bellum, Hyfmaelis offensus gloriā; superatoque Euftrate, ad Arraxaram Calderanis in campis cum Hyfmaele confligit; eoque acie pulso, & retrocedente, Taurisio Regia vrbe potitus est. Sed reparantem copias Hyfmaelem, & iam aduentantem veritus, continuo in Cappadociam se recepit, magnæ hercle & memorabilis victoriæ, nisi ea multo Turcarum sanguine constitisset, trophæū erecturus. Exinde Sophus Hyrcanorum iniuriis lacessitus, in eos arma cōuertit, diuq; ea plerunque victor exercuit, quum interim Selymus immensa gloriæ cupiditate incensus, ad excidiū Sulthanici Imperij arma conuertisset. Cæterum Hyfmael plenus gloriā, perdomitis & pacatis vndique finitimis, quartū & quadragesimum agens annum, in magna spe longioris vitæ, contracto ex asperrima venatione fatali morbo, paucis diebus absumptus est. Edixerat inusitati generis venationē, qua Regio apparatu syluestrium equorū greges ptebantur, in aspera nemorosaq; regione, quā Seruanam vocāt. Ea est Medorum & Albanorum in sinibus, non longè à Caspij maris conspectu ad Caucaſi montis radices posita. Id regionis





spatium, venatorum ingens multitudo iusti propè instar exercitus, exploratis earum ferarum sedibus & pascuis complectitur; perpetuaque corona sensim coërcendo præcingit; atque indices renquam indagine clausas vndique territando & iaculando pulsas, in magnū campum compellit, in quo Rex primus desertur, atque ita circumuentę feræ voluparium de se spectaculum adeo violentis conatibus ad effugium editis, præbêt, vt magno periculo, ac nisi procul iniectis laqueis capiantur, multiplicatisq; restibus diuerso venatorum nixu contineantur. Ea siquidem feritas illorū est, vt nisi defessæ cursu & siti, inediaq; confectę & perdomitę fustibus mansueferi queant, vixq; per aliquot menses multa periculosaq; domitorum industria, stragulam & sessorum admittunt, quum dentibus & calcibus libertatē defendant. Hi aspectu sunt truces, prælongis atq; horrentibus comis, rigida ceruice, & arietino capite deformes: nam strigiosiores habent clunes; sed crura cum toto femorū & suffraginum nexu aded valida, vt bidui cursu minimè fatiscāt; nec vngulæ latæ admodum atq; præduræ ferreis soleis indigeant, quandoquidē nec in asperis rupibus lapidosisq; locis atterātur. Sed domitis graui lupato opus est, & valido capistro, quod subter crura ventre tenus deductum, vim eleuantium frontes, & sessorum capita pulsantium coërceat. Id itaq; ferorum equorum genus laboriosum capi, perdomariq; difficile, vsu verò longissimi cursus suprā quàm existimari possit, mirificum, ob id vnīs tantū dicarum est Regibus. Is equus colore cinereo, nigris ad poplites internitentibus virgis Onagros refert. Tradunt autē Persę (vt ab Armenio Patriarcha, qui Hysmaëlis familiaris fuit, audiuius, nisi ea fabulosę superstitionis putetur) horum equorū greges in tutela quorundam agrestium numinum esse constitutos, proptereaque eos nefas esse per sacros lucos, & resqua Diis inanibus Syluanis & Faunis dicata, cōsecrari, capere; quando volantes sacrum gregē, & lucos consecratos Diis sedes, repentinus sequatur interitus, vt nō impunè accidisse Hysmaëli prædicabāt, q̄ suę defatigatione & labore nimio venationis



venationis conuulsus, siue fatali percussus iniuria syluestrium numinum, immatura certè morte, & fortasse non immerita perierit. Quum prædicentium admonentiumque seniorum Sacerdorum præscita, atque oracula neglexisset; eo quidem præclarus, quòd Sumachia Regulam in eandem venationis voluptatem accersitum, eadem fatalis ausus causa sustulisset.

## PARTHENII PARAVICINI:

Hanc tibi Apellea referentem ex arte colores  
Effigiem, fama, laudumque, appendimus ergò  
Per sarum decus, o Heros, quem Gangis ab oris  
Extremoque Oriente, ingenti gloria plausu  
Littus ad Hesperium, Solisque cubilia vexit,  
Clarum opibus, facie insignem, & praestantibus  
ausis  
Egregium, dum pro sacris cultuque Deorum  
Pollutaque, tui pro religione Tonantis  
Insurgis, piaque arma moues, totque oppida victor  
Tot populos & regna tuis tot finibus addis.  
Atque Asia magno fundis certamine Regem.  
Quum etiam (rarum Ducibus) studiumque Minervae

Excolis, Aonidumque artes; nil denique inausum;  
Nil intentatum, ingenioque manu re relinquis.  
Maeste, o iustitia Princeps, & pacis honore,  
Praclare & bello, Ducibusque, aquande Latinis,  
Te curuo in Lari fulgentia litore tecta  
Pieridum, sacraque domus, quibus Altus Apollo,  
Praesidet, & spretis Cyrrhe nunc incolis antris,  
Accipient; ubi conspicuum in primisque micantem  
Magnanimos inter Reges Martisque coronam  
Suspicient, Populi, nec auari temporis ultra  
Debentem inuidiae quicquam mirabitur omnis  
Posteritas, Iouiisque tuos celebrabit honores  
Qui nunc aeternis mandat tua nomina sacris.

## Antonij Grimani Veneti Principis.



N attollendo premendoque Antonio Grimano alternantibus diuersae fortis impulsibus, Fortuna mirabiles edidit ludos. Nam quatuor annorum puer Marino patre mortuo, sub tutela patruum maritimae negotiationi à prima statim adolescentia adscriptus, summos labores, summaque tempestatum pericula alacriter subiit, utpote qui cuncta propè Syriae, Aegypti, Africaeque emporia adiit, tanta asperimarum rerum tolerantia, singularique parendi obsequio, ut satis honestos ex diligenti mercatura quaestus faceret, usque ad legitimam petendis honoribus aetatem. Reuersus siquidem Venetias, per omnes Magistratus in ciuitate decurrit, sic ut nusquam repulsam ferret propter spectatam fidem cum summa gerendarum rerum prudentia coniunctam, maiora semper atque ampliora, quam peteret consensu suffragantium ciuium promeritus. Quum verò ad splendidissimae legationis munus vocaretur ad Federicum Caesarem in Germania agentem, id eum pudore recusauit, quod plerique Senatores eius viri grauissimarum rerum experientis personam, domi quam foris Reipublicae utiliore iudicarent. Impetratum idcirco est, ut Dominicus filius, optimis instructus literis, qui postea Cardinalis fuit, pro patre in eam legationem mitteretur. Exinde suas partes in Republica eximia cum moderatione ne semper implens, perpetuo tenore gratus apud populum, maximeque probatus apud Procures Senatus fuit; eo praesertim tempore, quo ad maris praefecturam euectus est. Nam tum Veneti cum Carolo Gallorum Rege bellum susceperant, & Aragonios Reges ex foedere sociis armis defendendos existimabant. Itaque Grimanus cum valida classe in Apuliam profectus, complura eius orae oppida occupata à Gallis, manu cepit. Monopolimque urbem, ad motis tormentis, fortiter expugnauit; quo terrò Polygnum, Molam, Brundisium & Hydruntum in Salentinis, in potestatem Veneti hominis redegit, authorque extitit & suus apud Senatum, ut Veneta pecunia Aragonius subleuaretur, iisque oppida tanquam oppugnata Venetis tuenda relinqueret. Quo consilio & fractae Gallorum res, & aduersariorum, quae erant difficiles, in melius restituta sunt. His rebus gestis, fidem spemque totam apud ciues de sua virtute conceptam, cumulare impleuit; meritoque factus Procurator Diui Marci, in id tempus incidit, quo Senatus Veneris commutato studio, & reiecta Sfortiae amicitia, cum Ludouico Gallorum Rege foedus percussit, quo Cremona nouae amicitiae praemium petebatur. Tanta enim incitatione Senatus in odium exitiumque Sfortiae, tantaque amplificandi Imperij cupiditate descensum erat, ut sanioribus consiliis nullus omnino locus relinqueretur. Reclamabat libero ore Grimanus, uti verus Vates, sicuti nos ab ipso successoreque etiam Gritto accepimus; inuidiam inde grauioraque pericula veritus, moderationisque Senatus primores admonebat, ut infirmum Regulum potius quam potentissimum externae gentis Regem accolam mallerent. Sed iuniorum suffragia aduersus bene consultos senes, fatali quodam impetu valuerunt. Veneti enim in vniuersum à Sfortia se transuersis artibus impeditos, quo minus Pisis potirentur, aegerime ferebant. Itaque Ludouicus reiectus à Veneto, atque hostis declaratus, deceptusque item ab Alexandro Pontifice, nec adiutus alacriter à Caesare, postremam à Baiazete Turcarum





Rege opem implorauit. Visa est Barbaro digna occasio inferendi belli. Id enim vnum Sfortia pos-  
 tulabat, vt terra marique Veneti, ne cum Gallis vires coniungerent, suarum rerum periculo di-  
 stinerentur. Itaque Baiazetes misero & malignè circumuento Sfortiæ opem ferendam ratus;  
 Schenderbassam Illyrici præfectum, in Venetiam vsque luctuosa incursione prouehere sese ius-  
 sit, & Deuthem amplissimæ classis præfectum, in Græciam misit. Quo in rerum periculo Gri-  
 manus omnium suffragiis iterum delectus Imperator, exornata pulcherrima classe aduersus ho-  
 stes nauigauit. Sed id nauale bellum eū malignitatē Fortunæ exitum tulit, vt quum apud Spo-  
 radas insulas congressuris classibus non dubio euentu superari Turcas posse appareret, commu-  
 ratis ventis, nec opportunè parētibus quibusdā Trierarchis, Grimanus tota spe victoriæ deiice-  
 retur; Barbariq; hostes incēsis duabus onerariis, in quibus Andreas Lauredanus, & Albanus  
 Armerius patrij fortes perire, in Naupactum sinum euaderent, dedenteq; ibi arcē Mozenico  
 præfecto aut auarè, aut timidè, Turcæ Naupacto potirentur, Grimano frustra se à Trierarchis per  
 summam malignitatem atque ignauiam proditum conquerente, nec tamen in eos, quod essent  
 nobilissimi ordinis, Imperij seueritatem exercente. Eius scdæ potius quàm malæ gestæ rei nun-  
 tius, Grimanum summæ inuidiæ exposuit, vt comminutâ repente eius gratiâ, atque authori-  
 tate, successorē ei Senatus decerneret Melchiorē Triuisanum, veterē inimicū, qui Grimano  
 compedes iniiceret, captumq; ad dicendā causam Venetias continuò deuehi iuberet. Quo nuti-  
 cio Grimanus, vti insons, & egregiè animo constans, Senatui omnino parendū existimans, non  
 expectato successorē, cōpedes sibi vtrō iniecit, & peculiari myoparone Venetias deuectus est, pā-  
 tribus sese compeditum, & iudicii pœnam subire paratum ostendens. Nunquam antea Venetis  
 frequentius atque celebrius vllius rei spectaculum fuit, quum eo habitū senex Imperator, & nihil  
 tale ex æquo meritis, à rerum capitalium ministris in carcerē duceretur, & plerisque manarent  
 lachrymæ



lachrymæ ex memoria antea factæ vitæ, fortunæque atq; eo etiam vberius, quod filius in ipsa pura pura Cardinalis, moestissimi patris compedum pondera, dum scalas ascenderet, sacris manibus sustineret. Eum postea duro in carcere diu custoditum, atq; acerbissime à Nicolao Michaelē accusatore exagitatum, optimi quique ciues indoluerunt: eius verò iudicii causa non in rogatorum, ut aiunt, Senatorum modò, sed in publico ciuium consilio actitata est, eo euentu, ut incomparabili gratia, tum sua tum Senatus omnibus propè suffragiis absolueretur: ad minuendam tamen inuidiam, quod eo bello Venetus non Naupactum modò, sed Pilum, Chrissæum, Coronem, & ipsam à Baiazete expugnatam Methonem amisisset, in Oslarum alteram Absyrtidum insulam relegaretur. Sed pertæsus damnatæ insulæ nomen, Romam migravit, ut cum Senatore filio, maiora præsidia turbatis rebus suis pararet, & Patriæ commodis integra fide consulendo, propensissime studeret. Vixit in luce Populi Romani charus Pontifici, & à cunctis ordinibus crebrò salutaris, quum luculentissimam villam sub Quirinali ædificasset. Tandem Venetiis extincta inuidia, Patrum iudicio reuocatus est, integritatis atque virtutis ergò. Hæcenim verba fuere publici decreti, quod nusquam præclaram iusti officij pietatem vlla in re erga patriæ decus intermitteret. In id decretum mille trecenti & sexaginta quinque Patritij in suffragium ierunt, nec aduersa supra centum tulit. Quo exemplo videri potuit veræ virtutis nomen insolentis Fortunæ fluctibus iactari quidem, sed nunquam mergi atque opprimi posse; sic ut iam ciuitas vniuersa constanti iudicio ei principem locum (uti euenit) studiosissime destinaret, summoq; plausu tanquam postliminio redditus complecteretur; eoq; maiore Grimani cum laude, quod Nicolao accusatori, omnis eius acerbitalis oblitus, capitalem iniuriam remisisset. Secundo loco creatus sancti Marci Procurator, splendidissimam atque grauissimam legationem suscepit ad Franciscum Regem, cui summæ claritudinis adiuncti collegæ sunt Dominicus Triuisianus, Georgius Cornelius, & Andreas Grittus, qui Senatus nomine ei victoriam de Heluetiis partam prolixè gratularentur. Exinde magni semper Consiliarij nomen continuato honore usq; ad Lauredani Principis mortem promeruit: cui post longam candidatorum contentionem, successor Princeps creatus est, pridè nonas Iulias, eodem anno, quo Leo Pontifex vita functus est. Fuit in Grimano habitus corporis gracilis, sed procera statura, viuudum usque ad extremam senectam ingenium, atque oculi viuaces. Fuit vir frugalitatis eximie per omnem ætatem, indomique laboris atque animi, ad omnes Fortunæ casus firmissimè compositi. Vixit annos Nonaginta, præfuit Reipublicæ tribus. Exornauit Prætorium luculento ædificio, cui nomen eius decreto publico est inscriptum; quod paucissimis contigit.

## LVDOVICI DOMINICI PLACENTINI.

*Principis effigies hæc est reuerenda Grimani,  
Quæ pater æterno superum dignatus honore;  
Intrepidi monumētū animi super addidit astris;  
Scilicet ante obitum supremæq; funera, sese  
Instabilis diuæ spoliis fulgentibus ornans,  
Inuictus potuit varios eludere casus.  
Hic primum explorans fatis Neptunia Regna,*

*Ceruleis sinibus iuueniles credidit annos,  
Ve vir postremo spectato Marte triumphos  
Ad patrium litus certos ex hoste referret.  
Deniq; naturæ leges ac bella triumphans,  
Sponte sua vinctumq; manu, se pectore firmo  
Præripit ad patres, vinctus ciuita vinctus  
Prelia, famamq; æterno iam terminat axe.*

## Franciscus Ferdinandus Piscarius.

**N**UNC quem spectas elata ceruice galeatum, & decora excepta vultu vulnera intrepidi & summè fortis animi argumenta præferentē, ille est Ferdinandus Daualus, cognomento Piscarius, qui antè meritum & acceptum militaris Imperij munus, ex ipsa tantum peditatus præfectura maiorum Ducum bello Dux; admirabiliumq; militiæ operum magister atq; author, incomparabiles victorias Carolo Cæsari parauit; non obscuro quidem cum pudore veterum huius seculi Ducum, quum iuuenis vix dum integræ ætatis, eos omnes expediti consilij grauitate; & quosque manu promptissimos singulorum ordinum præfectos; in obeundis periculis; præclaro impavidi animi ausu, æque mirus & felix superare didicisset. Neq; propterea fas esse putauerim, eius usque adeo præstantis atque inuicti viri immensum decus, breui angustæ tabellæ elogio circumscribi, si vim potius atq; ipsum pondus inclytæ virtutis, quam inanes honoris titulos, qui sæpè libidine Regum obueniunt, æstimare velimus: quandoquidem gloria rerum gestarum late propagata, modicis rectè scribentium terminis includi nequeat. Quamquam ego præcipuas (dum ille viueret, & bello plenus laude versaretur) Piscarij sedulus admirator, peculiari volumine edito, nomen eius præsentij & venturæ famæ commendārim. Nunc verò liquidissime conflet ex eius viri recordatione collationeq; satis multos militiæ Duces eminentibus titulis clarios conspici, quum rari appareant, qui parem susceptis honoribus, non absolutæ quidem vitæ





tutis (quæ hodie Imperatorum nemini ferè contigit) sed nec mediocrem, sine alicuius insignis maculæ probro operam præstare videatur.

#### INCERTI AVTHORIS.

*Quid sceptrum ad tumultum, victi quid cōpede Reges? | Quid viret æternis Laurus opaca comis? (est  
Quid ve tot inuicta signa relata manu? | Nū Mars, nū Daualus, tumulo tacet? hic sit hic  
Quid galea, quid scuta nitet, quid gesa, quid enses? | Heu Daualus, quin Mars cū Daualo ipse iacet.*

### Ioannes Bentiuolus Bononiensium Tyrannus.



Æ tres, quæ vna ferè in tabula sibi cohærent imagines, trium seculo nostro præpotentium potius quàm illustrium Principum figuras ad veram similitudinem exprimunt, Ioannem scilicet Bentiuolum, Pandulphum Petruccium, & Petrum Soderinum, oris quidem ductu, cultu togati amictus, & conditione ingenij dissimiles; sed qui finibus ditionum, & consiliorum sensibus inter se coniunctissimi, eandem propè dominatam Fortunam tulerint, quum quisque eorum sua in patria pari consilio, sed diuersissimis artibus nominis dignitatem tueri nitentur. Bentiuolus Bononiæ primum locum maiorum suorum, qui nobilitatis erant Principes, virtute partum, ita adeptus fuerat, ut Tyranno quàm Principi ciuitatis propior haberetur. Huius auum



aum eiusdem nominis sediciosus atque ferocius suas tuentem partes, Eugenius Pontifex capite damnatum iussuerat. Patrem verò Annibalem Canetuli factiosæ familiæ ciues, coniuratione facta, usque adeò crudeliter & temerè trucidarunt, ut in ipso cædis vestigio admissi facinoris poenas darent. Ex hoc Annibale Ioannem puerum Sanctius, qui se in Bentiuolam familiam adoptarat, educandum; magnoq; ciuium studio paternæ auitæq; amplitudinis in ciuitatè Principem instituendū suscepit; acciditq; ut Sanctius per aliquot annos prudentissimè administrata Republica, & ciuibus alumno conciliatis, vita excederet, eiq; Genebram vxorè ad futuras nuptias reliquerit. Hæc erat Sfortiani sanguinis Constantino Pisarense Principe genita, virilis animi mulier, & usque adeò imperij auida, ut maritum mitem naturâ potius quàm vlla in re violentum, ad cædes damnationesq; æmulantium ciuium edendas impelleret, & ad clauum totius consilij superba & insolens sederet, & tum præsertim detecta Maluetiorum conspiratione, in ipsos atrocissimè sæuendum esse censuisset. Punitis & euersis per hunc modum Maluetiis, integra ciuitatis possessio, summaq; non obscuri dominatus potestas, Bentiuolo cessit. Creuerat is numerosa liberorum sobole, variisq; connubiis opportunas propinquitates parauerat, acceptis nuribus ex splendidissimis Italiæ familiis, & filiabus ditissimo cuiq; Regulo nuptui datis, sic ut exaggeratus vndique, & verè usq; ad posteritatem confirmatus dominatus esse videretur. Aedificarat insuper magno sumptu luculentissimæ structuræ turritam domum instar arcis, quæ pulchritudine & latitate Cosmianam Florentiæ & Feltrianam Urbini, quamquam latericia, superare videbatur. Ad hæc liberi eius, patris magnificentia atq; opibus inuitati, singulas & ipsi minores domos extruxerant, quas ciuium copiis in sua horrea, suumq; penum impudenter traductis, & replere, & variis ornamentis instruere erant soliti. Incidit autem in id tempus Cæsaris Borgiæ immensa cupiditas augendæ potentiæ, suspecta Bentiuolis, quòd is ad urbem usq; castra promouisset. Cuius aduentus Marefcotti, è prima nobilitate ciues, authores & rei facti ab Hermere, filiorū supra omnes sanguinario, iugalati sunt. Ea cædes vniuersam ciuitatè conterruit: patrata siquidem fuerat in prætorio apud Magistratus, nemoq; propinquorum hiscere audebat, quòd tot liberi multo famulatu, multisq; sicariis circumsepti, minaces foro inambularent, nec iam dubia & atrox tyrannis inuecta cerneretur. Successerat Alexandro Pontifici Iulius Secundus, Bentiuolo ex vetere similitudine infensus: Is opulentissimæ ciuitatis, cui ipse in minori fortuna præfuisset, conditionem miseratus, bellum inferre, totq; tyrannos omnino tollere constituit; profectusq; Roma, & auctus Gallorum auxiliis ad urbem Bononiā castra promouit. Eo autem successu bellum est confectum, ut tyrannus, qui castra Gallorum, auersis eò corruatisq; fluminibus inundarat, & propè oppresserat, animum despondens, infensiq; populi tumultum veritus, ea conditione vrbe excederet, ut præsidio Gallico, quod pecunia coëmerat, tutus cum vxore egrederetur, exulatumq; ad Buxerū, Parmensis agri oppidum, Pallauicinorum hospitio susceptus abiret. Nec multo post Bentiuolus, quum in assidua reditus cogitatione versaretur, Genebram vxorè amisit, repétino dolore exanimatum, quòd ei improuisus nuncius superuenisset, quo audierat liberos suos tumultuariis collectis copiis reditum ad patriā intempestiuè præparantes, Hippolyti Cardinalis Atestini, & Ludouici Mirandulani superuentu, qui Pontifici fauerēt, fusos in itinere, & foedè profligatos fuisse; quæ iniuria exacerbatus Iulius, Bentiuolorū clientes, vel tum captos, vel inde conquestos, damnatosq; laqueo suspendi iussisset, & Tyranni domū vel Bononiæ totiusq; Italiæ ornamèto à conditore destinatā, plenus ignobili ob idq; pudenda iracundia, excindendā furenti populo obiecerit. Nec diu post ipse tyrannus senex, desperata Gallorū ope, quum in eam spem elusus, veteres thesauros exhausisset, sacris interdictus & planè miser interiit, quum amplius triginta annos dominatum exercuisset, vixisset annos supra septuaginta; dignus herclè eo patriæ dominatu, nisi ingenuum eius impotentes liberi, auaritia, libidine & crudeli fastu cuncta perturbantes, ad exitialem insolentiam propulissent.

## ANTONII FRANCISCI RAINERII.

<i>Bentiuole, illa olim vestra ingens gloria, summis</i>	<i>Exactos quum tu Reges, domitosq; tyrannos</i>
<i>Nixa opibus, patriæ titulis &amp; fascibus auctis</i>	<i>Enumeras, præacta arma euersosq; triumphos (ritus</i>
<i>Vndantum Imperio populorū, &amp; prole virenti,</i>	<i>Troigenū, et Danaū, et Parthorū, et sceptrā Quic</i>
<i>Marmoreaq; domo &amp; regali diuite luxu,</i>	<i>Te tamè indignanti animo, &amp; fera fata gemētē,</i>
<i>Quod rapida reuoluta manu, ceu turbine torto</i>	<i>Hoc solâre, humili quòd nō tua pondere pressa est</i>
<i>Corruerit, sonitu per inania nubila facto;</i>	<i>Gloria, sed summi concussa est numinis ira;</i>
<i>Ne mirère, animo inuicte &amp; præstatiibus ausis,</i>	<i>Roboribus Iouis in terris, &amp; fulmine querno,</i>
<i>Elysiis nèue hæc te cura lacestat in aruis.</i>	<i>Scilicet à magno quaterentur ut ardua Iulo</i>
<i>Scis tu evenim, scis tu subiti quàm plena pericli</i>	<i>Primorum capita, &amp; neutri foret aucta potestas,</i>
<i>Fortune alea sit, volucris vertiginè quantum</i>	<i>Quo Latium, &amp; tota plaudat Iulo Ausonis ora;</i>
<i>Heroumq; hominūq; trahat, quāq; ardua præset</i>	<i>Barbara sanguineas horrescunt pectora clades,</i>
<i>Vel iuga, vel tumidas eadē superintonet undas,</i>	<i>Famaq; purpureis liquidum secat Itala pennis.</i>



Pandulphus Petruccius Senensium  
Tyrannus.



**Q**UANTVM Bētiūolus ad Principis nomen magnificentia operum, & filiorum fastu accessisse videri potuit, tantū Pandulphus Petruccius apud Senenses ē ciuili ordine se extulisse existimatus est, sed qui esset occultior, neq; tamē animo melior; quippe qui nunquā vestem Senensibus consuetam (id erat palliū atricoloris) mutārit, nisi solennibus Ludis: nunquā modesti frugiq; ciuis in conuietu disciplinam vllō epularum luxu corruerit; ædificārit modicē, & commodē quidem potius quā sumptuosē aut elegāter; humanitatis porrō & temperantiæ laude humiliores ciues in tota vita superārit; nec externa connubia ambitiosē, sed paria fortunis atque nobilitate, ad auertendam inuidiam quæsierit. Quæ omnia ex aduerso in Bentiūolo vsque ad eodē modum excesserant, vt eudendæ etiā monetæ munus impetraret à Cæsare, non obscurē in contumeliā Pontificij imperij, sic vt in aureo numismate ipsius Tyranni comata effigies cum serrato scuto complectente id Cæsaris Aquila, spectaretur. At Pandulphus nihil vniquam vsurpabat quod apud ciues inuidiam conflaret, vt qui modico comitatu, multoque dissimulationis artificio gratiam atque potentiam sensim parandam arbitraretur, ingentique astu, & occultiore solertia sibi agendum esse statueret in ciuitate, quæ quadrifariam diuisa, insanis factionibus seruiebat; quibus ciuitatis status commutari conuelliq; posse, vt sæpius antea accidisset, manifestū



manifestò prospiceret, si diuersa ciuium studia negligerentur. Parem enim auctoritatem alter-  
nantibus partium studiis in Republica obtinebant quatuor honestissimarum familiarum ordi-  
nes, quorum summus erat vetustæ nobilitatis; isque propterea Nobilium vocabatur. Secundus  
pari propè dignitate Popularium. Tertius ex utroque ordine commixtis familiis constitutus  
Nonarius appellabatur, quòd is ordo à nouem delectis ciuibus, qui æquissimi viderentur, antea  
fuisset erectus. Huius ordinis aliquot erant Patritiorum familiæ, inter quas eminebat Petruc-  
cia, cuius facile princeps habebatur ipse Pandulphus, Iacobo maiore fratre qui excesserat è vitâ  
sibi locum relincente. Nonario autem ordini succedebat vltimus, qui Reformatorum appel-  
latus est, quòd hi tanquam exactæ prudentiæ ciues, malè consentientis ciuitatis vitia emendare  
formareq; in melius Rempublicam superiore tempore voluissent. Cæterum Pandulphus, & ab  
his aliorumq; ordinum conspiratione cum Nonariis vrbe pulsus aliquandiu in exilio sic vixit, vt  
nihil virilis consilij efficacisq; industriæ remittens, non diu post in patriam victor rediret; coa-  
ctis scilicet in vnum non amplius quàm trecentis suæ factionis hominibus, urbem noctu scalis  
adortus transiens illicò mœnibus, refractaq; demum porta, vrbe & curia potiretur, & aduersa-  
rios vrbe expelleret; eo euentu, vt qui modò extorres fuerant, eiectis aduersariis Rempublicam  
administrarent & cuncti ciues in omni senatoria deliberatione, Pandulpho obseruatis eius nuti-  
bus atq; suffragiis assentirentur; ipseq; vnus in toto suo ordine auctoritate atq; opibus potens,  
plebilq; etiam studio subnixus emereret. Hanc eius potentiâ ægæ ferebat Nicolaus Borghe-  
sius inter ciues maximè honoratus, quanquàm filiam Pandulpho collocasset. Verùm tanta erat Borg-  
hesij ambitio, eaq; liuidi animi acerbitas, vt facillè cognationis obliuisceretur, & generi auctori-  
tatem conuellendam arbitraretur, & quòd aliter maturè fieri non posse videretur, consilium eius  
quoquo modo tollendi susciperet. Sed insolentia soceri, eiusque diram obtreccationem, impo-  
tentis generi sæuitia præoccupauit. Borghe-  
sius namq; quum iret in forum, trucidatus est. Hu-  
ius cæde conterritis ciuibus, summa potentia Petrucciis, Pandulphoq; in primis adstructa est. Ab  
hoc patrato scelere, damnatoq; apud ciues, Pandulphus offensus infamia, vsque adeò religiose in  
posterum à sanguine ciuium temperauit, vt quum aliquantò post in ipsius cædem Bellantios, au-  
thore principeq; numerosæ eius familiæ Leonardo deprehendisset, quos iure oprimo occidere  
poterat, sincera fide oblata clementia conseruaret. Exinde mira calliditate apud decuriones e-  
git, vt Triumviralis in Republica Magistratus crearetur; cuius muneris esset Reipublicæ curam su-  
scipere, prætorisq; præsertim cohortis, quæ in forò apud curiam stationem habebat. iura sti-  
pendiorum tueri. Id verò facillè impetratum est, resque ita cessit, vt ipse vnus è tribus crearetur,  
duobusque mox collegis altero magnis muneribus corrupto, altero autem quòd esset ingenij  
pinguioris facillè contempto, solus ea magistratus munia obiret, militares animos, indulgendo,  
vberrimeque stipendia persoluendo sibi conciliaret. Noui demum consilij rem difficilem, &  
specie parum æquam, sed omnibus propè ciuium ordinibus vtilissimam aggressus perfecit. Ab-  
scindere enim opulentioribus Senensis Imperij oppidis certas agrorum partes, atque eas per fa-  
milias certis portionibus diuidere & adiudicare constituit. Quo munere insigniq; beneficio cū-  
ctæ vel aduersorū ordinum familiæ sibi astringerentur. Eam legem à Pandulpho suasam laramq;,  
decuriones atq; amplior Senatus facillè promulgârunt, frustra reclamantibus oppidanis, qui ini-  
quæ eripi sibi sua alimenta querebantur, lætis ex aduerso promiscuè ciuibus, qui ex aliena iniuria  
extra ordinem inuidiam augeri suas opes viderent, cuius decreti munificentia ad vnus Pandul-  
phi gratiam, atq; potentiam amplificandam sine controuersia rediret. Eo facto Pandulphus opes  
suas confirmauit, & ciuium amicorum adauxit, & propè totam reliquorum ordinum æmulatio-  
nem ita extinxit, vt ordo Nonarius supra cæteros summū auctoritatis & gratiæ locum teneret.  
Hæc erant optimè prouisa parataq; aduersus vim intestinam; sed quæ externa auerterent arma;  
ciuitati valida deerant præsidia, vt tum accidit, quum Cæsar Borgia ad perturbandam Italiam  
natus ad Pientiam vsque urbem copias promouit, eo animo vt Pandulphum Senis extruderet,  
atq; ea vrbe, vt erat immòdicus, potiretur. Agnouit Pandulphus ambitiosi crudelisq; viri insi-  
dias, generosoq; consilio effugere eam tempestatem, & Senenses ciues periculo liberare consti-  
tuit, concionatusq; apud Ciues nihil sibi incolumi patriâ esse carius ostendit; propterea se cessu-  
rum malignitati atq; audaciæ externi sæuissimiq; Tyranni, vt maturè demum rediret. Atq; ita in-  
terdiu moerentibus plerisque, atq; lugentibus cum honesto potius quàm valido comitatu vrbe  
excessit, commentaria ciuibus relinques, quibus ad confirmandam tuendamq; patriam summæ  
prudentiæ præcepta perscripserat. Huius facti mira celebritate deterisit non modo inuidiam, sed  
ampliorē etiam gratiam apud cunctos ordines adeptus est. Neq; eum fefellit opinio. Deceden-  
te siquidem Senensi agro Borgia, decreto publico ad tutelam patrię, qui sponte se fecerat exulem  
reuocatus est. Eo Borgiæ periculoso aduentu admonitus, communiendum se nouis amicitiis at-  
que fœderibus existimauit, imprimisq; conciliandos sibi Florentinos ratus, prorogari sibi vete-  
res inducias quæ iam tum planè effluerant, postulauit, Petro Soderino, qui tum præerat Reipu-  
blicæ, ea conditione longiores concedente, vt Montis Politiani oppidū, de quo ex antiqua con-  
trouersia nimis fuerat decertatum, possessumq; tum à Senensibus, Florentinis in præmium ad-



missæ societatis concederetur. transactio Senenses ciues amariore fecit, & Pandulphi gratiam in vniuersum vehementer imminuit, quod vt priuatis rebus consuleret, publicis singulare detrimentum attulisset. Nec multo post aduersus eum excitata est eadem Borgiæ rabies ex aduentu Gallorum, qui Neapolim armis reperebant; concitantibusque nonnullis, eò res deducta est, vt Pandulphus procellam in se immanium armorum effundi cernens, ad pristinum deferendæ vrbis consilium rediret. Iamq; erat in itinere, quum exoptatus de morte Alexandri Pontificis nuncijs ei superuenit; liberatusque periculo ad consueta administrandæ Reipublicæ munia reuersus est. Pio autem tertio Senensi in demortui locum suffecto, non magnopere lætatus est, quod ille esset diuersi ordinis, & tanquam verè pius in libera patria vnum præ cæteris ciuem dominari indignè pateretur. Cæterum immatura Pij mors intra paucissimos dies erepti, Pandulphum eo metu ita liberauit, vt sibi gaudio esset Iulius secundus Ligur ei suffectus, cuius gratiam certis officijs atq; muneribus facillè promeruit, studijque sui eum tulit fructum, vt Alfonso eius filius, coempto non dubiè purpuræ honore in Senatum legeretur. Destinabat enim sibi Dominatus successorem Borghesium, è filiis natu maximum, eumque fraternis sacris opibus fauoreq; Pontificio confirmandum iudicabat. Sed ea consilia Superi multis de causis improbârunt. Nam ipse non multo post, angustia pectoris laborans, quum ad Philippeas aquas isset, apud sancti Cyriaci oppidum fato concessit, clymaeterico ætatis anno. Liberi verò eius in seipso infana arma conuertentes, à Leone eo euentu Senis sunt depulsi, vt Borghesius, atra vexatus bile, miser interirent; Alfonso verò Cardinalis temerè inita in Leonis perniciem coniuratione in mole Hadriani, non purpuratorum modò, sed infimorum etiam hominum miserimus à carnifice strangularetur.

## P A V L I I O V I I Iunioris.

*Occulti ne iuuere tibi sub pectore sensus  
 Petrucci, tacita ne artes, secretaq; rerum  
 Consilia, atq; astus veteris prudentia solers?  
 An contexta dolis mendax tibi credita virtus:  
 Atq; humeris pullata diu circumdata vestis,  
 Nullaq; celsa domus, comitum tibi nulla cæterua?  
 Dum tu dissimulans pro libertate tuorum,  
 Artibus his blandis incautam decipis urbem;  
 Et patrias leges renouans, socerog; perempto  
 Arripis Imperiũ, atq; in te intra omnia trãfers*

*Laude equidè dignũ facinus, si numine dextro  
 Di foueant; aut sors non auersata secundet.  
 Sed qui te casus, quæ te Fortuna sequatur  
 Aspice; bis exul nunquam tranquilla videsi  
 Tempora turbata per mille pericula vite.  
 Adde quod & nati, quib; impia Regna parasti,  
 Conuulsi inter se fœde, pars cæsa securi,  
 Haud vixere diu regnandi; ehudira libidos  
 Discite mortales contenti viuere paruo.*

## Petrus Soderinus Florentinorum Vexillifer.



**D**I VERSISSIMA ratione, honestioreq; titulo Petrus Soderinus apud Florentiam Reipublicæ præfuit, prudentiæ & moderationis cõmendatione ad Vexilliferatum prouectus; qui honos nequaquam, vt aliàs bimestris, sed perpetuus esset ad imaginem Romanæ Dictaturæ. Nam sicuti Decuriones supremæ potestatis, qui bimestres erant, breui spatio magistratus vim inueterata cõuetudine finiebant, nec suspectæ potestatis esse poterat: ita Vexillifero, qui eis præesse soleret, aliquanto angustiora quàm flagitarent grauissimarum rerum consilia, terminadis sententijs spatia obueniebant. Propterea expedire Reipublicæ rebantur, vt vnus perpetua autoritate ad clauum sederet, superiorumq; consiliorum atq; actionum gnarus, certum perennis nec intercisæ prudentiæ præsidium, toties mutatis Decurionibus afferret, dignitateq; augustior populo videretur; in hoc imitari Venetos, qui Senatus Ducem creant, cuius potestate admirabili specie amplissimam, sed nihil plus cæteris quàm altero suffragio valentem, certisq; legibus ideo circumscribunt, ne ad tyrannidem aspirare queat, personam tamen Principis ad Veneri Imperij dignitatē decoris insignibus tueatur. Soderinus hoc honore illustris factus, in Curiam cum familia vxorem traduxit, vt in omni negotio assiduus Oculiris supremæ potestatis adesset; sensim per hunc modum popularis effectus est, nouis hominibus in Senatum accersitis; quum antea Patricijs in vniuersum, honoratisq; ciuib; patuisset. Fauit autem ei præsertim ciuium ordini qui Sauonarolæ damnati crematiq; in foro, memoriam pertinacissimè colerent, & Medicei nominis studia semper odissent, quanquam ipse omnis expers odij, nequaquã se factio populari inuecto statu, patriam diu tranquillam, opibusq; florentem futurã arbitraretur, ac optimi inde præsidis & patriæ parentis laudem, quæ nemini post Cosmum contigisset multorumq; cio promereri crederetur. Sed non mediocriter offenderat Patritiorum animos studioforumq; Mediceæ





Mediceæ factionis, à quibus mirifico studio erat subleuatus, quòd ingrâte oblitus beneficij, secus ac antea promiserat, eos propè in ordinem redegisset, nec vigente popularium factione, illos eminentiore vlllo honore dignos arbitraretur; quo neglectu ex perpetua popularitate eos sibi nò obscurè inimicos pararat, quorum postea Saluiatis Principibus, ipsoq; præsertim Iacobo variis artificijs & machinationibus ipsius autoritas còuulsa sit, & ipse tandem Dictaturæ honore spoliatus, dominari & patria eiectus, in exiliũ abierit. Sed tum existimatio ei erat incolumis & florens, quòd eius auspicijs perdomitæ receptæque Pisæ fuerant, post sextumdecimum continuatũ ferè belli annum, quo haud dubiè Florentini nunquam remissa spe victoriæ, nunquam remissis sumptibus atq; laboribus, vel sæpius repulsi, Pisanorum constantiam asperrimis diurni belli periculis efferatam & indomitam superassent. Adiecerat etiam Florentino Imperio Montis Politiani oppidum, certa induciarum pactione vltro à Senensibus concessum. Curarat quoq; diligentissimè rem frumentariam, læto semper atq; exultante populo ad vbertatis & copiæ nomen. Verum quum medias ciuium classes foueret, hisq; aditum ad Rempublicam præberet, angebantur Patritij, vt pote qui offenderentur numero nouorum imperitorumq; sæpe hominum, qui Reipublicæ munia nobilioribus debita insolenter vsurparent, curiamq; indigna viribus fecere repleuissent; ipsi verò neglecti, sæpeq; superantibus ignobilium suffragiis, reiecti, honorum repullas ferrent, frustra q; popularis status inclementiam damnarent. Sed Soderino semper integra mansit autoritas populari studio, & sua insigni virtute confirmata, donec enatum est bellum, quo nolum Italiae perniciosius fuit, quo eiusdem dignitas continenti veluti ruina in præceps traheretur; initio ad Concilij nomen exorto. Id enim victor vndiq; Ludouicus Gallorum Rex indicendum celebrandumq; susceperat, vt Iulius Pontifex ex publica censura tanquam indignus sacrò



sancta potestate gradu pelleretur. Is enim impotentia Gallorum timens arma, atq; idcirco feruituræ mox Italiæ cauendum existimans, à conspirantium Regum fœdere discesserat. Quamobrem diuinis atque humanis rebus fœdè perturbatis, Rex Gallus à Soderino magnopere fauente Senatuque Florentino impetrauit, vt vrbs Pisæ tanquam celebrando concilio opportuna concederetur. Ea res Patritios excitauit qui contradicerent, atque exclamarent propediem Pisas in potestate Gallorum futuras, qui iam frequentes aduenissent Lotrechio Duce; quorum aduentu Pisani ad repetendam libertatem parati, atque de industria inuitati viderentur. Ea res non temerè credita eum tulit exitum, vt Cardinales, cæteriq; Sacerdotes qui Pisis cōuenerant, cum Lotrechio præsidij præfecto vrbe pellerentur, Mediolanumque profugerent. Eius Concilij Pisis constitutiendi oborta inuidia, Soderinum non sponte, sed impulsu Cardinalis fratris authorem inuisum ciuib; atque odiosum irato Pontifici fecit, vsque adeò vt vir ille naturæ contumeliæ infolens & implacabilis, eum Dictatura deiciendum, Mediceosque in Patriam reducidos decerneret. Medicei nanq; in eam excubantes occasione, Raimundum Cardonium à Rhauennatis prælij detrimento Hispanicas reparantem copias, adiuuante Pontifice sibi coniunxerant, expugnatoq; Prato oppido prius quam Florentiæ præsidia parari possent, à beneuolis propinquis, patritioq; ordine in urbem recepti, superioris Fortunæ Principatu potiti sunt. Soderinus ipse miræ infonsis animi tranquillitate, quod nemini nocuisset, & custoditos in Curia tanquam suspectos ciues numero supra viginti, supplicio affici veruisset, extra omnem contumeliam detractus folio, & ad Pauli Victorij domum deductus est, indeq; egressus vrbe in Vmbriam, Picenumque profectus, non multo post ab Ancona Epidaurum, quod Ragusium vocant, vt tranquille ibi degeret, traiecit. Medicei verò ad arbitrium Rempublicam constituerunt, nec quenquam ex antiquis inimicis pœna dignum censuerunt: quartoque mense receptâ patriâ Ioannes Medices Cardinalis, qui ad Rhauennam captus è Gallorum manibus effugerat, Pontifex est renunciatus. Is generoso animo Soderinum humanissimis literis euocandum complectendumque sibi, & augendum honoribus accersuit. Ea verò oris tranquillitate dignitateque Soderinus Urbem ingressus, Pontificem inuisit, vt cunctis esset venerabilis, aduentibusque & dextram apperentibus amabilis, & perhumanus. Libenter enim rerum suarum actiones enarrabat, mihiq; præsertim sincere & disertè tanquam annales perscribenti. Cupiebat siquidem ea cum integritate laudis posteritæ qua Rempublicam Florentiæ per decem annos administrasset, sic vt Romæ nō secus ac Florentiæ Vexillifer ab omnibus appellaretur. Repudiavit autem omnes honores quos propensissimam voluntate Leo Pontifex offerret, tanquā eo quod gesserat minores. Vixit in summa tranquillitate mentis, cum grauissimis virtutibus cōfirmatus, tum sua conscientia præclare beatus, quam amissi dominatus casum duorum fratrum culpā sibi importatū, sine vllō doloris vestigio fateretur. Alter enim Cardinalis ambitiosè corruptus, spe consequendi Pontificatus, Pisas Gallis obtulerat, ratus fore vt quum neq; in Pontificem neq; in Gallos vehemēs studium ostenderet, tanquam medius post neutram partium offensam, Iulio Concilij voce damnato subrogaretur. Alter nomine Victorius Mantuā legatus missus, vbi fœderati Gallorū hostes conuenerant, quum non multa pecunia cum Cardonio transigere posset, vt Hispani auerterentur, vti natura parcus, atq; inepte frugi, & pecuniæ tenax adduci non potuit, vt pecuniam repræsentaret: atque ita magno fratris commodo fœdere excluderetur. Natus annos sexaginta duos in Vrbe regnante Hadriano febre sublatu est. Ei exequias fecerunt iustis collatis honoribus Florentinorum collegia. Propinqui autem eius marmoreo sepulchro aliquanto post honestarunt.

## I V L I I F E R O L D I.

*Effigiem hic hospes Soderini conspice, cuius  
Est nomen astro clarius.*

*Hic est qui Patriæ labentem restituit rem  
Bene consulendo ciuib;.*

*Idem urbi pacem peperit, populoq; volente  
Princeps fuit Florentiæ.*

*Actunc illa quidem hoc saluo, clauumq; regente  
Vixit beata ciuitas:*

*At caro capite hoc eiecto, protinus vnā  
Et concidit Respublica.*

*Ergo animam illustrem æternum saluere iubeto  
Qua Patriæ stetit salus.*

## Elisabella Aragonia.



VN c pallidi oris, & atrati cultus habitum ferebat Elisabella Aragonia Ioanne Galeacio Sforzia coniuge orata. Hæc enim vnā inter viros celebres ideo sedem meretur, quod contra sexus imbecillitatem asperis in rebus virilem animum præferens, arsuræ bello Italiæ primas facies intulerit, quo famoso vereque funesto facinore, cum diuinarum simul ac humanarū rerum perturbatione amissa ferè libertate perimus, frustra Aragonij, Sfortiani que nominis memoriam exercentes. Fuit hæc generosi & planè virilis animi mulier, vti Regia stirpe progenitam decebat, digna prorsus elogio valde luculento, si in



## Franciscus Isabellæ Filius.



si in ea animum maximarum calamitatum concursu inusitataeque mentis fortitudine nunquam superatum, non sine admiratione reputemus. Quandoquidem feralis eius Tragediae initium dedit, quo opulentissima Aragoniae & Sfortianae domus imperia conciderunt. Ludouici namque Sfortiae circumuenta insidiis, ac indignè spoliata Regni possessione, quum à propinquis opem imploreret, & Galli in Italiam ingruissent, florentis aetate coniuge Ioanne Galeacio orbata est, eo quidem luctuosius atque miserius, quod is veneficio sublatus crederetur. Exinde quoque nunquam siccatis lachrymis, Ferdinandum auum non dubio mœrore enectum, Alphonsumque patrem eiectum Regno, & in Sicilia deformi habitu exulantem, fratremque obiter Ferdinandum in limine recepti fortiter Regni immixti fato ereptos Reges continenter luxit, nusquam sibi ad exiguum calamitatis solatium arridente Fortuna, nisi quum Ludouici Sfortiae hostis sui calamitoso vitae exitu lætaretur. Quando ille à suis militibus proditus, perductusque in Galliam, retro in carcere moriturus, exitiosi ambitus & scelerum poenas daret. Verum in hoc luctu aegrè vitales trahentem spiritus nouo ictu Fortuna perculit, quum Federicum Regem patrum saeva externorum regum coniuratione Regno exutum, & in Gallia singulos miseriae suae casus frustra deplorantem fatoque functum audisset. Tum enim clarissima eius domus ingentis ruinae mole conuulsa, atque oppressa, à stirpe penitus interiit; accumulato etiam dolore, quod sub id tempus Franciscus filius, qui in eadem tabula cum matre pictus conspicitur, in venatione currens equi lapsu in Heduis exanimatus esse nunciaretur. Hunc enim vel inuita deposcentibus



Callis tradiderat, à quibus cucullati sacerdotis habitu in opulenti sacerdotij cœnobium, idcirco coniectus fuerat, ne Sfortiani Regni legitimæ prolis hæres superesset. Nec his tantis funeribus egregiè constans & infractus fœminæ animus cessit, recepitque sese in Barium dotale oppidum, vbi Regij splendoris disciplinam ita exercuit, vt eius nomen cùm gentilitiæ munificentiae, tum Christianæ benignitatis præclaram laudem, & in Italia, & in prouinciis ferret. Qua illustri fama ductus Sigismundus Rex Sarmatarum, Bonam eius filiam in matrimonium duxit, eam honoris causâ deducente Prospero Columna Romanorum Ducum longè clarissimo. Nuptiæ apud Craconiam ingenti procerum concursu celebratæ sunt, læris quidem auspiciis, postquam noua nuptia seniam planè Regi Augustum hodie regnantem pepererit, secundoque partu edita sit puella aucti nominis, quæ Ioanni postea Pannoniæ Regi nupsit, in spemque paterni Regni hunc edidit Stephanum puerum, qui hodie in Dacia verere, quæ Transylvania est, dominatur, educante Georgio Varadinensi Episcopo, viro pace belloque inter Hungaros facili principi; ipso scilicet Solymano Turcarum Imperatore eum ex paterna amicitia in clientelam fidemque receptum egregiè ab omni finitimorum iniuria defendente. Verum hanc orientem felicitatem Elisabella ex perpetuo ferè infortunio degustare non potuit, quum morbo aquæ intercute obiisset. Eo hercle pietatis nomine patientius atque tranquillius, quod paulo antè sacrosancta Romana templa ad expiandum religiose animum inuississet, eam Leone Pontifice perbenignè & liberaliter excipiente, matronis etiam Romanis primæ classis officij causâ adeuntibus. Id spectaculum longè omnium ornatissimum atque pulcherrimum fuit, quum circumfusa vndique iuuentute prodeuntes in nuptiali veste, vt tum moris erat, supra aurum & purpuram margaritis & gemmis perpecta, longo pompe ordinis in Vaticanum pedibus perrexissent. Cæterum in hac eximie virtutis fœmina improbæ plebis rumor, non mediocriter pudoris decus perstrinxit, ob id grauior quod quum florente ætate impenetrabilem pudicitiam prætulisset, in ipso demum ætatis flexu Prosperum Columnam sibi cultum & officium assidue tribuentem, sæpeque procacem ad vrbaniore iocos admitteret.

## A N T O N I I V V L P I I.

*Hac quæ spectantem ora tenet suspensa, rapitque  
Sensus atque animam, & propè spirat picta tabella,  
Docta animata manu speciem infelicis Elise,  
Fortunamque habitumque referret, animosque viriles:  
Aspice ut in vultu maiestas Regia auro  
Et patris, & patris, fratrisque reluceat: isto  
Vultu iura dabat populis, quum sceptrum teneret  
Cognis, & nati Insubria, & tractaret habenas.  
Hoc etiam infensis superis, aduersa suorum  
Fata tulit, morientis aui quum lumina claudi  
Vidit, & expulsam Regno patrumque patremque,  
Et fratrem ereptum, quum iam cepisset auitis  
Sedibus, & scepro summa virtute potiri.  
Quid memorem Regno spoliatum fraude maritum,  
Sublatumque dolis? aut chari funera nati?*

*Quis valet hac siccis oculis audire? Sed illa  
Non lachrymis vrsit cineres, non questibus altum  
Sed tulit infracta & pressit virtute dolorem.  
Cernis ut affectus viuos animata tabella  
Exprimat in vultu? ut summo certamine pugnet  
Cum virtute dolor? sexus cum ingentibus ausis,  
Atque animis? pulsus ut cedent sexusque dolorque?  
Fortuna insignes aliquot fortasse vetustas  
Iactabit Regum matres, & Regibus ortas?  
Sed quæ agitata diu per tot discrimina rerum  
Per varios casus, rapidis iactata periculis  
Aequo animo infensa Fortune exceperit ictus  
Nulla erit, antiqua aut veniens quam cõferat etas  
Fortuna, satis, animo infelicis Elise.*

## Ludouicus Pannoniæ atque Bohemiæ Rex.



O c obesi oris gestu, & Germanico potius quàm Hungarico cultu conspicuus erat Ludouicus Pannoniæ atque Bohemiæ Rex, Sarmatico atque Aquitanico sanguine genitus. Nam Vladislaus pater genere Polonus fuit, cui Candalia Vasconum nobilissima stirpe edita nupsit. Ferunt Ludouicum, quum vrero matris excluderetur, informem propè, & sine certis oris lineamentis vrsini fœtus speciem prætulisse, creuisse tamen ad iusto maiorem hominis staturam; ita vt patris inertiam & multum aruinę succum æmulaturus crederetur, nec eius molis artus decenter viuendus, & illustris spiritus regeret. Quanquam à nutritiis diligenter exciteretur, qui eum literarum pariter atque armorum disciplina exercendum contenderent. Meruit tamen mansueti & obsequenti ingenij bonitate, quæ egregiè iustus & pius Princeps euasurus videri poterat, vt Mariæ Cæsaris sorori connubio iungeretur, conciliante scilicet eas nuptias Maximiliano aui, qui Annam etiam Ludouici sororem, corroborandæ cognationis causa Ferdinandando nepoti collocarat, in eadem celebritate Viennensis conuentus, in quo tres summi septentrio-





Septentrionalis plagæ Reges, Cæsar, Vladislaus & Sigismundus insigni multarum gentium spectaculo coiuiissent. Cæterum Ludouicus decennio ferè post eas nuptias perpetua sterilitate damnatas, quum turbulentissimorum Procerum atroci vexatione, & viuo adhuc patre, & defuncto, quali precario regnauisset, in id bellum incidit, quo impotentibus Turcarum armis oppressus cecidit. In peruersa siquidem malignitate procerum suorum iustis destitutus viribus defertusque à propinquis suis finitimis Regibus, Mugacciana acie miserabili casu Regnum cum vita amisit. Carolus namque Cæsar, & Ferdinandus frater, quibus cordi erant Italici Imperij opes, eius pericula tanto inuadente hoste neglexerant. Sigismundum porro patrum Sarmatiæ Regem facile tum auerterant Moscouitarum bella, & funestæ Podoliis Scytharum incursiones, quibus vrebatur Sarmaticus ager, & Clemens ipse Pontifex domestico occupatus bello, vix Germanorum legionem & Vssaronum equitum alam, è sacra pecunia ad Pannoniæ præsidium conduxerat; Hungarique proceres auaritiæ atque rapinis assueri oblitiq; penitus Hunnicæ virtutis & disciplinæ, pessimis artibus tractantes arma, inter se sedissimè dissentiebant, nec externa præsidia superbo contemptu & stulta arrogancia admissuri videbantur. Tanta siquidem animorum vanitate atque ferocia ad bellum ferebantur, vt vel innumerabiles Turcarum copias facile despicerent, & se ipsos ad tuendum gentis decus conseruandamq; patriæ salutem, si non iniqui prælij facultas daretur satis fore iactarent. Horum autem Princeps erat Paulus Tomoreus Colocensis Archiepiscopus pietatis instinctu, & veterè præsulum more, cum Turcis non iusta quidem acie, sed minutis præliis pugnare solitus. Is proceres non temerè timentes, hostem ignauitiæ increpitans, & ad conferendas manus militum multitudinem sacris concionibus



accendens, eò Ludouicum consilij inopem iuuenem nec vllum vitæ discrimen veritum perdu-  
xit, vt aduentanti hosti castra obuiam promouenda decerneret. Imperitus enim rerum adole-  
scens, ingenioque præsertim imbecillo atque hebeti, tanquam bellici periculi ignarus, qui nun-  
quam castra vidisset, facile eò perducere potuit, quo Tomoreus fatalis eo die Hungaris dux im-  
positus educebat, vel cunctis fere Proceribus pugnae casum omni arte vitandum esse censenti-  
bus. Itaque Ludouicus, aliena vecordia atque superbia miser, & proculdubio exitialis consilij  
manceps factus, Solymano ad Mugaccium occurrit, quum nihil tale ausuros Hungaros Turcæ  
Duces putarent, nec Solymanus ipse adduci posset, vt Regem hostem tam paucis instructum  
copiis in castris esse, & congregi prælio velle crederet. Vix enim Christiana acies triginta mil-  
lium peditum, simul & equitum numerum implebat, quum in aduersa ducenta equitum millia  
spectarentur. Eum itaque Tomorei audacia Hungarorumque temeritas exitum tulit, vt cum  
ingenti corona hostium circumdati & obsessis castris, Rex infelix, & (quod miserrimum fuit)  
in ipso margine Danubij aquatione prohibitus, dirigere aciem & collatis signis configere co-  
geretur. Non tulere diu Hungari primi agminis vim, quanquam admirabili ferocia resistentes,  
nec inulti cadentes, quando meritas insanie suæ pœnas darent. Cecidit antè alios vecordi im-  
petu pugnans Tomoreus, & vnâ fere reliqui Duces & Antistites conciso proculcatoque toto  
nostrorum exercitu perierunt. Rex ipse quum in fugam desperatis rebus se proriperet, in palu-  
dem incidit præaltæ crepidinis, quam exeundo apprehendere conatus, equum ardua ceruice  
erectum in se reflexit, atque ita resupinatus in ipso equi & armorum oppressus pondere, in aqua  
bipalmis gurgitis suffocatus interiit, spectante armigero suo, atque eum mox arena sepeliente,  
ne corpore atque armis Regiis potiretur hostis. At Solymanus eum euasisse existimans, gene-  
rosa voce pronunciauit, se hostem Regem tot cognationibus clarum, in gratiam Sigismundi  
patrui, si reperiretur, Pannoniæ Regem repositurum, modò Othomannici Imperij decus, &  
suæ liberalitatis beneficium certo tributo, & id quidem exiguo, gratè atque fideliter agnosce-  
ret. Sed cadauer post multos dies, indicante eodem scutifero repertum, eo quo potuit tumul-  
tuarij funeris honore tumularum est, quum Solymanus iam Buda atque Pannonia victor de-  
cessisset, ad ornandum Hungaricæ victoriæ trophæum, æneas præstantissimi operis statuas quæ  
Matthiæ splendidissimi Regis fuissent, Byzantium aduehens, quibus Hippodromum erectis  
basibus exornauit.

## P E T R I A N G E L I I Bargæi.

*Te quoque Sarmatico Lodouice è sanguine natum,  
Et nulla clarum virtute, antiqua tuorum  
Religio immerito regnis præfecit auitis:  
Vi foret unde animos ingentes incola Ponti  
Sumeret, & raptis regnaret Turca trophæis,  
Nostrorum multa tumefactus cæde parentum.  
Scilicet is fueras opibus qui fretus, & alto  
Consilio, inuictas virtute animos, phalanges  
Fudere, & innumeras euertere milite turmas  
Exiguo posses, atque omni arcere furentem  
Pannonia, insigni confectum clade Tyrânnum.*

*Nam si corpus eras sine pectore, si tibi nullam  
Dij dederant mentem, Rex amentissime, quæ te  
Regibus æquaret fors indignissima magnis:  
Vitasses dubij saltem discrimina Martis.  
Aut cum præclaras animas per vulnera mille  
Vidisti Heroas fundentes pectore ab imo,  
Te quoque præcipitem Turcarum in tela dedisses.  
Iure igitur tanta fugientem è cæde tuorum,  
Vi turpi ablatus letho, & coniectus harena  
Informi cumulo, lachrymis & honore careres  
Obruisti immersum cænoque undaque lacuna.*

FINIS QUINTI LIBRI.



P A V L I



PAVLI IOVII EPISCOPI  
NVCERINI IN SEXTVM  
LIBRVM ELOGIORVM  
SVORVM

PRAEFATIO

Ad COSMVM MEDICEM Florent. Ducem.

**D**ECET profectò hunc sextum Elogiorum librum, qui fato functorum Heroum erit vltimus, bene auspiciari ab ipsa inuictissimi viri Ioannis Medices, effigie, quem tu, Magnanime Cosme, ab emula virtute certissimum agnoscis patrem. Italia verò omnis etiam nunc luget, quòd tum immaturo fato fuerit ereptus; quum in ipso defendendæ communis libertatis glorioso conatu ceciderit. Hic vir seculo nostro tantum monstratus, quoniam virtutis modum excessurus crederetur, sicuti grauissimum indomiti vigoris & perpetuæ constantiæ suæ desiderium nobis reliquit; ita hos Heroes, qui fatali accersente hora eum subsecuti sunt, tanquam bello Dux Italorum omnium longè fortissimus, in ostentationem comparationemque rerum gestarum non iniqua ratione perducit. Hos omnes, quod est exactæ prudentiæ tuæ, præcellentisq; iudicii peculiare munus, inter se comparabis, & qui cunctas huius seculi parum felices res gestas immensi ingenij tui captu comprehendis, recta æstimatione perpendes, quantum tibi iniusti propè oneris gloriosus pater imponat. Nam si tibi generosa emulatione sit enitendum, vt non aques modò familiæ tuæ decora, sed ea etiam magno interuallo superes, tantò magis contendere debes, qui imperij amplitudine atque opibus patre maior es, atque felicior, vt non frustra Dy superi tibi arrisisse videantur; si amplitudinem tuam certissimis (vti probè facis) virtutibus adaugendam censes. Vale.

ELOGIORVM LI-  
BER SEXTVS.

Ioannes Medice fortissimus Dux.

**Q**VONAM condigno adoræ laudis præconio te ornauerim, Magnanime Heros, armipotentis dextræ, & fulminei spiritus gloria inclyte: Inuitata siquidem atque admirabilis virtus tua, omnem vel ingentis facundiæ vim exuperat, & excludit, si multa atque illustria bello edita facinora collatione æqualium Ducum expendantur: quandoquidem illorum fortia facta cum numero, tum varietate, atque ipso pondere victoriarum prorsus antecedant. A præalto namque semine ingenua virtus, tanta stirpis luxurie coalescere cœperat, vt altitudine culminis ad sydera ferri videretur, nisi immitia fata valdè insigni huius seculi infortunio, pro Italiæ libertate pugnantem, in ipso cursu speratæ victoriæ prostrauissent. Paternum etenim genus, directo stemmate superiorem Laurentium Medicem, qui Magni Cosmi germanus frater fuit, respiciebat; quum maternum repeteret ab inuictissimo Francisco Sfortia proavio, qui insigni bellicæ virtutis felicitate, Mediolanensis imperij principatum posteris eius familiæ peperit. Huius erat neptis Catherina, eo Galeacio Principe genita, cui coniurantium ciuium dira malignitas dominatum & vitam inuiderat. Hæc Ioannis mater fuit, antea Hieronymo Riario, Xysti Pontificis propinquo splendidissimè nupta, quæ interfecti coniugis mortem, pertæsa cœli-  
mo rurata arcem, seuerè vindicauit; numerosamque ex Riario prolem relinquens, pertæsa cœli-  
barus, & conscia suæ fœcunditatis, Iohanni Medici Gallicas sequenti partes, tanquam præclara nobilitate moribusque lectissimo nupsit, vt hic Ioannes ex Christiano fonte Ludouicus appellatus, paternum ferens nomen, primo eoq; supremo eius coniugij partu ederetur, qui bellicum





materni generis vigorem certo Mediceæ magnificentiæ splendore cumulare. Cæterum triennis puer patrem amisit, captaq; demum atque exuta Principatu Borgianis & Gallicis armis Catharina matre, magnis aduersæ Fortunæ fluctibus iactatus est. Sed à matre demum quæ beneficio Algeriæ Galli ducis, mole Hadriani educta fuerat, Florentiæ educatus est, eo ætatis incremento, ut eius tutelam benignè susciperet Iacobus Saluiatus illustis ciuis, qui postea Ioannis focer fuit. Verum ea indole puer Martij spiritus habitum gerebat, ut prælia, & sæpe cruenta inter æquales fereret; vulnereq; inflicto, quod videri poterat mortiferum, reclamante saucij pueri patre, exilio multaretur. Sed exacto demum vrbe Soderino, atque introductis Mediceis in veterem domum, non multo post adhæsit Leoni Decimo familiæ Principi, & ad Pontificatum euectus. Nec diu post Ioannes inter initia Vmbrici belli, imberbis adhuc ita militiæ posuit tyrocinium, ut turmam equitum ex delectis familiaribus suo ære perornatam, uti nouæ laudis cupidus, in aciem produceret, multisq; obiter exercitus periculis, ad eam disciplinæ frugem, ad idq; inuicti nominis decus, nunquam ferè intermissa militia perueniret, quò præclara & passim spectata vis eius, magno partibus adiumento, & longe maximo hostibus esset terrori. Hinc fit ut ardens & viuida virtus diffuso latè lumine, breui elogio neque includi, neque exprimi faciliè possit, quum nullis propè gloriæ sinibus terminetur, & iustis annalium monumentis posteritati tradita, certam æternitatis spem concipiat & expectet. Quis enim nisi præalto volumine, res eius incredibili fortitudine inuicti semper animi gestas comprehender? Quis innumera secundè inira prælia, atque oppida fortiter expugnata, & ereptum è manibus Venetorum hostium peculiariis alæ suæ legatum, expresso instaurati prælij turbine narrauerit? Quis tranatum in còspectu Galli hostis vorticofum Abduam, eoq; ausu, territas, & in fugam datas Gallorum turmas, legentibus ostender? Quis denique Rethorum agmina in Bergomate agro, retrò auersa & profligata, & Hel-



& Heluetios demum ad Corsum pagum, qui strenuos suæ alæ equites crudeliùs interfecerant, multa cæde vindictos; & Hispanorum audaciam Ticini primùm, & mox sæpius ad Mediolani portas acerrimè repressam atque mulctatam, iusta atque integra eloquentiæ laude extoller? Nemo siquidem eo celerius expedire arma, nemo intètiùs & vigilantius hostium motus obseruare, nemo violentius hostes inuadere, nemo pertinaciùs victoriam captare didicerat. Erat profectò natus ad Italiam pulsis externis, in libertatè asserendam, si id cordi superis fuisset. Insistens namque Germanorum legionibus, nec vsquam vestigiis abscedens, dum ituros ad delendam urbem Romam perpetuis minutis præliis demorari conaretur, multisq; hostium secundum Padi ageres trucidatis, se in castra reciperet, tormento ab vltiore Mincij ripa in incertum emisso, ipse vnus genu ictus, est interfectus; pereuntis hercle Italiæ fato potius quàm suo, quàm viginti septem natus annos, iam planè mitigata ardentis animi ferocia, vti sedatiora secutus consilia præter egregij bellatoris nomen, etiam ad maturi iam, & compositi Imperatoris famam contendere censeretur.

## ANTONII FRANCISCI RAINERII.

<i>Que tulit Eumenidū immane hoc imitabile ful-</i>	<i>illum etiam num acri minitatem vulnera vultu</i>
<i>Vnde inuictorū funera mille Ducum. (men?)</i>	<i>Aurato Iouius condidit in tumulo,</i>
<i>Hoc cecidit Medicū flos, hoc noua gloria Martis,</i>	<i>Et laudes cecinit, picta &amp; circumtulit ora,</i>
<i>Quo feriente fera tot cecidere manus,</i>	<i>Ora Ioui æternum viuere digna manu.</i>
<i>Roma gemit crus dum fractum secat ille, filetq;:</i>	<i>Ille autem, quòd te in superas ante edidit auras</i>
<i>Ausonia euentu statq; caditq; suo.</i>	<i>Dux Cosme, Etrusci luxq; salusq; soli:</i>
<i>Astobur. Inq; atram reuoluto hoc sydere noctem</i>	<i>Sic fertur, patria pater ut cum prospicit almæ</i>
<i>Arnus &amp; in nigris Albula fluxit aquis.</i>	<i>Ante obitum, Ausoniæ consuluisse sue.</i>

## I V L I I I O V I I.

<i>Principis Etrusci genitor fortissimus Heros,</i>	<i>Italiæ potius quàm cecidisse tuo.</i>
<i>Qui noua belligeri gloria Martis eras.</i>	<i>Attamen es felix Italum fortissime ductor,</i>
<i>Barbara gens vidit quantum pollebat in armis</i>	<i>Non quia perpetuos det tibi fama dies,</i>
<i>Vis tua, que semper terror in hoste fuit.</i>	<i>Sed postquā Imperiū, tibi quod virtute parabas,</i>
<i>At Te equidem constat percussū fulmine, fato</i>	<i>Magnanime proli fata dedere tue.</i>

## Carolus Borbonius.



**Q**UIS nam, qui Carolum Borbonium viderit, ex hac verissima effigie non agnosceret: ac item supercilio atq; oculis inconstantis eius animi leuitatem, atq; perfidiam eum spirare non iudicer? Quis non obiter diri, impiūq; hominis sæuitiam non execretur, qui aduersus Regem suum, patriamque suam nefaria arma intulerit? & sacrosanctam vibem gentium omnium liberale domicilium profanarit, & euerterit? & denique scelestæ cogitatione renouata, conuersaq; perfidia in Cæsarem, Neapolitanum Regnum occupare voluisse non credat? Licet enim & hoc de contemptore humani atq; diuini iuris nō absurdè suspicari, quum in limine portentose temeritatis suæ perierit; vltore quidem magno Deo, ne abominabili victoria, & truculentissima tot infontium hominum cæde lætaretur. Gilberto Mompenserio patre genitus erat, qui Gallici exercitus imperator, Neapolitano victus bello, ex dolore rei malè gestæ apud Baias interiit. Reliquerat is præter hunc Carolum, filios Ludouicum scilicet quinto post patris mortem anno ad Capuam pestilenti febre ereptum; & Franciscum Heluetio prælio in conspectu fratris interfectum. At ipse opulentæ hæreditatis compos, & Comestabilis à Rege appellatus, quī honos militaris in Gallia summus habetur, proculdubiò procerum omnium longè clarissimus euaserat; vtpote qui perpetuo renore vitæ, domi & foris splēdidus, erga milites liberalis, in hostes vel inconsultè munificus, autoritate, gratia, opibus, reliquos regij sanguinis Regulos anteiret. Sed quantum sibi bellicæ laudis Abduana præferrim acie, quum extraordinariis Gallicæ nobilitatis equitibus euocatisq; præesset; & apud Mediolanum, quum eā urbem aduersus terribilem Maximilianī Cæsaris aduentū constantissimè defendisset, non obscure pepererat, tantundem amisit ad Melenianum Heluetiorum prælio, quum circumuento, & præeunti fratri, opem reformidato periculo ferre noluisse, & ad Valentianum in Belgis serò cū auxiliis aduentans, Regio agmini obscura in nocte errabundo se coniungere recusasset. Verū quum hæc vel aduersus ipsius Regis testimonium dilui & excusari possent, se demum magna oneravit inuidia, fœdeq; sese & Borboniæ familiæ nomen dedecorauit, inexpressibili facinore ediro, quum à Rege deficiens, in patriam externa Cæsaris arma perfidiosè conuerterit, scilicet vt leuem iniuriam vlcisceretur;





quodd Ludouica Regis mater, ei grauem & improuisam litem intenderet, ereptura haud dubie aliquid castella, malignitate senatorum in ea causa periniquae ius dicentium. eo autem acrius urgebat atq; incumbere Ludouica, quodd se spretam à Carolo crederet, cui se ad connubium frustra obrulisset, vt ætate adhuc flores vidua, florentissimæ ætatis nobilissimæque stirpis viri coniugio potiretur. Hæc contumelia, muliebri in animo præaltas iecerat sæui odij radices, nec Rex ipse procliuis in obsequia matris, vt litem dirimeret exorari potuerat, quoniam nisi post diuindicatam litem, eius controuersia arbitrum fore profiteretur. Quæ conditio grauissima idè visa est Borbonio, quodd nihil sibi ad æquitatem vel iura causæ, vel iudicum studia responsura crederet, si damnatus à properato iudicio, ex clementia tantum Regia commodum expectaret. Itaque indignabundus coniurauit cum quibusdam illustribus viris, Cæsariq; implacabili Gallorum hosti adherere constituit. Sed Franciscus Rex incomparabili benignitate iam planè detecta coniuratione, Borbonio ad genua prouoluto ita pepercit, vt se vllis vel certissimis indiciis adduci non posse, vt crederet, quenquam Regiæ stirpis perfidiæ scelus concipere posse, testaretur. Sed non multo post Borbonius simulato morbo, quum Regia castra subsequi iuberetur, diuerso itinere & mutato habitu cum paucis in Sequanos perfugit, atque ea conditione Cæsarianis partibus sese addixit, vt ei Cæsar Leonoram sororem, quæ Emanuelis Lusitanæ Regis vxor fuerat, desponderet, superis proculdubio nuptias vetantibus, ne summæ nobilitatis Regina homini perfidiæ labe notato iungeretur. Transiit demum in Italiam, atque inde cum valido exercitu in Prouinciam irrupit; conspectaq; & vix tètata Massilia repulsus est: quum nemo reperiretur qui insaniam perfidiosi hominis imitari, quàm patrium solū defendere mallet. Exinde transiit eunte in Italiam Rege, cum copiis, quas pro salute patriæ coëgerat, Ticinensi prælio interfectus, quo Rex ipse delero ab hostibus exercitu captus est; atq; ita Borbonius nefarij odij voto potitus, victor,



Victor, temerè sperauit, Cæsarem Mediolanensis imperij dominatum sibi, tanquam sororis do-  
talem, eiecto Sfortia esse concessurum. Verum Carolus Lanioius Belga, qui vices Cæsaris ge-  
rens, intimi illius consilij erat gnarus, decepto Borbonio, Regem captiuum in spem promeren-  
dæ libertatis astutis persuasionibus in luctum, in Hispaniam abduxit. Qua inopinati facti noui-  
tate Borbonius vsque adeo cōmotus est, vt statim & ipse in Hispaniam enauigārit, & apud Cæ-  
sarem se, qui victoriæ socius extitisset, ingrātē contemptum quereretur, Lanioiumque maligni-  
tatis & impudentiæ probro compellatū, ad singulare certamen prouocaret. Verum Cæsar ita  
rixantes diremit, vt quæ Lanioius fecisset, publico commodo, suoq; iussu fecisse testaretur. Nec  
diu post, cum Rege de eo dimittendo Cæsar pecunia transegit, ad confirmandasq; noui fœderis  
pactiones, sororem antea dubijs verbis Borbonio promissam, Regi tum celebri connubio iun-  
xit, quo nihil amarulentiùs Borbonio accidere potuit. Ea Cæsaris cum Rege conciliatio sus-  
pecta Italicis Principibus fuit, quasi coniurassent, & cunctis iugum imponere cogitarent. Sed eam  
suspicionem non temerè conceptam Rex opportunissimè detexit; persoluto namque auro, & li-  
beris obsidibus datis, his quas perscripsisset conditionibus tanquam iniquissimis, & impotentex  
extorris, se minimè staturū professus est, quasi optimo iure liberatus videri posset, qui aureæ mo-  
netæ ducentas myriades Cæsarianis custodibus, quū liberos etiam daret obsides, adnumerasset.  
Itaque Itali Principes, liberæq; ciuitates, seruitutis metu ad arma consternatæ, in Cæsarem Ci-  
salpinæ Galliæ Imperio Sfortiam excludere conantē, authore Clemente Pontifice, eō fidentius  
arma verterunt, quod ipsi affuturum Regem intelligerent. Eius verò belli is exitus fuit, vt frustra  
obfesso à fœderatis Mediolano, Cæsariani victores arce potirentur, & ex aduerso Laudem Pom-  
peiam & Cremonam ab hostibus fortiter expugnatam amitterent. Cæterum aucti quatuor Ger-  
manorum legionibus Borbonio Duce, ingēti cursu superato ad Aretinas alpes Apennino, ad Vr-  
bem Romam inuadendam conuolārun, Pontificēq; per inducias decepto imparatoq; , primo  
appulso per Vaticanum Urbem cōtra Obeliscum, vbi mœnia humilia & vetustate collapsa facile  
præbebant aditum, facillimè irruerunt; miserabiliq; cæde edita, summæ venerationis tēplum  
toto orbe maximum & venerabile, miserorum ad aras cōfugientium cruore profanatum est. Id  
verò perfidiose oppressis & pereuntibus solatio fuit, quod Dux ipse Borbonius, dum ad casam  
muro coniunctam scalas apponi iuberet, crassiore glande traiectus in limine execrabilis victoriæ  
sue occubuerit; sic vt postea aliqui hominū miserimi incolæ, summas omnis acerbis per-  
pessicalamitates, tolerantius ferret, quod Diis tutelaribus nostro errore nihil suas aras defenden-  
tibus, eorum numina, ad tormentum in inguen damnati cœlo hostis, direxisse p̄cederent.

## IOANNIS BAPTISTAE GABII.

<i>Dedecus Aruernæ gentis, patriæ improba labes,</i>	<i>Ne se victorem cerneret, occubuit.</i>
<i>Transfuga qui leuis &amp; perfidus hostis erat;</i>	<i>Debit haud alias superis persolvere pœnas</i>
<i>Ictu vno stratus temerata in limine Romæ,</i>	<i>Perfidus ante homines, impius ante Deos.</i>

## Georgius Fraispurgius.

**H**OC ipso armorū pedestriū cultu, atq; hac rubenti, & propè temulenta facie  
exprimitur Georgius Fraispurgius, Mindlaui Sueuorū oppido, iuxta Memin-  
gam liberam ciuitatem natus, educatusque militiæ ab ineunte ætate sub dis-  
ciplina Maximiliani Cæsaris; Menapiorum & Sicambrorum Phrysiarumque  
bellis, multa potius egregiæ laudis quàm bellici quæstus decora domum retu-  
lit. Verum sub Carolo Cæsare multo luculentiora spectatæ virtutis & fidelis o-  
peræ præmia promeruisse visus est, prælio præsertim ad Bicoccam facto, quum  
proluentis Heluetiæ phalangis impetum ex fortuito rusticanae viæ aggere propugnans, singu-  
lari constantia sustinuisset, & Ticinensi demum acie Germanicas Gallicarum partium cohortes  
quadam hiantis forcipis indagine circumuentas, ad non dubium summæ victoriæ prouentum  
trucidasset. Deletis nanque Germanorum auxiliis, quibus Longamantes præfuerat, res extem-  
plò per sclopettarios ap̄re prospereque gesta est, fuso scilicet, stratoque hostium equitatu, pro-  
fligatis Heluetiis, ac ipso demum Francisco Rege capto. Sed qui tantum sibi nominis variis bel-  
lis quæsierat, utpote qui iusto prælio quindecies, extraordinaria verò acie supra vicies dimicasse  
ferebatur; suprema demum induit arma aduersus Clementem Pontificem summæ potentæ,  
quum fara destinabant felicitatem inauspicato inuidentem. Itaque ad eam conflati belli famam  
Georgius, oppignerato etiam patrimonio, cum quatuor legionibus, eo diri voti impetu conci-  
tatus in Italiam descendit, vt se Clementem tanquam Cæsaris hostem, laqueo suspensurum tru-  
culenta voce profiteretur; laqueum auratum, quē sinu gestabat, crebrò depromens & ostentans,  
quo in sacrosancti viri terribimo supplicio homo nefarius atque impius vteretur. Verum diram  
eius vocem, & totum efferatæ mentis conatum Diui diuæq; omnes in irritum per nubes extule-





ruunt; atque ita senem abdomine turgido grauem, & vasto ingentium artuum pondere fati-  
 scentem, immissa paralyfi, siderarunt, vt abominabilis voti damnatus, ex itinere Ferrariam,  
 atque inde in Germaniam lectica referretur; scilicet vt intra penates Lutherana superstitione  
 contaminatus, suo pte peruerso ingenio à maiorum religione discedens, in expiatus interi-  
 ret. Fuit Georgius membrorum robore vsqueadeò validus, vt extento tantum medio dextre  
 manus digito, validissimum quemque firmo innixum vestigio facile dimoueret: prætercurren-  
 tem equum arrepto fræno sisteret; tormentumque mûrale solus innitens humero, quod vellet,  
 propelleret: in itinere faciundo libenter abdicaret equum, vt pedibus gregariorum militum &  
 iuuenum iustos passus anteiret. E' tribus liberis maiorem natu Gasparem militaris disciplinæ  
 hæredem reliquit, sed qui septimum post annum, eo bello quo Cæsar Narbonensis Prouinciæ  
 Galliam inuasit, morbosa tæbe præeuntibus legionibus sit ereptus: quum Melchior narus secun-  
 dus in Vrbe euastata lethargo periisset: Balthasar verò vltimus neque ad frugem peruenit, neque  
 ad propagandam sobolem diu patri superstes fuit.

#### ANTONII VULPII.

*Quis te Georgi, magne ductor agminum,  
 Que mittit alitrix militum Germania,  
 Vexauit olim furor, atque insania,  
 Vt Capitolio Deorum sedibus  
 Ausus sis ignem, & laqueos, & vincula*

*Collo parare, pro scelus, Pontificis?  
 Ecce vt repente stratus occidis leui  
 Morbo, prius quàm manibus Quiritium  
 Castra admoeres; placitum sic est Deis,  
 Titanas olim qui superbos, & polo*


*Arms*



*Arma inferentes, contunderunt fulmine.  
Conatus iste nomini notam tuo  
Quamvis inurat; Ducibus claris tamen,*

*Quos prisca iactant secla, vel presentia  
Aequâris ausibus, manu, & consilio.*

## Odettus Fufius Lotrechius.



**H**IC Odettus Fufius, qui Lotrechius ab oppidi nomine in vltima ad Pyrenæos saltus positi, vocatus est, strenui & intrepidi, sed maximè superbi vigoris inter Gallos Duces nomen tulit: vtpotè quem nulla terrent pericula, neq; vllæ rerum aut locorum difficultates ab incæpro vnquam retardarent. Verùm in consiliis capiundis vsqueadè aliena iudicia contemnebat, quum plus æquo solus sapere videri veller, vt prudentiæ militaris existimationem sola & sæpe fallaci constantia, quæ insanæ peruiaciæ proxima esset, tuendam arbitraretur. Huius autem obstinati moris vitia perpetuè liberalitatis & iustitiæ laude contegebat, nusquã venalis, aut rapax, & extra æquitatis septa semper ita seuerus & inexorabilis, vt in edendis damnatorum suppliciis inhumanus & cruëus haberetur: qua crudelitatis acerbitate perstricti Insubres, ab eo facile, quũ oportuit, defecerint; damnarintq; itidem Thomæ Leseuti sæuitiam, qui Lotrechium fratrem aliquando ad lenitatẽ paratum, feruidis impulsionebus efferasset. Cæterum Lotrechius & hoc Lescuto, atque item Asparoto germanis fratribus, qui pugnacissimi Duces fuere, in omni imperij militaris munere implendo potior existimatus est; hisque vel ætate maior superstes fuit;



quum Lescutus Ticinensi praelio, glande femur traiectus, intra nonum vulneris diem perierit: Alparotus verò in Hispania ad Grunnum acie victus, contusa clauarum ictibus galea, multoque inde delapso glaucomate, totum penitus oculorum lumen ita amiserit, vt militiæ vsui esse desierit. Hæc verò in toto militari negotio peculiaris laus Lotrechio cessit, quod vrbium expugnator, vti olim Demetrio Macedoniæ Regi obtrigit, appellatus est. Nam qui iuxta Gastonem Foisseium, inclyti nominis Imperatorem, Rhauennate praelio occisum, multis vulneribus cruentus prostratusque Hispani Centurionis, cui cognomen fuit Guido, misericordia seruatus fuerat, impigre etiam Heluetio bello ad Mediolanum, teste Rege, & demum ipso nomen Imperij tenente ad Bicoccam, vel nequaquam victor, intrepidi, sed non valde memoris & cauti Ducis decus meruit. Brixia demum recepta, atq; Verona expugnata, & aliquantò post Bosco, Alexandria & Ticino vrbibus manu captis, & quod illi nobilium operum supremum fuit, Melphi vrbe in Apulia tormetis expugnata, illam quam diximus laudem paucissimis concessam Ducibus, adeptus est; quum postea ab eius virtute fortuna discedens, eum surdis auribus peritorum Ducum suorum consilia respicientem, penitus elusisset. Ipse enim ex fatali sua peruicacia circumuallata & obsessa Neapoli intemperantiùs hærens, qui armis vinci non poterat, pestilenti morbo eius castra vacante, superatus interiit, quum de subactis Cæsarianis, perdomitaq; Neapoli insigne trophæum erecturus crederetur, si abscedere incepto, & latè per vicina oppida saluberrimi aeris, copias diuidere (vtri periti Duces, gnarique locorum suadebant) quam in vestigio funesti consilij perstare maluisset. Id verò ei in suprema calamitate gloriosum fuit, quod quum ei, voti atque victoriæ compos hostis Aurantius sepulchri & funeris honorem negauisset, non vnus tantum diei decus, sed perpetui honoris statas quotannis exequias à populo Romano meruerit. In Capitolio siquidem, publico miroque ciuium omnium assensu, decretum est, vt quotannis in Laterano Templo ad Cenotaphium Lotrechij solennibus inferiis parentaretur, tanquam Urbis liberatori: quandoquidem aduentu suo & captum Pontificem liberauisset, & Barbaros in vrbana ædificia grassantes Roma detraxisse censi possit. Hoc verò humanæ miseriæ inusitatum exemplum Lotrechius de se præbuit, quod eius cadauer abominabili diligentia Hispani militis tam auari, quam impij, in cella vinaria multo fabulo contumeliatum, diu frustra emptorem Gallum, qui redimeret, expectaret; post vigesimum autem annum iustum & luculentissimum marmorei sepulchri decus sit consecutum; vno scilicet Hispanorum nobilissimo Ferdinando Corduba, qui Magni Consulis nepos fuit, ingenuo pudore indignante, quod excolendæ virtutis, quæ in hoste etiam grata & admirabilis esse consuevit, studium penitus exolesceret; atque ita pretio coëmente ossa, ad peculiarem nominis sui laudem, non obscura etiam suæ gentis cum inuidia, marmoreo monumento recondenda, & ritè funeranda decreuerit.

## ANTONII FRANCISCI RAINERII.


<i>Dicite qui Tusci colitis prope Tybridis vndam</i>	<i>Inserimus claris carmine cælitibus.</i>
<i>Templa Deum, et magnis thura datis superis;</i>	<i>Pergite Romulidum proles, neu dicere laudes,</i>
<i>Dicite, cur Galli manes animamq; superbam</i>	<i>Neu pigeat manes excoluisse pios.</i>
<i>Eugubri celebrant carmina vestra sono?</i>	<i>At tu sperne virum excisa, alto è marmore, facta</i>
<i>Hæc meruit ravidam illumi, qui perpulit, vnde</i>	<i>Summe Ducum, auratisue addita imaginibus;</i>
<i>Barbarico excussa est vrbs labefacta iugo,</i>	<i>Sic melius, tua sic se tollit ad æthera virtus,</i>
<i>Quare ingentem umbram Lotrechii, animamq; potentem</i>	<i>Vincat ut ærias culmine Pyramidas.</i>

## Vgo Moncata.



**V**GO Moncata, qui primus inuiolatum antea, ab ipsisque Gothorum temporibus Templum Romæ in Vaticano, Petro & Paulo diuis Romanæ vrbis tularibus dicatum, & à cunctis Christiani nominis gentibus religiosissime cultum, profanauit, hanc effigiem ferebat. Ortus est pernobilis familia Regiæ stirpis citerioris Hispaniæ. Iuuenis cum Carolo octauo Gallorum Rege in Italiam venit, sicuti & plerique alij Hispani, qui post receptum ex conditione noui fœderis Perpenianum, studio militandi Gallica castra sequebantur. Verum Vgo discedente à Gallorum amicitia Ferdinando Hispaniæ Rege, Cæsari Borgiæ sese applicuit, duxitque ordines, quum ille abdica purpura, repente Pontificij exercitus Dux extitisset. Cæterum Vgoni, qui astuti & diligentis, strenuique item Ducis famam tulerat, primæ pugnae fortuna illu- sit, quum in Umbria à Vitellianis cohortibus Iacobo Rosserto phalangis magistro, & Paulo Vrsino Ducibus, qui à Borgia defecerant, ad casam, quam vocant Mazzeam, cum Michaelotto Corellia suo collega, profligatus fuisset. Exinde Borgia reparatis copiis, atque insigni dolo dissimulata iniuria, Vrsinos Proceres & Vitelloccium necauit, expulitque nobilissimos Italiæ Regulos auita dirione, quibus peragendis rebus, Vgo perpetuam manu & consilio operam præstitit. Mortuo





Mortuo autem Alexandro Pontifice, & Borgia Gallicis fauente partibus, Vgo & ceteri Hispani Duces ad magnum Consaluum transiuerunt, Vgone facile principe. Sed confecto in Italia bello, Borgiaque in Hispaniam perducto, & ad Mendauiam demum tumultuaria in pugna à Cantabris occiso, nauali disciplinæ se addixit, clarusque aliquot expeditionibus aduersus Punicas gentes susceptis, ita inclaruit, ut opimum Rhodiæ militiæ sacerdotium, quod Euphemium vocant, in Brutis promeruerit; semper audius nouæ famæ, & inquieto ingenio oram Africæ vexabundus percurrens, quod erat honestissimi laboris munus, sed non semper felicitis audaciæ. Nam eas Hispanorum copias, quæ Pontifici Leoni, auspiciis Feltrij acre bellum intulerant, quum nauibus impositas ad Cæsaream, quæ hodie vocatur Algeriū, expugnandam adduxisset, fere omnes oborta tempestate, & totam penè classem, paratis scilicet ad cædem & prædam Barbaris, scedè amisit, & aliquantò post nocturno prælio à Turcis prædonibus iuxta Sardiniam ad Diui Petri scopulos, ita magnum accepit detrimentum, ut amissis duabus Triremibus, & facie sagittæ ictu sub oculo deformata, victus discederet. Promeruit exinde Siciliæ præfecturam, atque inde aucta classe ad Moenicem insulam traiecit, ut Girapolis vrbis Regulum expugnaret, apud quem prædonum omnium tutissimus erat receptus. Sed id bellum eo successu ceptum confectumque est, ut Vgo repentino Barbarorum superuentu, Christiana acie perturbata, summæ cladis & vitæ periculum adierit. Vulneratus namque ipse, humerum infesta incumbentis Mauri lancea, vix instaurare, ordinareque aciem poterat, nisi Germanica phalanx vel in præalta arena defixis vestigiis, turbulentij prælij procellam sustinisset. Barbarus tamen nostrorum vim atque constantiam non obscurè timens, his legibus scædus percussit, ut Cæsari annum tributum se daturum polliceretur, & legationem in Germaniam vsque ad Cæsarem mitteret. Explicatus eo periculo Moncata, ita demum Siciliæ præfuit, ut ibi multa avaritiæ & crudelitatis monumenta relinqueret, quum




aliquot honesti nominis Siculos, & in his Cameratæ Regulum, pro vetere licentia Siculæ gentis seditiosius agentem, securi percussisset. Exortum subinde est bellum atrox inter Franciscum Regem & Cæsarem, quo ipse ad Varagium Liguriæ vicum temerè è classe discedens, tumultuaria pugna à Gallis superatus, & captus est, quum fortè Cæsarianorum Triremes metu obortæ tempestatis, à scopuloso litore longius recessissent. Quum verò Franciscus Rex à Cæsare dimitteretur, Vgo & ipse dimissus venit in Italiam, ut nouo bello Dux interesset. Pontifice namque & Vnetis seruitutis metu ad arma consternatis, quòd Cæsar immodica cupiditate totius Italiæ imperium affectare videretur, & Franciscum Sfortiam ex autoritate fœderatorum Mediolani Principem constitutum eiicere contenderet. Iam planè cœptū & conflatum erat bellum aduersus Cæsarianos, quo nihil magis detrimentosum, nihilque magis dirum Italiæ incidit. Nam quum Columniæ familiæ Proceres, Pompeio Cardinale authore, sese Cæsaris partes secuturos professi, à Pontifice discessissent, & iuxta Urbem copias cogerent, specie præsidij Vgo dolosus, nec satis magno militū numero confirmatus, Columniis persuasit, ut inducias à Pontifice postulerent, ut per eas deceptum & imparatum Pontificem inuadendum, atq; opprimendum susciperent. Quibus ad nefarium perfidiæ consilium nomine Cæsaris impulsis, Vgo nihil moræ sibi attulit, quin cum suis intra paucissimos dies, quas Neapoli compararat copiis, & Columniorū auxiliis, in Urbem Laterana porta irrumperet, & per Xystinum pontē in Vaticanum instructa acie contendēs, nihil se commouente Populo Romano, & coniectis in fugā Pontificiæ custodiæ paucis equitibus, Leonina vrbe potiretur, statimq; Templo sacrosancto scelestissimè direpto, & Pontificiis ædibus, militum prædæ concessis, Pontificē, qui in arcem molis Hadriani trepidè confugerat, destituto militari præsidio, & consilij inopem obsideret, cogeretq; sibi obsides dare, quibus certò bello absistere, & ad amicitiam Cæsaris redire fateretur; ac nisi Vgo inexpiabilem inuidiam Cæsari conflaret, pactiōnem transigere, atq; (hac in re nō omnino impius) Vrbe excedere maturasset, procul dubiò Pontifex rerum omnium pressus inopia, in potestatē Pompeij Columnæ internecui hostis celerrimè peruenisset, sic ut vetus de Bonifacio octauo Tragœdia instaurari videretur. Sed Vgo scelesti facinoris & sacrilegij editi dignam biennio post subiit penam, quum supra Salernum nauali prælio cum Aurianis triremibus, quibus Philippus Auria vir impiger præerat, contendisset. Ea namque cruenta admodum pugna, promptissimi Hispanorum supra mille, qui paulò ante Urbem diripuerant, trucidati perierunt, & ipse Vgo præfectus, amissa classe, & prostrato suæ prætoriæ nauis vexillo, quū frustra aduersus tot incidentes glandes scutum prætenderet, est interfectus; ita ut magnum Deum tanti sacrilegij præclarum vltorem extitisse pij mortales crederent: atque obiter magnoperè mirarentur, cur fortuna ad tantas opes Vgonem euexisset, quando is nunquam victor, sed vbique victus præmium ingens, & planè odiosum ex malè gestis rebus peruerla ratione, & malo exemplo retulisse videretur.

## I A N I V I T A L I S.

<i>Disce meo exemplo Mezenthi, Rhulle, Procastes,</i>	<i>Denique qui fueram terrarum maxima clades.</i>
<i>Quæq; alia immanis monstra Tyrannis habet.</i>	<i>Inueni meritis funera digna meis.</i>
<i>Esse Deum vltorē; qui iam Moncata Triquetra,</i>	<i>Ictu obij glandis, calones inter, &amp; inter</i>
<i>Sordidior Verre, publica pestis eram,</i>	<i>Lixas, in Pelago Parthenopæa tuo.</i>
<i>Diripui Mundi Reginam proditor Urbem,</i>	<i>Si laudare licet sese, mea plurima laus est,</i>
<i>Sed fuit haud votis par ea præda meis.</i>	<i>Quòd potui inuitos semper habere deos.</i>

## Petrus Nauarrus.



ETRVS Nauarrus, qui admirabilium operum machinator & artifex excindendis ab imo arcibus, toto orbe famam est consecutus, hoc subagresti cultus atq; oris habitu fuit. Familiariter autem nobis cognitus, (ut ipse dicebat) nauali disciplina, ut in Cantabria moris est, sese aliquandiu dedit, sed mox fastidito mari, in Italiam ductante fortuna peruenit, ea spe & vitæ conditione, ut Ioanni Aragonio Cardinali à pedibus seruiret, transiretq; inde, mollioris aulæ otium detestatus, ad Lunense bellum, atq; ibi sub Petro Montano Florentinis copiis præfecto, aliquot mensura stipendia triginta Liliatis denariis fecit, sed qui mox duplici augeretur stipendio, quum supra gregarij militis captum, præcellentis ingenij operam præstaret, in excauandis præsertim cuniculis, per quos immensis tormentarij pulueris fomētis, adeò terribiles intus flammæ excitare didicisset, ut obstructis spiramentis, violentia oblustantis intus flammæ, non moenia modò, sed & suppositæ etiam rupes excinderetur. Verum Sergiano oppido à Florentinis in potestatem redacto, iterum maritimæ exercitationis munera complexus, multa littoribus Africæ, Punicis prædonibus infestus, derrimēta intulit. Cæterum Gallico bello, uti decebat, ad





ad Neapolim magno Consaluo cohortis Praefectus militauit, eo bellicae laudis incremento, ut maxime Gallis formidandus, & Consaluo Imperatori apprimè carus, ab efficacia inusitatae virtutis euaderet. Itaque multis fortibus factis ad Canusium atq; Tarentum editis clarus, expugnata demum apud Neapolim Oui arce, stupendo suo artificio usque adeo miris extitit, ut Galli eius portentosa machinationis metu, reliquis praesidiis facile excederent, quàm abripi in sublimè propugnacula Megaris insulae scopulis imposita, & furentibus flammis cuncta tremere, hiscereque & perfringi, cum ruina multorum mortalium perspexissent. Tulit praemium spectatae virtutis dignum, iudicio magni Consalui: nam Alueri oppidi, quod est apud Lyrin non longe ab Aquinatibus, Comes specioso titulo appellatus est. Magno autem Consaluo Neapolitano Regni praefectura detracta, atq; adiecto in Hispaniam, quum Franciscus Xymenes è sacra pecunia copias coegisset, ut in Mauritaniam traiceret, Nauarrus vnus omnium virtutis nomine delectus est, qui classi & copiis cum imperio praesseret. Eo bello mira felicitate pulsus, atq; perterritis Mauris, & magno portu qui Mazalchibir dicitur, & Orano celebris emporij vrbe potitus est. Inde cursum extendit in Numidiam, illatusq; in Olcachithem sinu, Bugeam urbem Gymnasio nobilem atq; opulentam cepit, atq; eadem felicitate longa Punici litoris spatia praeteruectus, Tripolim, quae magna Leptis olim fuit, inter Syrtes terra, mariq; oppugnata, magna Pœnorum strage edita expugnauit. Quibus rebus feliciter gestis, elatus successu in Mœnicem insulam, quae hodie Gerbis est, retroflexa classe descendit, ut Girapolim Barbari Reguli sedem expugnaret. Sed copias descendentes in terram, & cum Barbarorum equitatu, qui infestus lacebatur, praeriantes, uti accidit in maximis Augusti mensis ardoribus, usq; adeo vehemens sitis afflixit, ut neq; ordines seruare, quum puteos quæritarent, neq; repugnando consistere possent, sed redire ad classem coacti sunt: tanto tumultu, ut quum longè à vadoso littore naues abessent, nec scaphæ sufficerent, maligna multitudo militum



in littore trucidata sit, inter quos Garzias Toleranus summæ nobilitatis & spei iuuenis, qui ad imperium classis ab Hispania mittebatur, interijt. Exinde nusquam ferè Nauarro Fortuna arripere visa est. Nam aliquantò post, quum transuectis in Italiam Africanis legionibus improspere Bononiam tentasset, & funestissime demum cum Gallis ad Rhauennam conflixisset, captus, duri carceris in Gallia biennium est perpeffus. Sed quum vir fortis, atque insolens contumeliæ, ex tot & tantis virtutis atque industriæ suæ meritis, à Ferdinando Rege non redimeretur, abdicatis antiquis muneribus, Francisci Regis militiæ sese addixit, postquam auarè contemptus à suæ gentis Rege videretur. Præstitit inde fortem operam cum Heluetio, tum Veneto bello aduersus Cæsarianos; verum non eadem fortuna Ligustico bello sese implicuit. Nam quum seram opem ferens Genuam aduenisset, expugnata vrbe, atque direpta à Piscario & Hispanis, in eo tumultu captus est, seruatusque Neapoli circiter triennium in arce noua, quam ipse manu ceperat, vsque ad pacem in Hispaniam cum captiuo Rege constitutam. Nam tum vtrinque captiuī omnes dimittebantur. Direpta autem vrbe Roma, captoq; Pontificio, quum Lotrechius ad liberandum Pontificem in Italiam transisset, expugnatique aliquot vrbibus, Cæsarianos persecutus ad Neapolim vallata castra fecisset, obsessis diu hostibus, is exitus belli fuit, vt tredecim ferè post dies, quàm pestilens morbus Lotrechium Ducem, cum multo maxima exercitus sui parte absumpsisset, eadem tabe eneētis ferè cunctis singularum nationum Ducibus, vix signa tantum dimidiarum cohortium constarent; Nauarrus & Michael Salassus (quod ipsis & Lotrechio multum antea faciendum fuit) sese ad Auerfam recipiendi serum consilium susceperent, & Cæsariani pariter erumpentes deserta castra & semineētis passim & misere iacentibus hostibus in defensa inuaderent, persecutiq; demum abeuntes, & Nauarrum, & Salassum comprehenderent. Salassus ipse à Vastio humaniter susceptus, commendatusq; Medicis, quodd graue vulnus dextro genu acceperat, triduo post interijt: Nauarrus verò inter quorundam militū contumelias, in antiquum nouæ arcis carcerem coniectus est, eo vitæ euentu, vt quum Ayrantius victor Andegauensis factionis aliquot Proceres iussu Cæsaris securi percussisset, & eadē pœna Nauarro bis rebelli, bisq; capto immineret, eum lethali affectum morbo custos arcis Hicardus, tanquam Hispano homini, & rebus in Africa aduersus Barbaros gestis inclyto, hoc indulgeret, vt parua mora, tanquam propinqua iam morte, parati Carnificis manus elaberetur: quanquam nō desint, qui eum extrema instantis fati suspiria trahentem, stragulæ vestis operimento suffocatum existiment.

## FERDINANDI BALAMII Siculi.

*Quid vicisse astu potius quàm viribus hostem,  
Quid sit & aggeribus cingere castra nouis,  
Quidue sub effosis ima tellure cauernis  
Moliri vt tota mœnia mole ruant,  
Ostendit belli Dux inclytus arte Nauarrus,  
Ad Lybie cladem natus & exitium.  
Vidi ego cū Drepani ratibus consterneret aquor,  
Et streperent curuis agmina littoribus,  
Multorum clade vt Lybicas appulsus ad oras,*

*Protinus euersa est diues opum Tripolis.  
Captorum spolys classes onerantur Iberæ,  
Et vehitur longo præda opulenta mari.  
Quod sit tanto operi non fata infensa fuissent,  
Rege sub Hispano Punica Regna forcent.  
Sed certe hanc laudē seruāt tibi Numina Cæsar,  
Et tua captivæ gloria gentis erit.  
Que restant monumenta tui vir magne laboris,  
Hæc Iouij, & vatū scripta diseria dabunt.*

## Maximilianus Sfortia.



IC est ille Maximilianus Sfortia, qui insigni beneficio Iulij Pontificis, & Heluetiis Venetisque armis paternum in Regnum restitutus, neque ore quicquam Sfortianæ stirpis generosis vultibus respondit, neque ingenij indole & moribus quicquam dignum ingenuo Principe ad paterni spiritus similitudinē exprimens, ad Principatum attulit. In omni namque actione sordidi animi & planè vecordis cogitationes absurdo sæpe sermone stolidoque afferre videbatur. Ex interuallis enim quædam modò peracris prudentiæ, sed fugacis; modò subtilissimæ suspicionis, & inconstantis sensus, modò labantis memoriæ, & nonnunquam conceptæ & crescentis insaniæ argumenta præbebat; vtpotè qui interiorē tunicam & subligacula non permutaret; nec offenderetur odore sordium sponte enascentium, nec pediculorum aspectu, eos frequentes progignente densissima atque impexa coma. Ocreis etiam coriaceis, quibus pedes & tibias induebatur, frigidam aquam nonnunquam immittebat, vt pedes refrigeraret. A qua rerum foeditate quandoque discedebat, quum hæc molliter reprehendentes summi viri, Prosper Columna, Raymundus Cardonius, ipseque etiam purpuræ habitu & armorum auctoritate verendus, Sedunensis Cardinalis bene lotum & tersum esse iuberent, & ad elegantem vestis cultum deducerent. Quandoquidem in ea correctione vel Cubiculariorum monita, vel illustrium





illustrium foeminarum iocundae suasiones nihil proficiebant; Medicisq; tantum curandus ita re-  
 linquebatur, ut cuncta remedia violenter repudiaret, nec unquam uti imperiosus, se Principem  
 esse obliuisceretur. Franciscum germanum fratrem ex arcano oderat, obrectatione dominatus,  
 quum ille sapientior & potior administrando imperio haberetur. Per haec interualla multis ar-  
 tificiis depulsa atrabile, eo tenore gessit Principem, ut quod verae conualescentiae indicium e-  
 rat, grauioribus curas Senatoribus demandaret, ipse autem venationis & aucupij voluptate, aut  
 iocunda familiaritate illustrium foeminarum oblectaretur, & iam non insanus ad bellica consilia  
 & munia se conuerteret. Inguentibus siquidem Gallis ad Nouariam obuiam profectus, adeo  
 fortiter & alacriter se gessit, ut inuistrata virtute deletis hostibus insigni victoria potiretur, quan-  
 quam eosdem hostium Duces Tramulium & Triuultium, atque eosdem sociorum praefectos, qui  
 supremam ex perfidia Ludouico patri calamitatem attulissent, hisdem in campis uti nomini suo  
 fatales exhorresceret. Per hunc modum fide atque virtute Helueticorum confirmatus, ambigua  
 salutis spe, quum plerique veneficis potionibus & fascinatione quadam conuulsam ei mentem  
 crederent, Principem gessit, usque ad aduentum Francisci Galliae Regis, qui capto ad radices  
 Alpium Coctiarum Prospero Columna, cum Helueticis demum memorabili acie iuxta Medio-  
 lanum confligit; victorque inde Mediolano potitus, Maximilianum in arcem compulsum obse-  
 dit, mirisque machinationum artificio, quae Nauarri ingenio parabantur, contritum, atque in-  
 testinas suspicantem insidias ad deditionem compulit, ea conditione, ut in Gallia honestum tra-  
 ducendae vitae praemium ferret. Non defuit promissis Rex ingenio clemens, ac omnia quae ei ob-  
 seruato potius quam custodito tribui poterant, liberaliter concessit. Sed ille amissi Principatus  
 memor, & iam mentis propè compos, miseriae suae & dedecoris gnarus, quum saepe ad veterem  
 ingentis vesaniae morbum recideret, post aliquot annos, dum Franciscus frater qui in eius locum




à Leone Pontifice fuerat reductus, oppugnaretur à Cæsare, & à Clemente Pontifice enixè defenderetur, vagæ febris morbo oppressus interiit.

PLACIDI Placentini.

*Hostibus expulsis regno præfectus auito,  
Gestabat Princeps aurea sceptrum manu.  
Nec qua sceptrigerum deceant coluisse, fatentur  
Inculti mores, ingeniumq; rude.  
Attamen hic fato fretus, felicibus armis*

*Nonnunquam victor mira Trophæa tulit,  
Idq; breui gaudens inuitus Regna reliquit,  
Hostiliq; miser concidit hospes humo.  
Non huic insignes titulos celeberrima virtus:  
Sors dederat ludens, vis inimica rapit.*

## Philibertus Aurantius Princeps.



**P**hilibertus Aurantius, ab Arausio vetere Romanorum Colonia, cui progenitores imperabant, vocatus. Fuit is Salonius apud Burgundos illustris familia editus, proptereaque Cæsari Carolo apprimè carus, quoniam eius genus non obscura propinquitate cōtingeret. Erat Philibertus Gallica alacritate bellici cupidus, quamobrem tametsi erat tyro & planè iuuenis, non admodum difficile fuit, ut in Italiam sicuti magnopere cupiebat, à Cæsare mitteretur, exortum fortè bello inter Cæsarem atque Pontificem. Verum spes eius Fortuna elusit; nam ab Hispania solues, in medio navigationis cursu, ab Aurianis tiremibus, quæ tum Regi Gallo operam navabant,



nauabant, est interceptus; neque prius à Gallis custodia vlla conditione emitti potuit, quam beneficio renouati fœderis, quo vtrinque captiui, & ante alios Vgo Moncata, & Petrus Nauarrus sine pretio dimittebantur. Exinde Borbonio adhæsit, à quo vti erat & strenuus & acer bellator, commendante Cæsare totius equitatus præfecturam promeruit; in idq; munitus adeò ardenti feruidoq; ingenio incubuit, vt iuxta Placentiam à Pontificiis hostibus tumultuaria in pugna circumuentus, & equo penè detractus, amissis cristis ægerrimè sese periculo explicans, elaberetur. Quamobrem ab hostium ducibus sibi iterum pugnaturo comiter peteret, vt pecunia illico se redimi paterentur, si casus incidisset, vt in eorum potestatem deueniret; vtpote qui custodiæ iterum includi, & se bello à quo petebat laudem excludi noller; & variis spectatæ virtutis operibus atque periculis famam omnino adipiscendam arbitraretur. Aduenit non multo pòst è Germania Georgius Fraispurgius cū quatuor legionibus, quibus postea Borbonius se Ducem præbuit, quum Georgius graui correptus morbo Ferrariam secessisset. His copiis sese adiungere veteranæ Hispanorum cohortes, concedente Antonio Leua, qui in præsidio Mediolani persistebat. Itaque cum hac mole copiarum in Bononiensem agrū est descensum præeunte equitatu, qui obuia quæque ædificia barbara crudelitate succederent; nec quisquam ferè Ducum qui Pontifici, aut Venetis & Gallis militarent, repertus est, qui ob stare ferro & flammis cūcta vastantibus auderet; atq; ita superatis alpiibus nemine iter eorum demorante, aut saltuosus Apennini in locis à fronte præpediente, ad urbem Romam conuolârunt, magna sorte Aurantij, qui oppressis passim Pontificiæ ditionis incolis, ingentem fecit prædam, cadenteque Borbonio in limine captæ Urbis, vniuersi exercitus Imperator est appellatus. Lætus itaque tanto imperio, cui supra quadraginta millia hominum parerent, à quibus vrbs Roma improuisò capta, immanissimè vastabatur; nihil antiquius habuit quàm perducta vndique fossa, arcem dispositis præsidiis circumuallare, vt Pontificem & magnam Senatorum partem, qui exterrefacti subita irruptione hostium in arcem confugerant, in potestatem cum pretiosiore eorum gaza redigeret; parumq; interea miserrimi Populi omnibus tormentis excrucitati, eiulatu & lachrymis permoueretur, quū inter se Germani atq; Hispani, hisq; nihil mitiores Itali, avaritia, libidine, crudelitateq; contenderent. Cæterum Aurantius quum interdiu obequitando circumuallatæ arcis munitiones & custodias inspiceret, ab emissâ sclopetto accuratius glande, sinistra in mala paulò infra oculum graue suscepit vulnus; sic vt eo vulnere postea non planè scilicet obducta cicatrice, rubère mala deformis euaderet. Adhæferunt Aurantio cuncti ferè è Gallia exules Borbonij auctoritatem secuti, quos pestilentia vsque adeò atrociter mox vexauit, vt ex his notior Lorsiuss ipsiq; maximè familiaris cū sodalibus interiret; & Germanorum atque Hispanorum corpora pestilenti lue correpta omnibus in locis tumularentur. Dedito autem Pontifice, & perpetua statione custodito, piorum Regum animos generosus incessit pudor, quòd sacrorum Princeps, ad ludibrium totius terrarū orbis gentium, vsq; adeò indignè atque nefariè summis iniuriis mulctaretur; atque ita Francisci Galliæ, & Henrici Britanniae Regum auspiciis Lotrechius Alpes traiecit, vt Pontificem detractis Vrbe Barbaris carcere liberaret. Qua de causa periculo territus Cæsar, vt impietatis infamiam effugeret, Pontifici vt se auro redimeret concessit, quo militi ad tuendam Neapolim perrecturo stipendia soluerentur. Itaque Pontifex persoluta pecunia, arce post septimum mensem elapsus, ad Orbitum Tusci agri urbem se contulit. Aurantius verò & Alfonsus Vastius copias Vrbe eduxerunt, vt Lotrechio longitudinem Italiæ iustis factis itineribus emerenti, & in Apuliam contendenti, apud Troiam opponerentur. Quo in loco Aurantius & Vastius Lotrechium, facta prælij potestate dispositisq; tormentis, prouocantem resurantes substerunt, ignobiliq; discessus properatâ Neapolim contenderunt, quum oppida cuncta Lotrechio aut expugnati aut in deditionem recipienti Gallica Vexilla passim attollerent. Aurantius compulsus in urbem Neapolim, & planè circumuallatus, urbem à militibus sensim direptam ita à Gallo hoste seruauit, vt Lotrechius ducesq; omnes, cum multo maxima parte exercitus, ingruente pestilentia, & bello & obsidioni finem imponerent, & Aurantius non suæ virtutis, sed in sperato Fortunæ commodo lætaretur. Ab hac victoria Aurantius capite atq; Fortunis Andegauensis factionis Regulos, qui præproperè rebellassent, acerbissimè mulctauit, ac inusitata atq; præcipiti liberalitate eorū bona militibus suis diuisit, vsque adeò prodigè & inconsultè, vt Cæsar id grauiter ferrer, quum Regnum non sibi sed Aurantio & militibus seruatum diceret. Sequenti autem anno Aurantius cum omnibus copiis in Etruriam euocatus est à Clemente Pontifice, qui patriam sibi omnino Cæsarianis armis recuperandâ existimabat, postquam Florentini cum Gallis isto fœdere; & transmissis contra Cæsarem auxiliis consentirent. Ea autem Florentiæ vrbs cœpta atque instituta est obsidio, vt pertinacia obsessorum Ciuium constantiam hostium adæquârit; vrbsq; tantis opibus oppugnata est, vt nec vndecimo quidem mense multa perpassi incommoda, perdomiti, erumpendum potius, & prælij vel iniquissimi aleam pro libertate subeundam esse, quàm de deditione agendum decernerent: è Pisisq; auxilia accersenda arbitrarentur, vt validius cum virtutis, tum & peruiaciæ suæ supremum ederent conatum. Tum verò accidit, vt Aurantius de aduentu auxiliorum edoctus, consilium caperet, tam necessarium quàm ipsi fatale atque hostibus, scilicet obuiam eundi atq; in itinere con-



fligendi. Igitur partitus copias cum Ferdinando Gonzaga, qui castra tueretur; ipse cum delecta parte exercitus contra hostes contendit; hisq; occurrit in Pistoriensium montibus apud oppidum Gabinianum, non procul ab eo loco, in quo Romanos Petreio Duce, Catilinam fudisse, atque interfecisse incolae memorant. Florentinorum copiae quibus praerant in fronte Ferrucius ciuis Florentinus, ex mercatore repente Dux factus, in tergo Paulus Rentij Ceritis filius, eo consilio circiter septem millia hominum per alta atque ardua loca iter habebant, ut vim hostilis equitatus vitarent, & non magno circuitu, quanquam salebroso, ad urbem deferrentur. Iam Gabinianum oppidum intrabant, quum apparere Caesarianorum signa, quibus conspectis properantius quam decebat, Ferruciani in oppidum sese inferre coeperunt; ut loco munito, si hostis irgeret, equius se defenderent. In laxatam itaque & gressum intendentem hostium aciem Aurantius equitatum procurrare iussit; ipseq; pugnandi audus paululum ante prouectus, dum per arduum atq; impeditum tramitem in hostem ire properat, glande traiectus primus ferè omnium cadit, quum à parte alia Alexander Vitellius hostes inuasisset. Nemo ferè vel suorum, vel hostium cadentis Aurantij casum animaduertit, sic ut non prius quam à vagante eius equo qui erat spadix, & phalaris albicanteq; crista conspicuus cecidisse nosceretur: quo spatio Florentinae copiae fusae deletaeq; sunt, & Ferrucius intra oppidum interfectus, & Paulus captus. Cadaver Aurantij, uti erat lachrya atque armis expoliatus, à lugente armigero ita sarcinario iumento impositum est, ut inuolutum vili gausapa, utrinque pendentibus brachiis & cruribus, & capite lustrato Pistorium deferretur, & tanquam victori solennes inferiae dicerentur; non iam obscurè hominibus Dei magni ultoris vim agnoscentibus, postquam nefarii belli praecipuos Duces Borbonium, Moncatam, & ipsum Aurantium, tribus fulminibus vindicta impietate sustulisset.

## B E N E D I C T I V A R C H I I.

*Aspice quàm toruo meditans fera praelia vultu  
Spiret adhuc, gestetq; oculis ac pectore Martem  
Auratis fulgens princeps Aurantius armis.  
Quem tristi Italia fato, genitumq; ruinis  
Tybri tuis, atque Arne tuis, non optima nostris  
Gallia produxit, misit Germania damnis.  
At tu (verum aliter neuerant fila sorores)  
Auranti Philiberte ingens Salonia proles,  
Dum res immodicas, dum regna Oenotria, magna  
Dum sceptrum Ausonia, dum totius orbis habenas*

*Mente agitas, voluisq; atros sub corde furores.  
Quum propè bis senis iam mensibus oppugnares  
Undique deserta pulcherrima mania Florae,  
Dum properas multis cum millibus obuius ire  
Ferrucio, prohibere parans ne transeat, ipse  
Ipso in principio conflictus, proinus omnes  
Antenolans, ictu glandis traiectus athena,  
(Quo Catilina loco poenas dedit impius olim)  
Infimus ut miles, primo cadis impete, & illa  
Illa tua in tennes spes tecum euannit auras.*

## Pompeius Columna Cardinalis.



**A** M E I G V A M equidem famosi nominis sui laudem reliquisse videri potest hic ipse Pompeius Cardinalis, quum miro ingenio diuersissimi muneris partes apertissime impleret, & in sacra purpura mitratus, & militari in sago galeatus, non periti modò, sed affectati etiam sacerdotis ante aras, & in castris prouidentissimi & strenui Ducis officia exequeretur. Nam ad utrunque munus, cum per amplum excelsi corporis habitum, tum grauis pariter & periculi oris gestum & facundiam illustrem, quod oporteret, decentissime transferebat. Sed factiosa in urbe, aulaq; omnium maledicentissima, de se promiscuae famae materiam praebuit, moribus suis impensè laudandis aut peracerbè lacerandis; utpote qui modò temperatis atque illustribus utriusque disciplinae consiliis, modò turbulentis actionibus claresceret, quibus Clementem ab se praeclearo studio ad Pontificatum prouectum ita circumuenit & oppressit, ut Bonifacii octavi suae memoria reuocata videretur; unde odium valde ingens apud multos, singularem verò gratiam apud Caesarem promeruerit. Ceterum quibus de causis ab amicitia Clementis discesserit, ruituraq; patriae arma intulerit, diffusè à nobis perscriptum est eo in libro, quo ipsius Pompeij vitam sincera fide ad posteros misimus, admirandam utique potius quam imitandam. Vir enim ingentis animi efficacissimaeq; virtutis, & industriæ (modò factionis odium facessat) non ipso tantum Pompeij nomine, sed Magni item cognomento dignus existimari potuit; nisi infaustus Senator, & malus omnino ciuis, vastata Patria, & Senatus & populo Romano apparuisset. Ad extremum, qui exequiis inter mortuae Patriae & capti Pontificis Tragediae interfuerat, ciuitatis resurgenti, & restituti Pontificis simulachrum videre potuit. Verum secus ac optabat, maturo fato cedens, Clementem biennio anteiuuit, quum apud Neapolim Regno administrando Praefectus à Cesare, post comestas ficos biferas, quas multa niue refrigerarat, in complexu Augustini Nyphi, clarissimi Philosophi, integris sensibus expirasset, anno ætatis quinquagesimo ter-





mo tertio, quum Carolus Cæsar comparatis ingentibus copiis Solymano in Pannoniam redeunti ad Viennam occurrisset.

## IOVII IVNIORIS.

*Virtutem mirata tuam, tuâq; inchyta facta*

*Letata est tanto Roma superba viro;*

*Virtutem illa eadem indoluit, tuâq; inchyta facta*

*Ingenio cuius Roma casura sui.*

*Sic patriæ carum virtus refecerat; orbi*

*Illam eadem ingratum reddidit, & patriæ.*

## Aloisius Grittus.



MEMORABILE profectò exemplum Fortuna edidit in Aloisio Gritto eleganti certè homine, sed supra æquum ambitioso, avidissimoq; dominatus. Eadem enim illa, vti levis & insolens sæpe conuertitur, vt se humanarum rerum dominam ostendar, & arrogantiam nouorum hominum petulantissimè castiget. Grittus namque Barbarico cultu, cum pictæ, talarisq; togæ, & inflexi ad aurem pilei, qui ex pretiosis Sibellinarum pellibus constaret, tum superbo incessu, & sermone prætumido, Procures Turcas referebat. Is Andrea Gritto, qui postea Veneri Senatus Princeps extitit, ex Græca concubina Byzantij genitus atq; educatus, se totum in familiaritatem Ochomannicæ aulæ Principum, & Turcici sermonis consuetudinem dedit, tanta ingenij solertia, vt ex mediocri mercatore insignis publicanus euaderet; vno præsertim





mirificè fauente Habraymo purpurato, qui eum in vestigalium licitatione subleuabat, & supra competitoris Turcas impotenter efferebat, vnde Gritto magnæ opes atque insignis authoritas creuit, quam florentis patris dignitate, splendoreq; domus & conuiuuiis, multa; largitione rerum elegantium, in omnes profusus atq; munificus tuebatur. His commerciis Habraymo quarendarum gemmarum cupiditatem iniecerat, quarum flagrantissimo studio Solymanus ipse teneretur. Earum autem delectatione usque ad insaniam prouecta, Grittus ex frequenti indicatura certissimus erat æstimator, & solertissimus etiam mango, cuius artificij secretiorem domi tabernam haberet. Disserebat verò sæpissimè nihil omnino vel ad dignitatē totius ornatus, vel ad exprimendam summi atque augusti Regis maiestatem, in longè maximo Imperatore speciosius & luculentius haberi, ipsa lectissimarum gemmarum multiplici copia atque apparatu. Itaque usq; ad insaniam Solymanus, toto terrarum orbe perquisitas, & magno emptas pretio in vnum coegit, vt his cuncta instrumenta cubiculi, & equestris cultus, atque etiam podij parietes exornaret. Cellam enim argenteis atque aureis laminis circumseptā erexerat in extremo hortorum suorum angulo, quo vtriusque Bosphori pelagi spatia prospectaret. Sed mirè ad Solymani spatium responderunt galea aurea & sceptrum, & crySTALLINUM operoso inclusum auro speculum, quæ ingenio Gritti adinuenta & fabrefacta Venetiis propter gemmarum admirabilium copiam, celsaturæq; præstantiam, Octuaginta myriadum aureæ monetæ pretium excedebant. His inuentio-nibus, quæ ad fastum superbissimi Regis arriderent, summam Grittus gratiam adeptus est, ita vtspe adipiscendi honoris inter Bassas sensim ad Mahometis sectam transiturus crederetur. Itaque secutus Solymani castra, quum ille oppugnatum Viennā in Noricum usque processisset, & Ioannem Zapolium Transylvaniæ Vayuodam insigni liberalitate in Pannonia Regem constituisset, Grittus nouo Regi adhæsit, præstititq; ei operā militarem aduersus Germanos, & eos Hungaros, qui Fer-



qui Ferdinando Regi fauerent. Vbi verò Ioannes & autoritate Solymani, & Turcarum auxiliis in Regno confirmatus est, incessit Gritto, grauioris ambitus libido, vsque adeò ingès, vt non obscure ad Pannoniæ Regnum aspiraret. Ioannes namque, quòd pacisci cum Ferdinando, & pace frui percuperet, Solymano suspectus euaserat; quòd ingratis atque indignè facere videretur, qui aliunde fœda pactione firmandas opes suas arbitraretur, quàm à virtute fideq; inuictissimi Imperatoris, qui Regna dono dare, & ex priuatis homunculis Reges efficere cõsueffet. Propterea Gritus legationem sibi in Pannoniam impetrauit, vt Hungaricis inspectis rebus operam daret, ne alicunde Othomannico nomini contumelia pararetur. Hac spe Gritus cum amplissimis Solymani mandatis, magnoq; seruorum & Turcarum comitatu Byzantio profectus, per Moldauiam, vbi Petrus Vayuoda, Solymani incertū hostis an socius, imperabat, in Daciam peruenit, quæ hodie Transyluania dicitur. Ibi quum constituto prætorio Prouinciæ conuentum habiturus crederetur, citarenturq; Proceres, Americum Cibachum, Varadinensem episcopum, & eundem cum militari præsidio verere Hungarorum antistitem cõsuetudine prouinciæ præidentem, quòd tardius ad edictum veniret, noctu ad Braxouium castra habentem, inuadi & per Ianū Docciam Hungarum interfici iussit, vt sublato summæ potentiae æmulo, passim cæteris formidatus ad Budam contenderet. Sed vir æquè ambitiosus & cruentus, in vestigio admissi sceleris poenas dedit. Namque ad cædem sacrati & nobilissimi viri vindicandam, erexere se Stephanus Maylarus & Gotardus genere Saxo, ipsi Americo propinquitate atque amicitia coniuncti. Atque ita supra quadraginta armatorum millia in vnum coegere, adortiq; Gritum ad oppidum Mege, eo euentu obledere atque oppugnare, vt destitutus spe auxiliorum, quod neque præfecti Turcæ Nicopolitanus, & Samandrensis, transire Danubium veriti, non facilem operam laturi forent, & Ioannis Regis præsidia longè abessent, se hostibus dedere cogeretur; atq; eo modo ostentans Solymani diplomata ad prætorium Gotardi atque Maylati deductus, iussu eorum exorto Hungarorum vulatu, tanquam hostia Americi manibus mactatur, trucidato eius comitatu, & direpta gaza. Duo eius liberi adolescentes, quorum natu maior Antonius ad Agriense sacerdotium erat destinatus, Moldauis traditi sunt, à quibus aliquanto post immaniter necantur. Doccia ipse comprehensus, qui author & suator Americi cædis fuerat, magno ludibrio à sæuiente turba dilaniatus est. Atque ita qui Regnum affectabat, gazam omnem, quæ erat pretiosissima, vitamq; simul & liberos puncto temporis amisit.

## FABII SEGNI II Florentini.

*Tegmine barbarico capitis, cui purpura & aurū  
Intextum gemmis radiat splendore corusco,  
Insignem cernis iuuenem, & fulgentibus armis,  
Byzanti genitum Graia de pellice Gritum.  
Ante alios Regum Regi gratissimus omnes  
Hic fuerat Solymo; tenebrisq; emerfus ab atris*

*Prodierat superas paulatim in luminis oras.  
Sed nimis ardentem rebus tumidumq; secundis,  
Dum miserum torquet regnandi dira cupido,  
Quæ solet, in præceps deiecit culmine ab alto,  
Vertere funeribus claros Fortuna triumphos.*

## Alfonso Ferrariæ Princeps.



**A**N Alfonso Atestino Ferrariæ Principe, vt ex seuerò & peracri oris ductu coniectari licet, & nos vidimus, ingenium egregiè firmum stabileque & præcellens, quocunque extra literas verteretur, enituit. Abdicarat enim planè vir cuncta iocundæ adulationis & morosæ grauitatis lenocinia, ipsi plerunq; cognata Principibus. Quandoquidem singulas cogitationes, & singula propè exercitamenta corporis, ad bellicas rationes reuocaret, & nihil omnino molle aut remissum complecteretur, vel ipsa naturæ consuetudine, vel necessitate tot incumbèrium bellorum, quæ omnem inertiam vel desidiosis excuterent, & virum, vti oportuit, cum salutis, tum dignitatis suæ memorem excitare, & ad insitam virtutem factis extendendam incitare posse viderentur. Itaque Alfonso à nobis peculiari volumine celebratus, vt magnanimum bello Ducem atque optimum pace Principem decuit, subactò corroboratoque multis periculis ingenio, firmoque semper pectore cuncta aduersæ Fortunæ iacula tam fortiter excepit, quàm feliciter auertit. Trium namque maximorum Pontificum diuina atque humana arma, odii que perpetui insidias tanta in fracti animi constantia superauit, vt gloriosam triplicis triumphus lauream (si de sacro sancto hoste triumphare fas foret) meruisse dici possit. Obiit Alfonso climacterico anno propinquus, quum liberos ad certissimam frugem contendere conspiceret, & nato iam sibi nepote in spem longæ successionis lætaretur. Hisdem autem diebus concepit febrem, quibus nunciata ei mors est Clementis Pontificis: ob idque excessit è vita seipso lætior, quòd primus comitiõrum diebus Farnesium Cardinalem, Pontificem renunciatum fuisse didicisset;





quasi nihil sibi optatius & melius accidere potuerit, quàm quòd pro implacabili hoste, veterem amicum, à quo omnia facile impetranda forent, quæ Atestinæ domus imperium stabilire atque augere possent, esset habiturus.

## RAINERTII.

Quàm bene bellipotens Alfonse ex aggere tundis  
Barbara terrificis agmina fulminibus,  
Sulphurea quàm in nube atq; igne coruscus ahenò,  
Ceu superùm æthereo quum tonat axe pater;  
Obuia prosterne generi monstra horrida nostro,  
Sic eat, ò qui almam diripit Ausoniam.  
Quàm bene & æquoreis ineuntes fulmina puppes,  
Et Venetum armatas in tua sceptrà manus

Disicis, atq; alto figis rostra area templo,  
Martia virtutis signa secunda tue.  
Sussensam ut cernat classem, stupeantq; nepotes,  
Vig, eat Hadriaco celsior Erydanus.  
Quin Iulij eludis robur, rictusq; leonis,  
Atq; inclementes in tua fata dolos. (tre,  
Macte animo: felix natu Hercule, & Hercule pa  
Quo cum alta inuicto nunc teris astra pede.

## FAERNI.

Clementem postquàm Medicem, cui tempora nuper  
Tiara cingebat triplex,  
Extinctum Alfonsus Dux audyt, illicet acri  
Correptus ægritudine

Illius mortem est properata morte secutus  
Fususq; iunxit funere.  
Pra luctu perysse, inquis, nimioq; dolore?  
Immo id quidem pra gaudio.

Hippolytus



## Hippolytus Medices Cardinalis.



**H**UNGARICO militari cultu Hippolytus Medices Cardinalis, quum à Pannonia, ubi Legatus apud Cæsarem fuerat, abeunte Solymano redisset, à Titiano Piſtore eximio Venetiis se pingi iussit. Hunc Iulianus, Leonis Pontificis frater, Urbini exul ex nobili vidua suscepit. Infans in ipso vitæ simul & mortis limine, quum eum mater admissi stupri impio pudore necari iussisset, ancillæ misericordiâ seruatus est. Creato Leone Pontifice triennis cū nutrice Romam venit: tanta verò suauissimi oris indole, sermonisq; festiui lepore mirabili exstitit, vt Pontifex eo ad pedes ludentē, mirum in modum oblectaretur, & ea specie in coenaculo Vaticano à Raphaële (vti videmus) exactissimè pingi iuberet. Vbi adoleuit, literis liberaliter est institutus: ostendebat enim ingenium habile ad omnia perdiscenda imitandaq; Ei namque supra ætatis captum ante omnia mira vis inerat poëtici spiritus; sic vt Virgilij secundum Æneidos librum in Etruscum sermonem lepidissimè verteret, & proloquia Hippocratis ab arte medica, in vsum bellicę disciplinæ, æmulatione festiuissima transferrentur. Sed non multò post à literis ad exactum totius Musicæ studium deflexit, peritissimo quoque artificum & phonscorum sibi aſcito, pari que flagrantis ingenij cupiditate, omnis symphoniacæ modulationis, organis vsque ad edo eruditè pertractatis, vt prædulcis Citharædus, Lyristes numerosus, Fistulator eximius, & incomparabilis Tibicen euaderet; cœnochordæque item argutissimis percurreret digitis, quando æræa etiam membranaeque tympana bellico crepitu militares animos excitantia, diuersissimis



concentus numeris editis, cum nostrorum, tum Barbarorum more stupenda imitatione propulsaret. Quum in his studiis iuuenili alacritate totus esset, Clemens eum legit in Senatum, ratus eum ad grauitatem animi componi posse. Ex arcano autem id Pontifex petebat, ut Hippolyto sacris initiato, Alexander eius patruelis iuniore Laurentio genitus, Etrurię principatu solus possideretur, quod tum propter ingenij firmitatem (quanquam esset literarum expertus) in sustinendo tuendoque dominatu potiore existimaret. Verum Hippolytus purpurę honorem ita contempnit, ut Clemens eum indignis sacro ordine studiis & voluptatibus deditum, grauiter increparet, dedecorantemque nihilo secius senatorię amplitudinis dignitatem, importunę insanię pœnas citò daturum diuinaret. Nam ad theatrales ludos, equestresque decursiones, edendaque simulacra præliorum, sumptuosi & varietate gaudentis ingenij libidinem detorserat: quanquam præter hæc incredibili magnarum venationum cupiditate incensus, numerosum insignium canum & nobilium equorum apparatus grauissima impensa tueretur: tanto etiam vitę splendore, ut in mediis nemoribus apud fontes, totius aulę Romanorumque iuuentuti frequentissimè epulum daret. Quæ omnia Clementem è tanta clade Urbis carcerisque miseria nuper emersum, egentemque pecunia, & quod augendo mœrori plurimum intererat, naturā parcissimum, mirabiliter vulnerabant. Nec diu post Pontificem lethalis inuasit morbus, & eripuit: cuius morte, quanquam in Hippolyto suscepta vitę studia minimè refrixissent: is tamen in Comitibus opportunissimè se collegit, multosque secum ex veteribus amicis perducens, Farnesio Cardinali, ut Pontifex renunciaretur, præcipuus exitit suffragator; cuius studij eum mox pœnituit, præter spem Anconitana legatione, quæ sibi per interregnum promissa fuerat, indignissimè fraudatus. Quæ ex re, animo vehementer perturbato, inuidere apertius fortunę fratris, atque eius vitæ insidiari cœpit, deprauantibus eum atque impellentibus Florentinis, veteribus Mediceæ familię inimicis, principe horum Philippo Strozza. Hos enim exilio pulsos, Hippolytus in amicitiam receperat, & arcanis consiliis usque adeò inconsultè adhibebat, ut fratri ex lubricario tormentarij pulueris incendio, execrabile exitium machinaretur. Eo siquidem sublato, dominatum Florentiæ adipisci se posse per exules, vanissima cogitatione confidebat. Sed Dij immortales immane abominati facinus, certa indicia Alexandro detexerunt. Quæ omnia Alexander per Cæsaris Legatum Paulo Pontifici detulit, comprehensusque est eius scelesti consilij conscius Octavianus Zenga ex Hippolyti Satellitibus. Quæ perstrictus infamiâ, & non vano pauore correptus, quod suas fortunas & sacerdotia à Pontifice cupidissimè peti crederet, in Tyburtem agrum profugit. Nec ita multò post conuerso ingenio, perspectaque exulum malignitate, cum fratre redire in gratiam, & condiciones pacis à Cæsare petere constituit, qui tum in Africa bellum gerebat. Sed quum nauigium nauigaturo Neapolim pararetur, ad oppidum nomine Iter Appiæ viæ impositum, non procul à Fundis subsistens, in mortiferam febrem incidit, paucissimisque diebus iuuenis, longè omnium eruditi ingenij nobilitate, decore vultus, & illustis vitæ splendore florentissimus, ex humanis est ereptus, magnâ herclè exulum lætitiâ, magnoque Pontificis commodo, quum hic eius spoliis nepotes suos ditaret: illi verò vno auulso, alterum tanquam fratris ope destitutum (vbi mox euenit) facile tolli posse diuinarent, & subinde inducta veneni suspicione, eius criminis notam Alexandro affigere conarentur: sed ea suspicio prorsus inanis euasit, quum præcipui eius comites Danthes & Bellingerius, ac Raynaldus, eadem autumnalis cœli maligna intemperie periissent. Relatum in Urbem eius funus, urbanæ multitudinis ordinumque omnium verissimæ lachrymę (quod antea surda in Vrbe nemini contigerat) per triduum decorarunt, quum tumultuario apparatu lagentium Afrorum & Æthiopum humeris ædibus suis inferretur. Nam præter hos præstantissima eruditionis exquisitarum artium ingenia, patrono inexhaustæ liberalitatis ante diem erepto orbata destitutaque, de Fortunę sæuitia conquerebantur. Eius namque domus, ex omnibus cogniti orbis gentibus virtute animi aut corporis proceritate conspicuos, liberaliter admittebat; videreque erat homines diuersissimo sub cœlo natos, eundem dolorem ex Heri morte, eandemque tristitiam, sed dispari vultu, garriusque dissono contundendo pectora, sulcandoque ora vnguibus, præferentes. Gaudebat siquidem ille mirum in modum, quod Barbari viginti amplius linguarum in eius Cœnaculis recenserentur. In his fuere Numidę Regulorum sanguine progeniti, qui equitandi desultandique peritia spectantium oculos admiratione complerent. His accedebant Tartari Sagittarij incomparabiles & Æthiopes, qui in luctatione & palæstra quosque validissimos anteirent. Ex India porro natandi, vrinandi que peritos, quibus studiis iuuenili feruore impensè deditus, tanquam magistris ad æmulationem vtebatur. Turcas autem, tanquam ad expedienda arma promptissimos, in venationibus ita exercebat, ut interdum noctuque corporis custodię præcipuos adhiberet; egregio certè exercitationum genere, nisi dignitatis oblitus, per vanitatem ostentandi militaris ingenij, salutis quoque aleam stultè periclitari, quàm familiæ atque ordinis decus tueri maluisset. Non inane autem prodigium imminente morti suæ præstruxisse videtur, quum pro argumento insignium suorum, crinitum cometem iuuenili atque amatoria vanitate gestaret, qua specie diro olim fulgore in cœlo ardens C. Iulij Cæsaris necem portendisset.



ANTONII VACCAE.

*Floruit Hippolyte, & tecum fato occidit uno,  
Quo reliquum antiquae laudis & artis erat.  
Id tua clauderat totum angustissima quondam,  
Orbis terrae instar quae domus una fuit;  
Nec tibi magno animo quisquā se equasset et au-  
Grandibus, aut larga, munificaq; manu; (sis  
Nec poterat Fortuna tuis multam addere rebus,*

*Quum iuueni iniecit mors violenta manum.  
Tunc bis te vndenis de gentibus ora clientum  
Fleuerunt, cineres condideruntq; tuos.  
Tantus eras, tamen inuidiam vitare nequisti,  
Liuoris cecos nec superare dolos.  
Scilicet obuia quaq; sibi domat ardua virtus;  
Sed domuisse vnā non potis inuidiam est.*

Franciscus Sfortia II. Mediolani  
Princeps.



**S**IGNI herclē humanarū rerū exemplo Franciscus Sfortia II. inter maximē  
ærumnōsos Principes, diūq; alternē fortunæ fluctibus iactatōs cēseri potest;  
vtpotē qui triennis cū patre Regni sui penatibus electus, vnū & vigesimū an-  
nū in exilio vitam saepe inopē, & inter spes & metus valdē sollicitam transe-  
gerit, peccata aliena potiū q̄ sua semper lugēs, atq; inde pōnas expectās: nec  
tamen vnquā animū despondens, quod in eo fatalis propē fortitudinis & in-  
fractē constantiē documentū fuit. Post exactū paterno imperio Maximilianū  
fratrē, ipse quinquennio pōst, communibus Leonī, Pontificis, & Caroli Cæsaris armis reductus



grauissima instaurati toties belli à Gallis hostibus pericula subiit. Sæpe eum pœnituit bella suscepisse, quæ sibi nihil armis exercitato, egentissimoque pecuniæ semper nouas, & propè inextricabiles rerum difficultates importarent. Quibus malis, qui ab initio studiosissime expetitus fuerat, Insubribus demùm odiosus & grauis, & notis propè omnium damnatus euaderet, usque ad eò crescente inuidia propter innumeras, & nunquam desituras cogendæ pecuniæ acerbitates, vt nonnulli eum tollendum arbitrantur, & inter alios Bonifacius Vicecomes ex familiaribus aulæ insigni eum perfidia equitanti, impresso pugione supra humerum ad ceruicem, sed leui ictu vulneraret, elapsusque tot circumstantium Prætorianorum diligentiam, pernici vectus equa, intactus effugeret. Tria bella tribus præliis Christianorum præsertim auspiciis consecerat, quum Lotrechium ad Bicoccam, Goffarium Amiratē & Heluetios ad Sesithem amnem superasset, & demùm Prospero & Piscario Ducibus, Ligures Genua capta subegisset. Quarto autem bello, quod longè maximum Rex Franciscus ipso ductante, Galliæ Cisalpinæ intulerat, quum victus prælio Rex hostis ad Ticinum, captusque fuisset, ita secundo euentu Sfortia lætatur est, vt totius victoriæ fructu excluderetur, accusareturque prodicionis à Piscario atque Antonio Leua, qui Cisalpinæ Galliæ imperium non Sfortiæ, sed Cæsari partum volebant, ita vt Sfortiam exitiali calumnia circumuentum in arce obsiderent, & totius ferè ditionis urbibus spoliarent. Non tulerè indignitatem atque insolentiam iniuriæ Pontifex Clemens, Venerusque Senatus, atque ipsi demùm Galli ex hostibus socij & defensores facti, quòd omnium interesset ad salutis & libertatis tuendæ nomen, Sfortiam conseruare, nec externis rapacissimis Cæsaris militibus Italiam diripiendam præbere, patique vt vnus Cæsar tantis auctus opibus, cæteris ad arbitrium imperaret. Sed Fortuna sua pertinaci libidine Cæsari fauens, omnes qui aduersari infringereque potentiam eius ausi sunt, ita perculit, vt cum magna clade prosterneret. Verùm qui armis Sfortiam tueri frustra conati sunt, iusto demùm consilio hoc à Cæsare precibus impetrarunt, vt Sfortiæ parceretur. Igitur Cæsar in Italiam venit, Bononiæque suscepturus insignia Imperatoriæ maiestatis de manu Pontificis, euocatum eò Sfortiam sub fide publica benignè complexus, paterno imperio restituit; atque eo modo pace facta, aliquanto post Cæsar Sfortiæ cœlibi, Christierni Daniæ Regis filiam, ex eius matertera genitam, connubio iunxit. Quibus nuptiis, quòd confirmari autoritas Sfortiæ videbatur, ingenti, sed nequaquam diuturno gaudio Insubres lætati sunt, quòd pax inuenta, Prouinciam summis affectam detrimentis, ad pristinum opulentia orium deductura crederetur. At superis minimè visum est Insubrum miseriis finem imponere, atque ita Sfortiam, quòd aliter fieri non poterat, nouæ nupte delitiis indulgentem, ex leui lippitudinis initio sustulerunt, tum fortè, quum Cæsar Tuneto capto ex Africa Neapolim rediens, ad triumphum Romam à Paulo Pontifice vocaretur. Tum enim defuncto Principe Insubres tantis lachrymis elatum luxerunt, vt eo prodigio imminètes calamitates, quibus postea acerbitate Cæsarianorum Præsidum Prouinciæ, conturbatæ opes conuulsæque sunt, prænunciasse videantur.

## F A E R N I.

*Franciscus hic situs secundus Sfortia est  
Insubrum Dux, cuius imperium atque opes  
Nunc asperis, nunc prosperis euentibus  
Fortuna sorsque multiplex exercuit.  
Atque ille nunc civilibus, nunc exteris  
Petitus armis, Gallicisque & Beticis,*

*Mediusque Reges inter aduersarios,  
Suprema ad usque Fata regnum patrium  
Seruauit, & prudentia fretus sua,  
Armis vim apertam fregit, atque astu dolos.  
Nunc hic quiescit paruus è tanto Duce  
Puluis cinisque, & nudula umbra mortui.*

## Basilus Moscouiæ Princeps.



**A**STRUSA penitus ad Boream præter Hercynios saltus, Arctooque vertici subiecta Moscorum Regna, intacta olim Romanis legionibus, nec planè Grecis scriptoribus nota, Sigismundus Sarmatarum Rex latissimè nobis aperuit, quum armis cum Basilio eius gentis Principe ad Orsam iusta acie contendisset; qua innumerabilis eius gentis equitatus fœdè profligatus est. Tum enim primo Romæ de victoria parata supplicationes decretæ sunt, quòd Moschi à Polonis & Lithuanis, modò Rutheni, modò Moscouitæ vocati, tanquā secuti Grecorum opiniones, à Romano Pontifice dissentirent. Sed Basilius, qui adoptari in Regem, sicuti ex Demetrio Legato accepimus, ex Principe honestiore scilicet speciosioreque titulo cupiebat, pace facta cum Sarmatis, non semel cum Maximiliano Cæsare, Clementeque Pontifice per Legatos suæ gentis, latè nobis Regnorum suorum fines & opes indicauit, quum ea tantum Mercatorum sermonibus occiduis Europæ populis innotuissent, & tum maximè quum Demetrius Legatus ad Urbem missus, cuncta exactissimè, vti Latinæ peritus linguæ retulisset; iubete Pontifice, vt memorabilia





morabilia quæque descriptis Regni finibus & gentium moribus, in peculiarem à nobis commen-  
 tarium conferrentur. Qui liber non semel impressus extat, quo excusari facile possumus, si Basi-  
 lius breuiore quàm decet Elogio perornetur. Is, què diximus, Demetrius legatus qui Regis ima-  
 ginem hoc habitu nobis pictam detulit, percontantibus referebat, latissimos esse Regni fines, qui  
 ab Oriente Volgæ amnem attingant, Tartarorum Regna à Moscis dirimentem. Ad Aquilonem  
 Suecorum & Liouonum extremis terminis cohæreant, & ad Occidentem ad Boristhenem vsq; pro-  
 tendantur. A Meridie autem Tanais & Tauricæ Chersonesi ad Mæotidem paludē Tartaris Præ-  
 copitis, qui sunt in Europa, proximi sint. Regio in vniuersum campestris est, ad segetem parum fe-  
 lix, cæra, armentis & pellibus pretiosis ferax. Basilius equitatu abundat, utpote qui quum opus est,  
 ducentorum millium equitum numerum efficere possit. Regiam habet Mosca in vrbe, quæ à præ-  
 terlabente Mosco amne nomen accipit. Arcem habet in morem prope nostrum ædificatam & tor-  
 mentis permunitam. Paruo sumptu alit exercitum, quum Regni iuuentus omnis edicto arma ca-  
 pere cogatur, nullo propè adiuta stipendio. Ipse per legatos bella gerit, auarissimè imperitat, nec  
 largitione in quenquam vtendum putat, vsqueadè illiberaliter, ut legatos suos à magnis Princi-  
 pibus redeuntes cunctis muneribus expoliet; atque ita accidit ut bello infelix existimeretur: quan-  
 doquidem inuiti populares edictis pareant, neque fortissimè propugnent. Sic ad Orsam victi pro  
 victoria magnum luctum toti Moscouiæ retulerunt. Nec ingruentibus in Moscouiam duobus si-  
 mul Tartarorum Regibus quisquam repertus est Dux fortis vel strenuus miles, qui pro salute pa-  
 triæ propugnaret. Mahometes namque Gyraus qui in Taurica regnabat, & Absa, qui ad Citracam  
 Volgæ in Hyrcanum erumpentis Emporium imperabat, cū singulis exercitibus Moscouiam in-  
 uaserunt, ferro & flammis cuncta excindentes, & id quidem impunè, quū Basilius tantæ moli ho-  
 rum impar, & consilij inops, vsqueadè trepidè profugisset, ut fœni cumulo conderetur. Eo mo-



do Mahometes & Absa germani fratres iunctis ad Columnam exercitibus, ad urbem Moscam castra fecerunt: haud dubie vrbe atq; arce potituri, nisi Germani tormentorum libratores, magnam Tarraris cladem & trepidationem intulissent: quum Basilius absens per syngrapham Mahometi se perpetuo tributarium professus, quibusdam datis muneribus impetrarit, vt à Mosca discederent. Itaque Tarrari onusti infinita praeda, incendiis euastata regione, infinitam propè captiuorum multitudinem abduxerunt; sic vt Mosci, & in Taurica Turcis, & apud Citracam diuersis Caspij maris incolis venundati sint: neq; Basilius postea tamen quereretur se à Cyræis fratribus, qui bellum non indixissent, deceptum falsis induciis atque oppressum, quicquam memorabile aduersus perfidos hostes gessit. Exinde Basilius Salamoniam vxorem tanquam sterilem repudiavit, & in monasterium detruxit, superinducta Helena nequaquam primarij viri filia, & secundum Helenam, aliam minimè prioribus nobiliorem ducturus videri potuit: nisi fama increbuisse Salamoniam intra sacrata septa filium peperisse, qui in Principatus hereditate succederet. Nec multo post Basilius bello semper infelix & semper sospes, graui oppressus pituita mortem obiit; his profecto repudijs infamis, & vt impotenter rapax, & nusquam liberalis aut benignus apud suos inglorius; hoc etiam ab turpi Ioannis patris æmulatione probro oneratus; quod à sceminis abhorre dice- retur, aliò scilicet translata libidine, quoniam inueterata consuetudine apud Moscos, more Græcorum adolescentes amare fas esset; primores namque gentis, & cuncti equestris dignitatis ordines, honestorum ciuium liberos in famulatum sibi asciscere, militiæq; erudire consueuerunt.

## IOVII I VNIORIS.

*Et si te nullis insignem fama trophæis  
Basili sine laude per orbem,  
At semper victum referet, semperq; subactum  
Horribili in certamine Martis.  
Sarmata quum toties te fuderit, atque Gelonus  
Obruerit tua castra sagittis,  
Et tua Regna ferox pubes populata Scytharum  
Te patria folioq; fugarit;  
Non ingrata tamen tibi se debere fatetur  
Haud meriti immemor Itala tellus:*

*Namque tuo nobis ignotos munere Moscos,  
Et Scythici Borealia cæli  
Regna aperis, Tanaimq; truce, penitusq; repostam  
Perpetuis sub nubibus Arcton.  
Sed quid Hyperboreos veterum mendacia iactat,  
Riphaeo sub cardine montes?  
Basili nobis cæcam tu discutis umbram.  
Nos ideo pro munere tanto  
Rite tuam effigiem Lari veneramus ad undam  
Nomenque immortale sacramus.*

## Antonius Leua.



EMO ex his qui seculo nostro ab Hispania in Italiam venerint, & post Magnum Consaluum aliquid præclari nominis militiæ sint consecuti, ipso Antonio Leua vel ingenio acutior vel illustribus bello factis præstantior euasit. Huic namque Nauarrus miserabili vitæ exitu clarus, facile cedit. Ingenti hercle virtute Antonius nusquam ferè vestigijs eius abscedente Fortuna, quod longè maximum in toto militari negotio semper existimatum est, frequentibus prælijs sapissimè victor, & si fors iniquior victoriæ successum eriperet, nunquā victus videri potuit. Diuine siquidem prouidendo, & grauitè enitendo, hostium consilia præuerrere, & quæ iam apud eos parata essent atque instructa, præoccupare, aduersariorum immodicos conatus admirandis dolis eludere, & quum res posceret vehementi atque expedita manū infringere atque retundere didicerat. Quod enim mirum est nullo propè præeunte magistro, nullaque profusus adiutus bellicæ educationis disciplina, & impiger miles & acer præfectus, improuisis & fortibus consilijs, celeritateque præsertim, Dux felix euaserat. Cæterum Antonius planè adolescens, & vt ipse nobis narrabat, adhuc imberbis, Sanctij Martini patris alæ equitum præpositus, anno secundo post secularem ea classe vectus in Italiam venit, qua Emanuel & Valentius Benauidij fratres, & duo Aluaradi pater & filius transuecti sunt, aduersus Gallos opem ferentes. Ipse genus ducebat è Cantabria, quæ vna omnium Hispaniæ Prouincia optimorum terra marique militum feracissima existimatur. Sed antea Antonius iusta in acie hoste non viderat, quàm egregiè & ad Gioniam aduerso, & ad Terranouam secundo prælio, illic constantis, hic verò maximè ardentis & imperterriti bellatoris laudem est consecutus. Interfuit demum Rhauennæ Cardonij signa secutus, quo funesto prælio non ignominia, sed laudi fuit incolumen euasisse. Sic enim Cesennam se recepit, vt plerosque milites ex itinere conseruaret, atque ipse demum instaurata ala, eodem Cardonio & Prospero Columna Ducibus, ad Cisalpinæ Galliæ bellum proficisceretur. Post mortem vero Iulij Pontificis, Leoni, Carolo Cæsari coniuncto, in expellendis Gallis operam nauauit, usq; adeò diligentem & strenuam, vt iam inter summos Duces consilio perspicax, & manu egregiè fortis haberetur. Ab hac fama iā planè clarum, ea quæ secuta sunt bella clarissimum fecerunt, quum oblectus





obsessus Ticiniâ Francisco Galliae Rege sese pertinacissimè defendisset; cum excidio quidem nobilissimæ urbis; quum alendo præsidio, neque fortunæ Cuius, neque templorum donaria, neque luculentæ domus excisæ deformatæque suffecissent. Sed hæc Ticinensium calamitatem; inexpressibilemque inuictæ egestatis dolorem, aliquâ ex parte minuere visus est Rex ipse tanti nominis ingenti prælio victus & captus. Verum ad eam victoriam, ad quam parandam Leua magnum eruptione sua momentum tulit; nequaquam pax allata est; scilicet ut alia orirentur bella, quibus fertilissima Italiæ provincia militari licentia vastaretur. Nam quum Leua Cæsarianique Duces Sfortiam grauib; calumniis implicatum, apud Cæsarem maiestatis accusassent, & in arce obsedissent, consternati ad arma Italiæ Principes in vnum seruitutis metu consensissent, hostes ex sociis facti, longe omnium luctuosissimum bellum excitârunt; eo euentu ut Antonius Mediolani obsessus, multis secundis præliis longè clarissimus ducum euaderet, existimaretque, neque humanis neque diuinis rebus esse parcendum, modo decus suum & Cæsaris dignitatem tueretur, & stipendij loco singulas vrbes, singulosque earum ciues militibus immanissimè diripiendas concederet: ipseque imperiosus, multis vndique partis victoriis terribilis atque opulentus, aduersus tot hostes inuictus aduersa arma sustineret, & Sfortia per deditionem eiectus, tanti Principatus Imperio potiretur. Sed Cæsar ad clementiora consilia conuersus, post captum Pontificem, atque eum iam euastata Roma carcere liberatum, Sfortiam restituit ea conditione, ut Antonius, tuendæ Italiæ Dux copiarum, deductis, & in Græciam Hispanis militibus missis, Mediolani relinqueretur. Nemo enim eo potior gerendo bello Cæsari videbatur. & quanquam euastante cunctos artus podagra, non aliter quàm sella succollantibus seruis veheretur, nunquam Ducis munia, nunquam vllum militiæ laborem omisit, aut intermisit; utpote qui lectica in aciem illatus, non semel cum hoste conflixerit; semel apud Landrianum fuso captoque sancti Pauli Comite regiæ stirpis Gallorum



Duce, & ad Caracam ad Lambrum flumen superato Iacobo Medice, qui cum Helueriis auxiliis aduenerat. Ea Antonij authoritatis atque peritiæ opinione adductus Cæsar, ex Africa Tuneto expugnato victor rediens, ipso præsertim Leua authore; Galliæ bellum intulit. Qua in re nihil Antonio ægritudine affecto, & cunctis distorto articulis, pepercit, quin eum secum in Prouinciã adduceret. Id bellum propter rei frumentariæ difficultates, & cœli inclementiam, secus ac putarat Antonius tractu durius, atque exitu asperius fuit; sic ut ille languore animi & dolore corporis oppressus, ad aquas Sextias in castris fato cedens, cum bellicis laboribus, tum ardenti gloriæ cupiditati suæ finem imponeret, natus annos quinquaginta sex. Funus Mediolani adornatum insigni pompa celebratumq; est.

## P A R T H E N I I P A R A V I C I N I.

*Astus Annibalis, mora sagacis  
Matura Fabij, impigrumq; & acre  
Marcelli ingenium, celerq; cursus,  
Et velox via Claudij Neronis,  
Hæc si singula singulis parârunt  
Aeternum decus, & perenne nomen;  
Quanto in me omnia quum simul Gradiuus  
Vnum contulerit, mage ipse Lethes  
Vndas despiciam, minasq; futi?*

*Quid quod mi attulit & novos honores  
Ac viuam effigiem meosq; vultus  
Musæa Iouius domo dicauit?  
Nec non & titulis referta nostris  
Conscripsit monumenta docta, & omni  
Aere & marmoribus perenniora.  
Felicem effigiem, o meos triumphos  
Hoc præcone ter ampliusq; claros  
Ecquemiam mihi conferat vetustas?*

## A N T O N I I V V L P I I.

*Quum semper vincas, totis licet artibus ager, | Consilio non vi, vincere Leua doces.*

## R A I N E R I I.

*Hic Leua est; Leua Hesperia laus maxima terra, | Implicitus cunctis morbo artibus, horrida bella  
Qua Betis tumidas in mare fundit aquas, | Artibus, & ferro, gessit & explicuit.*

## Alexander Medices Florentiæ Princeps.



**M**AGNO hercle singularique, ut apparuit, aut insanè more suo, aut atrociter incantantis Fortunæ prodigio edictus est hic, quem spectas thoracatum, transuersaque rubra fascia Cæsarianæ factionis studium ostentantem, Alexander Medices, ad Etrusci Imperij fastigium ideo prouectus, ut inde grauiore casu interrupta felicitate præceps daretur. Hunc Laurentius iunior, qui Umbriæ Principatus titulos affectauit, ex materna ancilla furtiuo congressu susceperat: Alfonsina auia tenui cultu educarat, quum filius Laurentius fato ereptus ex vxore Bologna Regiæ stirpis masculam prolem minimè suscepisset. Quibus de causis viuente Leone in subsidium peruentis stirpis ita receptus est, ut Clemens demum Pontifex Etrusco dominatu dignum existimaret, quod Hippolytus patruelis ad tollendam æmulationem honori sacræ purpuræ destinaretur. Visus enim erat Alexander, corpore atque ingenio habili tractandis armis aptior, quum Hippolytus viuide mentis acumen ostenderet, ad literarum studia paratissimum. Sed oppresso demum Cæsarianis armis, captoque Clemente Pontifice, in eo statim inusitata calamitatis turbine Florentini defecerunt; atque ipsi Alexander & Hippolytus publico decreto Medicea domo exturbati, atque in exilium acti sunt, ea conditione ut deserti mox & inopes in subalpino agro ad Taurinum aliquandiu vitam degerent, donec conuersa Fortuna Pontificis, Hippolytus galero ornaretur, & Alexander iam pridem duobus, in Præcutinis oppidis donatus à Cæsare in clientelamq; receptus, gener ascisceretur, & Florentinis demum longa obsidione perdomitis, veteresq; exutis libertate, à Cæsare collato Principis titulo præficeretur. Verum is dominatus Clemente iam mortuo breuem atque turpissimum exitum tulit. Nam Alexandrum sextum iam regnantem annum, & præclara iusti & constantis Principis argumenta præbentem, ita voluprates Venereæ sensim occuparunt, ut qui inuidioso Principatus nomine lætabatur, facilem sibi in necem aditum aperiret, tanta quidem socordia, ut post insidias, quas ei Hippolytus nefariè retenderat, diligentissimè vitatas, in alterius propinqui, familiarissimiq; sodalis inusitatam perfidiam incideret. Is erat Laurentius Medices ætate æqualis, sanguine coniunctus, nulla laceffit in iuria, & magnis affectus beneficiis, menstruaque stipendij obstrictus liberalitate, qua maximè eius perfidiæ fama prægruari potuit. Eum namq; hic tam improbo quàm perfidioso promissi lenocinij nomine in domum suam





suam suumque cubiculum & lectum facile perduxit; adamatæ mulieris aduentum mentitus, sic ut incautus atq; miserrimus Princeps, à cæteris omnibus accuratè cauere solitus quàm ab ipso proditore, quem maximè diligeret, mactaretur. Intempesta namque nocte altè stertentem, Laurentius gladio per costas adacto transfodit, propereque erectum, & acceptum vulnus acri morfu vindicantem, admouentibus manum duobus seruis quos induxerat; quinque vulneribus confecit; impetrataque facile à præfecto tessera, publicis vestus equis Bononiam effugit, patriæ libertatis oblitus, occupante animum salutis curâ, ut intactus euaderet. Nam qui liberatæ patriæ laudem appetisse videri volebat, nihil plus tanto admissò facinore effecisse iudicatus est, quàm ut Principe amicissimo nefariè atque ignobiliter interempto, Cosmum ex priuato odio capitalem hostem suum, ad Etrusci Imperij potentiam quàm veræ virtuti fata promittebant, proueheret, & ipse demum publico Senatus iudiciò damnatus, obiterque Veneriis angusto in calle trucidatus, parricidij poenas daret.

## ANTONII VACCAE.

Post belli clades varias, & fuxera seuis  
Motibus Etruscae cinilibus edita terre;  
Quum populos placida compositos pace tenerem,  
Per scelus agnati me perfida dextra nefandi  
Sustulit. & spes ille meas, spes ille meorum  
Atque suas omnes, & publicâ commoda fregit.

Vsq; adeo pensi, & sancti nihil improba ducit  
Inuidia, atque atro mens dira agitata furore.  
Ergo iterum infectum civili sanguine ferrum  
Mæsta parens assueto malo Florentia vidit,  
Et luctu extenuata Ducem defleuit ademptum,  
Aurea compositis meditantem secula rebus.



Franciscus Maria Feltrius Vrbinatum  
Princeps.



EMO magnorum Ducum elegantius & certius in tabula ad veram imaginem expressus est, quàm hic ipse Feltrius, qui his suis armis atque coloribus, hisque triplicis imperij militaris insignibus, Titiani summi pictoris manu delineatus conspicitur. Is Ioanne Rouereo patre Senogalliae domino & Urbis praefecto, qui Iulij Secundi Pontificis germanus frater fuit, & Ioanna Federici Vrbinati Principis filia genitus, adoptari in Feltriam familiam à Guidone Vbaldo auunculo, cui fata prolem denegârunt, & Principatus hæres scribi meruit. Sic ut vim atque expeditum robur paterni generis, & efficacem bello prudentiam, optimisque constitutam legibus, bellicosæ Feltriæ domus disciplinam egregio temperamento miscuisse credi possit, ut sese ad præclarissimum militiae decus efferret. Adolescens namque ita tyrocinij arma induit & exuit, ut penè prius quàm miles, Dux summus patruj copijs præficeretur, eo bello quo Ceruia atque Rha-uenna, & Ariminum, atque item Fauentia possessa Venetis, Pontificio Imperio sunt restituta. Nec multo post conuersis Iulij studiis, bellum Gallicum est exortum per causam indicti Concilij, quò Pontificis autoritate funditus contestendam, impotens armis Rex Gallus susceperat. Eo bello Feltrius impar viribus, à Triuulcio summo Imperatore sic fusus est atque exutus castris, ut ipsa Bononia, maleuerente Alidosio Cardinale, Bentiuolis veteribus tyrannis traderetur. Non tulit contumeliam Feltrius animo generosus, atque inter deleri exercitus & amissæ urbis dolorem Alido-sum



sum ipsum auctorem tanti mali oblatum, apud Rhauennam trucidauit. Quod facinus in sacrum hominem, quanquam ex eius malignitate non immerito editum, usque adeo Pontificem alienauit, ut Feltrius Galli Regis auspicia sequi cogitaret. Verum in Iulio aliquanto post illa exardens ira deferbuit, quum post aduersum Rhauennate praelium Gallis Italia pulsus, ingenti victoria potitus est, nec Feltrio veniam perenti studiosi suffragatores e Senatu defuerunt, quibus in gratiam Pontificis ita restitutus est, ut Pisauri dominatu, indulgentia & liberalitate morientis patris donaretur. Sed Leone decimo ad Pontificatum euecto, contra ac rebatur multis de causis saeuum hostem expertus est, quum ille Laurentium fratris filium vel impudenti cum iniuria, Vrbinarium Principatu honestandum arbitraretur, quod tamen vel ab ambitiosa importunaq; scemina Alfonso Laurentij auidi iuuenis matre, nisi post mortem Iuliani Leonis fratris, qui erat multis nominibus Feltriae domui coniunctus, impetrari potuit. Itaque Leo profana & sacra arma expediens, imparatum immisso exercitu, cui praeerat Rentius Ceres, tota Umbria atque Pisauo expulit; non secus ac Borgia Caesar Guidonem Vbaldum eiecerat. Verum Feltrius non multo post coactis in unum validissimarum gentium auxiliis, quae confecto Veneto bello a Gallicis ducibus dimittebantur, usque adeo graui impetu quae amiserat recuperauit, ut Pontifici & Florentinis magnum terrorem incuteret. Feltrio namque aderant & studia militum & Populorum voluntates, & ingens animus cunctis militiae laboribus atq; periculis par, quo Metauro amne pedibus superato, quum ipse Hispanorum ordines praeretur, & propemodum armatus & pedes enataret, Pontificius exercitus triplo maior ad primum hostis conspectum roformidata pugna in diuersa se recepit. Exinde Pontificij nusquam ferè vti multis affecti incommodis Feltrianos sustinuerunt, ac nisi Leo magnis propositis praemiis, venales quosdam Hispanorum praefectos corrupisset, & Vgo Moncata Caesaris nomine vniuersos ut Feltrium deferrent induxisset, graue profecto vulnus Leo accipiens, pudenti & parum aequi belli poenas subiisset. Eo modo proditus atq; desertus Feltrius, Fortunae iniquitatem ea animi magnitudine tulit, ut vbique Leonis hostes quaereret, exortoque Gallico bello ad Lotrechium se conferret; apud quem alienae virtutis precepta fastidientem sic egit, ut ille neque manu neque consilio ipsius Feltrij usus, Mediolanensi Imperio a Caesarianis & Pontificiis pelleretur. Ceterum in ea victoria Leo mortem obiens inexpectatam, Feltrio recuperandi dominatus occasionem dedit, propensissimaq; hominum voluntate in Umbria tanquam legitimus & exoptatus diu Princeps receptus est. Haec tanta bellorum incommoda eum usque adeo nauiter erudierunt, ut aucta & confirmata virtutis opinione, ab ipsis Florentinis, qui dudum hostes fuerant, tum demum a Venetis summum militaris Imperij decus promeruerit. Veneti autem exercitus factus Imperator, vti tempora & prudentissimi Senatus mores flagitabant, veterem suum pugnacis ingenij ardorem salubri iustae & cauae grauitatis temperamento moderatus est, quum ei robustissimae externarum gentium & inuictae legiones sustinendae potius cunctando, quam praeliis lacessendae viderentur. Ita enim patres bina Liuiani temeritate cladeq; edocti, Q. Fabio parem, quam M. Marcello ducem malebant. Existimabat propterea Feltrius, se satis fortem vereq; vtilem Reipublicae operam laturum, si nihil amitteret, & nihil praelij alcae, qua vinci posset, subiceret. Ludificare hostis impetum, munitissima castrametandi ratione, & extraordinariis praeliis; committit atq; pecunia indigos perpetuo fatigaret; quum vniuerso praelio vbi opus foret certaturus crederetur. His artibus, contra ac aliqui existimabant, qui temere externarum gentium vim contundi & superari posse putabant, summo ipsius praekonio Italia omnis seruata est, partusque Sfortiae, paternae ditionis Principatus, inuenta etiam hac qua respiramus tranquilla pace, in qua Feltrius supremis cogitationibus nihil prius experebat, quam ut in Turcas consensu Christiani orbis Regum, iusta atque insuperabilia arma verterentur. Sed in hac honestissima cogitatione ereptus est, non fato quidem suo, sed malignitate quorundam, qui ei venenum misceri iussisse referuntur; vti ex certissimis quaestionis tabulis, & tanti admissi sceleris confessione constat, quum hunc quem virtutis merito colimus Guidonem Vbaldum, non Umbriae modo dominatus, sed militaris etiam apud Venetos Imperij haeredem reliquisset.

## ANTONII FRANCISCI RAINERII.

<i>Mars enses, clauam Alcides, dedit agida Pallas,</i>	<i>Vnde tibi aeternum ab robore nomen erit.</i>
<i>Et tibi caelestum tela trisulca pater,</i>	<i>Monstra domas, acies perrumpis, concutis vrbes,</i>
<i>Fulmina seu metuende manu, siue excutis ore,</i>	<i>Et late undanti flumine sternis iter;</i>
<i>Pars stupet ut celeri conycis illa manu,</i>	<i>Quum patrias sedes, fuscis tot millibus ante,</i>
<i>Pars stupet altitog, domum immortale Minervae,</i>	<i>Inuicto &amp; repetis regna superba pede.</i>
<i>Viq; cohortanti desluat ore sophos,</i>	<i>Dys genite &amp; geniture Deos, qui cuncta nouora</i>
<i>Hic tu, &amp; robore &amp; perfunctus munere claua,</i>	<i>Et veterum equiparas fortia facta Ducum.</i>



# Andreas Grittus Venetorum Princeps.



ON rarum modò, sed prorsus admirabile inueni licuit in Andrea Gritto, qui nullo benigniore Fortunæ afflatu, sed vnus tantum inuictæ virtutis auspiciis Principatum adeptus est. Nemo siquidem ciuium æqualium suorum in ipso iuentæ flore pulchrior: nemo quum vir esset & Senator, staturæ proceritate, habituque oris, & membrorum amplitudine celsior atque formosior fuit: nemo quum perpetuis ferè bellis legati functus munere periculosa arma tractaret fortior, vigilantior atque constantior fuit; sic vt postea mirum non sit, quum vniuerso bello victor de restituto patriæ imperio, non curru quidem laureato, sed opinione ciuium & studio grauissimi Populi triumpharit, si meritum decus supremumque in ciuitate titulum meruerit. Effectus verò Princeps, & suis insignibus exornatus, eam oris & personæ dignitatem prætulit, vt omnes facile faterentur, incomparabilem æqua magnitudine corporis & animi, atque omnium bellica, tum ciuili virtute extra inuidiam eminentissimum ciuem, supremo tanquam debito titulo fuisse honestatum. Caterum Grittus, qui vniuerso bello victor exitit, multis aduersis præliis infensæ fortunæ suæ casus vsque adeò constanter tulit, vt rediuiua semper virtute, seipso maior & clarius appareret. Abduana namque acie, qua nulla Veneto nomini funestior incidit, quanquam profligato cæsoq; exercitu effugisset, nihil tamen animum despondens, maximo Reipublicæ



Reipublicæ commodo Tarvisium conseruauit; amissumque sædè Patauium, felici astu summæque virtute recuperauit, atque aduersus innumerabiles Cæsaris copias defendit. Brixiaë autem quum eam urbem Diis inuitis rueri conaretur, ea capta atque direpta à Foisseio Gallorum Duce, in eius potestatem ita deuenit, vt in Galliam vltiorem carcere seruandus mitteretur. Conuerso verò ciuitatis studio, quum Veneri Gallis propter Hispanorum & Germanorum offensiones fœdere se coniunxissent, Nouariensi prælio dum rediret è Gallia spectator fuit; sic vt vix ei elabendi spatium daretur, quum Heluetiis Sfortiæ operam longè fortissimam nauantibus, Gallorum exercitus concisus & profligatus fuisset. Vicentina porro acie, qua temeritate Liuiani graue vulnus Veneris est inflatum, ita victoris hostis manus effugit, vt Vicentiæ obseratâ portâ in murum funibus extraheretur. Nouissimè apud Mediolanum, quum Piscarius cum Hispanis per suburbana recta in Gallica & Venera castra perripisset, capto iam Theodoro Triuultio, qui Veneri exercitus erat imperator, Grittus paruo equi flexu è manibus hostium euolauit, deducenribus eum per obliquos tramites Græcis equitibus. Verum qui toties à Fortuna male mulctatus fuerat, supremæ victoriæ, & Principatus compos extitit, Grimanoque succedens, præfuit Reipublicæ annos vndecim, octuagenarioque maior, quum Fæcolorum scutellam appetisset, obortis torminibus vita excessit.

## ADAMI FUMANI Veronensis.

*Vt vigili doctog, ratis simul aucta Magistro est,  
Vndique vt aëry verrant freta cœrula venti,  
Nec ventos, validasue timet securâ procellas,  
Credere sed pelago, ac magnis se fluctibus audet.  
Sic Duce te vrbs prognata mari, sic Principe  
Gritto*

*Bellorum vt sciret magnos instare tumultus  
Bellorum metuit nullos interrita casus,  
Sed Martis dare se magnis cita motibus ausa est.  
Vt ratis illa eadem docto sic cassa Magistro est,  
Vt nulli nusquam turbent freta cœrula venti,  
Et ventos validasq, horret male firmâ procellas,  
Credere nec pelago, aut ullis se fluctibus audet:*

*Sic Duce te vrbs bonæ Gritte, eadem sic Principe  
cassa*

*Bellorum vt videat nullos instare tumultus,  
Bellorum metuit cunctos exterrita casus.  
Nec dubijs dare se Martis cita motibus audet.  
Vt gregibus Tauri, turres vt mœnibus altis  
Sunt decori, vt pelago naues cingentibus vndis;  
Sydera vti radijs intermitet aurea Phœbe;  
Sic tu, sic Venetum imperij dum sceptra gerebas,  
Notus eras Proceres inter bonæ Gritte superbos,  
Corporis eximia specie, virtute, animusq,  
Nostratum, ô salue Heroum ter maxime, tu nunc  
Et nostra posthac semper celebrabere Musa.*

## PETRI ALVARI Romani.

*Magnanimi inuictiq, Andrea picta tabella  
Quam cernis Gritti continet effigiem.  
Hic Iuam toties Fortunam expertus in armis  
Fortunam intrepido pectore suslinuit;*

*Mox pta se ad pacis conuertens munia summos  
Pacatæ titulos promeruit patria,  
Consiliog, graui labefactam resituit rem,  
Et Veneti fines protulit imperij.*

## Iacobus V. Scotiæ Rex.



TU VARDAE familiae, quæ Danicæ erat stirpis, vsque à Saladini Syriæ Regis temporibus, Scotiæ insertæ, quinque Reges, serie nihil intercisa, eodem nomine ad exemplum Aegypti Regum, solis discreti numeris, in Scotia regnauerunt. Constat enim Macolmum, qui Rex in Scotia animi virtute memorabilis fuit, Valterium nobilem pariter atque impigrum Ducem oriundum è Dania, virtutis causa ad Stuardi dignitatem euexisse. Quod in Syria insigni fama aduersus Saracenos Christianis in castris militasset. Eorum siquidem lingua Regij conuiuij

Magister Stuardus appellatur: quod nomen postea in familiam transierit; quod profectò inauaspicatum quinque Regibus fuit. Nam primum huius nominis Iacobum Stuardum superbè regnantem coniurati familiares in cubiculo trucidârunt. Secundum autem hostile castellum incautiùs oppugnantem, diffracti ænei tormenti frustulum interemit. Porro tertius à parricida filio ad Sterlingum iusta acie superatus atque interfectus cecidit. Quartus verò huius pater, quum absente Henrico Angliæ Rege, atque in Morinis aduersus Gallos bellum gerente, Angliæ fines inuasisset, à Surreio Britannorum Duce ad Floddon magna clade Scotis obrutis occisus est; successit hoc Iacobo puero, atque in Regni spem educato. Erat is natus è sorore Henrici Regis, quæ cœlibis pertæsâ thalami non diu in tutela filij permansit, quum Guliermo Angosio Equiti Scotorum formosissimo nupsisset. Cæterum puer à nutriciis cum summa fide liberaliter educatus, vti erat forma insigni, Magdalenam Francisci Galliæ Regis filiam in matrimonium duxit;





Sed non multò pòst eam, nullà susceptâ prole amisit, sic vt iustis funeri persolutis, suadente eodem Francisco Rege, nuptias faceret cum Maria Claudij Lotharingiæ Principis fratris filia. Hæc erat ex Andegauensis Regiæ familiæ stirpe orta, quæ veterum Prouinciæ Regum propinquitatem, & Neapolitani Regni iura respicit. His nouis nuptiis non diu lætatus est Iacobus, quum suscepta filia, vsque adeo leui morbo succubisset, vt nonnulli veneno sublatum arbitrentur, postquam deceptis Medicis, qui validissimis iuuentæ viribus polleret, per interualla morbi concidisset; vt vxori acia bella à finitimis Anglis sustinenda relinqueret, appetente filiulam sibi in nûm Henrico Rege, vt ea cognatione Odoardus filius ex Ioanna Semeria susceptus, Angliæ simul & Scotiæ Rex efficeretur. Quæ res quum multis artificijs & machinationibus Anglorum tentaretur, & David Conerus Cardinalis Scotus perfidia Normandi & Ratunij Comitis esset interfectus, atrocissima adduxit bella, quorum is exitus fuit, vt puella cum matre vidua in Galliam classe transuecta, Anglis connubij spem præcideret, & ab Henrico Galliæ Rege eius stirps inferenda seruaretur.

#### L V D O V I C I D O M I N I C I.

*Si Rex, si iuuenis miserandum funus obiit,  
Quid doleo? minimè; quippe Iacobus ex am.  
Hæc pater, hæc atani subierunt, fata Iacobi,*

*Tam dira infelix omnia nomen habet,  
Vt minus infelix hoc tantum exculto, Iacobus,  
Hæres nullus erat tunc mihi dum caderem.*

Vincentius



Vincentius Capellius Venetæ classis  
Præfectus.



**H**OC splendido thorace & purpurea trabea conspicuus fuit Vincentius Capellius, quum apud Adiacum promontorium Ambracij sinus, coniunctis cum Auriæ classibus, cum Barbarussa prælio certaturus crederetur. Is ab initio æquè grauis & fortis Senator, propter maritimarum rerum peritiam, acre & constans grauissimis in rebus iudicium cum singulari vigilantia coniunctum, faciliè promeruit, vt summus classis præfectus crearetur, & tum maximè quum aduersus Barbarussam Othomannicæ classis Ducem, abrupta vetere pace, foret dimicandum. Veneti siquidem Carolo Cæsari inauspicato fœdere coniuncti consociatis classibus, contra veros hostes arma vertenda censuerant, tanta spe victoriæ, vt Barbaros tota maris possessione se depulsuros crederent; quandoquidem ipse Andreas Auriæ cum Cæsaris classe primas in committenda pugna partes deposceret, seque ostensurum profiteretur, quantò validiores, & ad rem gerendam paratiores Christianæ disciplinæ triremes Barbaricis forent, quæ noto rudiq; remige, & non magnoperè peritis gubernatoribus vteretur; præter quàm quòd numero etiam multò plures essent, & in quo victoriæ certa spes sita videretur, ingentium etiam nauium præsidio confirmatæ; ad quæ scilicet præ alta nauigia instructissimæq; tormentis, tanquam ad Castella sese recipere possent, in omnem hostilis audaciæ, vel turbati maris casum. Erant enim in vtraque classe Cæsariana



& Veneta triremes rostratae centum trigintaquatuor; onerariae autem naues septuagintatres, praeter tres ingentes Galeones stupendo tormentorum apparatu instructos. In nauigiis porro quae Carchesia in malis ferrent, & velis tantum agerentur, imposita erant circiter decem millia delectorum peditum, Hispanici praesertim & Italici generis. His Valerius Vrsinus, illis Ferdinandus Gonzaga praerant. Quibus classibus à Corcyra in Ionium eductis, tanta exorta est apud nostros alacritas pugnandi, tantusque iniectus Barbaris metus, ut Barbarussa conspecta classe nostra, Ambracio sinu inclusus nequaquam his artibus faucibus, quae sunt ad Nicopolim, quam Preuesam vocant, egressurus crederetur; quod non amplius quam octuaginta Triremes rostratas, & sine rostris quadraginta biremes haberet, nec peritissimus senex suarum conscius virium, paruipendenda maiora nauigia tot instructa tormentis existimaret. Sed nostri, qui in conspectum Nicopolitanae arcis prodierat, inexplicatis consiliis ita haeserunt, ut quum frustra elicere hostes procurratione conati essent, Ferdinandus Gonzaga exponendum esse peditatum, & Nicopolim, quam paucis ante diebus Grimanus Patriarcha fauces ingressus cum Pontificiis triremibus expugnare frustra adortus fuerat, omnino aggrediendam, atque expugnandam censeret; & terrestri demum sinus supercilio Barbarorum classem tormentis inuadendam arbitraretur. Ea res apud quosdam probari non poterat, quod dubium euentum habitura videri posset, si post expositos milites aliqua sauior incideret procella, quae seruandam classem, desertisque militibus in tutam stationem reducedam ostenderet. Quid enim incommodius & asperius pediti relicto accidere posset, quam ut ab equitatu, qui Grimanianos in mare cum caede propulisset, opprimeretur, simul & à classariis Turcis inuaderetur; quum nullo desertus in terra classis subsidio protegi posset? Itaque Auria quum ad eum Capellius scapha vectus ad puppem prouheretur, peteretque quid sibi agendum foret, & se promptissimam operam uti iuberet praestitutum polliceretur: ei totius studij & alacritatis gratias egit, & ut suo ordine consequeretur admonuit, classemque ad Leucadis promontorium direxit; ratus aut Barbarussam faucibus egressurum, praeliique committendi occasionem praebiturum; aut si cessaret, & sinu se contineret, uti metu occupatus, vetere existimatione gloriae naualis spoliaretur. Ipse vero superata Leucadis Insula, quae Nerithos olim, hodie Sancta Maura dicitur, ad Naupactum descenderet, totumque sinum à dextra laeuaque ferro & incendiis deuastaret. Sed magno miraculo portentoque, ventus qui ad cursum erat secundus, ita flare desit, ut vela nauium dudum plenissime inflata conciderent, tantaque oriretur malacia, ut si rostratae nauigio uti vellent, necessario onerariae immobiles essent relinquendae. Hac inopinata re, sicuti Auria & Capellius vehementer sunt perturbati, ita Barbarussa occasione suae non defuit, classemque faucibus mira celeritate eduxit; primumque omnium sinistram littus apprehendit, obuensis ad terram puppibus, ut si quid durius ab hoste accideret, cum è littore, tum ex nauibus decertaret, tanquam nullam omnino maiorem, quam nauium, seruatis cum remige propugnatoribus, iacturam facturus. Verum quum nostros nouitate obortae tranquillitatis praeditos, consiliique prorsus inopes, magnarum nauium fluctuantem classem circumire, nec se expedire ad pugnam conspiceret; in eos directa suae classis acie inuectus est, quum ipse mediam teneret aciem, & hinc, Sinas cognomento Iudaeus, & illinc, Saleccus Archipiratae illustres praesent. Tanta autem perturbatione omnium, tantoque tormentorum strepitu res eo die nostris infauisto acta est, ut nullo nobili congressu coepto dissipati in fugam verterentur, & Barbarus obstupescens nostrorum ignobilem trepidationem, cum risu demum conuersas in fugam puppes contemplaretur, ipse duas interciperet triremes, & nauigia nostrorum maiora, circumducta corona trirremium, diu tormentis verberaret; atque interim recentissimo oborti Euri flatu incomparabili Fortunae beneficio è manibus Turcarum nostra classis eriperetur: quam ingruente nocte minime persequendam Barbarussa iudicauit, quum singulari hercle suo, nostris vero parum felici spectaculo laetaretur, maximeque rideret, quod trium praetoriarum lumina ignobili exemplo abiecta esse conspiceret; tanquam ea ab extremo pauore ultro extincta fuissent. Capellius atque Auria continenti cursu Corcyram peruenerunt, quum nullus omnino praepudore locus mutuae consolationi esset relictus, & eos postridie ad Paxam usque Insulam hostis esset persecutus. Tum enim non obscure ad mutuam ignominiam obtrestantes, de inuadendo Dyrrachio frustra consultatum est; ut infamia quoquo modo sarciretur communi consilio Castrum nouum in Rizonico sinu expugnarent; neque quisquam eorum culpam pudendi euentus, nisi perplexè reiecit, uti ab utroque opportuna Historiis nostris percunctatione didicimus. Caeterum Capellius multis argumentis, uti erat apprimè facundus, nominis sui famam egregie defendit; agensque quartum & septuagesimum aetatis annum, integra apud ciues dignitate fato concessit.

## I O V I I Iunioris.

*Classem in Leucadi fluctibus aquoris  
Instructam Veneto milite videras  
Latam verrere Pontum  
Nimborum pater Aeolus,*

*Ira quum veteris conscius aspera  
Iunonis, miserum in Dardanidum genus,  
Leni murmure ventum  
Spirantem, Aeolio in specu*

*Inclusum*




*Inclusum tenuit. Quæ celeri modo  
Lapsu vix pelagus contigerat ratis  
Auræ flatibus acta,  
Et remo innolitans leui;  
Nunc immota iacet per freta languida;  
Tum classem implicitam, lapsaq; carbasa*

*Risit Barbarus hostis  
E fluctu Ambracij sinus.  
Contra senu Deum fata CAPELLI'S  
Ibat, præda ( nefas ) militis impj,  
Ni classem inferat Euræus,  
Seruatam ad patrium mare.*

## Franciscus Borbonius Anchianus

Gallorum Dux.



**N**EMINI huius seculi Procerum, natalibus ac honoribus insigni perulantiùs ac acerbiùs illustit Fortuna, vti lubrico suo vestigio semper incerta & insolēs, quàm Franciscò Borbonio, cognomine Anchiano. Hunc enim natura maximè decorum fecit; Rēgij sanguinis domus totius Gallia nobilissimum edidit; gratia autem Regis vsque adeò extulit, vt penè prius Dux quàm miles in castris conspectus, imperatoriis insignibus ornaretur; eiq; demum Laureā triumphalem ætati eius intemperatè indulgens, & plena doli Fortuna tribueret, quum ad Ceresolam ipsius Dauali Vastij, tanti atq; inuicti nominis Ducis, profligato exercitu, trucidatisq; Germanorum legionibus, incomparabilem & planè nouam de Cæsarianis copiis victoriā retulisset;



subindeq; obseffo Cariniano iuxta Padum oppido, & ex longa pertinaciq; obfisione perdomi-  
tis fame Hispanis atq; Germanis victor extitiffet. Sed Anchianus his rebus, quæ præclare memo-  
rabilesq; fuerant, cum insigni gloria gestis, quum ad Franciscum Regem in Galliam rediffet, vt e-  
ius victoriæ gratulationibus apud suos frueretur, impetraretq; præmia militibus suis, qui maxi-  
mè eo prælio strenuè dimicaffent, fortè ex consuetudine gentis alacritateq; aulæ, ludicrum insti-  
tutum est spectaculum, quo oppugnati defenfiq; oppidi simulacrum edebatur. Ea contentio mi-  
litaribus armis instructa prouectaue ardentius, vt maior illustribus fœminis voluptas pararetur,  
eum habuit exitum, vt ipse Anchianus, florentissimæ iuuentutis Princeps, dum scalam apponit,  
& per eam audacter subit, temerè prouoluto à defensoribus prægrauis cophino ex scala deturba-  
retur, nec multo pòst luxata ceruice contrafactoq; cerebro, idem modò felicissimus & puncto tem-  
poris miserrimus lugente Populo conclamatus expiraret; ita vt quem nuper armatæ Cæsaris phæ-  
langes, pugnantem superare nequiuierant, miserabili in ludo per iocum sterneretur. Hoc tam fu-  
nestæ commiserationis exemplo iuuentus per se feruida, periculiq; omnis facillè contemprix, vt  
cautius & temperatius contentiosis spectaculis vacaret, admoneri potuit; quum plerique dictum  
Othomanni Gemis ad memoriam reuocarent. Is enim, quum Romæ in libera custodia apud Ale-  
xandrum Pontificè seruaretur, eumq; humanitatis causa Ascanius Sfortia ad equestres ludos de-  
duceret; interrogatus, an ea nostri moris spectacula, in quibus nobiles cataphraeti hastis inter se  
concurrerent, & sæpe excussi ephippiis solo deturbarentur, ei placerent; vir grauis responderat,  
Inanem esse, gloriosam, penitusque fugiendam, quæ tanto vitæ periculo à nostris peteretur. Pro-  
pterea Turcas suos omnino sibi prudentiores videri, qui non per viros nobiles & fortes milites,  
vti nostri, huiusmodi spectacula ad voluptatem populis concessa, sed per seruos, in quibus si casu  
affligerentur, aut perirent, minima esset iactura, edere consueuissent.

## RAINERII.

*Aspice quem Regno subnixum Regia proles  
Flagrantem armorum laudibus extulerat.  
Hoc duce magnanimi cecidit vis bellica Vasti,  
Germani & totoprocubère solo;*

*Gallica tum latè se sustulit aurea pennis  
Gloria, fama audi laudibus Anchiani,  
Inuidit Mars, & iuuenem simulacra ciente  
Martia, nube caua textit, & eripuit.*

## Carolus Aurelianus Francisci

### Regis filius.



AROLVS Aurelianus è tribus Francisci Regis liberis postremus, hoc promi-  
nente naso ingenuisq; oculis & roseo colore paternæ similitudinis, atq; item li-  
beralis splendoris & bellicæ virtutis specimen referebat. Huic iustitico die ad  
Christiani baptismatis fontem Abdenago nomen fuit, imponente id Ioanne  
Despachio, Heluetiæ gentis legato, qui ad confederandâ sacro eo vinculo prio-  
rem amicitiam, compatratus honoreungebatur. Repetebat autem id nomen  
ex Mosaica Historia, quòd trium ibi puerorum ex camino ignis ardentis Deo  
magno laudes psallentium & euadentium postremus fuisset Abdenago; non admodum insulsa  
comparatione Regionum liberorum, qui pariter Deo magno cordi forent, sicuti illi ab incendio  
magni numinis misericordia seruati fuissent. Sed huic bono alioquin omni religiose concepto,  
felix euentus defuit. Nam sicuti primum nomine Franciscum, vt erat titulo Delphinus, destina-  
tum Regno iniqua fors fati, ingruente in Prouinciam hoste Cæsare apud Auinionem sustulerat;  
ita hunc quoque, ex pestilenti morbo approperata dies atra surripuit, eo grauiore Francisci pa-  
tris dolore, quòd bello Belgico triumphalis Laureæ decus promeritus, pace demum confecta, a-  
pud urbem Sueffionum certo fœdere sponsalium Cæsari gener ascisceretur, cui Cisalpinæ Galliæ  
Imperiû Augusta liberalitate esset concessurus, vt ex ea tandem Mediolanensis dominatus con-  
trouersia renato toties bello, exoptatus cûctis Europæ gentibus finis imponeretur; ob id aliquan-  
to grauior & luctuosior Insuorum, quàm Galliæ populis Caroli mors fuit, quando hi qui summæ  
spei iuuenē amiserant, superstite atq; incolumi Henrico Delphino, vel immaturi fati iniuriam æ-  
quius ferrent; illi verò grauissimis bellorū & tributorū incōmodis afflicti, & à Cæsarianis militi-  
bus inclementer expilati, tota spe pacis & speratæ tranquillitatis puncto temporis decidissent.

## I V L I I I O V I I.

*Te fera mors Carole eripuit florentibus annis,  
Insuaria Cæsar dum tibi regna parat;  
Illa diu extinctum ingemuit, se sospite, nam se*

*Crediderat tantis posse carere malis.  
Insuaria, & Gallis raperis, maiora sed illi  
Damna tulit mors tua, quàm patria.*

Alfonfus





## Alfonfus Daualus Vastius.

**Q**UONIAM honestissimo præcellentis & meritæ laudis præconio te ornauerim Alfonse Dauale, idem mortalium formosissime & fortissime Ducum, qui cunctos seculi nostri triumphales Duces magnitudine animi, & perpetuo immensæ liberalitatis splendore superasti? unde hoc vnum tibi peculiare decus paucis concessum aut usurpatum comparâris, scilicet ut post deuictos hostes humanitatis & pietatis iura tueri, totius elegantiae studia prouehere, subleuare virtutem, ingenia fouere, & clemencie laude potiri, nec obiter quenquam vel hostem diu miserum esse pati condisceres. Quod si naturæ tuæ absolutæ virtutis amore deflagrati, ut tantum posses, quantum velles, Fortuna tribuisset, iam plerique magni Reges infra gloriæ tuæ gradum positi conspicerentur. Hoc facile nos singularum propè actionum tuarum vel bello vel pace præclari testes, existimare, & cæteris confirmare possumus, ex religiosa historiarum fide, quas, freti conscientia integri pudoris, cum viuis ad oblectationem, tum posteris ad exemplum edidimus. Quo fit, ut huius seculi iocundissimū Etrusci carminis Vatem non omnino fabulosum existimari velim, qui te Dauale Heroem atq; alterū propè Herculem æternis fortasse carminibus fecit, quum ex lepidissima fabula monstrum horribile & truculentum, quod immanis auaritiæ nomen ferret, in Europa natum, dirisq; denribus & pestilenti habitu obuia quæq; vastantē decantaret; ad quod opprimendum honestissimi quique atq; fortissimi, inusitatæ palmæ decus quærentes, vndiq; concurrerint. Sed pleriq; eorum vsque adeo feri monstri aspectum reformidantes, ita hæserunt, ut in id eminus tantum iacula contorquerent, congressuq; pauentes abstinerent, donec superueneret





tres inclytæ virtutis impauidi bellatores, Leo scilicet decimus, Maximilianus Cæsar, atq; ipse magnanimus Galliæ Rex Franciscus. Hi namq; vno tēpore immanem belluā adorti, impotenter reluctante præaltis vulneribus consauciârunt; sic tamē vt ea cruento rictu resurgere posse videretur, nisi opportuno superuentu Daualus auratis in armis conspicuus Heros, adaucto per vitalia vehemēti mucrone confecisset. Quod herclē insigne spoliū de monstro tanquā de subacta auaritię rabie fortiter relatum inter tot tua Alfonso maiorumq; tuorū domestica trophæa, quæ de victis captisq; Regibus penates tuos exornât, nobilius, & ad famā quoq; perēnius erit. Sed Daualum tantis præditū virtutibus, Fortuna auctæ felicitati, & crescentibus honorib. semper infesta vehementissimē perculit, quū ad Ceresolam ei speratę victorię decus eripuisset, egregiē ex aduerso vincētib. Gallis; vnde illi nō toto vertente anno ex nō dubio indignātis animi dolore maturatus sit vitæ exitus: quintū siquidem & quadragesimū agens annū, in secessu Viglebani oppidi podagra vexatus excessit è vita; nulla alia re prorsus felix, quā veterē sua gloria, & liberorū summæ spoi conspectu, fidelibusq; Insubrum lachrymis, quū intempestiuē bono publico ereptus tumularetur; qui moderatē ac humaniter, quantū sæua tempora tulerant, auspiciis Cæsaris imperasset.

## F A E R N I.

Destituti flete ciues magnum Vastii Principem,  
Deplorate raptum vobis præsidem iustissimum,  
Luctuosa triste funus prosequentes nenia.  
Ille vestra semper auxit ciuitatis commoda;  
Ille ius & æquitatem conseruauit publicam;

Inq; seuis sæpe bellis sospitem urbem præstitis.  
Quare maestri flete ciues magnū Vastii principē;  
Deplorate raptum vobis præsidem iustissimum,  
Luctuosa triste funus prosequentes nenia.

PARTHE-



## PARTHENII PARAVICINI.

Siste gradum sacriq, hospes decora alta sepulchri,  
 Et molem ingentem, spoliisq, insigne trophaum  
 Haud mortale opus, & manes venerare beatos  
 Ipse olim celebres Vasti dum solueret umbris  
 Inferias, meritòque Ducem decoraret honore  
 Armipotens, Lybico, Gallòque ex hoste recepta  
 Hec spolia, hanc magnis sacrauit manibus arā.  
 Tunc etiam percussa graui Bellona dolore,  
 Turbatasque effusa comas Tritonia virgo  
 Funebrem ad pompā, exequiasq, ingentis alūni  
 Conueniunt, & Martis opus dignumq, laborem  
 Concelebrant, lustrantq, rogū donisq, parentāt,  
 Tam lectos urna cineres iam ritè peractis  
 Exequiis, pariter suprema vōce saluant.

Inuicti, ô cineres, queis hæcenus inclyta virtus  
 Ausonia enituit, longè victura superbas  
 Pyramidas fama, hæc vobis monumēta dicamūs.  
 Aeternamq, aram, vobis decora omnia belli  
 Cedimus, & nostros iam nūc largimur honores.  
 Hinc igitur cæco bellorum urgente tumultu,  
 Ductores responsa petant, huc hoste fugato  
 Sacra ferant, prædas, atq, armia hostilia figant,  
 Vestraq, votiuū placent sibi numina donis.  
 Hic pulchra virtutis honos, hæc præmia sunt o.  
 Hæc Mauors, comitesq, duæ, pullatus Apollo  
 Excipit, & mæsta Aonidum cingente coronā  
 Flebilibus reperis numeris, mox numine dextro  
 Ferrea concordēs voluerunt stamina Parca.

## Henricus II X. Angliæ Rex.







**V**LXXI s socios (vt Poëta fecerunt) Circæis illecebris in feras mutatos quifque facile crederet, qui Henricum Octauum Angliæ Regem nouerit, & tragedias eius aulæ, vastatiquæ Britannici Regni incommoda perpexerit vel audierit. Nemo siquidem ætatis nostræ Regum aut forma corporis spectatior, aut altitudine eruditi ingenij nobilior, aut opum & virium magnitudine validior, aut denique (quod Virtutis atque Fortunæ munus est) amplissimis victoriis clarior atque celebrior fuit. In Gallia Gallicum nunquam fere antea victum fuderat equitatum, & validissimas vrbes in Morinis & Neruiis ceperat. Scotos se absente, & in continenti tranſuectis copiis bellum gerenti, Angliam adoriri ausos per Surreium Ducem ad Floddum interfecto eorum Rege, ad internitionem totius propè nobilitatis profligârât, & cum magna gloria præclaræ pietatis Iulium Pontificem, Gallorum oppressum armis euexerat, Clementemque item nefario imperu Cæsarianorum militum post euastatam Vrbem captam, piis armis adiuuerat, sic vt inter Reges belli & pacis grauissimus disceptator & arbiter haberetur. Sed malo quodam fato inuasit demum tam nobile, tantisque naturæ atque fortunæ bonis cumulaturn & illustre ingenium, pestilens Erynnis inferorum excita sedibus. Inſano namque amore Rex ita percitus est, vt Catherinam vxorem, quæ Ferdinandi Hispaniæ Regis filia fuit, ipsiusque Cæsaris erat matertera, repudiaret, vt Bolenia adamata in maritalem thorum duceretur. Verum hanc adulterij & incestui ream, mortua iam Catherina, carnificis manu decollari iussit: ac tertio loco lectissimæ pudicissimæque Semeræ Anglici sanguinis, regius thorus paratus est. Hac verò ex difficili puerperio enecta, Cleuensæ Sicambrorum Reguli sororem quarto loco duxit. Post quam etiam repudiatam, quòd ad genium intentæ libidinis minimè respondisset, Hauardam Surreij victoria Scotica inclyti neptem duxit, quam postea quibusdam veteris impuditiæ criminibus circumuentam, capitali affecit supplicio, vt Pariæ, quanquam viro orbatæ, sexto conubio iungeretur. Verum hæc tanquam leuia Regiæ libidini & voluptati condonari posse credebantur, nisi tot repudijs, vxorumque cædibus Rex infamis à maiorum religione defecisset, Phiserio & Moro, summæ virtutis & sanctitatis proceribus, qui sacrorum antiqua iura ardentissimè tuebantur, crudelissimè trucidatis; quorum hic erat Epistolarum magister, ille verò à Pontifice in senatum lectus. Nec multum inde insania sua præceps, in inuidiam atque odium Romani Pontificis, qui primæ atque legitimæ vxoris repudium seuerè fuerat detestatus, in templâ grassari cœpit; donaria, vasaque sacrata, antiquitus altaribus dicata sustulit, & conflauit, Cænobîa euerit, sanctissimorumque martyrum ossa & cineres sepulchris eruta, in Thamesim amnem, aduehenda in Oceanum proiecit. Impotenter quoque sacrorum effectus Princeps, sacerdotiorum redditus & latifundia in fiscum redegit, promulgauitque leges, quibus cuncta vel diuini vel profani iuris ad arbitrium reuocaret. Nec satis erat multorum opes occupare, nisi inauditam cogendi auri atque argenti sitim humano cruore restingueret. Sustulerat namque nobilissimos equestris ordinis proceres, quum modò auaritia inexplebilis, modò feruidæ libidines, modò ex scelerum iniuriis parta odia perpetuam accusationum & damnationum materiam suppeditarent. Itaque patricissimis annis, secus ac antea fuerat, irritata tigride sæuior, efferato lupo rapacior, sæta læna rabidior, & siti exusto dracone virosior euasit. Neque vllum omnino cœleste numen repertum est, quod hæc latè serpentia mala compesceret, aut vindicaret. Magnò quidem humanorum votorum ludibrio, vel propterea quòd immanibus eius consilijs singuli rerum euentus secundissimè responderent. Supremo namque bello Gallico post Hyberniam Insulam rebellantem, armis perdomitam, Bononia vrbe ad Oceanum fortiter expugnata sit pòtitus; & hunc quem è Semeria susceperat Edoardum filium, Regni hæredem reliquerit, quem ex indole ingenij, specieiue oris Regale decus præferentem spectas, eadem in tabula iuxta patrem scitè pictum. Hunc Dij Deæque omnes seruent, si paternæ virtutis potius quàm sæuitiæ atque impietatis æmulus esse velit. Cæterum Henricus septimum & quinquagesimum agens annum, gangrenæ morbo, qui sinistrum crus atrociter exederat, postridie Calen. Februarias succubuit; puero auunculum Semerum relinquens.

## L A E L I I C A R A N I.

*Clara velut magnum cognouit Roma Neronem,  
Asperitas cuius maxima in orbe fuit;  
Secula sic Regem aspexerunt nostra Britannum,*

*Qui pietate magis splenduit atq; magis.  
Attamen hoc fatear Nero, te superasse Britannum  
Crimine, quòd diuos temnere non timuit.*

PIRA-



## PIRATÆ TRES TVRCARVM

*Inclyti Nominis.*

Horuccius.



**T**RIBVS his tabulis ad veram effigiem repræsentantur duo Mitylenæi fratres, Hariadenus & Horuccius, quibus idem Barbarus fuit cognomen, qui magna vi corporis atque animi ex Lesbo insula piraticæ operam nauantes, & terramariq; famam nominis fortiter atq; feliciter extendentes, ad magnas opes, atq; inde ad regale demum fastigium in Mauritania conscenderunt. Cæterum Horuccius terrestribus potius copiis, & nobilioribus ausis inualuit, quàm nauali disciplina, quam penè totam Hariadeno fratri reliquerat, postquam ad Bugiam Numidiæ urbem, dum arcem oppugnaret, tormenti ictu dextram amisisset. Non demisit tamen in ea calamitate animû, ut qui ferrea manu ad cubitum religata, cum Numidis & Mauris regulis continenti bello sese vehementer exercuerit. Verum eius conatus, qui toti propè Mauritanie vsque ad Tremisenios & Fessanos Reges maximo fuerat terrori, hunc tulit exitum, ut ab Hispanis equitibus, qui Tremisenio Regi auxiliares aderant, equestri fusus prælio interficeretur, nequicquam longissimo cursu fuga per arenosas solitudines extenta & effuso passim auro, ut persequentes distineret. Per hunc modum Hariadeno Algerij Regnum cessit. Is quidem par Horuccio fratri cum animi magnitudine, cum immensa vi corporis, & bellica virtute, sed Fortuna aliquanto superior.



ELOGIORVM  
 Hariadenus Barbarussa.



Nam Hariadenus nauali innixus discipline, ita paucis annis potens, ascitis sibi prædonum audacissimis, & formidandus euasit, ut vndiq; oram Hispaniæ atq; Italiæ, Insulasque ad vnum omnes Mediterranei maris impune popularetur, & demum ex fama rerum gestarum Solymanus virtutis causa, Othomannicæ eum classi præficeret: cuius imperio euectus & confirmatus, Muleassem Tuneti regnantem, & cum fratribus de Regno contendente, astuta societatis simulatione depulit; seq; Regem perdomito armis Tuncitano populo impotenter effecit. Sed non diu tanto Regno lætatus est: nam Cæsar incomparabili virtute pietateq; eum validissima classe numerosoq; militum & tormentorum apparatu aggressus, magno Christiani nominis commodo & singulari sui nominis gloria, ita expulit, ut multo maxima parte classis spoliatum, in fugam conijceret; restituto subinde Muleasse certa pactione exigui tributi, quod is regendis Africæ populis propter verustatem imperij & Numidarum amicitiam potior haberetur, & Turcis prædonibus foret infensissimus. Verum Hariadenus tanta inuicti animi extitit fortitudine inter ea summæ calamitatis detrimenta, ut reliquam classem, quæ ad Hipponam subducta, semiq; demersa fuerat, incredibili celeritate educeret, & Cæsarianarum triremium persequentium diligentiam effugeret; nec multo post Byzantium proficiscetur. Eum Solymanus vsque adeo sereno vultu excepit, ut eum magnopere laudaret, consolareturque; quoniâ famæ iam pridem partæ satisfecisse censeretur, quod nullis adiutus auxiliis, potentissimi Christianorum imperatoris imperum sustinisset, atq; inde cum parte classis incolumis Algerij adhuc Rex se recepisset. Non enim classem neq; milites, neq; etiam Regna,



## Sinas Iudæus.



Regna, toties spectatæ eius virtuti vnquam defutura: exemploque eum, contra ac pleriq; Turcæ proceres rebantur, confessu ordineq; purpuratorum dignum existimauit, oraq; maritimæ præfectum & Bassam appellauit. Inciderunt demum grauissima bella, ruptis induciis inter Cæsarem & Franciscum Gallia Regem: qua de causa Galliam premente Cæsare, & Britannis in societatem eius belli in continenter perductis, missus est Hariadenus cum ingenti classe, qui Gallo amico Regi opem ferret. Verum ea classis terrori potius quam magno vsui Gallis fuit. Nam Hariadenus Nicæa capta, arcem expugnare non potuit, hyemareque in Prouincia apud Tolonem coactus est, sequentiq; anno vastata Etruriæ ora, atque Insulis Ilua, Igyllo, Anaria, & Lippara immani populatione afflictis, Byzantium rediit, nulla re gloriosior, quam quod paulo ante ad Actium promontorium Cæsarianæ & Veneræ classis, cum ignominia nostra fugientis puppes conspexerit, & in Rizonico demum sinu Castrum nouum paulò antè à Cæsarianis captum, terra marique fortiter adortus ita recepisset, vt ibi quatuor ferè milia veteranorum Hispanorum trucidarit. Cæterum quum Byzantij tantis rebus gestis apud naualia ædificandis tritemibus multus incumberet, octogenarius senex, & multo grauis abdomine, veneriq; interdum indulgens, in morbum incidit lentioris diarrhœæ; sic vt vitalis calor, crura femoraque sensim defereret. Sed Iudæo medico tenellæ ætatis pueros locis affectis applicante, aliquandiu labâtes spiritus viresq; refouit, donec febris oborta eum extingueret, sic vt Asanem filium, quem Algerij Regem impoluerat, suæ peculiaris classis & seruorû, totiusq; fortunæ suæ indulgente Solymano hæredem relinqueret.



At Sinas hic, cognomento Iudæus, qui altero captus oculo, cum Barbarussa pictus cōspicitur, nequaquam eandem fortunam, quam Mitylenæi fratres experti fuerant, sortitus est, quanquam disciplinæ naualis esset peritissimus, solerti que præditus ingenio, prædonum prudentissimus haberetur. Ipso quidem Hariadeno constantior in consiliis, & moribus temperatior. Seruos enim mitius exercebat ad remum, & benignius alebat, utpote qui valetudinem eorum benignissime curaret, neque enecandos perpetuis flagellis existimaret. Multam porro syderalis scientiæ, navigatoriæq; membranæ notitiam hauserat, magnum vsum in agnoscendis tempestatibus, de natura cœli & nubium, naturæque recessuum & tempestarum maris perceperat. Quarum rerū opinione adductus Solymanus, eum Rubro mari, atq; Indico præfecit. Nam Turcæ paulo antea, Solymano Epirota eunucho duce, qui postea inter Bassas electus est, intercludere Lusitanorum navigationes cogitabant, quæ ex India aromatum merces in Europam adueherent, magno quidem Memphitici portorij, & Othomannici vestigialis detrimento. Qua de causa Sinas apud Thorum atque Suetiam intimi sinus Arabici portus, classem ædificabat, ut ea in Indiam prouheretur. Sed senem, Smyrnæ natū, durior Ægyptij cœli inclementia tentauit, & celeriter extinxit eo exitu, ut se à vita felicem excedere putaret; postquam id superi concessissent, ut Zabachem filium, Tuneti olim captum, postliminio sibi redditum videret, & eius complexu potiretur. Hunc ad eum tanquam veterem amicum sodalemque Hariadenus, à Populoniæ Regulo concessum, magni instar muneris, ad mare rubrum vsque miserat.

PETRI ANGELII Bargæi.

*Ecquis Protogenes, ecquis tam doctus Apelles  
Hanc faciē, hæc clara splendētia lumina flāma  
Pinxit, & hos vīna vīnos in imagine vultus?  
Nam (memini) sic ipse oculos, sic ora serebas  
Inuicte Hariadene: acri dum milite septus  
Vrgeres hostem, & sulcares nauibus aquor,  
Vt durum, vt seuū spirat frons horrida Martē,  
Vt cadem minitatur adhuc, vt vīvida virtus  
Quæq; arces, quæq; olim vrbes, quæq; ardua mu  
Oppida disiecit, q̄ regna opulēta subegit, (ris  
Ostētiens sese medio in discrimine belli,  
Indicat aduersas quantum contemneret iras  
Fortunæ: quantis rerum versaret habenas  
Consiliis, si quando aura impleuere secunda  
Carbasag, cursusq; tuos, nec pectore magni  
Defecere animi; quanquam natalibus ortum  
Obscuris, quanquā maiorum exēpla sequentē  
Nulla: truces vt non sceptro spoliare superbo  
Auderet, ipsosq; sua de sede Tyrannos  
Eiicere, & victis Lybia ius dicere Regnis.  
Te te vnda tremuere oēs, quas vltima Calpe  
Aspicit occiduas, vel quæ prospectat Amanus*

*Littora multifidus: nec non quacung; procellis  
Insula Ionto in magno tunduntur & Euris.  
Quin etiam ipsa tuas olim Phæacia tellus  
Denuastata manus sensit, quo tempore Iberus  
Dalmaticos multo tepefecit sanguine campos.  
Scilicet innumera tum vos toto aquore classes  
(Proh pudor, & labe nullis abolenda diebus)  
Fugistis sultum nec Diis, nec viribus æquis.  
Ergo iterū Actiaca Phæbus miseratus ab arce,  
Ionios Italo perfusos sanguine fluctus,  
Corporaq; Aegæis fluitantia vidit in undis.  
Nec fuit indignum superis cepisse potenti,  
Omnia tum primum dextra parere Tyranni:  
Atq; hostem Ansonios ferro populare penates,  
Nostrarumq; vnum exilio se accingere rerum.  
At tu magne Senex, ne dira incendia mente  
Concipe, nēue in nos flammato pectore saui,  
Illustres delere velis vt funditus vrbes,  
Argiuorū vrbes quondam decora alta tuorū.  
Sic vicisse satis: sat sit sumpsisse cruentias  
Horribilem dextram victo de milite pānas.*

Franciscus Primus Galliæ Rex.



O c illustri planeq; Regio generosæ frontis honore, atq; hoc culcu splendoreq; armorū, Franciscus Galliæ Rex primus in aciem prodire, & dura Martis munera obire erat solitus. Hunc nemo Galliæ procerum vel excelsæ staturæ proceritate, vel habilium ad arma artuum firmitate, vel impauidi & semper constantis animi vigore adæquabat. Nemo Regum candore animi, clementia & pietate anteibat. Nemo deniq; mortalium præalto viuidi ingenij lumine, & quod incomparabile in eo vidimus, expedita maximeq; tenaci, & rerum & nominū memoria superabat. Summa siquidem in eum naturæ aspirantis dona, superi adeo cumulatè cōtulerant, ut certo & iocundissimo insignium virtutū concursu, haud dubiè felix posset existimari, nisi eum tractantem arma Cæsaris, Fortuna ex professo tanti belli pacisq; artibus aduersa, sæpissime fefelleret. Neque enim hæc, ut illi, virtuti fida comes esse voluit; scilicet ne obstarer fati Cæsari Italici Imperium despondentibus. In hoc tamen secundissimo suo cursu eadem Fortuna, quæ perenne studium in Cæsarem extenderat, tanquam certo pudore victa, id Francisco præstitit, ut saltem & li.



## Franciscus Primus Galliae Rex.



& libertatem Galliae sibi cordi esse, tot aduersis bellis ostenderet, pararetq; subinde pacem restit-  
 utis vndiq; bellis, vt Frânciscus sua inuicti animi magnitudine proculdubio felix moreretur. Quar-  
 tum siquidem & quinquagesimū natus annum extinctus est, quū fortē ex nimia iactatione eque-  
 stri, qua ille immo dicē venabundus vrebatur, ei enatū esset circa sedem malignū vlcus, & sensim  
 collabentibus viribus ignobili in vico, cui Rambuleto nomen est, Regū nobilissimus defecisset;  
 eo quidem tranquilliore abruptae vitæ excessu, quod Henricū filium, qui iam cōstantissimi bella-  
 toris, & prudentissimi Regis praeclarū specimen non vno in loco praeuisset, tanti Regni hāredē  
 relinqueret, cū bona etiam spe posteritatis; quādo iam ex eo auitē indolis nepotē amplecteretur.

IOHANNIS BELLAÏ Cardinalis Parisiensis.

*Gratia, forma, decus, probitas, facundia, candor,  
 Religio, Charitum spes, amor Aonidum,  
 Ingenij atq; animi vis admirabilis, vno*

*Cuncta hac tumulto, Rege iacente, iacent.  
 Fortune est quicquam si defuit; hac age, vince  
 Errice, & reliquis equiparato patrem.*

IO. BAPTISTAE POSSEVINI.

*Effigiem Rex magne tuam, tuaq; in chrysa facta,  
 Consecrat excultis scripta voluminibus*

*Musarum in templo, patrij prope littora Lari  
 Aeternae Iouius conditor historiae;*



Quodque ex te periit, fallax pictura reponit,  
 Quod viuit, viuum pagina fida facit;  
 Vi spectent oculis mirantibus ore nepotes,  
 Quæ decuit terris, & dare iura mari;  
 Et simul annales rerum memorande tuarum  
 Franciscæ, arrectis auribus excipiant,  
 Vt bello Heluetias viduaris ciuibus vrbes,  
 Quum tegeret molles prima iuuenta genas.  
 Vt fortes idem Insubres, & Belgica Regna  
 Nomine penè ipso debita Regna tibi.  
 Quæ pater Erydanus violentis voluitur undis,  
 Excusso impuleris subdere colla iugo.  
 Vig. urbem dominam, septemq; receperis arces  
 Excidio ex magno, seruitiq; graui,  
 Acceptos tibi Roma Deos, sanctoque Tonantis  
 Fungentem in terris munere, grata refert;  
 Quos tu pugnaci diuersis partibus hosti,  
 Terrorem incutiens obsidione leuas.  
 Tu latè Imperium profers, tu praelia tentas,

Vi teneant fines otia tuta tuos.  
 Te non vlla acies, non terruit Amphitrite  
 Quum pareret gentes in tua damna nouas.  
 Impendere ferox à tergo negligis hostes,  
 Quos beat auriferi lucida lymphæ Tagi.  
 Non coniurato veniens Germanus ab Istro,  
 Cogit præcipiti te dare terga fuga.  
 Ergo tot spoliis non vno ex hoste relatis,  
 Auertis patrio Barbara tela solo;  
 Nec tibi non magnam pepererant otia laudem,  
 Otia Pieridum dulcibus acta modis,  
 Quas primus patrias ad gentes, effera corda  
 Parnassè summo vertice ducis ouans,  
 Despectasq; artes, & humi sine honore iacentes  
 Erigis, o seclis gloria prima tui.  
 Quare vos Regem tantarum in munere laudū  
 Carmine victuro dicite Pegasides,  
 Vt qui vos claras in luminis extulit oras,  
 Vestra ope conspicuum tollat ad astra caput,

## Ferdinandus Cortesius.



NTER Hispanici nominis insignes viros, qui enauigato Oceano, adiuuentisq; nouis terris & populis, illustrem famam sunt consecuti, omnium (vtriusque) clarissimus enituit hic, qui aurato cinctus gladio, ornatus aurea torque, & pretiosa indutus pelle conspicitur Ferdinandus Cortesius. Is Columbi Liguris, qui primus seculo nostro stupenda nauigatione alterum propè terrarum orbem nobis aperuit, cogitationes propè insanas præalti ingenij, & placita naualis disciplinæ solerter atque feliciter æmulatus, directo ad occidentem cursu, in vastum sinum recuruantium sese terrarum ad Septentrionem appulsus Mexicana regna, & gentes ingenio nihil à nostris moribus abhorrentes, reperit. Profectus namque ab ultimo Insulæ Cubæ promontorio, quod in occidentem rectà protenditur, & tropico Cancrī subest, relictis ad læuam Iucatana & Coluacana insulis, ad aduersam intimi sinus frontem applicuit, iuxta fauces ingentis fluminis, quod Panucum vocant. Ibi per interpretes Iucatanae & Coluacanae homines, quos anteriore expeditione adiuerat, didicit ea litora esse continentis, quæ molli flexu hinc Vrabanis litoribus annectitur, illinc verò ad Septentrionem vastissimo tractu his terris, quas nauæ Baccalauras vocant, se coniungit. In ea litorum plaga alterum se Isthmum reperisse Verazanius Florentinus referebat, qui de ea regione peculiarem commentarium conscripsit, & postea apud Darienem, dum curiosius nauigando naturæ abstrusa planeque deserta scrutaretur, à Canibalibus, spectantibus è classe sociis, comestus est, ita vt non secus quàm in Vrabano Darienis litore, persimilem Isthmum in aduersa hac septentrionali ora naturam posuisse ideo credendum sit, vt per eos exterior Oceanus deprehendi posset, & fortasse nauigari; sicuti Vasco Nunio euenit, qui primus Isthmum transcendere ausus, pelagum ad Perurana & Cuscana aurifera Regna pertinentem, adiuuenit. Neque enim dubium videri debet, quin ea æquora ad Arctoas partes vergentia, eius sint Oceani, qui terram vniuersam circumambiens ad Sinarum & Cathainorum orientis oras, & denique ad beatas Molucas Insulas obuertatur. Cæterum Cortesius incolas blandissimis sermonibus, & promissis, atque item muneribus sedulò permulcēs, reperiēbat eos, sicuti in Iucatana & Coluacana vidisset, idola lignea atque aurea, variis ferarum & draconum effigiata formis, tanquam Deos colere, atque his placandis, noxiorum cruore sacrificare, non absimili superstitione, qua antiquissimos Druydas litare solitos, numinaque placare Cæsar scribit; sic vt hunc sacrificandi morem inhumanitatis atque sæuitiæ plenum, olim allatum ex his terris in Britanniam, atque inde in Galliam manasse putemus. In mediterraneis porro Cortesius perampla ditissimaque Regna Mexicanæ prouinciæ extendi ad occidentem audiebat, quæ hominibus ingeniosissimis, atque omnis elegantiae cum literarum & Musices, tum mechanicarū quoque artium studiosis incolantur; vtpote qui in morem propè nostrum ædificant, & calce, gypso, marmore vario, & scætili lapide, scætilibusque abundant; nec pictores desunt, qui cuncta coloribus exornent. Incessit Cortesij animo ingens cupido agnoscendi ea Regna, quæ multo auro, argentoque, & pretiosis gemis abundare, sub æquatoreque sita, singulari, eaque saluberrima cœli temperie, & stupenda soli vbertate gaudere ferebatur. Nec voto defuit Fortuna: nam Cortesius astuto ingenio vir, vbi didicit eadem libidine,





libidine, qua apud nos Mexicanos populos inter se de finibus & de potentia armis decertare; se se propinquiore Regulo aduersus hostes eius, auxiliarem belli que socium alacriter obtulit. Habebat enim sclopetariorum & balistariorum hastatorumque exiguum certe, sed egregie validam armis atque ausis manum; & super hæc (quæ Barbaris miraculo fuit) galeatorum equitum turmam. Neque enim his in regionibus quisquam equum vidit. Itaque isto fœdere, Barbari iussu Reguli cuncta onera armorum & commeatus humeris subportantibus, & curulia minora tormenta trahentibus, conferta sunt eo euentu multa prælia, ut Barbari hostes territi tormentorum bombis, equorumque stupenda specie, & multa passim cæde prostrati; subactos se & planè victos faterentur, & in ius hostis Reguli ultro deuenirent, & clementissimè reciperentur, ita scilicet consulente Cortesio, ut amplificatis viribus, ascitisque secum amplioribus auxiliis, aduersus Mutezumam potentissimum inter Mexicanos Regem, & in Temistitana vrbe, Venetæ vrbs in modum vndique pernatiabili, regnantem maturè contenderet. Idem fuit animorum habitus & armorum vsus apud populos Mutezumæ imperio subiectos: Nam ad equitum conspectum obstupescerent, prostrantesque se ad tormentorum crepitum, confertis demum manibus inulti cadebant; quod ligneis machæis & præfixis cornu iaculis, sagittisq; harundineis, magna parte corporis nuda dimicarèt: eo quidem iniquius, quod gladiatorum & lancearum latas plagas horrerent, & equites vnum integrum Centaurorum specie animal esse existimarent; cæloque à nostris euocari fulmina, & à Diis benignè concedi aduersus hostes arbitrantur. His detrimentis atque miraculis Mutezuma terrefactus, se repente dedit, & ad Cortesij authoritatē cunctos Imperij sui populos contulit. Sed postquam se dederat, quod deditiois poeniteret, excitare rursus ad rebellandum



populares suos, & fugam parare diceretur; ei compedes iniectæ sunt, qua miserabili deformitate nihil impotentius & durius imponi posse Barbari eiulatu & lachrymis id significantes ostendunt; quod Rex Regum immensæ Fortunæ fastigium dudum tenens, seruilem contumeliam subiisset, quam ut vindicarent quidam de populo, & ut Regem tanto eximerent ludibrio, in superiore porticum, ubi Mutezuma victus sedebat, lapides conijcere cœperunt, frustra Cortesiani prohibentibus. nam Mutezuma caput ictus, paulo post interiit, ei que demum post multam & cruentam contentionem Cortesius suffragio multorum Regulorum suffectus est eo titulo, ut Cæsaris supremi Imperatoris se vices gerere præsumeretur. Exinde vltiora perquirere, quod Mexicanæ regiones auro scatere, & gemmis atque margaritis abundare varijs percundationibus; nec longe abesse Oceanum comperisset, nouam expeditionem ad occidentis oram maritimam suscepit; eo quidem apparatu, ut non modò sarcinarum & tormentorum onera secum ferret, sed duos etiam myoparones certa soluta membrorum compage plicatiles, multiplicatis seruis comportari iuberet, ut his tentaret Oceanum, quem non amplius quingentis leucis abesse constabat. Exitinere cuncti incolæ trahenti tormenta atque equites, expositis com meatibus paruerunt, atque omnibus officiis amicè collatis euntem secuti sunt. Medio ferè itineris spatio conspectus mons est altissimus, & in cacumine niuosus Ætnæ Siculæ modò flammæ euomens, & ignitos pumices eructans, atque inde ad Oceanum est peruentum, qui vastis dextri litoris anfractibus frequentes Insulas ostendebat, magna ex parte desertas; in quarum vadis multi vrinatores deprehensi sunt, legendis conchis & vnionibus intenti. Existimabat Cortesius ea æquora, quæ essent scopulis præpedita, nec leuibus nauiculis turò tentari posset, obuerti in Orientem, famamque esse apud incolas, ad extremum Occidentem reperiri ingentes Insulas omnibus aromatum atque vnionum diuitijs abundantes; sic ut maximè lætaretur, quod in occidua parte reperiri posse speraret nouum orientem, si maioribus nauigijs ea maria sulcarentur. Igitur Cortesius latè explorato litore, notatisque nemoribus, vnde materia ædificandæ classi cædi posset, Temistitan est regressus. Ibi Barbarorum templis ritè expiatis, Deo Christo & Deiparæ virgini solennes aras erexit, & Baptisterium condidit. Nec ei admodum difficile fuit docilibus ingenijs veræ religionis cultum persuasisse, & sacro fonte certatim ad eam cerimoniam accurrentes lustrare, mysteriaque nostri ritus singulis insinuassee. Indigenæ siquidem aduenas non homines, sed Heroes esse arbitrati, qui à magno numine in eas terras missi fuissent, à quibus ipsi verum Dei cultum & admirabiles artes, quibus perpetuò beati forent, benignissimè docerentur. Non esse amplius ipsis à quoquam finitimo hoste vim & arma extimescenda, postea quàm inuictæ gentis præsidio terra marique tutissimi cuncta hostilia in posterum contempturi, & perpetua ciuili pace gauisuri viderentur; quod Cortesius non dubio magni numinis nutu humanas actiones ad iustitiæ normam apto quodam seueritatis & clementiæ temperamento reuocaret; malefactorum reos ad exemplum punire solitus, quum aliqui deprehensi, more nostro virgis cædi; alij reiectis in terga brachijs ex trochlea suspendi quatiq̃ue, alij insertis in binas trabes cruribus in custodia fixi atque inedia torqueri iuberentur. Amplissimum enim carcerem ædificarat, qui liberæ gentis grauissima pœna putabatur. His institutis & moribus vsque adeò Mexicani profecerunt, ut quum Cortesius per concionatores interpretes multa de diuinis rebus & de Romani Pontificis auctoritate Carolique Cæsaris summi principis potentia atque virtutè differeret, duo illustres gentis proceres publico decreto instructa legatione ad Cæsarem in Hispaniam, atque inde ad Clementem Romam vtrunque piè veneraturi mitterentur. Hos Romæ nos vidimus pari colore & coma & ingenij alacritate nostris subfuscis ferè persimiles, quos Clemens imaginulas aureas dono afferentes ita remuneratus est, ut conuestitos duplici veste serica, equestri dignitate honestaret, binisque bullatis baltheis cum totidem inauratis gladijs & pugionibus, atque item singulis aureis torquibus exornaret. quibus læti muneribus ad suos redierint, & multa (vtrique postea accepimus) de magnitudine Urbis moribusque & ceremoniis nostrarum gentium retulerint. Exinde Cortesius domum Regij prætorij instar Temistitano in foro pereleganti structura ex vario marmore sculptrisque lapidibus ornatissimam, quam nonnulli Hispanorum Granatensi Alambra vel ob id anteponunt, quod coloratis lapidum zonis admirabili specie distinguatur, cohærentesque habeat hortos, scaruriensibus vndique per syphones & iocundè salientibus lymphis. Ipsa namque vrbs Temistitan circumfluam habet paludem, per quam longis pontibus continenti iungitur; vberimosque dulcis aquæ, quod falsus sit omnis ex palude humor, habet aquæ ductus, qui lapideis & turritis ciuium domibus in omnem vsum limpidissimas aquas suppeditant. Posita est hæc vrbs medio ferè spatio inter tropici Cancrilineam & æquatorem. Cæterum Cortesius non diu tantæ Prouinciæ imperio potiri potuit. Non secus enim ac antea Columbus, inuidia tantarum opum accersitus est in Hispaniam, muneraque gemmarum & margaritarum supra opinionem pretiosa Cæsari dono dedit, à quo præmium retulit Vallij oppidi donum, quod ad eius posteros transiret: successorque ei summa cum auctoritate ad Mexicana Regna transmissus est Antonius Mendocius, Tendilij filius; qui vti est ingenio generoso, optimisque instructo literis, & honestæ gloriæ



gloriæ avido, vltiora profecto Regna atque exoptatum iter ad Molucas nobis aperiet. Cortesius verò in Africam secutus Cæsarem, Algeriano naufragio insignem pretiosæ suppellectili suæ iacturam fecit. septennioq; post, qui humilis Medelini oppidi ciuis, filius fuerat, (id est apud Anam amnē) munere Cæsaris illustris appellatus, apud Penates suos non planè senex fato concessit, paulo post quàm nobis effigiem suā inter præclaras imagines in Musæo nostro collocandā misisset.

F. FRANCHINI Cosentini.

*Alcides lata multum telluris obiuit,  
Victor & ante alios clarus in orbe fuit;*

*Clarior Hernandus, nam plus telluris obiuit,  
Plus maris, ignotos vicit & Antipodas.*

Eiusdem.

*Liber ubi Eos deuicit belliger Indos,  
Iussa dedit populis ut sibi thura darent.  
Hernandus contra poni sibi noluit aras,*

*Alter a ubi est armis India victa suis.  
Est igitur Baccho maior Cortesius; hic se  
Abnuu esse Deum, ut fuit ille Deus.*

Sigismundus Poloniæ Rex.







**H**UNC augusti oris speciem, quum ætate floreret Sigismundus Sarmatiæ Rex ferebat, inter nostræ ætatis fortunatos Principes adnumeratus, si longævitæ & firmissimæ valetudinis commoda, cum diuturnitate imperij, quod semper ei incolume atque tranquillum stetit, ac illustrium cognationum claritudine computentur. Is enim à Casimiro patre Regno accepto, alterum & quadragesimum regnavit annum; octuagesimum autem paucis concessio leniore vitæ exitu absoluit; nullis profectò acerbioribus intestinis aut externis bellis tentatus, utpote qui graui instituto securæ domi paci obnixè studuerit, & foris de barbaris infesta arma temerè inferentibus, insignes victorias rerulerit, quum per legatos summæ peritiæ atq; autoritatis superiorum temporum accepta detrimenta, redditibus expiasset. Nam Tartari ad Socalum cum Polonis congressi, Rossolanorum temeritate potius, quàm sua virtute victores euaserant, & Moldaui ad Ozocouiam Alexandri Regis exercitum profligârunt. Conuersa itaque Fortuna ad Sigismundum, Constantinus Ostrogus Ruthenus, Tartaros æternos hostes apud Seluchum, atque iterum ad Visnoueciam memorabili strage edita superauit. Idem quoq; Constantinus pari felicitate ingentem victoriam de Moschis ad Orsam flumen iuxta Smolenchum est consecutus. Cæterum Moldauos Ioannes Tarnouius, inclytæ virtutis Dux, ita debellauit, ut Petrus ipse Moldaviæ Princeps amissis Ducum & militum suorum primariis vulneratus, exutusq; tormentis & castris, vix manus victoris effugerit. Hæc quam præclara multiplicis victoriæ trophæa Sigismundi gloriam in immensum eueherent, id tamen plurimum ad summæ prudentiæ salutemque Regni nomen maximè pertinuit, quod constantissima fide pertinaciq; studio, pacis & amicitiae fœdera cum Turcarum Imperatoribus sanctissimè coluerit, quanquam eum Christiani Reges specie pietatis & noui decoris proposita, ut secum consentiret atq; arma sumeret, vehementer incitarent. Providebat enim Rex senex, vnico innixus filio admodum puero, ideoq; in capiendis grauioribus consiliis nunquam præpropere & incautus, recasura in ipsum tanquam periculo proximum Othomannorum arma, quibus nisi maximis & semper paratis copiis resisti posset; nec Polonis sociorum longinqua auxilia, ut hosti propinquo ad prædam expositis, expectanda viderentur. Ex ea quoque Turcarum amicitia Sigismundus non obscurè se præmunitum atque defensum aduersus finitimos hostes intelligebat, quando ea esset Othomannorum vetus consuetudo, ut socios in amicitiam clientelamq; receptos, aduersus omnem iniuriam promptissimè defendant. Quorum vsque adeò grauis autoritas apud Tartaros, Moldauos & Moscos valebat, ut quod minus se commouerent, & in Polonia fines incursiones facerent, imperiose detererent; & ipse Sigismundus à Solymano honoris causa amicus & pater appellaretur. Regiæ stirpis stemma nequaquam altè à nobis repetetur, contenti Iagelonis Regis memoria, qui duos genuit filios, Ladislaum Polonici Regni successorem, & Pannoniæ demum Hungarorum procerum accitu Regem creatum. Hunc victoria ad Nicopolim tumultuariè parata, cupiditate gloriæ elatum, & fœdera recentis pacis abruptentem, quum iniquo fato in Bulgariam penetrasset, Amurathes in Varnensibus campis trucidauit. Huius frater Casimirus Regnum suscepit, Rex egregiè fortis, & de Pruthenis atque Germanis insigni parata victoria celebratus. Hic plures liberos, Imperijque hæredes reliquit, utpote qui rara felicitate quatuor Regum pater fuerit: Successit enim ei Albertus, & mox Alexander; quum hic quinque, ille octo annos regnassent. Quibus demum successit Sigismundus, quum Vladislaus quarto loco ei natus frater ad Bohemicum Imperium, atque inde Matthia defuncto ad Pannonicum transiisset; & Federicus postremus tantæ sobolis frater, purpurei galeri & Senatoriæ dignitatis honorem à Romano Pontifice esset consecutus. Habuit Sigismundus in matrimonio uxores duas, Barbaram Stephani Zapolij Transylvaniæ Præfecti filiam, quæ Ioannis Pannoniæ Regis germana soror fuit, ex qua Hetuigem filiam sustulit, Brandenburgensi Regulo, Romani Imperij electori nuptam: secundo autem loco Sfortiani sanguinis uxorem duxit nomine Bonam, quæ ei hunc Augustum hodie regnantem peperit, & Isabellam Ioanni postea Pannoniæ Regi nuptam, ut inde Regia proles Hungarico nomini pararetur. Itaque Sigismundus inter beatos proculdubio referri potest, postquam auo patreque Regibus editus, patrum Regem & tres fratres Regio diademate insignes, atque item fratris filium & sororis suæ fratrem Regem simul & generum vidit. Senio autem confectus aduocatis Regni proceribus Augustum filium sibi successorem decreuit, accuratissimisq; precibus commendauit. Nec multo post leni tentatus morbo excessit è vita, eò etiam felicior, si pietatè Christianam respicias, quòd ei ipso die, quo Saluator noster Deus Christus Paschali die ab Inferis surrexit, in cælum emigrare contigerit.

M A R T I N I C R O M B R I Sarmatæ.

*Ciuihus externisq; mea est clementia nota,  
Consilium, grauitas, religio, atq; fides;*

*Pax mihi cara fuit, tamē haud me impunè laceffit  
Theuto, Lino, Moscº, Turca, Scythæ, atq; Geres.  
David*



# Dauid Maximus Abyssinorum Aethiopum Rex.



ETHIOPEs cucullati Sacerdotes, qui post maximum Vaticani templum sedem & delubrum habent, communi consensu eam sui Regis effigiem verissimam affirmant, quam Petrus Aluares Legatus cum cruce aurea ad Clementem Pontificem detulit. Is postea nobis ex commentario Abyssinorum regiones & mores explicauit, quæ omnia a nobis in Historiis suo loco ita diffuse enarrata sunt, ut nihil quod ad dignissimarum rerum notitiam pertinere possit, desiderari queat; qua de re, in exprimendo Dauide astrictiore utemur Elogio, ne his fastidio sim, qui historias nostras perlegerint. Hoc autem de eo Rege totius cogniti orbis longè maximo dici potest, quod non modò Christianæ religionis dogmata & cerimonias profiteri, sed his propè Iuris ciuilibus legibus, & uti nos disciplinæ militaris institutis, tot sua Regna auctoritate summæ iustitiæ rueri consuescat, eademque ei sint iura in profanos & sacratos sacerdotes, quæ apud Romanum Pontificem vigent. Huic Dauidi proxime defuncto, quem vulgò Preteianem vocant, duo insignia cognomenta contigisse, Abyssini referunt; scilicet Atanadidinghil, quæ vox virginum thus exprimit, & Bellulgian, quod inæstimabilis pretij gemmam significat. Sedes habet non procul à Nili fontibus inter paludes eius ingentis amnis, qui irrigatione terras omnium solo nascentium vbertate fertilissimas reddit. Usque adeo autem eius Regna longè la-



teque extenduntur, ut finibus ab occasu Atlanticum Oceanum attingant, introitus Trogloditarum damnatis terris inferantur, & ab Oriente ad Arabicum usque sinum pertendant, ubi Aracum portum Abyssinos frequentare constat. Dauidi cæterisque Regibus, quum in publicum prodeant, cæruleo tenui serico velare faciem, & sinistra manu argenteam præferre crucem mos est. Mutare sedes translatis tentoriis, & valida numerosaque iuuentute noctu atque interdum custodiri solent. deferuntur lectica interdum aperta succolantibus seruis. In conficiendo autem longiore itinere, mulabus quam equis vehi malunt. Ipse Dauid omnibus castimonie mundiis clarus, vxore vna contentus fuit; liberos suscepit plures, e quibus natu maximus à Sellano Arabum Rege acie interfectus est, cuius acerbæ cædis dolor, quanquam egregie à fratre victore, qui improvisam Sellano hosti cladem intulerat, vindicatus videri posset. Dauidem tamen patrem adhuc statura ætate florentem ad mortem adegisse creditur; sic ut Claudium hunc, qui hodie regnat, secundo natum loco Imperij successorem reliquerit.

## P E T R I A N G E L I I Bargæi.

*Expressam effugiem mira quam conspicis arte  
Hospes, & horrentem capitis mirare capillum,  
Nigrantesq; genas, nigrantiaq; ora, manusq;  
Inspectas, tecumq; alto sub corde volutas,  
Quis sit, & unde genus ducat, quo magnus in orbe  
Imperet, illustres nobis ponatur, ut inter  
Heroas clari spectandus imagine Regis.  
Hic ille est, qui iura dabat, legesq; ferebat  
Æthiopum populis media sub sydere Libra.  
Tempore quo nostra superato gurgite vasto  
Hesperidum terras circum, cælumq; profundum  
Percurrere rates, aliisque sub orbe pararunt  
Imperium, inuicti tremere ut Caesaris arma  
Insula Oceano in magno, regna inuita viuis  
Credita, & exuri radiis plaga Solis iniqui:  
Scilicet audaces tum primum Atlasq; Garasq;  
Valuæque & horrifico pulsatus cinnaba fluctu  
Vltra anni Solisq; viam stupere carinas  
Ire, atq; Herculeis conuulsis aquare metis  
Sulcare ignotas temerè vada caca per undas.  
Tum quoq; Pistricesq; fera, atq; immania Cete,  
Monstraq; præteritis non unquam cognita seclis,  
Horruerunt rapido volitantes flamine pinus.  
Quin ipsi è cana prognatas Tethyde nymphas,  
Pube tenus placido superantes marmore nauta  
Videre, & membris immanibus Aegæona  
Sæpe fatigantem terga horrida Balenarum.  
Neptunumq; patrem, tumidis qui præsidet undis,  
Felicem orarunt reditum, ventosq; secundos,  
Et patrias certè remeassent undiq; ad oras;  
Ni gens crudelis sylua insedisset iniqua,  
Figere lethiferis hostem consuetæ sagittis,  
Et miseros toto palantes littore nautas.  
Ah miseros nautas, tam saue opprobria mensæ  
Funderet, & raptos lentum torreret ad ignem,  
Diraque dissectis satiare viscera nembris,*

*Atq; atro ingluuiem miserorū sanguine sedam  
Pasceret, ac tepidos lanaret dentibus artus.  
Tum verò si quis Smyrnei carmina vatis  
Legerat, & diuam Circem, sauosq; Cyclopas,  
Et Lestrigonia portenta incognita terra  
Riserat, ignaro miracula prodita vulgo,  
Ambigua didicit magno in discrimine vitæ.  
Docto aurem, certamque fidem præbere Poëta.  
At non hunc tamen insigni diademate clarum  
Quem spectas, diri dirum genuere parentes.  
Non regio hūc mater magnorū horrenda Gigantiū,  
Difficilemque aditu Regem, alloquioque superbū  
Protulit hospitibus dias in luminis auras.  
At culti Æthiopes gens fortunata Canopi,  
Quæ sæpe Oceanum, sæpe Oceanitidas omnes  
Numina magna maris, tū Pana Iouemq; supremū  
Excipit hospitio, ac mensa dignatur honore.  
Indigenam venerantur vti Regemq; patremque,  
Scilicet his Nili fontes, quos viuida tellus  
Imbibit, & magnis fecundat mæsis agros  
Suppeditant lymphas, dulces canantibus haustus,  
Quas illi assidue multo cum neclare potant.  
Horum nulla fames & amor vesanus habendi,  
Morbo infelici, tristisque cupidine mentes.  
Sollicitat, longa iamandum in pace quietas.  
At nos infasti proles scelerata Prometheus,  
Insanas ut opes miseri cumulemus, & altos  
Thesauros imis argenti auriq; metalla  
Visceribus terræ effossis scrutamur, & ipsum  
Vertimus heu saui cognata in corpora ferrum,  
Et consanguineo sedamus sanguine dextas.  
Iam iam igitur cuncti placidas vno agmine terras  
Desertis aliquando Asiae Europæque ruinis,  
Victuri longumque annum, & diuturna beati  
Ocia ducturi, tanto sub Rege petamus.*

Muleasses



## Muleasses Tuneti Rex.



**E**RAMPLVM in Africa Regnum, cæterisque ab honore vetustatis, augustius tenuisse constat hunc Muleassem, quem celeberrima Cæsaris victoria nobis clarum, & immitis eius fortuna miserabilem fecit. Repetebat ipse, vetustissimam Tunetani Regni originem ab his Pœnorum Regibus, qui ante sexcentos annos ab aduentu Arabum totius Africę regiones, maritimaque præsertim Regna multitudine sua, quæ inuicta armis extiterat, occupantes Mahometis sectam vsque ad Oceanum, & Atlantica Regna protulerunt, vnde postea Almanzor immensæ virtutis atque potentiæ Rex, cui Emiramolino cognomen fuit, à Mauroco clarissima vltioris Mauritaniæ vrbe ingenti ausu in Hispaniam traiecerit, & post deuictos multis præliis vtriusque Hispaniæ Reges, in Bætica Granatæ Regnum condiderit. Hic Muleasses magna vi corporis fuit, excellentisque industriæ in omni exercitatione equestris disciplinæ, sed ingenio rapaci, suspicioso, & in omnem libidinem effuse propo sædoque, & quod immanius fuit, erga suum sanguinem perfidiosissimè cruento. Nam Mahometis patris mortem accelerasse fraude Lentigiæ matris, & quosdam è fratribus iugulasse; alios crudelem in modum oculorum luminibus priuasse ferunt, & quod supranefarij criminis consilia cum sibi tum populo Tunerano exitiale fuisse constat, Turcas prædones in Africam accersuit, portumque eis atque urbem concessit ea conditione, vt eorum prædæ quinta parte potiretur. Rex erat plena quidem præsentis & opimi



quæstus, sed maximè inuidiosa, quòd communibus humani generis hostibus Tuneti tutissimus esset receptus. Per hunc modum quum piratæ Africæ litoribus insiti, multa cùm Siciliae atque Italiae, tum Sardiniae & Corsicæ, omnibusque Hispaniæ oris detrimenta intulissent, classemque Hispaniensem interceptissent, sese cum Harjadenò Barbarussa consociarunt, qui Solymani ingenti classe subnixus, instructo insigni dolo Tunetum occupare cogitauit, & fauentibus quibusdam Pœnorum occupauit, eiectoque Muleasse, sese Tuneti Regem constituit. Tum verò Cæsar suscepta Muleassis causa, aduersus Barbarussam bellum suscepit, tanto apparatu, vt expugnata Guleta, quæ erat ad stagni fauces imposita munitio, ipsoque demum Barbarussa acie fuso, Tuneto potiretur, atque hostem fugientem magna parte classis exueret. Eo modo Cæsaris beneficio reductus Muleasses, septem regnauit annos, nihil de antiquis moribus remittens, vel auaritiæ vel crudelitatis, vsque ad id tempus, quo Barbarussa à Solymano cum classe ad præsidium Galliæ Regis mittebatur. Huius tanquam veteris & formidandi hostis classem veritus Muleasses, eo consilio ex Africa Neapolim venit, vt terrestri itinere apud Genuam Cæsarem adiret, quòd maiora præsidia ab eo impetranda viderentur. Sed Cæsare Sicambrii belli consiliis occupato, Neapoli subsistere iussus, amittendi Regni periculum, quod ab hoste Turca Harjadenoque timuerat, à perfidiosissimo Amida filio inexpectatum subiit. Amida siquidem cunctis vitiis patrem imitatus, edita fama, quòd Muleasses apud Christianos abdicato prius Mahometis cultu impiè deficiens, non multo post morbo periisset, Regnum tanquam Rege patre orbaturum occupauit. Quo nuncio percutus Muleasses, filij perfidiam omnino armis vindicandam, repetendumque Regnum existimans, tumultuarias Neapoli copias conscripsit, Lofredioque Neapolitano Duce in Africam traiecit, & ad Guletam appulsus, vel detestante Touarre Hispano, Guletani præsidij præfecto, præproperus nimisque raptus Regni desiderio, & vlciscendi filij cupiditate, sublati signis secundum stagni litus Tunetum ire perrexit, eo euentu, vt erumpentibus ex insidiis Amidanis militibus, nullo propè negotio eius copiae ex tyronibus confectæ, profligatæ ab equitatu omnes cum Lofredio Duce deleterentur, ipse vulnere accepto caperetur, cui Amida filius nihilo patre melior, oculos ignito scalpro expungi iussit. Eum tamen tanta calamitas tulit euentum, vt Amida aliquanto post à patruo Regni possessione pelleretur; quo casu Muleasses noui Regis, eiusdemque germani fratris pietate carcere eductus, ad Guletam Hispanorum beneficio peruenerit. Nec multum inde discedens Muleasses Neapolim iterum traiecit, magnoque miraculo miser Romam venit. Ibi tum nobis ex eius humanitate perdiscere licuit, quæ ad historiæ nostræ fidem pertinebant. Sed qui in disciplinis Philosophiæque ex dogmate Auerrois non mediocriter eruditus, vel in tanta miseria pulsus, orbatuque oculis, Regium fastum prætulit, vt deductus ad Pontificem non aliter adduci posset, quàm vt genu tantum exosculato eum veneraretur. Transiit demum ad Cæsarem in Germaniam, accusauitque Touarrem furti, quòd depositam apud eum Regiam gazam, dissutis culeis inhumaniter decumasset. Sed multa refellente Touarre, atque magnificè causam dicente, ita dimissus est Muleasses, vt Siciliae præfecto alendus mitteretur, vsque ad id tempus, quo Andreas Auria & Ioannes Vega Siciliae Prorex, Garziasque Toletanus Neapolitanæ classis præfectus, expugnandæ vrbs Africae negotium susceperunt. Dum ea vrbs (olim Leptis parua, hodie Mahomedia à Barbaris vocata) terra marique à nostris quateretur, adessetque Muleasses auditor strepitus, potius quàm pugnae spectator, antequam expugnaretur, morbo interiit; vt aiebat, nihil à syderalis artis prædictione deceptus, quæ suo fato, & in Africa moriturum, sed non exulem prædixerant. Deductum est eius funus frequentissimo Pœnorum omnis generis comitatu, ad Carouanam sacrosanctam apud Barbaros urbem, in qua inclytos Reges, & generosos Numidarum Regulos tumulari mos est.

## I O V I I Iunioris.

*Linque tuas rupes, & inhospita saxa Celeno,  
Infandis Strophadum fixa diu scopulis;  
Currite vos alie Harpyæ, furialia monstra  
Non Calais, Zetes non agitator erit.  
Huc agite, antiqui renouetur fabula Phinei,  
Atque iterum intactas polluite ore dapes.  
Non erat Oedipodes, qui fœda ob crimina lucem,  
Ipse sibi infensis vnguibus eripuit.  
Pœnorum ille fuit cunctis notissima labe;*

*Maurorum ille fuit pestis & opprobrium.  
Nec duro exilio factus miser atq; superbus,  
Pontificis sanctis oscula dat pedibus.  
Eruit huic lumen natus, vel numinis ira,  
Illius vi fratres, & pater vltus eat.  
Tu tamen his gaudes scriptis Rex Barbare, q; te  
Posse diu credis viuere in historia.  
Scribitur hæc aliis, nec tã impia facta sequantur,  
Vig. author scelerum in Tartara solus agas.*

Pyrrhus



## Pyrrhus Stipicianus.



**H**

A c verè militari fronte, atque his ferocibus oculis, & inauratis armis, constantis pugnacissimi què animi vim præferebat Pyrrhus Stipicianus è Baleona familia; sed Columniæ domui per clientelam insertus, quum sub M. Antonio atque Pompeio adoleuisset. Is nuper subitaneò ereptus morbo discessit è vita, ut novissimum inter imagines locum teneret, usque adeò importunè, ut ei summus inter secundæ classis Duces, militiæ decus eriperetur. Erat enim ex multo usu militiæ, opinione virtutis eò prouectus, ut se dignum militiæ honorem, quo virtus enitescere posset, maturè consecuturum speraret. Recentis siquidem obsidionalis coronæ decus retulerat ad Carinianum, ab Anchiano circumvallatus & obsessus, tanta utrinque pertinacia, ut ille victor omnes spes proferendi imperij abiiceret, modò obsesso oppido potiretur, & ex aduerso Pyrrhus, vel consumptis omnibus alimentis priusquam se dederet, extremæ inopiæ discrimen subeundum esse arbitraretur. Verùm lurida mors ex fame in proximo spectata, utrinque pertinaciæ finem imposuit. Desperatis namque auxiliis, quas necessitas exprimebat, conditiones ab hoste ita accepit; ut polliceretur Germanorum atque Hispanorum cohortes, quibus præerant Felix Archius & Sanmichael Hispanus, intra quartum mensem nullam Cæsari operam naturas, atque ipse continuò ad Franciscum Regem in Galliam proficisceretur. Hoc optima fide præstitit Pyrrhus, quanquam Hispani occupato Brixello, pactiōis fidem minimè seruassent.



Rex generoso animo clementiæ laudem captare solitus, Pyrrhum humaniter excepit, & uti erat vel in hoste præclarus virtutis æstimator, ei apud se militare volenti liberaliora obtulit stipendia; sed is Romani pudoris plenus, de salute libertateque gratias agens, cuncta alia renuit, benigneque dimissus, ad Cæsarem contendit, qui tum in Belgis Sandesirium oppidum expugnabat. Ab eo Pyrrhus virtutis nomine Mortaria oppido, quæ est inter Ticinum atque Nouariam, donatus est; quanquam ei grauius Vastius succensuisset, quod perpetuis eius obtestationibus & precibus adductus, ad Ceresolam cum Gallis configere maturasset, ut extrema (sicuti aiebat) fame perdomiro, & tot fortissimarum gentium cohortibus vix præ inedia effigies hominū sustinentibus opem ferret: cuius infaustæ pugnae casum postea minus necessarium compertum est, postquam vel desperatis auxiliis, per quadraginta amplius dies maiora etiam auctioraque obsidionis incommoda pertraxisset, scilicet ut effecta grauioris periculi necessitate, ipsius imperatoris diligentiam magis & magis excitandam putaret, graui cum discrimine vniuersi belli. Verum hæc Pyrrhus ita diluebat, ut aliquantum frumenti ab se cuncta perscrutante, abstrusa in scrobe nouissime repertum diceret, quo se insperato subsidio milites aliquandiu in ediam tolerasse faterentur. At Vastius eius rei excusationem dissimulanter excipiens, quod pro sua pristina virtute neque sibi neque voto Cæsaris satisfecisset, ad Cæsarem in Germaniam profectus est, ut ille de tota ratione atque euentu aduersæ pugnae certiùs doceretur. Eo autem animi habitu in Italiam rediit, ut eius prælij detrimento Cæsarem non obscure offensum crederet, conceptoque inde inexpiabili dolore & morbo, vir alioqui magnanimus, vitam defereret, & Pyrrhus Cæsaris munere lætaretur. Cæterum Pyrrhus qui insignem bello operam præstare cupiebat, quum honores militiae apud Cæsarem præoccupatos esse conspiceret, ad Venetos Italicæ libertatis iura tuentes se conuertit, apud quos magna esset minorum Ducum penuria, multis scilicet aut exauthoratis, aut fato sublati, inter quos Valerius Vrsinus præpropera morte ereptus (ut erat omni dignus laude) ingens sui desiderium illis reliquisset. Sed Pyrrhus dum miro patrum consensu militiae adscriberetur, vel multo virium robore validus, tridui morbum sustinere non potuit.

## I O V I I I Iunioris.

*Hunc cinerem, & magni saxum venerabile busti,  
Et nimis ereptum properè, è vitalibus auris  
Heroa insignem lachrymis decorate supremis,  
Ingentemq; animam mæsta ter voce vocate,  
Heu, pceres, quib. ardor inest, & gloria Martis.  
Quis melius fera bella colat? veneradag, iura  
Militia? tu frange comas, & percutite pectus  
Ipsa tuum Bellona manu, validisq; lacertis;  
Ensesq; & galeas, & forti hastilia ferro  
Disiice deturbans, immitiq; obrue ponto,  
Quicquid in Aeolis excussit Lemnius oris.  
Ille per Elysium, perq; umbriferas conualles  
Terrenam exutus molem, nostriq; laboris  
Secur, veteres Phrygas inter, et inter Achiuos,  
Romulidumq; Duces, Romani sanguinis ipse  
Nunc acres exercet equos, nunc agmina victor*

*(Passim pugnaci sternens quaq; obuia dextra)  
Proterit, atq; hostes cogit dare terga sequenti:  
Sed quid in Elysio prodest victoria campo  
Ausonia? quæ mæsta diu sarcire ruinas  
Hoc duce sperabat. Cimbro non illa furentes,  
Aut sauum duris Gallum extimuisse in armis  
Obsidio, & rerum tristis penuria testes.  
Ille animū inuictū nūquā in discrimine summo  
Deiecit, dum se crudeli traderet hosti.  
An se iactabit Casilini gloria tantum?  
Extremamq; famem perpeffa Petilia quondam?  
Nūc gemat Ausonia (et cerè hac est ira Deorū)  
Vos manes gaudete pū, sanctumq; per altos  
Fortunatorum saltus, sedesq; beatas  
Ferte Ducē, celsumq; humeris imponite vestris,  
Et tantam magno virtutem extollite cantu.*

## FINIS SEXTI LIBRI.



PAVLI



PAVLI IOVII EPISCOPI  
NVCERINI IN SEPTIMUM  
LIBRUM ELOGIORVM  
SVORVM

P R A E F A T I O

Ad COSMVM MEDICVM Florent. Ducem.



*NON miraberis candidissime Princeps, si complures qui suis seculis insigni bellicae laudis praconio floruerunt, hoc volumine praetermissi videbuntur. Nam ex professo eos tantum, quorum veras imagines nancisci potuimus, appositis Elogiis exornandos arbitrabamur, ut in libro iam pridem a nobis edito de Viris literarum elegantium doctrina inclytis studiosè servatum est. Quamobrem iam mihi licet iure optimo veniam deprecari, quandoquidem in hac tot imaginum supellectile comparanda, per triginta amplius annos perpetua curiositate incensus, neque diligentiae neque sumptui unquam pepercerim. Arbitrabar enim in hoc flexu etatis & praecipiti senecta, nullum omnino, abdicatis iam ceteris voluptatibus, vel honestius vel splendidius studium fore (sacrato praesertim viro) quam iocundam, & negotio liteque vacuum, maximeque tranquillam vitam instituenti, parasse viris elegantibus apud Museum nostrum peramaenae delectationis voluptatem ac vtilissimum animorum oblectamentum, his praestantissimis verae virtutis exemplis, quibus haec vita saepe anxia, & atri plena turbinis beatè composita, procul à molestiis & perturbationibus abduceretur. Ceterum viutorum quoque Ducum, & regnantium adhuc Regum imagines ibidem spectantur, quibus ideo pleniora elogia supposuisse puduit, quod (ut Poetae aiunt) ultimus vitae dies iudicet de omnibus, nec quisquam mortalium planè felix ante obitum dici queat. Praeduri quoque, & odiosi sit muneris viuentium mores publicae censurae subiecisse, tanquam aliquanto certiore malevolentiae quam praemij vel laudis spe. Quandoquidem apud multos hac tempestate parcè laudasse quam maledixisse, tantundem sit. In hos scopulos aliquando nos incidimus, quum Historias vel egregio fidelis ingenij temperamento perscriptas ederemus. Verum haec eodem robore constantis animi semper feremus, quo gravissimi Operis negotium aggressi, eam tantum ingenuo labore laudem tanquam securiorem & pleniorè à posteris potius, quam à viuis, non obscuro cum liore, aliena saepe legentibus, expectandam esse censebamus. Ceterum hic liber, qui viutorum Elogia continebit, illustri & astricto nominis tui Encomio claudetur; & optimo quidem iure, quum*

*domi tuae natus sit, ubi concessio nobili ocio elegantiora studia tuis auspiciis reflorescunt.*

*Vale.*





# ELOGIORVM LIBER SEPTIMVS.

Carolus V. Imperator.



**S**ALVE ter maxime Carole Quinte Auguste, à præclaro præcellentium virtutum concursu atq; præsidio inuictissimi Imperatoris cognomen merite; quum apud cunctas propè gentium omnium nationes splendidissima ingentium victoriarum trophæa statueris, vsque adeò felici euentu, vt tuam vim non modò Barbari Africæ, sed ipsi quoq; Antipodes, quos victoria tua nuper aperuit, intelligant & admirentur. Quandoquidem incôparabili inusitatæ virtutis tuæ documento indomitæ antea Romanis, vltioris Germaniæ gètes bello superatæ subactæq; Maiestati gloriosi nominis tui pareant, & tua signa vel ex longinquo etiâ, trepidissimè venerentur. Quo fit, vt qui votis ritè conceptis, pro salute gloriaq; tua Superis supplicant, à te hoc vnum, quod est verè summum, ad dignitatem tuæ amplitudinis expostulent; vt postquàm, vti maxime pius non obscura religione tangeris, de paranda communi concordia generosè decernas, scilicet vt publicis piorum Principum armis egregiè auctus & confirmatus, Solymani insolentissimi hostis fē-



his ferociam contundas. neque enim omnino erit difficile inermem aciem grauib. armis protecto agmine perfringere, eius hostis, quem victrices aquilas reformidantem, & planè vertentem terga nuper ad Viennam conspexeris.

## IOVII IUNIORIS.

Deuictas Turcarum acies, Lybienq. subactam  
Milite Caesareo victrix quum viderit Arctos,  
Vndantesq. procul Pœnorum sanguine campos  
Proluit horrenti, quos Bagrada concitus vnda;  
Quumq. minor genibus latis Germania terris;  
Atque tuas totus sub leges iuerit orbis;  
Vndique te canimus vates ter maxime Caesar,  
Præsentiq. tibi meritos largimur honores.  
Hic te monstrari populus gens Italia manu,

Quam tua si Parv. sublimis mole Colossi  
Effigies medijs latè caput inserat astris.  
Nam lapides atque erâ cadunt, quibus imber &  
ignes  
Officiunt, longiq. vorax iniuria secl.  
At te olim CAESAR cœlestia tecta tenentem,  
Complentemq. tuo felici nomine terras;  
Et tum etiam Lybie populis, Turcaq. timendum  
Ante alios longè mirabitur alta vetustas.

## Ferdinandus Rex Romanorum.







**E**T v quoque Ferdinande Imperator designate, Regiis multis virtutibus Cæsari germano fratri par, sed fortuna inferior, bonitati liberalis ingenij tui magis ac magis innitere, vt hanc rerum dominam tibi concilies, atque inde sicuti præclare optimus Regum omnium, amplissimus etiam fias. Neque enim satis est clementem, pium, liberalemque fuisse, nisi bona sors æquissimis consiliis tuis arrideat. Sors quidem, quæ omnia versat, & vti lubet, cæca libidine dare cuncta, & eripere consuevit. Adiisti quippe Pannonici Regni hæreditatem, quam legitimo iure cupiebas, quod id Regnum Rege orbarum vetustis & nouis fœderum legibus Austriaci sanguinis stirpem respiceret. Sed ius omne, quod præclare tuum est, immanis Barbarus sic interruptit, vt nouum hominem quorundam Hungarorum Procerum importuna assentatione, è Præfectura Transyluaniæ prouectum, beneficiarij iuris nomine Pannoniæ Regno imponeret, & à te demum felicibus armis profligatum, in contumeliam Germanicæ authoritatis reducendum tuendumque susciperet. Quod videri poterat ex dignitate Othomannici nominis confirmare clientem, & Christiana simul arma toties à maioribus suis victa contemnere. Huic namque seculo fatale fuit, vt nostrorum Regum animi veræ pietatis obliuiscerentur, exitiali que infania inter se peruicacibus armis dissiderent: scilicet vt Barbaris veris hostibus sterneretur via, qua illi nemine iustis viribus obsistente in viscera nostra penetrarent. Itaque virtuti tuæ tuisque tantum opibus innixo, non inane modò, sed funestum semper fuit, cum rabida, immensarumque virium præualida bellua colluctari, eritque semper & miserum nobis & luctuosum, nisi Cæsar frater tanquam alret inuictus Hercules, opem ferat. In dextra namque eius tam forti, quam felici præclare sita est spes omnis parandæ incomparabilis gloriosæque victoriæ, si æquam pacem piis Regibus religionis amore dandam censeat; hisque in societatem ascitis, eorum copiis atque opibus vti velit; sicuti Maximilianus auus tuus, summæ virtutis & pietatis Imperator ad propulsandum tollendumque publicæ salutis periculum opus esse sapientissimè decernebat.

## I O V I I Iunioris.

*Te quoque nubiferas, quæ Larinus alluit Alpes,  
Tot claras inter Regumq; Ducumq; tabellas  
Littore Lunato Musæa Palatia seruant,  
Spectandum populis Rex augustissime Regum.  
O verè egregium cunctis decus addite terris,  
Quàm bene Pannonij cura est tibi tradita Regni,  
Scilicet vt Duce te, nostris quandoque superbum*

*Finibus arceri speremus posse tyrannum;  
Qui velut immissus syluis arentibus ignis  
Quum furit, insano Borea spirante, per agros,  
Corripit è medio crepitantibus omnia flammis.  
At tibi nec virtus, spectataq; dextera bello  
Desuerit, tandemq; tuis, sic auguror, ausis,  
Conuerso felix studio Fortuna fauebit.*

## Henricus Secundus Galliæ

Rex.



**D**I v i Diuæque omnes te sospitent, magnanime Henrice, & paternæ virtutis æmulum faxint, modò illius totum iniquæ sortis omen auertant. Ex aliis namque Fortunam discas, quàm non longè semper ab inuicta virtute tuâ abfuturam experieris. Quandoquidem quæ optimo consilio prouideri queant, & Regnis tuis præsidio atque ornamento sint, initio statim Principatus statuenda censueris. Primum enim omnium ærario, cuius opibus cuncta belli & pacis munia constant, ita cauisti, vt Quæstorum impudentes prædas sustuleris, & totius propè venatorij sumptus luxuriem moderata lege correxeris, ita vt Agricolis in ipsa Regis voluptate minimè sit lugendum; & quod integri tui pudoris est, apud aulam licentiæ muliebris intemperiem castigâris tanta verecundiæ cura, vt matronæ omnes perillustri Reginæ exemplo (hæc enim lectissimis pudicitia moribus gaudet) suū perspicuæ famæ decus respiciant, & solis nobilioris elegantiæ munditiis extra suspectas dubij pudoris illecebras, pudici nominis laudè tueantur. Iustitiam porro tanta seueritate colendam instituis, vt nihil apud Iudicū collegia promercale, nihil apud Equitum ordines corruptum, & nihil denique in causa religionis deprauatum, vel pæculo suspectum, vel vlla ex parte supinè neglectum esse patiâre. Nec mirū est, si hos mores in te iuvene veneramur, atq; suspicimus; postquam (quod est grauissimi & saluberrimi iudicij tui munus) toti summæ arcani consilij præfeceris Carolum Lotharingi Cardinalē, singularis innocentiæ, pietatis atq; prudentiæ hominem, à te propter fidem industriamq; mirificam in minore fortuna delectum. Quod verò instauratæ florentisq; militiæ interest, ipsum Annæum Memoratium, è villa sua Centellia, vbi fœmineis delationibus ac artificijs pressus importuno Reipubl. tempore iacuerat, in aulam euocaueris, quod nemo eo sobrij constantisq; iudicij gravitate, aut perpetuo armorū vsu castrensiū





castrensiūque rerū notitiā, tuendæ Galliæ, & proferendo imperio Dux potior, atque præstantior exoptari possit. Itaque mæste tuā iam bis cū in Alpibus, tum in Belgis spectata virtute pernobilis Rex, perge ut cœpisti, & virtutem, & pietatem cōle, ut Fortuna pudore victa, fortibus ausis tuis arrideat.

BENEDICTI VARCHII.

*Quid Regem verè Regem, lateq; potentem,  
Præstantem bello Regem, studiusq; Minervæ  
Insignem addeceat, si scire Henrice laboras;  
Henrice Francorum decus, ac nova gloria gentis,  
Non alius quisquam citius, meliusve potest te*

*Patre docere tuo, magnum bene consule patrem;  
Patrem imitare tuū, quo nullus tempore in omni  
Omnibus in rebus maior fuit, aut erit unquam.  
Ex illo virtutem omnem, verumq; laborem,  
Fortunam ex alijs tantum, didicisse memento.*

Christiernus Daciæ Rex.



VI s neget te, Christierne mortalium immanissime, nequaquam ex merito nefariæ crudelitatis dantem poenas, non quidem à Fortuna, quæ sæpe incari, neque diu consistere solet, verum ab ipso magno numine certissimo semper ultore scelerum, tam diu carceris calamitate fuisse mulctatum? Non enim humano partu in hanc editus lucem, sed à monstruosa terrificaq; bellua (uti tuus sæpe fert glacialis Oceanus) natus & educatus inter Balenas & Orcas existimari potes. Hanc siquidem stirpem





facies insidiosis vipereisque oculis, effera fronte, portentosisque dentibus, & horrida barba humano cruore delibuta, qualem Anthropophagi Canibales apud Indiam noui reperti Orbis ferre dicuntur. Non eius utique Christierni Regis sanguine progenitus esse pores, qui uti erat egregie pius, religionis causa aliquando pedibus Romam ierit, ut sacrosancta Altaria pietatis plenus inuideret, & Pontificem sacrorum Principem veneraretur, muneraque venerationis eximiae in patriam referret, quibus tu scelestissimus nepos potirere. Desciuit siquidem impie atque arroganter, non quidem a Romano Pontifice (quod fortasse ferri posset) sed a Christo superisq; Diis, ut te innocentissimorum Sacerdotum sanguine cruentares, sacrorum Aras euerteres, Templorum donaria diriperes, & denique uti immanis parricida, humani generis odium parares; scilicet ut totius Daciae, Gothiae, atque Nouegiae populi, monstrum sibi regnare, non hominem indignantes, publica conspiratione rebellarent; teque eieceto, Christianum re & nomine Regem, pro impio sibi deligerent, a quo perpetuis vinctus catenis, tanquam indomita bellua clatrata in cauea seruauere. Dignus profecto omnibus tormentis atque suppliciis, & nece turpissima, nisi honos qui Caesari tibi ex matertera coniuncto, plurimus deberetur, & Christierna filiae tuae insignis pietas, quae matri quam tibi similior euasit, infelicibus Sfortiano & Lotheringio connubiis clara, te adhuc atroces retinentem spiritus, & retro carcere poenas dantem seruauissent.

PLACIDII Placentini.

*Terrificā hanc effigiem, hūc horribilem tyrannum; | Ad Stygios qui reboat persimilem feroci;*  
*Dedecus hoc & Daniae, dentibus is trifauci, | Sanguinis hoc denique sacri cupidum sepulcrum,*



*In tabulis (credo equidem) non meminisse fas est, | Insequitur, seuit, & almos necat (heu) ministros:  
 Ni monumentum veluti perfidiae efferatur. | Templaq; sacris vacuat tum spolijs profanus.  
 Ingenium scilicet hic exuerat benignum, | Et nisi qui fulmina torquet, populos subactos  
 Et velut antiqua manus iam voluit Gigantum, | Ensibus ac corde fero coheret in tyrannum,  
 Dum nequit alto officere hic caelicolum tonanti; | Spiritus huic terribilis iam solium locasset.*

## Solymanus Turcarum Imperator.



**S**OLYMANO ex re feliciter prouisa, cui euentus responderit, nomen obuenisse elegantiores Turcae asserunt, secus ac patri contigisse constat, qui à contrario sensu Selymus, hoc est, mansuetus & lenis, authorque pacis sit vocatus, quo nemo Othomannorum Principum ingenio ferocior, & ad saeuiciam pronior, & denique bellicosior fuit. Nam si memoria reperamus variusque res gestas, quas in Historiis enarrauimus, plus certe cruoris effusum fuisse fatebimur per octo annos, quibus Selymus imperauit, quam his triginta quibus Solymanus Imperio potitus est. Hoc verò nomen Salomonem Moisaicis annalibus Regem, sapientiae gloria inelytum immutatis syllabis refert. Sed Solymani, si comparare iuuat, res gestae, paternae famae nomen aequasse censei possunt, si numeros & pondera victoriarum aequa lance expendamus. Recepta namque Syria, interfecto Gazelle, qui rebellarat, & Belgra-



dum Pannoniæ propugnaculum cum ignominia Christiani nominis fortiter expugnatum; Rhodus manu capta; trucidatus in acie Rex Hungarus; Buda vrbs Regia bis occupata; Austriacus exercitus ad Exechium fœda in fuga cæsus, atque deletus; Rocandulphi ingentes copiæ ad Budam expugnatis castris superatæ; contemptusque demum atque repulsus ad Pestum Germanorum exercitus; & expugnatum in oculis Strigonium, & Alba regalis eo victoriæ cursu in potestatem redacta, & paulò antea Hispani in Dalmatia ad Castrum nouum strenuè expugnati, cæsi que: & quod fœdius nobis accidere non potuit, nostræ classes, quæ insuperabiles viderentur, ad Leucadem in fugam coniectæ, Solymanum profectò neque patri ausu imparem, neque prorsus inerrem, aut gloriæ minus auidum testabuntur. Quòd si eius victorias ad Orientem partas compuremus, Assyriæ & Mesopotamiæ Regna cum Babylonia, clarissima Orientis vrbe, & magnæ Memphi proculdubiò æquanda, Othomannico adiecta Imperio, captæ Aegypto opponi & comparari possunt: & quod ad gloriam attinet, euastati maioris Armeniæ, Mediæ, Persidisque fines vsque ad sinum Persicum, captumque bis Taurisium Persarum Regia, omnibus ornamentis spoliatum, nonne Tammafum Hysmaëlis filium refugientem ad montes, neque consistere, neque acie congredi ausum, se planè victum confiteri coëgerunt? Superi iraque Solymano eam mentem tribuant, vt perpetuo bello vexandum Orientem, appetendamque Indiam censeat postquam nos tot acceptarum cladum minimè puder; nec ex communi concordia de sacro bello cogitamus, dummodò hostis auersi beneficio pace frui liceat, quum huius Solymani vires eleuare, nostras iactanter efferre, eius mores ineptè carpere contendimus. At ipse Turcis eius certe erit (vt illi fatentur) supra cæteros Othomannorum Principes, qui per ducentos regnârunt annos iustitiæ, sobrietatis, & continentiæ laude clarissimus, quum nulla impietatis atque sæuitiæ, sed multa religionis atque clementiæ monumenta Mustaphæ filio iam planè viro & nobis formidando æmulanda proponat.

## IANI VITALIS.

Otia quem nunquam tentârunt mollia, quæ non  
Delitjys fregit desidiofa Venus.  
Regnatorem Asia Solymanum en aspice quisquis  
Scyllæam ignoras terribilem ingluuiem,  
Aegyptum ille inhians, inhians Indosq, Getasq,  
Pannoniæq, arces, indomitamque Rhodum

Vi magna aggressus rapuit, te vindice Caesar  
Euastit rabiem sola Vienna suam.  
Et nunc immitis fœta truculentior Vrba  
In latebris fingit funera nostra suis.  
Interea dum nos vigilantes stertimus, ille  
Insomnis, nobis integra Regna vorat.

## Andreas Auria Clasis Præfectus.



IV te sospitent cœlestia numina fortunate senex, assertæ in libertatem patriæ supremâ gloriâ inclyte, perpetue & inuictæ Prædonum hostis, & multis mari partis victoriis celebrate, Dij superi, inquam, seruent, & in hoc viuiddæ senectæ robore sistant. Ad præsidium namque oræ maritimæ Deorum immortalium beneficio natus existimaris, qui vnicus cœli nubiumque spectator, naualis disciplinæ arcana huic seculo propalasti; vt doceres quibus artibus & irati maris contumeliâ, & sæuentis Aeoli minas contemnere possent, qui hybernis etiam tempestatibus se fortiter committere audeant. Hoc tibi supremi laboris superest, vt pro tua vetere virtute, vigilantia, pietate, patriam, quam abolitis veterum tyrannorum nominibus, verè liberam opibusque florentem fecisti; parta ciuium concordia, diu serues, inculumemque & bene fortunatam faxis.

## IANI VITALIS.

Quem spectas barba horrentem, sæuūque tridentem,  
Imperium pelagi magna ditione tenentem  
Aurius est; non ille modò Lybiæq, Asiæq,  
Piratarum horror, & formidabile nomen,

Sed terra decus Ausonia, & noua gloria Mar-  
tis.  
Hic patriam longo concussam turbine belli  
Firmauit pace, & ciuiles sustulit iras.  
Illum grata suum, Ligurum Respublica cinem





*Et pietate grauem, & meritis ingentibus, inter  
Delectos Procures quos illa ab origine prima,*

*Excoluit celebrem aeterno sacrauit honore,  
Et Ioui tabulam virtutis dedicat ergò.*

## Tammassus Sophi Persarum Rex.



AGNO Hysmaëli quatuor filij fuerunt: Tammass, Helcas, Becram & Somirza: sed hic Tammass communi iure gentium, quod esset natu maximus, Regnum excepit. Verum non eadem felicitate, qua pater (quanquam iisdem propè artibus id regeret) aut proferre, aut rueri potuit. Intempestiua namque fratrum æmulatione vexatus, & à Parthia Hyrcanorum laceffit armis, Othomannica arma non diu tulit, quum Solymanus intellecta occasione, è Comagene in Mesopotamiam effulis ingentibus copiis totam eam regionem, quam hodie Diarbectham Barbari appellant, quatuor clavis urbibus, & singulari copiarum omnium fertilitate nobilena occupasset. In ea enim sunt vrbes Byrtha apud Euphratem, & secundum eam introrsus Cara, Amida, & Moredinum, & Orpha, quæ Edessa fuit, & quæ est ad Tauri radices Bithelis. Exinde Solymanus Syriae, Iudææ, & Ægypti Satraparum auctus copiis, Assyriæ Regnum inuasit, & Babyloniam Alexandri Magni & Reginae Semiramis memoriâ claram, immensa cupiditate ex tam facili victoria adiit, & in deditionem accepit, ut inde expeditus atque terribilis ad Taurisiam æquata Selymi patris celeritate contenderet. Tum verò Tammass, quod viribus esset inferior, ad montana aspera que loca se subducens, & subitis incursionibus venturi, & prælio





certaturi famam præbens, ita Solymanum spe pugnae frustratus est, ut decedente, & pabuli pressum inopia, iisdem vestigiis insequeretur; adeptusq; eius nouissimum agmen ad Bithelimum urbem Tauro suppositam, quum Turcae propter effusas niues multis affligerentur incommodis, eorum castra per Delimenthem impigrum Ducem noctu adoriretur, & maximè cruenta cæde semisopitos obrueret. Ea clade Solymanus, qui Cara Amida substiterat, dolore percussus Byzantium rediit, usque adeo sibi iratus, ut sperati triumphus publicæq; lætitiæ apparatus omnem reiiceret, vlturusq; contumeliam iuraret non prius se cæpto bello finem impositurum, quàm Hysmaëlis progeniem (vbi Selymus pater, & auus Baiazetes statuissent) funditus excinderet. Hæc siquidem odia cum ipsa nouæ religionis dissensio, tum antiqua simulas à proauo Mahomete cum Vsumcassane concepta, in immensum extenderant. Ferebatur quoq; Tammam, quod maximè Mahometanis erat odiosum, per mutuas legationes cōcitare Carolum Cæsarem, ut Turcis in Oriente occupatis, Pannoniæ & Græciæ, terra mariq; inuadendæ occasione arriperet. Tammam quoq; aliud subiit incommodum: nam ab eo Helcas germanus frater ad Solymanum Byzantij agentem transfugit, cuius hortatu renouatum est bellum, quo Helcas ut perfidiæ, aut stulti consilij pœnas daret, quum se bello Ducem profiteretur, non longè à Balzera, quæ est Emporium Persici sinus, interceptus est, eo successu, ut Tammam adhuc respiraret, & accersitis in auxiliū ab Indico Oceano Lusitanis aliquot sclopetariis, locorū opportunitate se defendat. Ipse roseo vultu & alacribus oculis, dignā Imperio faciē præfert, & inter Persas, quod maximè decorum est, equitandi & sagittandi peritissimus habetur.

L A E L I I C A R A N I.

*Regali Tammam Persarum sanguine cretus  
Hic est, quem roseo pinxit Natura colore,*

*| Quem Venus ambrosia conspersit odoribus, arma  
| Quem Mars bellipotens simul & Tritonia virgo  
Munere*



*Manere bellorum, seu instruxit & armis,  
Qui quamuis odio fratrum vexatus acerbo  
Hircanisq; armis, clari haud benefacta parentis  
Aequarii, tamen audaces expellere Turcas  
Est ausus, quorum tepefecit sanguine terras.  
Hic ubi iam nuceo Tauri splendore coruscos  
Frigoreq; argentes nocturna strage fugauit,  
Reitulu & magno claros ex hoste triumphos.  
Immanis summo percussus Turca dolore,  
Prostratas acies cum cernit milite Persa,*

*Sic proprias repetit sedes, & corde querelas  
Sapius effundit miseras, & percitus ira,  
Testatur diuos se vnquam linquere mausum  
Inuisos donec Persas euenterit Orbe.  
Ast inuicte noua Tammis virtute superbum,  
In patrios iterum fines irrumpere Turcam  
Si qua parte vides, armis victricibus arce,  
Sterne, fugaque, procūlque doma; nam victor ho-  
nores  
Et famam claro felix aequabis olympo.*

## Thomas Hauardus Norfoltius Dux.



**H**ic est ille bello inclutus, & supra omnes mortales supremo hoc infortunio mi-  
ser Thomas Hauardus Surreij filius, ab Anglis de nomine eius imperio subditæ  
Prouinciæ Norfoltius appellatus. Is Surreio patri operam in prima acie nauatis,  
quæ Scoti ad Floddū occiso Rege delebantur, singularē eius victoriæ laudem ru-  
lit; Rebellantē Hyberniam eō traiciēs armis perdomuit, atq; pacauit. Henrico  
Regibis Galliæ bellum inferēci traiciētiq; in continentē bellica laude virtu-  
teq; animi Ducū clarissimus magno vsui fuit. Postremò eū industrie, perperuiq;



officij sui fructum tulit, vt post damnatum cæsumque securi Edemundum fratrem, eiusq; filiam pari supplicio mulctatam, quod Regi tot cædibus efferato infauit nupfisset, turris Londiniæ carceri includeretur; seruaretur tamen viuus à Rege, vt in carcere Regem non omnino ingratum erga se, qui adhuc tyranni beneficio viueret, fateretur.

## LAELII CARANI.

*Horrida Norforti dum tractas arma tremende  
Diceris esse Deo Bellipotente satus.  
Nā tua dextera graues armis quā perderet hostes,*

*Obstupuere homines, obstupuere Dei.  
Sed mage miratur te hominesq; Deiq; tyrannum  
Quum virtute vident sic cecidisse tua.*

Eiusdem.

*Lictoris rabiem Marius compefcit inermis,  
Illi dum ferro colla ferire parat.*

*Pectora Norforti perterres dira tyrannē  
Se sedare tuo namque cruore pauet.*

## Ferdinandus Toletanus Albæ Princeps.



**E** NITERE magnanime Albane, & qui militiae vsque adeo lætis initiis effloruisti, perpetuo virtutis atque victoriæ cursu ad summum gloriæ fastigium contende, qui antiqua Toletanæ familiæ decora cumulatè renouas, & Hispaniæ veterem belli gloriam asseris, benignitateque splendidissimi ingenij cunctos proceres æquas, & quosque Duces consilio, vigilantia, & ingentibus ausis antecellis. Agnoscimus siquidem, quid generoso illo tuo & insatiabili laudis spiritu peras & speres, & quid denique certissimis summam



summarum virtutum præfidiis circumseptus strenuè euadendo consequi possis. Inrita namque tibi est, & à præaltis maiorum tuorum seminibus ingenita, veræ laudis verique decoris immensa cupiditas. Nam te Federici aui Bætico & Cantabrico bello clarissimi trophæa excitant, te Garziæ patris Lybicus arenis insepulti manes vrgent, te Cæsar ipse, cui tu maximè conspicuus, inter splendidissimos Proceres fidei virtutisque nomine delectus perpetuò adsistis comes, vehementer accendit, vt nihil nisi arduum, nisi excelsum, & optimæ laudis spe plenum spectes, vnde summa peratur gloria. Hanc enim vnâ ipse petit, in qua tamen pietas emineat, & amplificatæ Religionis fama constet; tanto quidem studio, vt te secum rapiat, benigneque tecum suum decus communicet. Et hoc herclè multò modestiùs & liberaliùs; quandoquidem quotam suæ laudis partem tibi concesserit, quum triumphalem laurum de profligato ad Albim, captoque Saxonum Principe repudiaret, vt totum id decus à te forti ausu felicique dextra partum, præclaro iure tibi deberi fateretur. Confecisti itaque tua ingenti virrute difficillimum, atque durissimum bellum, quod auspiciis inuicti Cæsaris gerebas, optima quidem spe, & singulari perseuerantia, quando semper antecursor, semper hosti proximus, semper ex tua peculiari disciplina munitissimis vallatus castris, ita progredere, vt maturè obuenientis victoriæ fructum propè solus delibares, atque inde totum perciperes. His tuis ad incomparabilem laudem præclare gestis, sicuti antea in Pannonia, Africa, Gallia, te effecturum promiseras, aui atque patris felices animæ iam pridem ex meritis in cælum receptæ, ita gaudent & exultant, vt te etiam atque etiam obnixè cohortentur ad concitandum Cæsarem suoapte ingenio de sacri belli gloria cupidissimè cogitantem. Nihil enim ei vel ad vsum rerum præsentium aptius, vel ad gloriam laudatius, vel ad spem æternitatis omnino beatiùs accidere potest, quàm vt in veros hostes vniuersa Christiani nominis arma, vnius præsertim inuicti, piiq; & bene fortunati Imperatoris auspiciis conuertatur.

ANDREAE ANGVLI.

<i>Dum cogis Fernande Scythas dare terga Vienna,</i>	<i>Illius amissa Lybicus quoque Sauus in vndis</i>
<i>Astra suo lambit vertice Dannubius</i>	<i>Classe, tui robur pectoris obstupuit;</i>
<i>Et quæ lentus aquas agit Afris Bagrada arenis,</i>	<i>Tandem Albis bello victus te sistit Olympo,</i>
<i>Miratus dextre est celsa trophæa tuæ;</i>	<i>Dum duce te, Carolo perfida dona dedit.</i>
<i>Terapidus tremuit Rhodanus, ter Gallia magni</i>	<i>Ergo aqua vel tellus, nulla est nō plena triumphis</i>
<i>Cæsaris est armis quum quatesacta ferox.</i>	<i>Pars etiam Cæli; clare Tolete tuis.</i>

Muleamethes cognomento Scyriffi,  
magnus Rex Mauritaniae.



AC talari lintheaque toga induitur Scyriffus, & oblongo lintheolo simplicibus spiris ita caput inuoluit, vt eius extrema pars instar ingentis caudæ à dextra aure per humeros & crura ad talos vsque diffundatur. Hoc habitu Sacerdotes Aegyptios olim vfos fuisse constat, sic vt facillè rear, Sacrificuli cultum inde acceptum, quem nostri sacra facientes superinduunt, & Camisum vocant. Muleamethes siquidem ob id Scyriffus vocatur, quòd sacratæ sit stirpis, & Mahometis Pseudoprophetae sanguine progenitus. Ea vox enim Arabicè virum sanctimoniam pollentem, & sacris mysteriis deditum exprimit. Quomodo autem hic magnò huius seculi prodigio (quū esset Pædagogus) ad tot amplissima Regna peruenerit, breuiùs quàm potero explicauerim, vt hinc quoq; astrologica diuinationi non inanem famam adstruamus, & iam sit planè perspicuum totam humanæ sortis fortunam sua auspicià è Cælo deducere. Scyriffi pater Zidamethes habitauit in Dara, quod est Regnum non procul à Staffileta regione, quæ tota palmifera est, & magnò incolarum emolumento dactylorum copiam venalem præbet, qui fructus esui gratus, à finitimis vlterioribusq; populis expetitur. Huius mercimonij aliarumq; rerum opulentus erat mercator Zidamethes, & prudentiæ opinione maximè insignis: sed in primis syderalis scientiæ peritissimus, vtpotè qui multa prænunderet & diuineret, profiterique auderet, vel multis iridentibus, duos se habere liberos, qui proculdubio ad Regale fastigium essent euasuri. Hi erant Mahometes & hic Scyriffus nomine Amethes, qui Arabicis eruditi literis ludum aperuerat, puerosque docebant, pari concursu quæstuque apud finitimas gentes doctrinæ fama celebrati. Hic pater admonuit, vt noscendis externarum gentium moribus longinquam peregrinationem susciperent, religionisque causâ Mahometis Prophetæ templum & sepulchrum ad Mecham & Talnabim (quæ sunt in Arabia) venerabundi adirent. Quòd opinio religionis mortalibus ingenerat, homines ei deditos angustiores, & apud imperitos admirandos efficiat. Suscepere itaque iter, &





Memphim inuifere, tranfuere mare Rubrum, deflexereque Hierofolymas ufque Byzantium, atque inde reuerfi in Africam, apud Tunetum aliquandiu conftitere, ceptique funt haberi in ueneratione apud Punicas gentes, quod effent ex progenie Mahometis, inuiffentque facrofancta templa & monumenta Hebraeorum, atque alba uelte uerentur. Mahometani liquidem eos, qui religiofo voto conditoris feftae fuae Mahometis fe pulchrum inuiferint, Sacrofanctos appellare foliti funt, & eos a cultu candidae ueltis agnofcunt. Ab eo tempore ingentes amicitias cum Arabibus Regulis contraxerunt, & uti erant ex paternis diuitiis maxime opulenti, ad tractanda arma tranfuerunt, ut fatiis fuis uiam aperirent. Adhaefere itaque uagis Arabibus, qui in Africa a Nilo ufque ad Oceanum Atlanticum incertis fedibus uagantur, imperantque tributa Regibus, & detrectantes uenalem amicitiam, armis inuadunt: qui ut tum accidit, magnis uiribus Buccentuffum Maurocchi Regem oppugnabant. Maurocchum longe clariffima ulteriofis Mauritaniae urbs, quae Romanis temporibus, ut coniectari licet, Bogudis Regis fuit, diftat ab Atlante triginta millibus paffuum, ea camporum specie, & aquarum ubertate, qua Mediolanum florere, difcedereque ab Alpibus uidemus, Sed Buccentuffus, qui ab Almanfore potentiffimo Rege aliquot ante feculis occupatae Hispaniae gloria inclyto, genus ducebat, non prius expugnari potuit, quam Fefanus Tingitanae & Caefarienfis Mauritaniae Rex, in focieratem Arabum traheretur, industria praefertim duorum fratrum, quorum authoritas apud Fefanum plurimum ualebat. Eo itaque euentu Arabes Mauroccho potiti funt, ut Mahometes alter fratrum maior natu Rex efficeretur, quum Buccentuffus ei fe desperatis rebus certa conditione deditiffet. Sed hunc poftea Mahometes periuirus & faeuus in granaria fcribe immaniter necauit. Amethes autem Scyrriffus trans Atlantem progreflus, opulentiffimae regionis Regnum, quod Sufium uocant, frumento, olea, uiteque & metal-




lis abundans, & Tarodentam clarissimam urbem, quæ Arabum stipendiaria fuerat, occupauit. Ea regio iubatos coronatosque Leones gignit, generosos quidem & homini parcentes, nisi ex pectore minoribusque feris ad alimentum præda desit. Ab Atlante, qui est nemorosus & altissimus, & hodie mons Clarus appellatur, perpetui montes oriuntur, non secus ac ab Alpibus nostris Appenninus, longo tractu & multis flexibus in Orientem sic exporrecti, ut mediam Africam proscindant, & ab arenis disterminant. Eæ namque arenarum solitudines ad vltiores Æthiopes pertinent. Gæterum Scyrius non contentus amplissimo Regno, Fessani Regis & Arabum fretus auxiliis, Maurocchi Regnum Mahometi fratri inuidit, & abstulit. Ea tamen conditione, ut in Dara & Staffilite eum regnare pateretur, quæ Regna paulò antè communibus viribus occupassent. Ex Mauroccho demum Scyrius insatiabili cupiditate ad Fessanum Regnum oculos adiecit, innixusque suis dolis & felicibus armis, Regem Muleamethem debellauit, & eiecit, quum illum fatigatum multis diuturni belli detrimentis Fessanus populus, ut Fortunæ cederet, hortaretur, ne ruentis patriæ casum, & ciuium suorum interitum conspiceret. Ea verò magnitudine animi Scyrius vndique probitatis atque iustitiæ ac humanitatis gloriam captare solitus, in victoria usus est, ut diceret neminem se apud Maurocchum regnare passurum, præterquam Muleamethem, iocatus in communi nomine, atque ita victum & dudum hostem Maurocchi Regem fecit, illumque eò cum liberis ac vxoribus, & regia gaza migrare iussit; magno quidem cum dolore Muleamethis, cui nobilissima atque amplissima Mauritaniæ ciuitas, & patria erat relinquenda. Urbem Fessan interluit Sala amnis, qui hodie Rhazalma vocatur, & in Oceanum iuxta urbem Azamor nauigabilis deferitur. Eam septuaginta quinque milibus domorum infinitoque populo frequentem esse omnes asserunt, trecentæque & sexaginta frumentariæ molæ in amne visuntur, actæ machinis, quas profluentis aquæ impetus rotat & euoluit. Infinitæ sunt in vrbe rerum fabrilium tabernæ, & plura mercimonijs pretiosi conditoria, certis septis publicè custodita: atque item Gymnasia duo, quibus iuuentus discendis disciplinis & literis publico sumptu alitur & docetur. Fessani hospitales domos habent peregrinis suscipiendis, atque Xenodochia, in quibus afflicti morbis benignè curantur. Populus in vniuersum suffusci coloris est; sed fœminæ cultus elegancia, multræque lasciuia morum, perpetua ferè vmbra fuscædinem auertunt, & quotidianis choreis indulgent. Hac in vrbe Scyrius solum constituit, subnixusque suis viribus, Tremezenium Regem Cæsaris clientem eiecit. Bellum cum Lusitanis continenter gerit. Hi in ora Mauritaniæ extra & intra Gaditanum fratrum oppida tenent; Acillam, quam Arzillam vocant, & Septam, quæ Plinio septem fratrum, à totidem imminentibus collibus, vrbs fuit. Eo quidem successu, ut Azamore oppido sit potitus, & Gheum oppidum in promontorio situm, quod summa virtute, sed infelici exitu aliquandiu à Lusitano Præfesto fuerat defensum, expugnârit. Ea verò in pugna, qua postremo Fessanus Rex est debellatus Muleboazon, qui Fessano aderat auxiliarius, Velezio vrbe, quæ ferè est contra Gades posita, exutus est; sic ut exul & ex vulnere dextro oculo captus, in Hispaniam refugerit; atque inde auxilia postularum in Germaniam vsque ad Cæsarem pertenderit, famam de Scyrii viribus ingentem relinquens, & admonens Principes nostros, ut maturè caueant, ne is Granatæ affectans Regna, alicunde traiciendi in Hispaniam occasionem & facultatem arripiat. Habuisse enim eum in acie octuaginta milia equitum, & peditum balistariorum sclopetariorumque viginti milia, moreque nostro egregiè fabrefacta ænea tormenta, maioris minorisque generis conuecta equis & curribus ad octingenta, accessuramque profecto ei infinitam Arabum & Maurorum multitudinem, si traicere meditetur, & religionis causâ bellum parer. Sed planè senem octogenarium quanquam viridi validum senectæ, & assidue camelino lacte vtentem, aut sua proculdubio absumunt fata, aut superi ab Hispania auertent, aut veris armatisque militibus vbique terrarum egregiè vincere assuetis, trucidandum vel vinciendum obiciunt.

## A N D R E A E A N G V L I I .

<i>Miraris mira hunc cinctum septemplici, &amp; alba</i>	<i>Massilium huic gentes, Getuli, &amp; maximus Atlas,</i>
<i>Indutum stola Regem habitu Lybico;</i>	<i>Et Mauritanî colla dedere duces.</i>
<i>Quid si illum nosset, atque illius inclita facta,</i>	<i>Adde quod arma etiâ Batîs meditatatur ad vrbes,</i>
<i>Facta, inquam, audisses, digna duce Annibale?</i>	<i>Hispano spreto milite, &amp; Oceano.</i>
<i>Hic velut æthereum fulgur, vi Martis aperta,</i>	<i>Dum parat hæc magna, illi sors virtusq; parauit</i>
<i>Regna propinqua suo subdidit imperio:</i>	<i>Nunc Iouij calamus principis Historiæ.</i>



## Ferdinandus Gonzaga.



O C in te, Ferdinande Gonzaga Ducum præstantissime, bellicæ virtutis eximium decus refulget, quod armato præsentique Cæsare summæ virtutis & fortunæ Imperatore cuncta castrensis disciplinæ munia obis, quum in agmine, in castris, & acie, vti collega Cæsaris iura summæ potestatis exerceas, vnde geminata laus effulget, cum meriti tui scilicet, tum iudicii Cæsaris, qui tantus ipse Imperator te vnum supra cæteros, Ducem longè optimum censet. Esse quidem egregium Ducem, vt reor, magnum est: sed opinione hominum existimari cense-  
 ferique eius maximè iudicio, qui cuncta ratione gubernet, longè maximum videri potest. Agnos-  
 cit quippe Cæsar humanarum rerum peritissimus, quo robore animi totas ardentis belli difficul-  
 tates sustineas & superes, qua mentis prouidentia locorum & temporum gnarus, consilia expli-  
 ces, deniq; qua vi lacertosi pectoris & animi in armatas hostium acies deferare. Præclara siquidem  
 testificatione digna historiis eximiæ virtutis & industriæ exempla in Apulia, Africa, Mauritania,  
 Gallia & Belgio reliquisti, quum ex præfectura Sicilia quantum tibi curæ fuerit Siculorum, ara-  
 torumq; præsertim immunitates & commoda tueri, quantumque seditiosorum militum licentia  
 immanis tibi odio fuerit, ostenderis, dum maleficos planeq; deficientes à Cæsaris autoritate se-  
 uerissimis suppliciis punires, vnde tibi Cæsar, improborum militum hostis acerrimus, aliquando  
 gratias egerit, muneraq; rependerit, scilicet vt te Gallia Cisalpina præficeret, cuius procuratione  
 ita in-



ita instituisti, vt nemini timenda belli incommoda, & nemini à quoquam contra æquitatem iniuria sit expectenda, & te vnum maximè acrem aduersus hostes armatum defensorem, authorem tranquillitatis, & magnificentiæ studio præclara priuatim & publicè vrbi ornamenta parantem Insu-  
bres venerentur.

## I V L I I I O V I I.

*Maeste animo egregio decus insuperabile gentis  
Gonzaga, quem tanta rapit super athera belli  
Gloria, quæ stabit clavis aeterna trophæis  
Ausonios inter Proceres, & Martis alumnos.*

*Sic splendore nites, quantum omni sydere maior  
Sol micat irradians, totum qui illuminat Orbem.  
Belgica gens, Lybiæq; vrbes, Rhodanusque super-*

*bus,*  
*Arnus, & ingens Danubius, Tigrisq; fatentur,*

*Quantum consilio Fernandus possit & armis,  
Aeternos cui bellipotens concessit honores  
Militiæ, vt Carolo dignus, dignusque Philippo  
Insubria reget iussu moderamine gentes.*

*Ergo tibi partos inuictæ Martis triumphos*


*Suscipe, magnanime Heroum, te celsa fugatis*

*Hostibus assequitur celeri victoria passu.*

*Vine igitur felix, volitans tua nam inclyta virtus*

*Clara per ora virum, celsum conscendet Olympum.*

Ioannes Tarnouius Comes  
Polonus.







OTIS tuis religiose susceptis, vsque quaque aspirent coelestia numina, magnanime Tarnoui, qui hac in tabula triumphali lauro, & victricibus armis conspicuus spectaris, & Martio vultu illustre Sarmaticae virtutis decus effers, qui toties de Barbaris bello victor & triumphator, vberiores etiam victorias te patriae relaturum polliceris; quibus late summotis pulsisque hostibus Lithuani, Roxolani, Podolij, Polonico imperio coniunctae gentes secura atque laetissima pace perfruantur. Nihil enim nisi magnum ingenti animo concipis; nihil nisi gloriosum, salutare, & tibi patriaeque decorum & illustre complecteris, ut clarissimis factis insitum generosae virtutis nomen & famam latissime extendas. Eo namque studio in adolescentia ingenium optimis literis excoluisti, iuventam durissimis belli laboribus dicasti, ut vir demum factus, totum penè terrarum orbem, noscendis tot gentium moribus nobilissima peregrinatione circuendum susciperes; adita primò Asia Syriaque; religionis causa, & conspecto mari Rubro, peruagatus etiam Africae ciuitates vsque ad Atlanticum Oceanum, ubi aduersus Barbaros Lusitaniae Regi operam nauans, & fortis militis, & periti Ducis laudem, decoraque spectatae virtutis ornamenta consecutus es. Ab hac peregrinatione notitiaque multiplici rerum bellicarum auctus in patriam rediisti, quum Leonem Romanum Pontificem, & Carolum Caesarem esses veneratus, tanto hominum fauore, ut Sigismundo Regi commendare, & ab eo vniuersis Regiis copiis praeficereris, eamque patriae praestares operam, assiduis Barbarorum incursionibus laboranti, qualem afflicti ciues tui ab optimo ciue fortunatoque Imperatore deposcebant. Siquidem Moldauos Geticam gentem Petro eorum Regulo duce ad Obortinum ita profligasti, ut hostes alioqui terrifici, & multitudine superantes, Principe vulnerato, primariisque gentis interfectis, turpem in fugam conicerentur; tu castris eorum & tormentis potireris, atque inde triumphali curru Cracouiam inueherere; tanto Moldauis terrore iniecto, ut Petrus renouare bellum ausus, quum te aduersum se iterum delectum Imperatorem audiret, omisso bello ad non iniquas pacis conditiones sit conuersus. Sed huic Moldauicae victoriae Historiis nostris abundè celebratae, alteram amplioris proculdubiò gloriae de Motchis ad Starodubum debellaris addidisti. Saepius Tartaros, Scyrhas foedissimum atque saepe improuifum hostium genus non vno in loco illata caede repressisti: singulari autem prudentia orientes in Regno seditiones compressisti, vsque adeò late propagata fama nominis, ut inuadente Pannoniam Solymano, Germani atque Hungari Bohemi que te vnum sibi tanquam inuictae virtutis gerendo bello Ducem expeterent. Verum quod non esset tutum praestare eam operam, tantum honorem probè repudiasti, ne id aegrè ferret Sigismundus Rex tuus Solymano vetere amicitia coniunctus; quum tamen ille paratus foret, & reipsum, & vniuersi Regni copias Reipublicae concedere, si reliquorum Christiani nominis Regum arma sacro suscepto bello in vnum iungerentur, quod tu suprema cura concupiscere existimaris, & Dij faxint, ut huius pij nobilisque voti compos fias. Nihil enim est magis decorum & expetendum viro forti generosoque, quam pro patria dignitateque Christiani nominis, reformidato omni vitae periculo, cum Turcis Europae Regna affectantibus decertare.

## I V L I I I O V I I.

Salve, o Sarmatica gentis fortissime ductor,  
Iustitia atq; armis, quis se tibi conferat vnquam,  
Quum tua dat sonitu bellorum buccina signum  
Poscis equos, atque arma gerens in praelia, turmas  
Sternis, & armatos exultans deijcis hostes,  
Moldauiae dominum campo congressus aperto.

Fudis, Sauromatis cladem excidiumq; minantem.  
Te superis Astrea plagis transcribit, & ipsa  
Iam tibi perpetuos Diuum concessit honores.  
Sarmata magnanime agnoscat ventura vetustas  
Nullum posse tibi similem monstrarier Orbi,  
At tu, viuus adhuc, multis dominaberis annis.

## A L E X A N D R I S V C H T E N I Germani.

Diues opum tellus, clarisq; potentior armis  
Dat mihi natales Sarmatis ora lares.  
Sicut imaginibus titulisq; superbus auorum,  
Sic virtute mea magnus in Orbe feror.  
Vallachus imparibus quum nos inuaserat armis

Auspicijs casus Dux fuit ipse meis.  
Vistula Moldauae chypeosq; arcusq; rotasq;  
In mare Theutonicum barbara signa tulit.  
Facta quod illius non sis tum praeda furori,  
Tarnouio debes terra Polona tuo.



# Cosmus Medices Florentinorum Princeps.



**D**II vota tua cumulatè impleant, magnanimè Cosme, postquam nihil præ te ipsum absolutæ virtutis specimen aspiciunt. Tales namque tibi mores natura tribuit, nusquam herclè nouerca, uti fas est videre, sed semper arridens & benigna mater, ut gloriam ex benefactis clarissimisque virtutibus obuenientem contemnas potius, quàm affectes. Apud te siquidem pudor atque iustitia viget, & virtuti optimisque artibus domi tuæ certissimus est receptus. Literas colis, ingenia foves, magnificentiæ studium pulcherrimis operibus extendis. Rempublicam porro ita gubernas, ut nobilitatem in honore habere, populum alere, & patriam tranquillitate atque opibus florentissimam reddere contendas. Quod verò admirabile clementiæ tuæ munus est, exules faciliè reducis, parcis rebellibus, scilicet ut plures domi sint, qui tibi plurimum debeant, & nomen tuum sincero maximè studio venerentur. Id enim salutare ciues agnoscunt, Etrusci omnes certum publicis rebus præsidium fatentur, & tota iam Italia, atque vltiores gentes felicitis tui & rectè constituti Principatus decus concelebrant. Perge igitur optime Princeps, ut te supergressum humanas laudes, & beata tua prole gaudentem, quum longa senectæ vitæ finem attulerit, ingentem animam conspicua in sede cœlites exceptam constituant, & posteritas omnis cuncta ingenij atque fortunæ tuæ monumenta æternis laudibus persequatur.



## IOVII Iunioris.

Qualis Hyperboreo latus gradibus in Orbe  
 Fumantes quum soluit equos, sudantiâque ora  
 Strymonis in ripa vietricibus abluit undis;  
 Iam furor & rabies armorum, iræq;, minæq;  
 Belligero cecidère Deo, tranquillus inerrans  
 Ore robur, placido signat sua lumina vultu;  
 Ille sedet lustrans oculis & mente benigna  
 Armiferam Thracem, defensumq; hostibus He-  
 brum  
 Prospicit, & Getica secura mapalia terra,  
 Tum Veneris blandum pertentant gaudia pectus,  
 Talis magnanimi diuino lumine COSMI

Ante alias longè radians effulget imago,  
 Ingentesq; gerens humeros, augustaq; membra,  
 Effigies vllum nunquam peritura per ævum  
 Vertice nudato celsum caput exerit armis;  
 Sydereosque oculos, regalia lumina vibrans  
 Pacatam sese populis spectantibus offert.  
 Ceu quum deposito magnarum pondere rerum  
 Olli tranquillam demulcent gaudia mentem,  
 Ingenti quum iam ceciderunt monstra ruina  
 Qua se deuictò mons Murlius erigit hoste;  
 Quam iam lata suo felix Duce Flora quiescit,  
 Atque Etrusca salus tanto sub Principe tuta est.

## RAINERII.

Te duce, mortales quæ dedignata scelestos  
 Extulerat niveos aurea ad astra pedes.  
 Aurea nunc Astrea redit, Venus antè recessit  
 Sacrilega, Etrusca COSME decus patria.  
 Per quem parta quies, & pax, & copia rerum est,

Et Sophie Aonidumq; artibus ortus honos.  
 In falcem, duce te galea constantur & enses,  
 Nec lethale sonant classica, nec litui.  
 Marte satus, Ianum claudis, qui claudere Ianum  
 Mauortis prolem te potuisse putet?

## FINIS LIBRI SEPTIMI.





ELENCHVS ILLVSTRIVM  
VIRORVM, QVORVM HISCE SE-  
PTEM LIBRIS EFFIGIES  
repræsentantur.

<b>A</b>			Christophorus Columbus	124	Iacobus Triaultius	147
Actiolinus Tyrannus	27		Consalius Ferdinandus	141	Ioannes Archiepiscopus Mediolanen- sis	52
Actiolinus Mediolanensis Princeps	49		Cosinus Medices Florentinorū Dux	257	Ioannes Aucuthus Britannus	74
Albericus Balbianus	76		Cosinus Medices senior	86	Ioannes Bentiuolus Bononiensis	170
Alexander Magnus	5		<b>D</b>		Ioannes Galeacius Vicecomes	56
Alexander Medices Florent. Prin- ceps	208		Dauid Abyssinorum & Aethiopum Rex	233	Ioannes Maria Mediolan. Princeps	181
Alfonfus Rex Neapol.	88		<b>E</b>		Ioannes Medices	181
Alfonfus Atestinus Ferrariæ Prin- ceps	199		Elisabella Aragonia	176	Ioannes Vitellius Cornetanus Pa- triarcha	61
Alfonfus Daualus Vastius	219		Erasmus Narniensis cognomēto Gat- amelata	82	Iulianus Casarinus Cardinalis	64
Aloisius Grittus	197		<b>F</b>		Iulianus Medices	103
Amurathes II. Turcarum Imperator	92		Farinata Vbertus	23	<b>L</b>	
Andreas Grittus Venetorum Prin- ceps	212		Federicus Feltrius Urbini Dux	108	Luchinus Mediolanensis Vicecomes	48
Andreas Auria Clafis Præfectus	246		Ferdinandus Rex Romanorum	242	Ludouicus XII. Gallie Rex	139
Annibal Pœnus	8		Ferdinandus Cortesius	228	Ludouicus Pannonie Rex	178
Antonius Grimanius Venetus	167		Ferdinandus Toletanus Alba Prin- ceps	250	Ludouicus Sfortia Mediol. Princeps	128
Antonius Leua	206		Franciscus Gallie Rex	226	<b>M</b>	
Artaxerxes Rex	3		Franciscus Alidosius Cardinalis Pa- piensis	135	Mahometes II. Turcarum Impera- tor	106
Afcanius Sfortia Cardinalis	126		Franciscus Borbonius Anchianus	217	Malatesta Baleonus	157
Arbila Hunnorum Rex	11		Franciscus Buffonius	80	Marcus Antonius Columna	160
<b>B</b>			Franciscus Ferdinandus Piscarius	169	Martinus Turrianus	36
Baiazetes I. Turcarum Imperator	70		Franciscus Gonzaga Mantuanus	152	Matthæus Cardinalis Sedunensis	33
Baiazetes II. Turcarum Imperator	136		Franciscus Maria Feltrius	210	Matthæus Magnus	47
Baleona familie Duces	156		Franciscus Sfortia Mediolanensium Princeps	90	Matthias Coruinus Pannonie Rex	113
Bartholomeus Coleo Bergomas	96		Franciscus Sfortia II.	203	Maximilianus Cæsar	154
Bartholomeus Linianus	142		Fridericus I. Imperator	21	Maximilianus Sfortia Mediolanen- sis Princeps	192
Basilus Mosconie Princeps	204		<b>G</b>		Muleamethes Scyriffus	252
Barnabas Mediolanensis Princeps	54		Galeacius I.	48	Muleaffes Tunetanus Rex	235
Braccius & Sfortia	79		Galeacius II. Mediolan.	53	<b>N</b>	
<b>C</b>			Galeacius Sfortia	98	Narses Eunuchus	14
Cæsar Borgia Valentinus	130		Gasto Foisseius	138	Nicolaus Vrsinus Petilianus	132
Camillus Vitellius	118		Gattamelata, Erasmus Narniensis dictus	82	Nicolaus Picininus	83
Campson Gaurus Aegypti Sultha- nus	144		Georgius Castriotus Scanderbechus	94	Numa Pompilius	2
Canis Scaliger	41		Georgius Fraispurgus Germanus	185	<b>O</b>	
Carmagnola	80		Gothifredus Bolionius	17	Odettus Fufus Lorrechius	187
Carolus Aurelianus Franc. Regis fi- lius	218		<b>H</b>		Otho Archiepiscopus Mediolanensis	46
Carolus Borbonius	183		Horatius Baleonus	157	<b>P</b>	
Carolus Burgundie Dux	101		Hariadenns Barbarussa	225	Pandulphus Petruccius Senensis	172
Carolus Magnus	15		Henricus Gallie Rex	242	Paulus Baleonus	156
Carolus IX. Gallie Rex	116		Henricus IX. Anglie Rex	221	Paulus Vitellius	117
Carolus V. Imperator	240		Hippolytus Medices Cardinalis	201	Petrus Medices	121
Castruccijs Castracanis	37		Horuccius Mitylenæus	223	Petrus Nauarrus	190
Caytbeius Memphiticus Sulthanus	110		Hysmaël Sophus Persarum Rex	165	Petrus Soderinus Florentinus	174
Telebinus Turcarum Imperator	73		<b>I</b>		Philibertus Aurantius Princeps	194
Christiernus Dacia Rex	243		Iacobus V. Scotia Rex	213	Philippus Mediolanensis Princeps	60



# INDEX IMAGINVM.

Pompeius Columna Cardinalis	196	Selymus Turcarum Imperator	159	Thomas Hauardus Norfolty Dux	
Prosper Columna	164	Sfortia & Braccius	78. 79		249
Pyrrhus Epirotarum Rex	6	Sigismundus Poloniae Rex	231	Tomun. Jeius Aegypti Sultanus	147
Pyrrhus Stipicianus	237	Sinas cognomento Iudeus	225	Totila Gothorum Rex	12
R		Solymanus Turcarum Imperator	248	Tristanus Acunius Lusitanus	149
Robertus Neapolitanorum Rex	44			V	
Romulus Quirinus Romanoru Rex	1	T		Vgo Moncata	188
S		Tamerlanes Scytharum Imperator	67	Vguccio Fagiolanus	35
Saladinus Sulthanus	19	Tanmasus Sophus Persarum Rex	247	Vincentius Capellius Venerus	215
Sarra Columna	33			Vitellij fratres	117
Scipio Maior	8			Vitellocius Vitellius	119

*Libuit hic grata commemoratione eorum etiam nomina subycere, qui  
versibus elegantissimis haec Elogia vel illustrare,  
vel ornare voluerunt.*

A		Franciscus Manfredus Cremonensis	55. 74	Laelius Caranus	222. 248
Adamus Fumanus Veronensis		Franciscus Franchinus Cosentinus	231	Landrianus Mediolanensis	107
12. 43. 81. 213		G		Leonardus Griffius	108
Alexander Suchtenus	256	Gabriel Faernus Cremonensis	7. 8. 63. 69. 96. 200. 204. 220	Leonardus Aretinus	80
Andreas Angulius	123. 132. 250. 253	Georgius Iocodus Bergamus	77	Ludouicus Dominicus Placentinus	163. 214
Angelus Perotius Camertis	37	H		M	
Antonius Franciscus Rainerius Mediolan. 3. 6. 15. 19. 30. 53. 66. 80. 120. 121. 134. 139. 149. 160. 171. 183. 188. 200. 208. 211. 218		Hieronymus Olgiatus Percussor	101	Marcus Antonius Casanova	234
Antonius Sanfelicius	151	Hieronimus Vulpus	149	Martinus Cromerus Sarmata	232
Antonius Thebaldeus	114	Honoratus Fasitellus	16. 26	Marullus Tarchaniota Constantinopolitanus	19
Antonius Vacca	132. 209	I		Michael Syluius Lusitanus Cardinalis	118
Antonius Vulpus Nouocomensis	23. 178. 185. 205	Ianus Vitalis Panhormitanus	16. 48. 60. 126. 138. 145. 192	P	
Aonius Palearius Verulanus	147	Incerti Aauthoris	85. 170	Parthenius Parauicinus Nouocomensis	17. 23. 35. 149. 166. 208. 221
Augustus Cocceianus Brixienfis	2. 72. 93. 98. 161	Ioannes Baptista Gabius	185	Paulus Iouius Iunior	85. 88. 101. 103. 112. 114. 121. 130. 136. 144. 155. 158. 174. 197. 206. 216. 236. 238. 241
B		Ioannes Bellaius Cardinalis Parisiensis	141. 227	Petrus Aluarus Romanus	213
Benedictus Varchius	106. 196. 243	Ioanes Baptista Posseuinus Mantuanus	153. 227	Petrus Angelius Bargæus	29. 106. 226. 227. 243. 248.
Bernardinus Balamius Siculus	188	Ioannes Paulus Amanius Cremonensis	58. 127	Petrus Graulina Neapolitanus	141. 165
F		Iulius Feroldus Cremonensis	52. 53. 57. 76. 79. 176	Philippus Beroaldus Iunior	150
Fabius Beneuolentius Senensis	90	Iulius Iouius	183. 128	Placidius Placentinus	163. 244
Fabius Segnius Florentinus	199	L		Ptolemæus Gallius Comensis	50
Ferdinandus Balamius Siculus	192	Laelius Capilupus Mantuanus	153		

*In curanda hac editione non paucas diligentiae operas praestitimus. De vnico vero errore monendus es, benigne Lector, vt  
effigiem Andr. Grimani fol. 168. queras apud nomen Andr. Gritti inferius fol. 212. ibi vero posita superius restituas.*



I N D E X  
R E R V M E T V E R B O R V M I N  
P A V L I I O V I I E L O G I O R V M  
L I B R O S D E V I R I S I L L V S T R I B V S  
I N R E M I L I T A R I B R E V I T E R  
C O L L E C T V S.

<b>A</b> denago 218	dericum I. Caesarem 22	206. dux felix ibid. Ticini obsi-
Absaga 68	Alexandrum Magnum maiorem fece-	detur 207
Acomatthes purpuratus Hi-	runt scriptores Graeci 4	Antonius Pontadera suspenditur in-
drantem capit 108	Alfonsus Aragonius à Regina adopta-	merito 61
Acontius Triuultius 147	tus in Regnum Neapolitanum 88.	Antonius Rido 62
Aetius Vicecomes magnificus edificijs	captus nauali praelio ibid. Neapo-	Antonij Leuae belli peritia & mors
49	lim capit 89. Splendori studet 90.	207
Aetius Atestinus 29. 31	caelebs 25. moritur ibid.	Antonij Grimani Vita brevis 167. di-
Aetiolinus Patavinorum tyrannus 27.	Alfonsus Daualus Dux fortissimus	gnitates ibid. prudentia 168. res
Germano-Italus ibid. equitum ma-	219. liberalis ibid.	geste ibid. fortuna 169. etas
gister 28. horrendum monstrum	Alfonsi Regis Neapolitani stirps 88.	annorum nonaginta ibid.
ibid. eius ingenium ibid. in pede	magnificencia 90. in doctos viros	Anthropophagi 61
vulneratus 31. à coniuratis prae-	studium & obseruatio ibid.	Aquileia ab Atthila deleta 11
lio captus 30	Alfonsi Atestini praeclarum ingenium	Arabes Aegypto infesti 11. à Sultano
Aetiolini ortus 28. copiae, crudelita-	199. Vita à Louio descripta ibid.	afflicti ibid.
tes 29. humanitates ibid. bella	bella & mors ibid.	Arcelli 57
ibid.	Alfonsina Vrsina 121	Armauerius Asculanus Centurio 62
in Aetiolinum coniuratio ibid.	Aloisius Gritius exemplum fortunae	Arsenga 68
Aegyptiorum vetus lex inauspicatè ab-	197. expellere genitus, magni inge-	Arsius Gallus dux 133
rogata 112	nij & audaciae 198. excellens vi-	Artoxerxes à Plutarcho descriptus 3.
Aegyptiorum mos in Regum electione	nionum aestimator ibid.	adunco naso 3. Memnon & Lona-
ibid.	Aloisij Gritti ambitus libido 199	gimanus ibid. Cyriminoris frater
Aegeriae nymphae cum Numa congres-	Amazobij 68	ibid.
sus 3	Americus Cibacchus 199	Artoxerxis liberalitas ibid.
Agesilai scomma de Sagittarijs ibid.	Amideus Allobrogum Princeps Papa	Artoxerxis imago vnde desumpta 3.
Aethiopes perfidiae poenas dant 111	creatus 65. Felix appellatus ibid.	imaginis certitudo ibid.
Albaniam quis ceperit 72	in Cardinalem euadit ibid.	Ascanius Sfortia Cardinalis diues &
Albertus Scotus Placentinus alie equi-	Amurathes Orcani filius 71. occidi-	magnificus 127. à quo Cardinalis
tum Praefectus 38	tur ibid.	factus ibid. Principis similior, quàm
Albericus Aetiolini frater 30	Amurathes secundus 92. primus O-	sacrato viro ibid. auceps & Venae-
Albericus Balbianus illustris miles &	thoman. phalangem instituit ibid.	tor ibid.
dux 77. militiae restitutor ibid.	Scanderbecho succubuit 93	Ascanius Sfortia pecunia corruptus Bor-
Alberici Balbiani ingratitude ibid.	Amurathis secundi bella 92. Eremi-	giam Pontificem legit ibid. exul
mors ibid. progenies ibid. effi-	ta factus 93. mors ibid.	in Germaniam 127. captus ibid.
gies ibid.	Andreas Lamponianus parricida 100	Venetis traditur ibid.
Alboinus Longobardorum Rex in Ita-	Andreas Gritius virtute ad principa-	Ascanij Sfortiae Cardinalis magnificen-
liam accersitus 14	tum contendit 212. bello insignis	tia 127. auaritia ibid. exilium
Alexius Graecorum Imperator insidus	ibid. Princeps creatur, octogenario	in Gallia ibid. Ut restitutus ibid.
Christianis militibus 18	maior moritur 213	mors ibid.
Alexander Medices 208. vnde ortus	Andreae Aurie fides desiderata 216.	Atanadidinghil 233
ibid. cur in familia receptus ibid.	mira laudes 246	Aeternum flumen Sfortiae morte nobile
cur Princeps designatus ibid. in	Angelus Politianus vir doctus 103.	79
exilium à Florentinis actus ibid.	Petri Medicis Praeceptor 122	Atthila cur Dei flagellum 10. Bledani
Princeps à Caesare institutus & ge-	Angelus Maximus ciuis Romanus 6	fratrem occidit 11. ab Aetio Pa-
ner 209	Anglorum militia in Italia 75	tricio profligatus ibid. Aquileiam
Alexander Magnus Aristotelis discipu-	Anna Maximiliani Caesaris filia à Gal-	deleuit ibid.
lus 5. laudis appetentissimus ibid.	lo Rege repudiata 117	Atthilae lurida facies ibid.
paternae gloriae inuidus ibid. eius	Annibal terrore inuictae Vrbi iniecit 8	Atthilae acutum scomma in Leone Pon-
vanitas ibid. à Philippo senatum	Annibalis Pami testata virtus ibid.	tificem 11. mors in nuptijs ibid.
disputet ibid. patrem mentitur	imago aerea ibid. marmorea statua	auaritia Graecorum 73
ibid.	ibid.	aulici imbelles & inuidi 14
Alexander Romanis inferre bellum de-	Annibalis & Scipionis statuae apud	Aurasium Colonia Romanorum 194
stinarat 6	Messanam ibid.	auaritia horribile monstrum 219
Alexandri Magni imperium quam latè	annus à Numa in duodecim menses di-	Austriacae domus primordia 154. ad
patuerit 4. 5	uisus 3	Romanos referunt ibid.
Alexandri in vultu mutatio mirabilis	anseris quò conueniant 68	B
4	Antelminella familia Lucensis 38	Biazetes I. Ut Regnum auspicatus
Alexandri Pontificis asperitas in Fris-	Antonius Lena vir militaris impiger	72



# I N D E X.

Baiazetes IV. Othomannorum Princeps	70	Bonifacius Celestinus Pontificatus abdicatum in carcere necat	33	Carmagnola quis, & unde 80. eius militaris virtus ibid. fortuna ibid. mors capitali supplicio	81
Baiazetes Hildrim appellatus ibid.		Bonifacius rabie moritur	35	Carolus Magnus Florentiae instaurator	15
Baiazetes in Venetos 137. quid eis erit puerit 138. à Tamerlane captus	69	Bonifacii ambitio peruersa 33. astutia	35	Carolus Burgundiae Dux 101. ferox ibid. in Heluetios ducit ibid. tertio vincitur, & occiditur	102
Baiazetis pugnaturi cum Tamerlane sententia 68. miseria	72	Bosius Douariensis	31	Carolus Borbonius Regem Franciscum capit 185. Comestabilis creatus 183. Caesaris sororem ambit ibid. Lanoum ad singulare certamen prouocat ibid. Romam expugnat ibid. iectus moritur	185
Baiazetis II. ingenium optimum 136. Victoriae	ibid.	Braccius & Sfortia amici & hostes	78	Caroli Borbonij lenitas & inconstantia 183. pater ibid. coniuratio	184
Baiazetis humanitas in Regem Galum	72	Braccius praesagio territus 80. eius mors & sepultura	ibid.	Carolus Aurelianus Regis filius 218. Caesaris gener designatus ibid.	
Baiazetis filij	74	Braccij & Sfortiae genus 78. ingenium ibid.		Caroli Magni opera bellica 15. effigies aerea vbi	ibid.
Baldunus Gotthifredi frater	19	Braccij miles 96. egregia in Gallos victa ibid. quibus militauerit	97	Caroli Andouini ingenium 44. crux delicias	ibid. & 45
Baleonum primus Malatesta	156	Buccicaldus Gallus	58	Caroli II. virtus 117. res gestae in Italia ibid. effigies 116. vitabreuius	117
Baleonum familia unde ortum habuit ibid.		Bugea vrbs	190	Caroli Burgundiae Ducis cadaver à quo cognitum 96. eius sepulchrum ibid. filia Maximiliano nupta	ibid.
Basilij Moschi uxores	206	Bulthinus	14	Caroli V. Caesaris laudes	240. 241
Barbarussa victor classium Christianarum	216	Bulthini mors & res gestae	ibid.	Caroccium quid	25
Barnabas Vicecomes pugnax	75	C		Cassania	68
Barnabas Vicecomes Martialis & crudelis, venator binas miriadas canum Vicatim alebat 54. proli numerosae ut prouidit 55. à nepote captus carceri traditur ibid. eius effigies	56	Abrinus Fundulus	57	Cassinas	ibid.
Bartholomaeus Coleonus in carcere	96	Cedes millium aliquot	92	Castellinus Becaria	59
Bartholomaei Coleoni belli peritia & virtus	ibid.	Celestinus Papa Eremita in monte Garzano 33. inter Sanctos relatus	35	Castilionea familia	31
Bartholomaei Coleonis tempore ridenda praelia 98. aedificia 97. aenea statua	98	Celestini Papae simplicitas 34. sanctitatis opinio	ibid.	Castrum nouum in Rizonico sinu caput	216
Bartholomaeus Linianus ab Ursinis Romanis adoptatus	142	Cesar Borgia viroso femine procreatus 130. corpore validus ibid. Pisis legum studiosus 130. Cardinalis ibid. fluxe fidei, fratrem ingulat ibid. uxorem Gallam ducit 131. seuus in omnes ibid. veneficus seipsum & fratrem infecit 68. caput euadit ibid. quos necauerit	188	Castrucci paruae pilei usu excellens 38. qua occasione militiae se addixit ibid. disciplinae militaris reuocator 37. 39. fraude captus 37. à carcere educus Princeps salutatur ibid. qua occasione Princeps in patriam fieret 39. Lucensium, Lucensium & Pisanorum Dux appellatus ibid. Gibellinus Luce restitutus 36. Gibellinae factionis Princeps 39. Pistorium occupat ibid. Romanorum emulatur 39. iterum triumphaturus, moritur 40. proditione Pistorium amittit ibid. vi recuperat	41
Beatrix Tenda 59. Philippi Vicecomitis uxor	ibid.	Cesar Petruccius Vexillifer Florentiae	105	Castrucci patria & familia 38. parentes ibid. militiae felicia tyrocinia ibid. & 39. auctoritas ibid. Galeatum carcere liberat 43. constantia 40. gloria ibid. insignis vindicta 38. federati 39. fortuna 38. triumphus Luce habitus 39. effigies	41
Bellugian	233	Cesarina familia Romana 63. eius insignia & Romae dignitas 63. 64		Catharina Medices Laurentij filia	123
Benedictus XI. Papa	35	Calatini defectio ad Gallos	129	Caythbeius natione Circassus 110. Egypti Sulthanus conditione seruus ibid. Rex & Sulthanus 111. coniurationem discit	112
Bentiuolorum domus destructa à fratribus	ibid.	Caliphas Rex Egypti à Christianis victus	19	Celebinus	
Bernardus Bandinus 104. Sicarius truncatur ibid. cum Antonio Volaterrano	ibid.	Camelopardali descriptio 112. vbi capitur	ibid.		
Bernardinus Curtius perfidus	129	Camillus Triultius	148		
Berthancor Gallus Fortunatarum insularum repletor	130	Camilli Vitellij mors	118		
Biraga familia	31	Campobassi Neapolitani perfidia	102		
Bina antiquitus Bibriacum	83	Campso Gaurus Egypti Sulthanus 144. proditur ibid. ab equis teritur	145		
Blanca Philippi Vicecomitis filia spuria Francisci Sfortiae uxor	59	Campsonis Gauri genus 144. & virtus	ibid.		
Blasius Magares 114. Bohemos superat ibid. ab Heluetijs superatur ibid. credulus, & suspicax	155	Canis quid significet, & unde dicatur	41		
Bona Ioan. Galeacii Sfortiae filia	178.	Canes Cathainus	68		
Regi Poloniae nupta	ibid.	Canis Scaliger Veronae dominus 41. eius virtutes ibid. saepe bonam, semel aduersam fortunam in bellis expertus ibid. Patavium cepit ibid. item Taruisium 42. cur magnus dictus	41		
Boncones Pisanus ab Ugucione interfectus	36	Canis & Actiolani contraria ingenia 42			
Bonifacius Vicecomes perfide Franciscum Sfortiam vulnerat	204	Canis regia illustre hospitum domicilium ibid. effigies 43. mors	42		
Bonifacius nobilis, sed factiosus Princeps	33	Canibales	125		
Bonifacius Anagninus Anagninae à Sara capitur	34	Capena porta	61		
Bonifacius Columnensibus infensus 34. Guelphis fauet	ibid.	carceres ab Actiolino aedificati	68		
Bonifacius Malefacius appellatur	36	Cardinales duo Columnenses	34		



# INDEX.

## D

Celebinus 73. formosissimus ibid.  
 Celebini fortuna ibid.  
 Cepinius Petilianus 144  
 Ciccius Asculanus ab Inquisitoribus  
 combustus 45  
 Ciccius Simoneta 129  
 Circassie situs 110  
 Circassij ibid. Christum Deum ado-  
 rant ibid.  
 Cithracæ emporium celebre 68  
 Clarix Vrsina Laurentij Medicis vxor  
 121  
 Classis Veneta & Caesaris cum Turci-  
 ca ad Preuesam 216  
 cognomina quedam vnde desumpta 41.  
 42  
 Cola Montanus Ludimagister 100.  
 101  
 Columna oppidum 34  
 Columnensium oppida à Bonifacio de-  
 formata ibid.  
 Columbatium 74  
 Columbus à Liguribus venerandus 125  
 Columbi nauigatio ibid. secunda na-  
 uigatio ibid.  
 Comenses in Sfortianos humani 129  
 Concilium Basiliense à Papa damna-  
 tum 65. Florentinum ibid. Pi-  
 sanum 175  
 Concilij Basiliensis exitus 65  
 Concilia Papis quid censeantur ibid.  
 coniuratio in Medices 105  
 coniurationis in Galeacium Sfortiam  
 cause 100  
 coniuratio in Actiolinum 30  
 coniuratores in Galeacium Sfortiam  
 100  
 Consalius Ferdinandus cur Magnus  
 appellatus 141. inter duos Reges  
 cenat ibid.  
 Conradus Landus perfidus 127  
 copie que Romam ceperunt 195  
 Corbana victus à Christianis 19  
 Cosmus Medices Florentiam ædificijs  
 & artibus decorauit 86. sapiens  
 habitus ibid. in carcerem ex in-  
 uidia ductus 87. arte & largitio-  
 ne liberatus in exiliū mittitur ibid.  
 Venetijs excipitur ibid. Florētiam  
 reuocatus Pater patrie appellatur  
 ibid. aduersarios in exilium agit  
 ibid.  
 Cosmi Medicis diuitiæ & sumptus 87.  
 88. vxor, progenies ibid. ætas,  
 mors & sepultura ibid. epitaphiū  
 ibid.  
 Cosmi Magni Ducis Florentini virtus  
 & ingens laus 257  
 Christianorum leuitas infida 66. per-  
 fidie pena ibid.  
 Christierni Regis Danie Vituperosa  
 vita 243  
 Christophorus Columbus noui Orbis  
 repertor 123  
 Christophori Columbi patria ibid.  
 Christophoro Columbo de expeditione  
 contradicitur 124

**D** Amasci arx Tamerlano resistit  
 69  
 Danthes Florentinus exul apud Scali-  
 gerum 43  
 Darienes insula 125  
 Dauali Vastij aduersus prælium 220.  
 mors ibid.  
 Dauid Abyssinorum Rex, siue Præte-  
 iannes 233  
 David Conerus Cardinalis Scotus in-  
 terfectus 214  
 Derbentum 68  
 Diadarius 110  
 dies fasti & nefasti à Numa constitu-  
 ti 3  
 dimicatio triduana ad Memphim 147  
 disciplina grauis vbi corrupta 3  
 discipline militaris in Italia interitus  
 37  
 Donatus Lectius 20  
 Dryllus amnis 95  
 Dultibes Caittbeij vxor 112

## E

**E**lephas perdomitus in Italia 112  
 Elephantis descriptio 151. mors  
 ibid.  
 Elisabella Aragonia Mediolani Prin-  
 ceps 176. Virilis animi ibid. im-  
 pudica 178  
 Elisabelle Aragonie mors ibid.  
 Emanuelis Lusitani Regis munus Ro-  
 mam missum 155  
 Emissarium ex Ficino Martinus Tax-  
 rianus fecit 31  
 Epigramma & effigies 32  
 Equites à Romulo instituti 1  
 equorum syluestrium figura, vires &  
 venatio 166  
 equorum syluestrium numina 167  
 Erasmus Triumultius 147  
 Eugenij Papæ prudentia 65  
 Eurenescij 71  
 Exarcola quid 92  
 expeditio secunda in Syriam 20  
 exercitus Christianorum in Syriam 18

## F

**F**abritius Peregrinus Parmensis 8  
 Facinus Canis 57  
 factio Medicea à Soderino offensa 175  
 Farganaccia Morio Florentinus 87  
 Farinata Vbertus 23  
 Farinata Guelfis metuendus 24.  
 exul Senis ibid.  
 Farinatae dotes 26. pietas in patriam  
 ibid. humanitas in hostem ibid.  
 sapiens consilium 25. cum Scipio-  
 ne Africano similitudo 26. eius ef-  
 figies 24  
 Ferrum fortunatum 72  
 Ferrucci ex Mercatore Dux exerci-  
 tus 196. captus interficitur ibid.  
 Ferdinandus Aragonius crudelis 91  
 Ferdinandus Daualus Piscarius insi-  
 gnis Dux 39. eius vitam Iouius  
 descripsit 169  
 Ferdinandus Cortesius Columbi Liga-

ris æmulus 228. Messica Regna  
 inuenit ibid. eius casus & res  
 præclare gestæ 228. 229  
 Ferdinandi Regis laudes 242  
 Ferdinandi Gonzagæ laudes & virtus  
 254  
 Ferdinandi Cordubæ pietas incompa-  
 rabilis 188  
 Ferdinandi Albani Ducis laudes adhuc  
 iuuenis impares vituperij iam senio-  
 ris facti 250  
 Filippus Rex Gallie à Pontifice exco-  
 cratus 34  
 Filippus Vicecomes captus Papie vt  
 Princeps fiat 59  
 Filippi Vicecomitis insignis liberalitas  
 60. eius effigies ibid.  
 Filippi Vicecomitis clementie gloria 89  
 Florentie restaurator Carolus Mag. 15  
 Florentini Carolum Roberti filium in  
 Dominum postulant 45  
 Flumen os Draconis appellatum 125  
 fœdus Italie fœnestum 129  
 fœdus à Christianis authore Pontifice  
 cum Turcis fractum 68  
 Fortebraccius 83. Pontifici insensus  
 ibid.  
 Fortebracciorum familia ibid.  
 fortuna Alexandro Magno fauet 3  
 fortuna in Adamaluchorum imperium  
 euertendum 146  
 fosse nouæ Papirianæ olim 37  
 Franci inuictum hominum genus 14  
 Franciscus Rusca 57  
 Franciscus Petrarca in Capitolio lau-  
 reatus 45  
 Franciscus Fidelphus Poëta 91  
 Franciscus Saluiatus Archiepiscopus  
 Pisanus 103  
 Franciscus Tarriannus 57  
 Franciscus Pactius 103  
 Franciscus Gonzaga Venetorum impe-  
 rator 152. capitur 153. magnifi-  
 cus ibid.  
 Franciscus Gallie Rex I. quibus doti-  
 bus ornatus 226  
 Franciscus Sfortia primus nominis pas-  
 termi hæres & virtutis 90. Filip-  
 pi Vicecomitis gener ibid. imperij  
 hæres ibid. clemens & moderatus  
 ibid. suis & hostib. venerabilis 91.  
 sine literis literarum amantissimus  
 ibid. arcem Mediolani edificauit  
 ibid.  
 Franciscus Sfortia II. arumnosus Prin-  
 ceps 203. vulnere appetitus ibid.  
 bella tria confecit ibid. Regno à  
 Cesare restituitur 204. vxor da-  
 tur, & moritur ibid.  
 Franciscus Borbonius Ancharianus 217.  
 Dux prius, quàm miles ibid. Cæs-  
 sarianas copias profligat ibid. ad  
 triumphum domum reuersus casu.  
 aut consilio occiditur ab Henrico  
 218. hunc populus luxit ibid.  
 Franciscus Maria Feltrinus Dux Urbis  
 nas 210. Vir militaris ibid. Alio



# INDEX.

dofum Cardinalem occidit, Gallos  
rum ſpendia ſecutus, principatum  
recuperat 211. ei milites fauent  
ibid. à Venetis copijs præficitur 218  
Franciſci Gonzage ingenium 153. e-  
quorum ſtadium, liberi ibid.  
Franciſci Sfortiæ Iſabellæ filij caſus  
177  
Franciſci Alidoſij Cardinalis Vita im-  
proba 134. mors turpiſſima 136.  
occiditur à Feltrio ibid.  
Fridericus I. unde Oenobarbus dictus  
21  
Fridericus Caſar I. quibus copijs in Sy-  
riam traiecerit 22  
Fridericus Feltrius 108. Franc. Sfor-  
tiæ diſcipulus ibid.  
Friderici nominis etymologia 21  
Friderici Lanimi magnitudo 22  
Friderici in Italiam & Romam aduen-  
tus ibid. bella & res geſtæ eius in  
Italia ibid. cum Pontificibus ſi-  
multas ibid. mors 23. ſtatue &  
effigies ibid.  
Friderici Feltrij laus militaris 108. 109.  
ædificia 109

## G

Gabinianum captum Auran-  
tj Ferrucij morte celebre 196  
Galea ius I. bello & vitæ ſplendore in-  
ſignis 48. inuidia in carcerem du-  
ctus ibid. emiſſus ibid. exul mor-  
ritur ibid.  
Galeatus II. Vicecomes forma præ-  
ſtans 53. ædiſijs magnificus ibid.  
militiæ peritus 53. Ticini arcem  
ædificauit, & Ticino pontem impo-  
ſuit ibid. Gymnaſium inſtituit, &  
Bibliothecam nobilem ibid. Par-  
cos muris circumdedit ibid. eius  
effigies ibid.  
Galeatus Sfortia fortunatus & miſer  
98. miles in Gallia ibid. regalem  
faſtum ſeruauit ibid. quibus de-  
lectaretur 100  
Galeatus Sanſeuerinus literis decer-  
ptus 129  
Galeatj I. effigies 48  
Galeatj Sfortiæ magnificentia 99. ſo-  
lertia 100  
Galeatio Sfortiæ illuſt Coleo 97. do-  
na à Salthano miſſa 112  
Galeottus Firmanus ſtrangulatus 121  
Galli ad Neapolim peſte abſumuntur  
195  
Gallorum in Regno Neapolitano for-  
tuna 117  
Garzias Toletanus 190  
Gaſtonis Foſſejj virtus 138. & victo-  
riæ ſerè incredibiles ibid. Rhauen-  
ne victor occiditur ibid.  
Gattamelata Venetorum imperator 82.  
Bracciane factionis ibid.  
Gattamelata cognomen ibid. mors  
83. ſtatua poſita ibid.  
Gemis Turca Baiazetis frater captus  
137

Gemis Turca prudens de ludis eque-  
ſtribus ſententia 218  
Genebra Ioan. Bentiuoli vxor 171. im-  
perij auida ibid.  
Gentilis Bellinus Pictor 108  
Genneſis à Vicecomitibus rebellant  
60  
Georgius Poggiebraccius Rex Bobe-  
mie 114  
Georgius Fraſpergius Dux præſtan-  
tiſſimus truculentus 185. Carolo  
V. fidelem operam præſtitit ibid.  
paralyſi percuſſus 186  
Georgij Fraſpergij prælia fortiter des-  
pugnata 185. odium in Pontificem  
& dira vox ibid. liberi 186  
Georgij Caſtrothæ virtus & felicitas  
95. diſciplina militaris ibid. des-  
lectus, memoria & pietas 96. effi-  
gies ibid.  
Gherardus Campoſampetrus 28  
Gherardus Lupidius Lucenſium Capi-  
tanus 36  
Græcorum & Latinorum concordia  
66  
Gebellini Proceres 40  
Gibellinorum & Guelphorum funeſta  
nomina quando incæpta 24. fune-  
ſta victoria 36  
Gibellinorum & Guelphorum exaſpe-  
rati animi 39  
Gibellinorum fæderati ibid.  
Girapolis 190  
Gottifredus Bolioncus cuius familie  
17. Chriſti militem profeſſus, ibid.  
expeditionis Hieroſolymitanæ Capi-  
tanus ibid. Rex appellatus 19  
Gottifredi effigies ibid.  
Gritus obſeſſus capitur 197. capite  
truncatur ibid.  
Guelphi & Gibellini ad Montecatinū  
36  
Guelphi caſi ibid.  
Guelphi victi ad Altopaſſum 39. Lu-  
ca pelluntur 36. ad internecionem  
deſcunt 26  
Guelphorum exercitus 40. fæderati  
39. familie Florentiæ 24  
Guido Guerra 132  
Guido Luſignatus Hieroſolymitanus  
24  
Guido Nouellus 26

## H

Hariadenus Barbaruſſa 70. pi-  
rata 224. Tuneti Rex ibid.  
à Carolo Caſare expulſus ibid.  
Baſſa creatus in Galliâ claiſis præ-  
ſectus 225. 226  
Hebræos cultum à Perſis accepiſſe 3  
Henricus Caſtrucci filius 41  
Henrici II. Regis Angliæ dotes 222.  
vitæ & victoriæ ibid. vxores &  
libido ibid.  
Henrici II. Regis Gallie laudes & ad  
virtutem adhortatio 242  
Hermes Bentiuolus 171  
Heros virtutis & fortuna 90

Hieronymus Riarius 103  
Hildides Athile vxor 11  
Hippolyti Medicis Cardinalis pictura  
201. ingenium ad omnem virtutem  
ibid. Poëta Etruſcus, Phonaſcus,  
Organista, Citharædus, Lyriſtes, Fi-  
ſtulator, Tibicen, Impaniſta ibid.  
Hippolyti Medicis ſtudia & magniſi-  
centia 202. dominandi libido. ibid.  
familia, fortuna, mors ibid.  
Hiſpani venales 209  
Hiſmael Sophus Viſſumcaſſani nepos  
165. equitandi & ſagittandi peris-  
tus ibid.  
Hiſmael tur in conſtante ætate mor-  
tuus 166. res geſtæ 165  
Horatius Baleonus ſæuus & factioſus  
158  
Hordæ 68  
Horuccius Pirata Rex ex infima ſorte  
223. interficitur ibid.  
Hyelon 132

## I

Iacobus Vicanus 61  
Iacobus Picminus Fr. Sfortiæ gener  
necatur 84. 91  
Iacobus Triuultius in pugna Tarrenſi  
147. Gallis operam nauat ibid.  
Marſiæ ſcenus creatus 148. in pug-  
na ſemel tantum ſuperatus ibid.  
literarum appetentiſſimus ibid.  
Muſochj & Viglibani dominus  
ibid. in Gallia moritur, & Medio-  
lani tumultatur 149. Guelpha fa-  
ctionis 143  
Iacobus Poggius Poggij docti filius  
104  
Iacobus Paſſius 103. Cacodæmoni ſe-  
deuocet 105  
Iacobus Scotiæ Rex occiditur 141  
Iacobi Triuultj parum liberalis facies  
147. patria & pater ibid.  
Iacobi quinque Scoti Reges 213. quorū  
tuor interfecit ibid.  
Ianus Doctus Sicarius 199. dilaniat-  
ur ibid.  
Iani Templum à Numa conditum 3  
Ianiſſorum nomen 92. inſtitutio  
ibid. eorum numerus ibid.  
Iaxartes amnis 131  
illuſtres viri in triumphum ducti à Caſ-  
ſtruccio 39  
imaginis Artoxerxis certitudo 3  
Imaus mons 68  
Imperatores Orbis duo maximi ibid.  
vbi pugnârunt ibid.  
Imperatores exercitus qui Venetis plas-  
ceant 82  
Imperij legitima iura vbi petenda 1  
Inſula Guadalupea 125  
Inſula Hiſpaniola ibid.  
Inſula Cuba ibid.  
Inſule Fortunatæ à quo repertæ 124  
Iſabella Gonzaga 8  
inuidia virtutis inſidiatrix 9  
inuidiâ Coſmus Medices in carcerem  
ducitur 87  
Ioanna



# INDEX.

- Ioanna Regina Neapolitana impudica* 88. *Alfonsum filium adoptatum hostem declarat* ibid.
- Ioannes Vicecomes Archiepiscopus Florentinis cur bellum mouit* 52. *ponatem luculentissimum ad Leucum ediscavit, Cardinalitiam dignitatem cur renuit* 53. *eius effigies ubi inueniatur* ibid.
- Ioannes Galeatius Vicecomes omnium Principum opulentissimus, quam late Regnum eius patuerit* 57. *eius mors & effigies ibid. & Regni in tyrannos distractio* 58. *grauissimus Princeps* 77
- Ioannes Acutus Anglus* 74. *Vicecomes militum miles & gener* 75
- Ioannes Cosmi Medicis pater* 86
- Ioannes Galeatius Sfortia veneno sublatu* 176
- Ioannes Maria Vicecomes seuus* 57. *abominandus ibid. occiditur in Templo* 586. *eius effigies ibid.*
- Ioannes Bentiuolus tyrannus* 170
- Ioannes Medices Leo X. Pontifex creatus* 123
- Ioannes Medices armipotens, facundus* 181. *eius genus* 190. *educatio ibid. militaris laudis cupidus ibid. operam militaria* 182. *interficitur* 183
- Ioannes Hunniades clarissimus in armis* 113. *natione Dacus* ibid.
- Ioannes Zapolius* 198
- Ioannes Vincatus* 57
- Ioannes Vitellius* 117
- Ioannes Vitellius Cornetanus* 60. *expediti ingenij & glorie avidus ibid. Pontificis gratiam cur amittit* 62
- Ioan. Vitellij Cornetani ambitio ibid. capitur fraude ibid. & 63. honores* 61. *crudelitas* 62. *scommata in Regem Neapolitanam* ibid.
- Ioan. Aucuti prestantia in bellis* 75. *militares eius discipuli ibid. sepultura eius* 77
- Ioan. Hunniadis filij* 113
- Ioan. Tarnouij Poloni laudes & virtus* 255
- Ioan. libellus de Origine Turcarum* 72
- Italia quandiu externis Dominis seruierit* 37
- Italie totius status* 122
- Iulius Pontifex cur Soderino insensus* 176. *Didactura excludit* ibid.
- Iulianus Caesarinus Iurisconsultus & Cardinalis* 64. 65. *Legatus in causa Hussitarum* 65
- Iulianus Caesarinus Legatus in Concilio Basiliensi* ibid.
- Iulianus Medices Clementis Pontificis pater* 96. *quibus moribus preeditus* ibid.
- Iuliani Cesarini Epistole ad Pontificem* 65. *mors* 66. *effigies* 67
- L** *Ladislaus Rex veneno sublatu* 113
- Ladislaus Hunniades* ibid.
- Ladislai pax cum Turcis facta* 66
- Laurentius Medices se defendit a coniuratis* 105
- Laurentius Dux Urbini* 123
- Laurentius Principis percussor* 209
- Laurentio Medici dona a Sulibano missa* 87
- Lazarus Seruie Despotia* 71. *expellitur* 92
- Leges dare verè Romanum* 1
- Lemures nocturni ubi adorientur* 125
- Lentigesia Muleasis mater* 235
- Leo Pontifex Attilie ferocitatem mitigat, & cur* 11
- Leuthares* 14
- Leutharis mors & res gestæ* ibid.
- Ligninius Gallorum Dux* 129
- Ligures in Thraciam primi Tartaras traiciunt* 71
- Ligurum & Venetorum laus* 19
- Linternum Scipionis exilio & sepultura* 9. *cur Patria appelletur hodie* ibid.
- Litere Græcæ & Latine Florentiæ quando floruerunt* 122
- Liuianus in agro Pisano fusus* 143. *ad Abdum ibid. Venetorum Dux ibid. captus in carcere commetaria scribit carbone ibid. ad Mediolanum victor ibid. moritur* 144
- Lionettus Clarentiæ Regulus* 74. *eius mors* 76
- Lotharingiæ domus nobilitas* 214
- Lothbrechius contra Aurantium missus* 195
- Lothbrechij fratres Duces bellatores* 187. *cadaver & sepultura* 188
- Lucenses discordes* 35. *in Pisanos ibid. Pisanos imitati Vguccionem excludunt* 37
- Luchinus Vicecomes pugnat* 51. *bella per Legatos gerit ibid. in prælio vulneratus ibid. Pater patriæ appellatus ibid. nepotes coniuratos exilio multat ibid. Patrem coemptam imperio adiecit* 78. *podagra vitam finit* ibid.
- Ludouicus Sanctus Rex Gallie* 45
- Ludouicus Bauarus Caesar rapax & efferus in Italiam vocatus* 39. *Mediolani coronatus ibid. & 42. auarus & ingratus* 48
- Ludouicus Sfortia dissimulator, facundus, facilis* 128. *prudentiâ clarus habitus* 129. *Dux declaratus. ibid. Heluetio habitu capitur* 130. *in Galliam ductus carceri deditur* ibid.
- Ludouicus Pannoniæ Rex* 178. *eius genus & natiuitas ibid. Vxor ibid. sterilitas ibid. expeditio in Turcas & mors* 179. *sepultura* 180
- Ludouicus Aurelianus in carcere* 116. *Sfortiæ insensibilissimus ibid. Ludouico Sfortiæ hostis* 129
- Ludouici Gallie Regis XII. ingenium* 139. *iustus & parcus* 140. *inexorabilis & senior ibid. in miserâ immisericors ibid. Pontifici insensibilis ibid. eius victoria ibid. Vxorem ducit Anglam, moritur* 147.
- Ludouici Sfortiæ ingenium* 128. *animifortitudo* 130. *impij consilium* 129. *fuga* ibid.
- Ludouico Sfortiæ Moro cognomen* 128
- Ludouica Francisci Regis mater* 184
- M**
- Mahometes Cathibey filius Rex Egypti* 112
- Mahometis Cyrenus* 205
- Mahometes Alexandro Magno par* 106. *cuius filius ibid. Atheos* 107. *Natalia primus instituit* ibid.
- Mahometis imago* 108
- Malatesta Baleonus dominatum Persiæ recuperat* 158. *Venetorum & Florentinorum Dux* ibid.
- Malpaga* 98
- Maluetij Bentiuolis insensi, perduntur* 171
- Mamaluchi Turcas adorti* 111
- Manfredus Neapolitanus Rex Gibelinus* 25
- Marcus Craionicius* 71
- Marcus Vicecomes familie dedecus* 51
- Marci Antonij Columnæ animi & corporis pulchritudo* 160. *educatio & militiæ tyrocinium ibid. infortunium* 161. *Prosperi Columnæ ex fratre nepos* ibid.
- Marescoti a Bentiuolis ingulati* 171
- Marinus Scodrensis Historicus* 94
- Martiani Caesaris visum* 11
- Martinus Turrianus* 30. *cognomine Gigas* 31. *nobilitatem subegit ibid. Pater patriæ & Dictator ibid.*
- Martini Turriani studia ibid. & artes* 32. *effigies* ibid.
- Massa Trebaria* 35
- Mastrinus Staliger, Canis filius* 42
- Matthias Coruinus Regum decus* 113
- Matthiæ Coruini genium* 114. *studia & effigies ibid. fortuna* 115. *electio ad Regnum* 114. *bella gesta ibid.*
- Poggiebraccij filia Matthiæ Coruino desponsa* 114
- Matthæus Magnus Vicecomes* 25. *consilio & prudentia valuit ibid. patriæ eiectus, restitutus ibid. exaceratus a Pontifice sepulchro caruit* 34. *eius effigies* ibid.
- Matthæus Langus Sedunus Cardinalis* 162
- Matthæus Langus literis operam dedit* ibid. *Episcopus & Cardinalis* 163. *miles strenuus Gallo insensus ibid. Papæ fautor* ibid.
- Maximilianus I. vir militaris* 155. *pecuniæ contemptor ibid. semper indigus ibid. Burgundicum Regnum in dotem accepit ibid. Bru-*



I N D E X.

Reguli



# I N D E X.

- Reguli Itali, qui sacro bello nomen de-  
derunt 17. 18  
Rha flumen 68  
Rhinoceros, & eius figura 150  
Rhinocerotis & Elephantis inimicitia  
ibid. & 151  
Ripens 10  
Robertus Rex Casarem à Roma expul-  
sit 45. vulneratus in prælio 45.  
Genuam defendit ibid.  
Roberti Regis pater 44  
Roberti Neapolitani Regis ingenium  
ibid. virtutes ibid. opera 45. bel-  
la ibid. auctoritas in Italia ibid.  
littera 45. mors & sepulchrum &  
effigies ibid.  
Rodolphus Pius Cardinalis eruditus  
3  
Rodericus Borgia, postea Alexander VI.  
131  
Romulus Marte genitus 1. author  
militaris disciplinæ ibid. quan-  
diu regnavit 2. se Romanis Deum  
fuisse ut ostendit 1. ubi decesserit 3.  
turbine ademptus in cælum 1  
Romuli opera ibid. angusta imago  
90 ibid. marmorea statua in Vrbe  
ibid.  
Roma omnium gentium libera patria  
ibid.  
Romæ captæ vindicta 196  
Romanus popul. religione mitigatus 3  
Romanum est, Regna dare 1. & Re-  
gna elargiri ibid.  
Romani tributum Attilæ pollicen-  
tur 11  
Romani Pontifices cultum ab Hebræis  
acceperunt 3  
Romanorum in hostem Annibalem no-  
bile decretum 8  
Romanum oppidum in Euganeis 28  
S  
Saceramorus Vicecomes 60  
Saceram bellum 17. 18  
Saladinus Rex Egypti 19. eius vir-  
tutes ibid. prudentia ibid.  
Saladini mors & testamentum 20. fi-  
des & rectitudo ibid. effigies ubi  
inueniatur ibid.  
Saleccus Archipirata 216  
Samaritanda Vrbs 67  
Sanctius Bentinolus vir probus 171  
Sarra Columna in sylvis vagatur pro-  
fugus 34. à prædonibus captus,  
non agnitus Massiliam ducitur ibid.  
redimitur ibid. exul 35  
Sarræ Columnæ generosus animus 33.  
effigies ubi 29  
Sauonarolæ damnato fauente, Medi-  
ceis infensi 174  
Scaligerorum origo 41. domus, man-  
siones 42. illustre hospitium insi-  
gnium virorum 37. hospites 42  
Scanderbechus cur appellatus 94. eius  
educatio & virtus ibid. eius facie  
nus singulare ibid.  
Scanderbechus Neapolitano Regi opem  
tulit ibid.  
Scanderbechi Virtus 93. mortui opi-  
nio apud Turcas 96  
Schenderbassa 138  
seculorum malignitas 91  
Selymus seuus 159. ingens ibid.  
Hismaëlem Sophi vicit, Sultanos de-  
leuit ibid. Tomumbeium suspens-  
dit 160. crudelis moritur ibid.  
Senatus Romanus à Romulo lectus &  
institutus 1  
Sernorum in Mamaluchos coniuratio  
112  
Sfortia Grisonibus & Heluetijs se com-  
mittit 130  
Sfortiæ & Braccij genus 78. inges-  
nium ibid.  
Sfortiæ & Braccij congressus amicus  
79  
Sfortiæ mors 80  
Sfortiarum & Tamerlanis compara-  
tio 69  
Sciabania 68  
Scipio diuina stirpis à populo creditus  
8  
Scipio inuidie domitor ibid. ciuis o-  
ptimus 9  
Scipionis maioris virtus 8. mors  
10. epitaphium ibid.  
Scipionem Piratæ columæ 9  
Scytharum nobiles familie quatuor  
71  
Simon Tosa Florentinus 41  
Simon Horrigonus Insuber 129  
Sinas Archipirata 216. cognomento  
Iudeus, naualis rei peritissimus  
226. classem in Rabro mari ædifi-  
cat ibid. Smirnenatus ibid.  
Sigismundus Bohemæ & Hungariæ  
Rex 72. Caesar Augustus 74. fa-  
gâ sibi secundus consulit ibid.  
Sigismundi Poloniæ Regis felicitas  
232. victoriæ ibid. fidei seruas-  
tor ibid. stirps ibid. filij ibid.  
Soderinus Dictator quibus fauerit 175.  
à quibus maxime oppugnatus ibid.  
Gallis fauet 176  
Soderinus quibus rebus offendit patri-  
tios 174. in exilium Ragusum  
missus 176. Romæ gratus hospes  
ibid.  
Soderinus Cardinalis ibid.  
Soderini exequiæ 177  
Solymanus Turcarum Satrapes 19  
Solymani Othomanni virtus & felicis-  
tas 245. 246. bella 246  
Sophiæ Augustæ imprudentia & liuor  
14  
Sophi cū Solymano bellum 247. stirps  
248  
Spineta Malaspina 37  
Springardæ 97  
Stagia oppidum 34  
Stella mons 68  
Stellata oppidum 110  
Stephanus Maylatius 199  
Stephanus Columna à Petrarcha cele-  
bratus 34  
Stuardæ familie nobilitas in Scotia  
213  
Sultania 68  
Sultani Prætonianorum capitis tegu-  
mentum 8  
Supplicium coniuratorum Florentiæ  
sumptum 105  
T  
Tadius Regulus 30  
Talismanus Sacerdos Turcarum  
71  
Tamas Sophus Persarum Rex 247  
Tamerlanes se iram Dei vindicantis  
esse asserbat 69. terror & clades  
Orientis 67. cur ab Egypto inua-  
dendo abstinerit 69  
Tamerlanis genus 67. figura & vir-  
tus ibid. pugandi mos 68. ex-  
peditio ibid. de prælio iudicium  
ibid. immanitas in Baiazetem  
ibid. de immanitate eius prudens  
responsum ibid. exercitus ibid.  
mors Cometa luridum præcedit 69  
Tarlati Aretij Principes 35  
Tartalia capitis supplicio affectus 60  
Tartarorum victus 69. mos sagit-  
tandi 68  
Taurisum Sophi regia capta 247  
Temir Cuthlus 67  
Thomas Hauardus Norfolci Dux  
carceri post re gestam addictus 249  
Tigridis descriptio 112  
Tissaphernes Sagittarijs Persicis cor-  
ruptus 3  
Tomumbeius vltimus Sultanus 146.  
captus suspenditur 147  
Tornielli 57  
Totilas Tarvisij Rex appellatus 12.  
Regum optimam famam æquauit  
ibid. Romam cepit 13. moderatè  
victoria vsus ibid. à Narsete vi-  
ctus & occisus ibid.  
Totilæ eximia forma 12. prima victo-  
ria 13. clementia in victorijs ibid.  
iustitia 13  
Transfuge Selymo victoriam parant  
147  
Transylvania hodie, olim Dacia 199  
Tribubus diuisa Romana ciuitas 1  
Triballi serui facinus 71  
Tristanus Acunius 149. Elephan-  
tum Romam duxit ibid. munera  
quæ Pontifici dedit ibid. quas adie-  
rit noui Orbis prouincias 149  
Tristani Acunij nauigationes ibid.  
Triuultius Sfortianis inimicus 129  
Triuultius Sfortianis aduersarius 147.  
eius vxor ibid.  
Turacambi 71  
Turcæ in Thraciam 71  
Turcarum in Europam primus traies-  
tus ibid. in Tartaros strages 68  
Turcarum Imperatorum imagines 76



# I N D E X.

<i>ad Ionium peruenerint</i>	70	<i>Vgo Moncata Eques Rhodius</i> 189. <i>Sic</i>	<i>Victoria nobilis Castrucci</i>	39
<i>Turriana familia Belgica</i>	30	<i>cilie praefectus ibid. captus à Galz</i>	<i>Victoria Gibellinorum memorabilis</i>	
<i>Turrianae familiae origo</i>	ibid.	<i>lis ibid. dolosus</i>		36. 37
<i>Turriani Guelphi</i>	26	<i>Vgonis Moncatae genus</i> 188. <i>fortuna</i>	<i>Victoria Caroli II. stipenda</i>	117
<i>Turrianorum gentilitia signa</i>	31	<i>&amp; militia</i>	<i>Victorias primo impetu saepe parari</i>	
<i>Tyrannus</i> 172. <i>astutus &amp; solers</i>		<i>Vguccio Pisanorum imperator</i> 35. <i>do-</i>		110
173		<i>minus creatur ibid. in tyrannum</i>	<i>Vincentius Capellius Venetae classis</i>	
<i>Tyranni tres</i>	170	<i>euadit</i> 36. <i>Lucenses aggreditur</i>	<i>praefectus</i>	215
<i>Tyronum equitum institutio</i>	109	<i>ibid. Lucæ Princeps effectus ibid.</i>	<i>Virginus Vrsinus</i> 123. <i>Anguillariae</i>	
<i>Tyrinus antistes belli sacri scriptor in-</i>		<i>Victoria potitur ad Montecatinum</i>	<i>comes</i> 70. <i>captus</i>	142
<i>corruptus</i>	18	<i>ibid. Castruccium tollere statuit</i> 37.	<i>Virtutis vis apud Rom. aestimata</i>	8
<i>V</i>		<i>cibi vorax &amp; capacissimus ibid.</i>	<i>Vitelliorum fratrum disciplina milita-</i>	
<i>Vallis Saxina</i>	30	<i>profugus ad Canem Scaligerū. ibid.</i>	<i>ris</i>	117
<i>Vallis Saxinae argētifodinae. ibid.</i>		<i>dominatum vno prandio amisit</i>	<i>Vitellocius Vitellius strangulatus</i>	121
<i>Vbertus Pallavicinus</i>	57	<i>ibid.</i>	<i>Vitellocij Vitellij phalangis peditum in</i>	
<i>Venatio syluestrium equorū mortalis,</i>		<i>Vguccionis Fagiolani patria &amp; familia</i>	<i>Italia inuentor</i>	ibid.
<i>&amp; cur</i>	165	35. <i>Gibellinus ibid. pugnax ibid.</i>	<i>Vitiges Gothorum Rex captus</i>	12
<i>Venetiae Italiae decus</i>	11	<i>prandium</i> 37. <i>Voracitas &amp; in eam</i>	<i>Volga flumen</i>	68
<i>Venetæ vrbis primordia</i>	ibid.	<i>sconma</i>	<i>Vrbes in Euganeis ab Atthila euastatae</i>	
<i>Venetorum &amp; Ligurum laus</i> 19. <i>bel-</i>		<i>Vguccionis forte factum</i> 36. <i>effigies</i>		11
<i>la in continenti</i>	83	37. <i>mors</i>	<i>Vrsini à Columnijs superati</i>	142
<i>Vestæ Deae Virgines à Numa institutæ</i>		<i>Vlrici Ciliensis mors</i>	<i>Vsumcassanes à Turca superatus</i>	108
3. <i>annum duodecim mensium ab eoz</i>		<i>Viccomites Gibellini</i>	<i>Z</i>	
<i>dem</i>	ibid.	<i>Viccomitum familiae fundamenta</i>	<i>Zagattij</i>	68
<i>Vgo Bauarus</i>	45	<i>Victorius Soderinus auarus</i>	<i>Zemini qui</i>	125

F I N I S.

